



O MUNDO
DO LIVRO

11 - L. da Trindade - 13
Telef. 36 99 51
Lisboa

MEZA, S.T. de
C

SALOMONIS THEOPH.
DE MEZA

MED. DOCT. POLYATR. HAFNIENSIS

COMPENDIVM
MEDICVM
PRACTICVM

PER
FASCICVLOS DISTRIBUTVM.

VOL. I.

TRES FASCICVLOS. Sc.

- I. DE FEBRIBVS.
 - II. DE INFLAMMATIONIBVS ET DOLORIBVS.
 - III. DE DEBILITATIBVS ET HALLVCINATIONIBVS CONTINENS.
-

HAFNIAE,
APVD CHRIST. GOTTL. PROFT.
BIBLIOPOLAM VNIVERSITATIS.

1780.

arix




328438

ELENCHVS CAPITVM.

Cap. I. De Debilitate in genere	Pag. 1	+
Cap. II. De Vertigine	5	
Cap. III. De Apoplexia	10	
Cap. IV. De morbis-caeteris soporosis	15	
Cap. V. De comate vigili, pervigilio	16	
Cap. VI. De Paralyfi & Haemiplegia	19	
Cap. VII. De Lipothymia, Syncope, Asphyxia	27	
Cap. VIII. De Hysterica passione	31	
Cap. IX. De Hypochondriaca affectione	35	
Cap. X. De Delirio & mentis alienatione	38	
Cap. XI. De Melancholia	41	
Cap. XII. De Mania	45	
Cap. XIII. De Daeimonomania	49	
Cap. XIV. De Nymphomania	51	
Cap. XV. De Somambulismo	53	
Cap. XVI. De Tarantisimo	55	
Cap. XVII. De Hydrophobia	56	
Cap. XVIII. De oblivione seu memoriae lapfu	62	
		Cap.

* 2
+ Fasciculus tertius

Cap. XIX. De Visus vitiis	-	Pag. 63
Cap. XX. De Auditus vitiis	-	69
Cap. XXI. De Gustus & Olfactus vitiis	-	72
Cap. XXII. De Laesa & Vitiata ciborum concoctione	-	73
Cap. XXIII. De Impotentia Virili & Sterilitate	-	77
Cap. XXIV. De Uvulae ani & uteri proci-	-	80
dentia	-	
Cap. XXV. De Herniis	-	82
Cap. XXVI. De Aquis mineralibus	-	86
Formulae Medicinales	-	93



COMPENDIUM MEDICUM
PRACTICUM

P E R

FASCICULOS DISTRIBUTUM

FASCICULUS PRIMUS


D E

FEBRIBUS

A U T O R E

SALOMONE THEOPH. DE MEZA,

MEDICINAE DOCTORE ET POLIATRO
HAFNIENSI SOCIETATIS MEDICAE HAF-
NIENSIS MEMBRO ORDINARIO.



HAVNIAE,

APUD CHRIST. GOTTL. PROFT.

BIBLIOPOLAM UNIVERSITATIS.

1779.

Digitized by the Internet Archive
in 2016 with funding from
Wellcome Library



Lectori Autor.

Si tutum, etiamsi quis optima quaeque curet, se ab omni invidia liberum credere posset, nulla egeret excusatione, nulla Apologia Operum editio apud bonos. Placet autem afferre rationes, quae me ad hujus operis compositionem incitarunt. Otium nempe a praxi liberum noctibus longioribus

PRAEFATIO.

agere velle non in theatris frequentandis, aut in montibus aureis complanandis tesserarum vel chartularum lusoriarum ope; nec in confectandis Magnatum circulis, aut in quaerendo cum parasitis sodalitio apud LUCULLOS & APITIOS. Mihi enim ipsi sufficiens & ad naturae normam paucis contentus PLATONICAM coenâ coenam cum DIOGENE ad stomachi, non cum ARISTOTELE ad ALEXANDRI nutum; nec in gratia divitum assentationunculis captanda cum HORATIO dicens:

Pauper enim non est, cui rerum suppetit
usus;

Si ventri bene, si lateri est, pedibusque
tuis nil

Divitiae poterunt regales addere ma-
jus.

sed

PRAEFATIO.

fed in hominum utilitate praestanda, in dextramque tironibus studiosisque porrigenda. Licet autem vero celeberrimi quidam viri non pauci doctissime de universa medicina practica differuerint, mira tamen & infinita discrepantia quo ad morborum theoriam, quae nihil ad me, & quo ad ordinem & methodum tradendi morborum historias adest; hic praeterea illam, alius aliam omisit speciem. Tertius iterum morborum cohortem quam maxime auxit, sic ut parum emolumenti Lectori studioso capere liceat; recte autem SENECA: „Multa egerunt qui ante nos fuerunt, sed non „peregerunt, multumque adhuc restat operis, „multum restabit, nec ulli nato post multa „secula praecidetur occasio aliquid adhuc ad- „jiciendi,“ Inde enim tot audiuntur quaere-

PRAEFATIO.

lae, quibus Medicinae cultores & artis studio-
si minus sibi fatisfieri contendunt ab iis, qui
de praxi clinica scripsere seu de methodo mor-
borum medendorum. Egomet ipse fateor,
cum studiis academicis valedicerem rudeque
donarer autoribusque legendis totus me tra-
derem, de me ipso & capacitate mea dubita-
bam, dum lecta animo meo parum admodum
fatisfaciebant, cogitabam autem me auctoris
senſa non satis comprehendere. Iterum mihi
persuadebam, culpam in me solo non haerere,
quod tantam in scriptis obscuritatem inveni-
rem, sed potius illis aliquid inesse veritati in-
congruum. Unde unacum aliis desiderabam,
ut vel tandem aliquis exoriretur, qui rem
omnem dilucide expediret, ac regulas seu le-
ges practicas firmis argumentis ab experien-
tia

PRAEFATIO.

tia desumptis confirmatas demonstraret, & consequenter fidele aliquod *Compendium practicum* suppeditaret, quo tanquam Ariadneo filo artis Labyrinthos expedire liceret. Sed fefellit me hucusque spes. Interea omnem curam atque operam dedi, ut observarem, quae circa aegrotos fiunt, unde vel tandem exploratum habere coeperam, qua de causa omnia de praxi medica autorum praecedentium scripta tot obscuritatum & contradictionum nebulis involuta sint, ut Tyro Medicus dubius haereat, quo se vertat nescius inter tot practi-
corum sententias sibi invicem toto coelo oppositas: quod enim HIPPOCRATES ait, GALE-
NUS negat. Ea de causa semotis autorum scriptis, mediante accuratissima observatione, data quavis ansa singulis rebus dignoscendis

PRAEFATIO.

omne posui studium, & chartis visa mandavi, ut commentaria demum insurgerent de singulis, quae ad praxin pertinent, mei solius usui, eo consilio, ut, si quid ex observatis animo excideret, possem ex scripto tanquam ex promptuario recolligere. Nunc autem ad senium vergens, ea, quae mihi suppetit annosa praxis, sincero animo publici juris facere placet. In animo erat, ideam universae Medicinae practicae ad normam *Synopses* ALBERTI ALLEN in XVI. Fasciculos distributam edere, sed mutata sententia dein fasciculos singulos seorsimodo, & primo de febribus, quem, si Deus largiatur vitam & sanitatem, excipiet alter de inflammationibus & sic porro. Praesertim cum bibliopola ob nundinas festinaret; dum & praeterea propter negotia practica vix mihi relin-

PRAEFATIO.

relinqueretur otium hisce omnibus simul & semel colligendis, corrigendisve, quae sparsim raptimque composueram. Opus non est oscitanter in museo excogitatum, nec ex lectione librorum tantum, quantum ex observationibus inventum & experiētiis comprobatum. Observatio enim fundamentum experientiae: experientia artis basis. Inde deduxit HIPPOCRATES practicas regulas, quas posteris reliquit legum vice fungentes paucis equidem. Paucae vel nullae hic inveniuntur citationes, nisi in materia minus certa aut dubia adhuc, ubi auctoritates quid valere credidi pro mea confirmanda opinione. Disquisitiones subtiles autem, hypotheses vanas, speculationes incertas dubiasve in theoriis causarum proximarum & remotarum, in symptomatum explicationibus

PRAEFATIO.

& in indagando modum remediorum operandorum, nullas invenies quoque, utpote remorantes potius quam promoventes studium medicum practicum. Tritum enim est: *qui speculantur non medentur.* „Ars enim inquit „BAGLIVIVS ex rebus penitus perspectis plane „que cognitis, atque ab opinionis arbitrio se „junctis praeceptionibus constat.“ Ratiocinium ergo observationibus in Medicina subjiendum, non autem observatio ratiociniis accommodanda. Artem experientia facit exemplo monstrante viam. Longarum observationum praesidio Medicus instructus cum attenta librorum lectione certam tutamque methodum acquirit & in dignoscendis & in curandis morbis. Parens Medicinae HIPPOCRATES naturae ductu ad summum artis fastigium

PRAEFATIO.

stigium pervenit, quem nemo inter antiquos excedit, nemoque par inter recentiores fuit. In ipso hoc *Compendio* autem breviter atque non obscure, neque prolixè aut multis ambagibus annotantur varia genera morborum, quibus caduca fabrica humanaque fragilitas affligitur, veraeque origines & genuinae causae, morborum symptoma & congrua iisdem emendandis & amovendis praesidia. Pauca quidem sed selectiora opportuno tempore convenientique ordine administranda paucitatem selectissimorum remediorum multitudini & farragini eorundem praeferendam esse, omnes vere docti asserunt. *Compendium* inscribere placuit utpote brevissimos tantum canones continens sine ulla rei explicatione neque semper sibi invicem cohaerentes. Varia &
vera

PRAEFATIO.

vera axiomata practica annosioribus exercitatisque nota quidem & vulgaria neque illis autem scripta, satis erit annuant & conamina probent nutu.

Primum hunc fasciculum quod attinet, in eo agitur de febrium tota cohorte, de praecipuis harum symptomatibus, de remediis contra easdem heroicis praeter varia utilia scituque digna hic pertinentia apud multos scriptores desiderata. Addidi demum formulas medicamentorum mihi in praxi maxime usuales decumana experientia comprobata; non quod autor suasorque sim iis caeci inhaereant, nec citra ullum examen dictis tanquam evangeliiis adhibeatur fides, sed ut sciant, me non multis sed optimis usum esse.

Non

PRAEFATIO.

Non enim copia medicamentorum aegros ob-
ruendum, nec quadrata rotundis, ut dicitur,
miscendo ineptas formulas conscribendum,
ne derisui aut despectui pharmacopolae ma-
neat Neodoctor, qui prae indigesta remedio-
rum mole in variis scriptis repertorum nescit,
quid eligendum quidve vitandum.

Limatius cultiusque potuisset fieri opus-
culum, si licuisset per otium. Sed ad CEL-
SU mprovoco, morbos non eloquentia sed re-
mediis curari. Ad SENECAE etiam confu-
gio effatum: non quaerit aeger medicum elo-
quentem sed sanantem. Quod si HORATIUS in
Arte Metrica

Dat veniam maculis, quas aut incuria
fudit,

Aut humana parum cavit natura

certus

PRAEFATIO.

certus sum in tanta rerum difficultate, Lectorem benevolum connivere. Accipe autem Lector scriptum quo licenter audaxque numerum tractatuum practicorum auxi, & an in Tironum commodum valeant, quae in novum congeffi ordinem, judica; & si forsan, iis utere & vale; sin minus, proba voluntatem ubi defunt vires, & iterum vale.

Dabam in Museo ad 14 Decemb. 1778.




ELEN.

ELENCHUS CAPITUM.

Cap. I. De febribus in genere	Pag. 1
Cap. II. De febri ephemera	8
Cap. III. De febribus intermittentibus regularibus	10
Cap. IV. De febribus anomalis, remittentibus perniciosis & larvatis	18
Cap. V. De syncho putrida	21
Cap. VI. De febri maligna petechiali	25
Cap. VII. De febri catarrhali benigna & maligna	28
Cap. VIII. De peste & febri pestilentielle	30
Cap. IX. De cura prophylactica & praeservatoria in peste aliisque morbis epidemicis & contagiosis	32
Cap. X. De febri lenta & nervosa	36
Cap. XI. De febri lenta chronica seu hectica	40
Cap. XII. De Aphtis	43
Cap. XIII. De emeticis exhibendis in morbis acutis	45
Cap. XIV. De febri ardente inflammatoria	47
Cap. XV. De febrium symptomatibus praecipuis	50
Cap. XVI. De potu frigido in acutis	53
	Cap.

Cap. XVII. De febris erysipelacea & urticata	Pag. 55
Cap. XVIII. De febris scarlatina	57
Cap. XIX. De febris miliari & purpura	61
Cap. XX. De morbillis	64
Cap. XXI. De variolis	70
Cap. XXII. De prophylaxi adversus variolas	82
Cap. XXIII. De inoculatione variolarum	84
Cap. XXIV. De febris puerperali	90
Cap. XXV. De linteaminum & indusiorum mutatione	92
Cap. XXVI. De limitando vesicantium usu in acutis	98
Cap. XXVII. De aegrotantium & convalescentium Diaeta	109
Cap. XXVIII. De morborum crisi	114
Cap. XXIX. De signis prognosticis	116





COMPENDIUM MEDICUM PRACTICUM

PER FASCICULOS DISTRIBUTUM.

FASCICULUS MORBORUM PRIMUS DE FEBRIBUS.

CAP. I.

DE FEBRIBUS IN GENERE.

§. 1.

Febbris quia ipsa morbus, morbi saepissime symptoma, saepeque morbi effectus, frequentissime occurrit. Febris morbus in intermittentibus continuisque, symptoma in inflammationibus, effectus in fine quorundam chronicorum.

§. 2. Febris intermittens dicitur, si post aliquot horas ut plurimum cum sudore terminatur,
A redi-

reducitque post intervallum plus minus longum, sive quotidie, sive alternis diebus, sive quarto quovis die eandem ludens scenam. Si vero plena non sequitur apyrexias, & symptomata tantum remittunt, iterumque periodice exacerbantur, remittens est febris; si vero uno tenore per aliquot dies hebdomadasve durat, continua audit febris.

§. 3. Febris continua quae intra ^{II}^{mum} 15. 17. ²¹^{mum} diem terminatur, aucta dicitur, estque benigna, si symptomata mitiora, functionesque vitales non admodum laesae, cerebrumque sanum: maligna, si symptomata vehementiora, functiones vitales languidae admodum, mensque alienata continuo.

§. 4. Sunt ergo Ephemera, ephemera protracta seu plurium dierum, synochos non putrida, synochos putrida, synochos Causus seu febris Ardens, inflammatoriae omnes, de quibus altero fasciculo. Febres Eruptivae, erysipelacea, sc. Scarlatina, Petechialis, miliaris, morbiliosa, variolosa, purpuralis, de quibus omnibus autem primo hoc fasciculo seorsim.

§. 5. Febris praesentiam arguit aegritudo insolida, vix ab aegris explicanda: pulsus naturali frequentior, nec refert num calor num frigus adsit, nemo enim inficias ibit, in frigore intermittentium febrium adesse in quibusdam, infantibus praecipue, respiratio citatior & manuum tremor.

§. 6.

§. 6. Pulsus ut signum, diversus est in diversis pro varietate aetatis, temperamentis, ipsiusque febris genio; in infantibus pulsus ut plurimum frequens numeri ratione, celerque ictuum modo: distinctio in praxi non prorsus negligenda, in plethoricis est frequens & magnus; in inflammationibus ut plurimum durities quoque adest: in putridis & lentis nervolisve parvus est cum frequentia.

§. 7. Febris omnis frequentissime adoritur horripilatione, pandiculatione, dolore dorsi artuumve horrore vel frigore quae excipit calor, non raro tamen calor absque frigore praegresso oritur: quod praecipue fit in accessionibus hecticis seu amphimerinis, in algidis calor abest. Frigus & tremor in intermittentibus plerumque magis infestant quam in continuis; calor in ardentibus major intensiorve; in lentis mitior, in hecticis vix naturalem excedens. Gradus caloris non semper gradui frigoris praegressi respondet.

§. 8. Appetitus prostratio, capitis dolor, sitisque symptomata sunt a febre separabilia, neque enim semper aut in omni febre aequae adsunt; Nausea & vomitus ingruente febre subinde adest; primarum viarum statum sordidum indicans vel eruptionem futuram: aptis autem remediis sordium expulsionem facta, vel eruptione critica variolosa puta, oborta, evanescit. Diarrhoea quoque hisce neglectis, etiamque critica in febribus putridis praesentim fit. Agrypniae, deliria, convulsio-

vulSIONES non nisi in decursu febrium mali moris observantur, systema nervosum magis afficientium, propria tamen idyosencrasia quidam leviter admodum febricitantes saepe delirant, virium summa prostratio in malignis & nervosis ab initio statim, anxietates & pectoris oppressiones eruptivis propria.

§. 9. Urina fanorum simillima & naturalis fere, si non in ephamera mali ominis, ut observant practici in quibusdam malignis, clara limpidam, straminea in nervosis delirium praefagit, turbida, jumentosa in putridis apparet. Lateritia in intermittentibus, remittentibus & larvatis, plerumque sub finem paroxysmorum vel sub symptomatum remissionem emittitur, in ardentibus & inflammatoriis rubra, in lentis chronicis aut hecticis cuticula pinguedinosa & oleaginosa supernatat.

§. 10. De causa proxima febrium multum disputatur inter autores, nec nostrum est tantas componere lites: latetque adhuc forsanque semper latebit in DEMOCRITI puteo: sophistica enim acvana est speculatio, quidquid ultra limites sanguinis phlogistici vel ejusdem putredinis ascendit: quae quidem duo sibi opposita in una eademque febre, sc. in febribus putridis sic dictis observari quidam credunt, dum saepe in his inflammatio adest topica. Obiter quoque notari meretur sanguinem crusta phlogistica obductum, non semper inflammationis esse signum, neque semper per sanguinem

guinem inflammatorium inflammationis praesentiam argui. Causa ergo essentialis consistit in sanguinis motu intestino & progressivo aucto.

§. 11. Causae remotiores in aëre, in ciborum quantitate nimia vel minima, qualitate noxia; in exercitio corporis nimio vel nullo, in somno potiusve vigiliis excedentibus: in exercentis, retentis & retinendis excretis; in animique pathematibus quaerendae praeter corruptiones quasdam humorum, e miasmate cancroso, pure reorpto in phthificis, lymphaque acriori in hydropicis, quarum causae in aere, facilius epidemicae, in caeteris potius sporadicae fiunt. Vulnera etiam aliaque violentia externa inter causas febris occasionales numeranda, nec non acre mechanicum quodvis.

§. 12. Febris terminatur in perfectam sanitatem, in alium morbum aliamve febrim; sic continua saepe fit intermittens, vicissimque ex intermittente, continua; tandem morte desinit febris. Aliquando cessat febris nulla evacuatione sensibili subsequente, aliquando tamen sudore urinaeve sedimentosae profluvio, alvique fluxu, vomituve sponte critice obortis solvitur febris, nec non narium haemorrhagia & haemorrhoidum fluxu. Sudor vero in fine cujuscunque paroxysmi febris intermittens non tollit febrim. De vomitu critico ut obiter dicam non constitit mihi unquam; interdum plures evacuationes criticae concurrunt simul, interdumque non juvantes; non raro meta-

A 3

stases

stases & translationes fiunt ad parotides, vel & alii fiunt effatu digni abcessus.

§. 13. Febrim saepe sanationis causam extitisse affirmant omnes Medici; in paralyti profuisse aliquando lactus recondor. Rheumatismum febri comite citius quam sine febri sanari, non est quod dubitemus; febrim intermittentem variorum morborum inveteratorum remedium fuisse, varia praestant observata medica.

§. 14. Indicatio curatoria generalis in febribus est sanguinem mittere in plethoricis, pulsuque magno, pleno vel duro existente primis diebus, per venae sectionem semel aut pluries institutam pro re nata & symptomatum imminutione vel exacerbatione, in frigore febrili nunquam tamen instituenda raroque eidem locus in febribus lentis.

§. 15. Post venae sectionem ubi indicata primas vias a sordibus per vomitum, indicantibus nausea, orisque amarore linguaue muco tecta, vel cognito causam in cibis copiosis vel noxiis quaerendam esse; vomitoria tamen caute danda in herniosis, haemoptoicis, gravidis & ad apoplexiam dispositis, uti & ubi inflammationis suspicio. Solutio tartari emetici aquosa No. I. retractis dosibus satis tutum praebet emeticum, atqui non ita certo per superiora ac radix Brasiliensis operatur, saepissime enim alvum tantum movere compertum habeo, nec inde adeo levantur aegri in quibus vomitus indicatur, hic autem optime se praebet pulvis 2.

§. 16. Ubi vomitus non indicatur, vel & post vomitum, si eidem locus, laxans 3. exhibendum praesertim ructibus & borborygmis torquentibus; dein alternis diebus saltem clyisma 4. molle injiciendum. Si clysmatis injiciendi non datur opportunitas, siue ex parte admittentis aut applicantis, optimum laxans praebet Aq. Laxat. Vienens. cochleatim exhibita donec effectus consequitur desideratus, vel pro pauperibus, quorum crumena impar prolixo apparatusi medico, Lac sulphuris siue pulveribus 5 siue mixturis temperantibus 6 additum, egregium praestet effectum in alvo sine magno molimine solvenda. Cave tamen ne vel agyrtam vel ignorantem agas, peculiarem & olidissimum foetorem, quem excrementa hoc medicamento assumpto spirant, morbi malignitati tribuens.

§. 17. Tum requiritur & animi corporis tranquillitas, aer in quo decumbit aeger sit tepidus, potius ad frigus quam ad calorem vergens, corpusque tantum leviter tegatur. Experimentis PRINGLIANIS in castris constat, aegrosos aeri frigido expositos facilius curari quam hi, qui caute anxieque nimis in cubiculis includuntur, prudens igitur fenestrarum & januarum apertio, aestivo saltem tempore maxime necessaria.

§. 18. Remedia sint salina acida nitrosa, potus sit copiosus acidulatus, quotidie si possibile aeger e lecto eximendus per horae dimidium si vires ferant; in malignis putridis praeter laxantia repetita, commendantur acida mineralia camphora 7

cortex peruvianus, radix serpentaria virginiana, quorum formulas vid. No. 7. 8. sinapismi 9. vesicantiaque praecipue ubi coma, delirium, vel ubi vis vitae deficit. Vinum jam ab HYPOCRATE laudatum non conducit ubi congestiones ad caput ruborque faciei. Diaeta sit tenuis, abstinencia rigorosa veteribus probata, damnosa.

CAP. II.

DE FEBRE EPHEMERA.

§. 19.

Febbris non ultra 24 horas protensa, ephemera, indicatoria (*Sagar*) audit, si ad duos tresve dies extenditur, ephemera protracta dici solet.

§. 20. Incipit cum levi admodum horrore, neque paegressa ulla lassitudine sed subito corripit, post errorem commissum in diaeta & aliis rebus sic dictis non naturalibus, quod si non immediate & presso pede talem errorem sequatur, sed non nisi longo interposito tempore obrepat, ad continuas putridas referenda. Circa auroram invadere vult SAVVAGIUS; insolita defatigatio, motu corporis & aeris calore immodico hanc producit febrem.

§. 21. Ab initio tamen non ita facile dignoscitur, non enim ante paroxysmum finitum sciri potest ad continuas non pertinere, & paroxysmo

mo neque altero neque tertio die revertente, ex intermittentium genere non fuisse constat.

§. 22. Symptomata lenia utique sunt, calor tactui non molestus, pulsus magnus, mollis, urina naturalis, cocta; sudore terminatur critico, uti & aliquando hoemorrhagia, capitis dolore praecipue in hac febre torquentur virgines dum sub mensium fluxum ea saepissime afficiuntur; puerperis familiaris est, tertio a partu die vel tardius, diciturque febris lactea, non raro scenam ter ludit, minime vero confundenda cum febre puerperarum, quae ut plurimum inflammationem uteri habet comitem, de qua Angli plurimum nostro scribunt tempore deque ea alias plura. Vulneratis quoque haud rara est ephemera.

§. 23. Corporis quies, potus largus, abstinentia a cibis solidioribus, decubitus in lecto, ne eruptio sudoris critici praepediatus, ut plurimum omnem perficiunt curam, non negandum tamen dari locum saepius venae sectioni in plethoricis, laxanti vel & emetico si a crapula; temperantia in puerperis uti et in vulneratis quam maxime profunt.



CAP. III.

DE FEBRIBUS INTERMITTENTIBUS REGULARIBUS.

§. 24.

Febbris intermittens simplex, regularis, benigna, statis periodis recedit perfecta apyrexia & functionum integritate intermediis, iterumque ad certum redit tempus; si quotidie, quotidiana; si alternis diebus, tertiana; si tertio quoque die, sc. binis apyretis interpositis, quartana audit. Typus irregularior vel & recidiva per errorem diaeteticum forsitan commissum, ideam de quartanis, sextanis, septanis &c. quibusdam dedit practicis, raro enim admodum observantur legitimae & genuinae tales.

§. 25. Quotidiana pituitosis, otiosis, frigidis, debilibus, senibus & pueris familiaris, hyeme & aere nubilo occurrere praecipue solent. Tertiana intermittentium frequentissima, biliosis & calidis communis, aestati propria magis. Quartana autumnus est soboles, senioribus haud insolita.

§. 26. De causae essentialis & periodorum ratione infinitae extant hypotheses, de quibus neque otium suppeditat, neque volupe est disserere: numque ea in primis viis, pancreate, mesenterio, liene, hepate, bile; in nervis arteriisve, in impedi-
taque

taque transpiratione, Theoreticis quaerendum relinquinus.

§. 27. De occasionalibus vero liquet, familiares esse & fere endemicas hominibus qui loca paludosa & humida incolunt, ciboque duro, despecto & farinoso crudo, piscibus mollioribus plus aequae vescuntur, uti & qui fructibus aquosis utuntur & aquas palustres bibunt.

§. 28. Febris intermittens saepe sporadica, saepissime epidemica & jam a SYDENHAMO in vernalem, quae saepissime Februario erumpit mense, & in autumnalem Augusto prodeuntem dividitur, haec illa difficilior curatu.

§. 29. Initium per frigus summum & praecipue in quartanis, hocque frigoris gradu majori fere a prima accessione, intermittentem a febribus licet distingui continuis, in quotidianis tamen frigus non adeo intensum; intensiusque iterum in iis, quae circa autumnum, quam quae circa ver fiunt. Solent vero saepissime & inprimis autumnales ut continuae adoriri, donec paulatim in perfectam abeant intermissionem, aliquando vero metus incidit ne reapse continuae evadant & accessionum anticipationes, dum sc. singuli paroxysmi duas tresve horas anticipant.

§. 30. Frigus autem pari passu cum artuum tremore procedere solet. Tremula est in primis maxilla inferior & dentes saepe magno cum stridore colliduntur. Tremores quotidianos sine frigore aut calore

calore infrequentibus vidi olim, *corice* feliciter sanavi.

§. 31. Frigus insequitur calor plus minus intensus, neque semper frigoris gradui respondens; in tertianis calor est intensior & subinde ad octodecim extenditur horas, singulique patoxysmi ut plurimum sudore terminantur, quem sequitur status apyrexiae plenariae, ita ut aeger commode valeat sanusque habeatur ad insequentem insultum: nisi quod nox accessionem antecedens non adeo pacata & tranquilla sit.

§. 32. Urina in frigoris tempore emittitur clara & limpida: in calore rubra: in fine paroxysmorum sedimentosa & lateritia saepissime.

§. 33. Febres intermittentes caeteris paribus, continuis minus periculosae sunt; in frigore ubi pulsus est exilissimus subinde syncope pereunt. Contigit mihi videre senem septuagenarium tertio quartanario paroxysmo sic periisse. Saepius existunt remedium aliorum morborum chronicorum. Summus Mathematicus DE LA HIRE, quartana liberabatur a molestissima cordis palpitatione & ad summam dein sanissimus vixit senectutem. Alii febri intermittente ab epilepsia, lepra, varicibus sanati sunt.

§. 34. Non conducit ergo febrim intermittentem statim curare velle, quin & constitit, nimis cito suppressam aut male curatam plurima mala abusive remediis tributa post se relinquisse; refractaria quoque post se trahit oedemata, ventris infimi obstru-

obstructiones hydropesque. Maniam vidit SYDENHAMUS post quartanam, ego autem post tertianam dum patrios adhuc incolerem lares; iëterus confectarius feбри tertianæ subinde, criticum indeque febrim sponte solutam vidi. Saepe recidivæ fiunt intermittentes, victus ratione neglecta, nec satis diu febrifugis usurpatis. Brevis durationis autem fore indicant ulcuscula circa labia, & pustulae circa nares sponte erumpentes; critica evacuatione, hæmorrhagia aut scabie cessasse uti perhibent nondum vidi. De metastasi facta ad oculos, coecitatem absolutam inducente, feбри ante tempus *cortice* suppressa habui exemplum in rustico, cui ope salis armoniaci ad 3⁸ sexies de die exhibitam, & visum restitui & dein brevi febrim fugavi, cujus motus, reciprocis quamvis irregularibus accessionibus & post *corticis* usum & post visum amissum subinde sentiebat. Vide sis dissertationem inauguralem filii dilectissimi, eheu morte praematura & mihi & omnibus bonis sublatis, quæ inscribitur: *Animadversiones Februm intermittentium Therapeiam concernentes*. Butzowii ad 30 Junii 1777. ab ipso autore publice defensam.

§. 35. Quo apyrexias tempus longius eo facilius curatur febris; quo brevius eo difficilius; inde quotidiana cæteris paribus difficilior curatu quam tertiana; haec iterum difficilior quam quartana, quæ olim opprobrium dicebatur medicorum.

§. 36. Cura autem pro triplice stadio hujus febris variat, in frigore autem æger lecto committen-

mittendus, stragulisque modice tegendus in aere probe calido, bibatque potum tepidum vinosum modica quantitate, non una vice aut semel & simul stomachus nimio potu replendus, anxietates nam inde augentur.

§. 37. In hoc stadio V. S. omnino damnatur, in calore autem quamvis per se numquam curat febrem intermittentem, sine piaculo ommitti non potest, si capitis dolor magnus, ubi adest delirium, cum pulsu magno durore, nec non in iis, quibus febris intermittens causa, in neglecta sanguinis missione consueta quaerenda, unica venae sectioni curavi olim tertianarium, in quo febris allatae causae adscribenda erat; ergo & in gravidis & in plethoricis subinde necessaria, in hisce autem necessitate minus urgente apyrexias tempore melius instituitur. Sudor in ultimo stadio optime sustinetur potu aquoso calido, leniter aromatico, infuso sc. Flor. chamomil. 62. vel similium theae vulgaris in morem epoto.

§. 38. Venae sectione praemissa, vel omissa ubi non necessaria, si nausea, oris amaror, linguae fortities, cacoehylia, hypochondriorumve tensio urgent. emeticum No. 1. 2. propinetur aliquot horis ante paroxysmum futurum: saepissime alio non usus sum remedio in curandis febribus intermittibus, sporadicis saltem, imo frustra aliis & quidem satis diu cortice peruviano tentatis, post assumptum emeticum brevi febrem cessare vidi.

§. 39. Purgantium potiusve laxantium N. 3. 4. usus frequentius indicatur per borborygmos, ventris inflationem, lumborumque dolores; hae quoque diebus a febris vacuis tutius exhibentur, iisque via paratur specificis febrifugis dein; inde non raro bis vel ter propinanda saltem ante corticis usum.

§. 40. Cur vero non conducat statim primis accessionibus ut 34 dictum febrim specifico suppressere, neque antiquis *cortex* innotuerit, varia tentata fuere nec prorsus inutilia in hac febris domanda vel ejus materia corrigenda. Sic vernalis V. C. non semper specificum poscit vegetabile; ideo & usu venit ad tertium quartumve paroxysmum, diebus ab emeticis & purgantibus liberis quaedam alterantia sic dicta pro tempore saltem dare. Sunt autem salia media quam maxime proficua, quae locum & usum habent praecipue in cacochymicis colore bilioso per totum corpus diffuso, formula talis extat. Salia fixa alcalina quoque, ut sal absynth. sal ammoniacum de quo §. 34. item mercurialia; sulphur auratum antimonii tertiae praecipitationis, de quibus cum extractis amaribus pilulas No. II. componere licet, in referendis obstructionibus rebellibus nunquam satis laudandas.

§. 41. Laudantur quoque amara roborantia, qualia sunt chammomilla romana, absynthium vulgare, radix gentiana, contrayerva, summitates centauri minoris, floresque arnicæ a *Collin*, lignum
quas-

quassiae aliaque in pituitosis & forsan in febribus vernalibus haud prorsus contemnenda; in gravioribus & autumnalibus si non inutilia, certe inefficacia reprehenduntur.

§. 42. Sudoriferis etiam curari febrim aliquando contingit, leviolem nempe ab impedita forsan transpiratione ortam aut vernalem. Antipyreticon BOERHAVII ipsum in autumnalibus fallax reperi; ejus formula habetur No. 12 & 13.

§. 43. Diuretica nihil efficiunt nec non adstringentia, nisi in quodam casu forsan peculiari. Nux vomica & arsenicalia e foro medico rejicienda, uti et narcotica; item piper contusum in Spir. vini rusticis & plebejis familiare, inflammationem aut febrem ardentem enim inducit saepius.

§. 44. Omnibus autem palmam praeripit & specificè conducit omnibus temperamentis aetatibusque divinus *cortex* in debellandis febribus intermittentibus, evacuationibus necessariis prius institutis post aliquas accessiones scilicet, paroxysmum post exhibitum corticem vehementiorem subinde vidi. Verum enim vero insequens non redibat insultus. Vidi quoque febres intermittentes simplices & benignas adeo obstinaces ut cortici non cederent; num ex remedii inefficacia, num ex aegri peculiari idyosyncrasia? semoto autem corticis usu, sponte cessabat febris.

§. 45. Methodus corticis exhibendi hodie omnibus innotescit in substantia ad 3ß omni bihorio apyrexias tempore exhibitus, optimè valet; dolent-

dolendum tamen quod a quibusdam non bene feratur, iisdem infusum vinosum 14. dandum, quo tamen non tam citius febris abigitur. Quibusdam diarrhoeam excitat *cortex*, si autem cum paucopii 15. maritatur, hoc incommodi praecavebitur, e contra aliis alvum nimis constipat; hisce docente Meadio, testeque experientia rhabarbari aliquot grana singulis praebiis optimo jungitur cum effectu, aliter catharsim exhibere brevi post debellatam cortice febrim, eandem evocare erit, in debilioribus cortex cum liniatura martis 16. bonum iniit connubium; enemata 17. & fomenta corticis peruviani 18. abdomini applicata in infantibus valent. Sed intestina prius uno alterove clysmate eluenda, terque ad minimum de die clyisma febrifugum injiciendum, si quid boni inde sperandum. In usum corticis per quatuor aut quinque septimanas insistendum ad tria saltem praebia singulis diebus.

§. 46. Diaeta in paroxismo sit tenuis, potus sit aqua, cui panis tosti frustum fuerit infusum; extra paroxysmum, alimenta duriora, lacticia & pisces molliores vitentur: haustus vini conceditur; corpus modice exercendum, somno longiori vires a febre detritae erigendae, refocillandae. Animi affectus sint moderati & ad hilaritatem, quantum possibile, gratis confabulationibus aegrum disponant amici ac familiares.

§. 47. De prophylaxi etiam quaedam monenda essent, sed febrim praecavere non curant homines,

mines, nisi forsan qui ea laborarunt verno vel autumno tempore. Circa idem tempus prophylaxis ergo sit, rhabarbaro bilem evacuare, emetico sordes primarum viarum expurgare, diaeta uti sicciori potuque vinofo. Observatur enim eos, qui spiritum vini subinde bibunt, non ita facile feбри intermittente obnoxios esse, tum & aliquot praebia corticis usurpanda.

CAP. IV.

DE FEBRIBUS ANOMALIS REMITTENTIBUS PERNICIOSIS ET LARVATIS.

§. 48.

Febres anomalae dicuntur intermittentes duplices sive quotidianae, sive tertianae, dum scilicet uno eodemque die duplicem habent aegroti paroxysmum, ut videantur ex duabus febribus intermittentibus componi. In tertianis duplicibus accessiones quoque fiunt singulis diebus, sed accessiones alternis diebus sibi invicem respondent: idem est de quartanis duplicibus & triplicibus si revera existunt.

§. 49. Remittentes quae & subintrantes dicuntur & in quibus perfecta non sequitur apyrexia, sed remissio tantum caloris & aliorum symptomatum sine subsequente sudore, quaeque iterum
abs-

absque frigore sensibili praevio statim insurgunt temporibus.

§. 50. Erraticae audiunt febres quae nullum typum quoad horam invasionis sive accessionis decursum servant. Species frequentissime occurrens est Hemitriteia seu semitertiana, in qua exacerbatio alternis fit diebus per horrorem & rigorem iterumque diebus intermediis exacerbatio fit levi tantum refrigeratione, cognitu difficilis satis, difficiliorque curatu adhuc. Urina lateritia, pathoque nōmonicum signum in remittentibus & larvatis si adsit. Verum enim vero nec semper adest.

§. 51. Perniciosae sunt, si cum affectu lethargico, comatoso, apoplectico, carotico, aliove pathemate soporoso aggrediuntur a multis observatae sed praecipue a TORTI, WERLHOFIO descriptae. Cum syncope, spasmis & convulsionibus annotatae praecipue sunt a CASIMIRO MEDICO. Tempus autumnale harum febrium quam maxime ferax.

§. 52. Causa essentialis harum febrium ponitur ab omnibus, praesertim autem a PRINGLE, CLEGHORNIO, MEDICO, & GRAINGERO in copiosa acriorive bile, occasionalis vero aestas nimis sicca & calida. Subita mutatio a calore aeris ad frigus: solum humidum, exhalationesque tales & putridae a LANCISIO quam maxime ad occasionales adnumerantur causas.

§. 53. Ad therapeiam quod attinet, in remittentibus biliosis praecipue emetica indicantur, ut copia bilis minuatur. V. S. quam maxime necessaria & quidem in vigore febris & in hisce & in sic dictis perniciosis, ut inflammatio praepediatur & via cortici pareatur, dein quantocius cortex exhibendus & quidem secundo paroxysmo, vel altera exacerbatione superata; est enim unicum ac indispensabile remedium in omnibus hisce affectibus, vesicantia vero in soporosis convulsivis & delirio non negligenda.

§. 54. Non tantum valet cortex tanquam specificum & unicum fere in intermittentibus & remittentibus, sed & in larvatis: quae se declarant peculiari quodam symptomate periodice redeunte cum vel sine febris aut calore sensibili, v. g. tussi convulsiva, quinta hora matutina, quotidie insurgente, uti vidit *Snae*, aut singultu, haemorrhagia, haemoptoe, dolore colico, cordis palpitationibus, affectu pleuritico, rheumatico topico, diarrhoea, dysenteria, vomitu &c. vel & ophthalmiae specie & coecitate perpetua, uti perhibent alii. Digni indicis tumorem alternis diebus insurgentem vidi ipse, cephalalgiam quoque singulis annis redeuntem circa decimam matutinam periodice ingruentem, quoque vidi. Cortex utroque in casu remedium fuit. Nyctalopiam, salivationem, choleram, insaniam, delirium periodicum viderunt alii.



CAP. V.

DE SYNOCHO PUTRIDA.

§. 55.

Febbris continua per plures dies non raro septimanas sine exacerbationibus aut remissionibus saltem sensibilibus admodum, nisi circa horas vespertinas, sicque pergens usque ad ultimam & integram sui cessationem, quae fit ut plurimum circa septimum, nonum diem; alteram vel tertiam septimanam, synochus putrida audit.

§. 56. In initio plerumque adsunt rigor, lassitudo, sitis, vigilia, cephalalgia, lumbago, membrorum dedolatio, quae aliquando per aliquot dies ante febris ingressum sentitur, tunc nausea saepe & vomitus, lingua fordida muco albo obducta, oris amaror, saporque ingratus. Morbi decursu haec omnia augentur, novaque insequuntur, delirium sc. asaphodes, phrenitis, motus convulsivi: pulsus interdum magnus & subdurus, saepissime vero celer, parvus ac debilis, urina turbida jumentosa vel rubra & pauca.

§. 57. Causa essentialis a quibusdam ponitur diathesis sanguinis phlogistica: aliis vero & quidem rectius quaedam acrimonia sanguinis corruptionem & dissolutionem inducens. Diaeta carnea absque vegetabilibus, esus piscium copio-

fus, aetas humida & pluviosa, miasma contagiosum inter occasionales numerantur causas.

§. 58. Obnoxii manent prae caeteris huic feбри juvenes, sanguinei, & plethorici. Si vero epidemice grassatur, nulli parcit aetati aut temperamento, frequentiusque tamen viros quam foeminas ea corripere compertum habeo.

§. 59. Critice terminatur saepius per sudorem, diarrhoeam biliosam, quae vero evacuationes statim ab initio morbi abortae nihil juvant: tum per urinam sedimentosam, hypostaticam, neque raro exanthematum circa 11^{mum} diem, eruptionem. Haemorrhagia critica salutaris vix speranda in humorum dissolutione, secus vero in spissitudine inflammatoria. Metastasis saepe fit ad glandulas inguinales & parotides tumentes & suppurantes, tuncque magnam & diuturnam post se relinquit imbecillitatem.

§. 60. Motus criticos fieri a septimo die alternis diebus ut plurimum observavi; atqui si tunc temporis virium prostratio major, quae in hisce febribus tanta saepe ut statim ab initio Leypothimiis se prodeat: tum & mentis alienatio, somnus nullus, aut valde turbatus; nulla cura de iis quae cordi prius erant, oculi lacrymantes & lucem fugientes, luctuosi; lingua aspera & nigra, nec desiti ulla sensatio; respiratio difficilis & anxiosa; pulsus debilis tremulusque; hypochondriorum tensio, meteorismus; excretiones alvinae, involuntariae, nimis olentes, inquietudo, membrorum ja-

ctatio

ſtatio continua; lectum continue mutare velle, pedum denudatio; floccorum collectio: decubitus refupinus in dorfum cadaveris ad inſtar, oreque hianti in non aſſuetis ſic ſtatu ſano, convulſiones adſunt, urina emittitur pauca, in magno diſcrimine verſatur æger, neque induciis ſubitis fidendum, dum ſi æger prius inquietus & delirans ſubito fit mentis compos & tranquillus magis; mors enim januas puſat.

§. 61. Vermes vivi ſponte prodeuntes, veſicantia aut operantia, aliaque probata remedia nullum effectum edentia, malum; non vero lethale perpetuum. Vidi autem aliquando homines debiliſſimæ conſtitutionis & facile movendos per alvum, a continuo uſu lactis ſulphuris in hac febris nullam habuiſſe ſedem; indeque mortem prædixi, quam eventus ſæpiſſime comprobavit.

§. 62. Venæ ſectio nocet in hac febris, niſi forſan in initio ſemel inſtituta, ubi pulſus magnus & durus, faciesque rubra, emetica magis indicata ſunt, uti & cathartica ex lenioribus ſæpe jam indicatis. Alvus alternis diebus clysmate eluenda, ſi clauſa præſertim quod præcipue fit, ſi aliquid latet inflammationis topicalæ, in putridis prorſus vero, alvus potius ſoluta eſt. / Ut autem hic obiter dicam, quid valeant clysmata ex ære fixo in putridis, uti placet anglis medicis, non auſim dicere; eſt enim praxis non commode a polyatris inſtituenda, & vix in noſodochiis tantum poſſibilis. Sinapiſmi in delirio phrenitico veſi-

catoriis cum *QUARIN* praefero: in soporosis deliriisque obscuris haec illis anteposenda; vinum synocho laborantibus putrida concedendum quo delirium minus ferox, aut congestiones ad caput minores. Camphora bene audit ubi pulsus nimis debilis. Cortex peruvianus evacuationibus necessariis institutis in decocto cum acidis mineralibus No. 7. 8. omnem adimplent paginam.

§. 63. Aer quotidie renovandus per ventilabrum aut fenestram caute apertam per horae dimidium adductis prius cortinis circa lectum aegrotantis tempore hyemali sc., aestate vero noctes atque dies januae atque fenestrae pateant, praeterea vapore aceti, vel etiam aqua frigida pavimento inspersa emendetur vel refrigeretur aer cubiculi; sordes & impuritates aut excrementa, statim amoveantur; hominum frequentia vitanda circa aegros, indusia madida squalida caute saepius mutanda; si exanthemata adsunt aut aeger sudat, magna requiritur cautela in lintheaminum mutatione, indusia induenda sunt probe sicca & tepida; Potus frigidiusculus acidulatus summo opere conducit, praesertim ubi nulla inflammationis indicia; fructus horrei maturi semper profunt; poma & pyra cocta hyeme commendantur, uti & Rob ribesiorum potibus admixtum.



CAP. VI.
DE FEBRI MALIGNA
PETECHIALI.

§. 64.

Synoches putrida symptomatibus perniciosis stipata, saepeque adeo dolosa, ut inde nomen malignitatis contraxerit haec febris; est summe contagiosa, cum maxima animi dejectione subitaque virium prostratione obrepit, pulsus est debilis inaequalis, lingua sordida, albida mucosa, dein aspera & nigra, nec nisi tremula exeritur. Lotium in initio saltem a naturali vix differt, calor non multo ad tactum saltem naturali major.

§. 65. Saepe per aliquot dies aegri iisdem afficiuntur symptomatibus, neque credunt se male admodum habere, cum ut plurimum suis negotiis vacare utcunque liceat; sed demum nausea, vomitus, neque raro diarrhoea biliosa oritur, cum leipothimia mali valde ominis; obscure delirare incipiunt, furdique fiunt, quod vulgo bene accipitur, atqui confunditur cum critica furditie quæ subinde in fine morbi fit, quantoque die saepius, aliquando tardius erumpunt maculae lividae nigrae culicum moribus similes, planae non elevatae, petechiae dictae, quae, ut obiter dicam, non semper argui sanguinis dissolutionem,

sed & cum sanguine phlogistico & inflammatorio occurri, cum HAENIO multoties compertum habeo. Vibices maculaeque latiores tristes funestique augurii sunt, symptomata caeterum est eruptio, nec inde levantur aegri; conspiciuntur in dorso, pectore, cruribus & brachiis, raro si unquam in facie.

§. 66. In hac febre genus nervosum praecipue afficitur, unde morbo incrementum, singultus, tendinum subsultus, convulsiones, phrenitis oriuntur; uti & aphthae & circa septimum, nonumque diem vel & serius mors. Si vero nonus superatur dies, surditasque oritur tunc, palpebrae crusta quasi obliniuntur; spes maxima salutis affulgit. Ptyalismus quoque frequentissime cum aegri euphoria, si vero nasus acuminatur, oculi retrahuntur, extrema frigent, sudor fluit viscidus; maculae retrocedunt ob summum virium lapsum, maximum adest vitae periculum.

§. 67. Aer humidus tepidusque simul, moeror diuturnus, injuria in pectore sensibili aliquandiu sepulta, alimenta alcali praedita, sine pane aut acido saepius ingesta, causae occasionales; solutio sanguinis vel ejus maxima ad putredinem propensio, ut proxima & genuina morbi ponitur causa.

§. 68. Vene sectio ideo non nisi cautissime instituenda & si unquam in initio tantum in valde plethoricis, praesertim ubi pulsus durus, pulmones oppressi, anxiaeque respiratio, neque tum
mul-

multum de debilitate apparente solliciti erimus, ut semel saltem institutatur pro tempore.

§. 69. Emesim quoque ex nausea, orisque amarore indicatam, ubi nulla inflammationis internae criteria, morbo ingruente movere ex arte est; ubi vero petechiae citius erumpunt, si altero jam morbi die, non adeo tuto fit: corruptio enim sanguinem jam aggressa est.

§. 70. Laxantia hic quam maxime necessaria & quotidie usurpanda, ut saburra e corpore eliminetur putrida. Nam petechiae uti recte STRAK, est miasma putridum, putribus e rebus in infimo ventre stabulantibus ad peripheriam corporis propulsum; non autem quadrant hic drastica, sed manna, cremor tartari, tamarindi, aqua laxativa, & pro pauperibus lac sulphuris repetitis dosibus datum quam apprime conducunt.

§. 71. Quin & prophylactica in sanis vel in iis qui insolito more debiles, animo dejecti, membrorumve lassitudine, ciborum inappetentia & somno inquieto afficiuntur, est medicina, rhabarbarum cum cremore tartari 19. quotidie assumptum.

§. 72. Si pulsus languidus nimis & depressus plus justo in hac febre, elevandus liquore alcalino cum acido No. 20. apta dosi bis vel ter de die data; tum paretur quoque decoctum corticis saturatum, cui adde rad. serpentariam, camphoram & spiritum Mindereri ex aceto stillatio & sal volatile

latili ammoniaco paratum. 21. Vitentur hic nitrofa. Si delirium obfcurum vel affectus comatofus adfit, veficantia dorfo & furis applicanda lata: in phrenitico autem delirio nitrofa cum camphora aliis calidis praeferenda. 22. Plantis pedum tunc adhibendae fomentationes ex aqua & aceto calide quæ & finapismis nedum veficatoriis præferuntur; hyrudinum applicatio & in phrenitide & in affectu comatofa laudatur, optatum vero non femper præstitiffe effectum expertus doceo. In dentium ftridore, convullionibus, fingultu, mofchus orientalis vel in fubftantia vel decocto aliisque mixturis mixtus 23. ad femi fcrupulum aliquoties de die exhibitus bonos delideratiffimosque mihi faepius præstitit effectus. Cæterum, acida hic omnino non omittenda.

CAP. VII.

DE FEBRI CATARRHALI BENIGNA ET MALIGNA.

§. 73.

Febri catarrhalis benigna præcipue ab aliis febribus distinguitur continuis, vespertinis exacerbationibus, cephalalgia, gravedine capitis & oculorum, coryza, tuffi ficca, moleftoque in naribus, faucibus, pectore & lumbis fenfu, & horripilatione.

§. 74.

§. 74. Ut plurimum sudore, destillatione e naribus & excretionem pituitæ e bronchiis, nec non urina sedimentosa, circa tertium, 5tum, 7mum, 9num, 14mum, diem solvitur.

§. 75. Causa proxima & succus acris in glandulis præcipue stagnans, ex perspiratione impedita, corporis refrigerio in aere humido & frigido, specificè vere & autumno: dum cito nimis vestes hyemales deponuntur, nimisque tarde iterum induuntur, quod SYDENHAMO jam observatum, dum ait plures hac causa quam peste & gladio mori.

§. 76. Raro quidem periculosa admodum hæc febris neque magno artis aget molimine pro ejusdem curatione, raro enim, ob leviolem calorem, mitioraque symptomata, venae sectione aut purgantibus opus. Leniora temperantia, nitrosa, diaphoretica 24. omnem adimplent paginam.

§. 77. Hæc ipsa febris adeo mitis tamen, ex calidiori regimine sæpius, interdumque sponte maligna evadit secum ferens omnia malignitatis criteria, si petechias excipias. Inde a quibusdam febris petechizans audit; uti febris variolosa sine variolis; dysenterica sine dysenteria a SYDENHAMO tradita. De ejus autem decursu, methodoque medendi, nihil est, quod addam febri petechiali, Cap. 6. descriptæ, cum qua omnino convenit; nisi quod pro tussi lenienda, pectoralia leniora in usum vocanda, 25. tussis ferina aliquando

do opium 26. postulat, nocturno præsertim tempore.

CAP. VIII.

DE PESTE VEL FEBRI PESTILENTIALI.

§. 78.

Contagium celerrimum, non tantum per contactum, aërem communem, sed & vestes adhibitæ quamvis locis allatas, sese communicans & sæpissime initio saltem uno extinguens momento sanissimos quosvis in platea versantes homines pestis seu pestilantia vocanda.

§. 79. Nostris oris vix in seculo Dei benevolentia apparet: e contra in Africa, Aegypto, Turcarumque regno, aliisque regionibus calidis omni sexennio vel septennio sæpissime grassatur; hyemis frigore mitescere solet.

§. 80. Frequentissime sine febre oriri asserunt Loriniatri, oborta vero febre, quamque pestilentialem vocant, quæque non nisi morbo aliquantisper jam mitescente fit, omnia symptomata febris putridissimæ secum adducit; quibus præterea adduntur sanguinis eruptiones variæ, antraces sive carbunculi gangrenosi bubonesve, erumpentes præsertim in hisce, qui a vi morbi non
statim

statim enecantur, petechiae carbunculis ipsis deteriores habentur, deficere enim videtur naturæ vis ad expellendum & deponendum virus. Ideo in peste fere semper mortis præcursores habitæ fuere.

§. 81. Cum vero de morbi essentia inter pestis scriptores disputetur, hic enim sanguinem phlogisticum, hic iterum dissolutum ac putridum accusat, variant quoque in medendi ratione. Inde sanguinis missio a quibusdam magnis extollitur encomiis, ab aliis iterum quam maxime damnatur. Forſan pro varietate symptomatum in pulsus duritie vel mollitie observatorum, utrique recte iudicant: emetica enim ob inflammationis metum non nisi caute adhibenda. Methodus sudorifera a DIEMERBROEKIO, SYDENHAMO, WILLISIO commendatur. Antraces & bubones quantocius ad suppurationem deducendi atque aperiendi, alvus libera non laxa servanda; cardiacis, vino rhenano, camphora & cortice peruviano vires sustinendæ, ut natura sufficiat veneno expellendo. Hæc breviter annotari placuit ut ideam darem diri morbi nostris regionibus per Dei gratiam minus familiaris. Qui plenariam de eo desiderant historiam, adeant velim Loriniatros DIEMENBROEK, SYDENHAMUM, sc. & DE HAEN, qui operosius collegit omnia, quæ de hoc morbo varii scripsere autores.



CAP. IX.

DE CURA PROPHYLACTICA ET
PRAESERVATORIA IN PESTE ALIIS-
QUE MORBIS EPIDEMICIS ET
CONTAGIOSIS.

§. 83.

Non tantum medici est morbos præsentis curare, sed & futuros quantum potest bono regimine evitare aut avertere & homines reipublicæ sanos conservare bonis consiliis, hocque est munere boni civis fungi, dum utilitate hominum nihil debet esse homini antiquius.

§. 84. Prophylaxis ergo in morbis epidemicis duplex censetur & politica & medica. Ad priorrem attinet ut plateæ sæpius a cæno & luto repurgentur, assidueque ab animalibus, felibus canibusve mortuis noctu asportandis vendicentur, insalubria sunt enim talia effluvia, neque semper fidendum narrationi quam habet ALEXANDER BENEDICTUS, tetrum odorem sc. canum interemptorum, per vias & per vicos suadente medico abjectorum in pestis remedium Sarmatis cessisse. Cadavera demortuorum noctu quoque solito citius, ante putrefactionis nempe signa, inhumanda.

§. 85. Vestes etiam mercesque lanea aliaque extinctorum bona, alte defodienda non cremanda;
per

per fumum enim spargitur contagium. Non autem probatur hodie mos ignes accendendi in plateas ad aerem purificandum ab antiquis commendatus, experientia enim constat, calore miasma potius propagari quam extinguui: frigus etenim antidoton maximum pestis. Domus quoque peste extinctorum non claudendæ ut antiquis solemne; sed diruendæ si possibile, alioquin probe repurgendæ, calceque denuo dealbandæ & apertæ undique relinquendæ, ne miasma diu inclusum, ex prima domi apertione, qua data porta denuo morbum jam extinctum revocet.

§. 86. Ad alteram, medicam sc. prophylaxin pertinet, quod dies atque noctes pateant fenestræ domi cubiculorumque ægrotantium, ut vis miasmatis aere continuo renovato, minuatur castreturque. Serventur etiam quam maxime nitidæ ab omni impuritate, excrementis, & lotio. Relinquamus quibus placet olfacere latrinas aut ovile stabulum & fugandæ corruptioni aeris idoneum deprædicare remedium. Amoveantur ergo statim excrementa, vasaque in quibus deponuntur aut exportantur aceto eluenda, pavimenta quoque sæpius de die aceto inspergantur.

§. 87. Custodes ægrorum, medici uti & cæteri, qui ægros adire debent, manus inungant oleo, facieque aversa ministrent ægris, os colluant aceto fortissimo, retineantque in ore spongia aceto bezoardico prophylactico 27. imbuta; salivam continuo expuant, mastigentque sæpius

radicis pimpinellæ albæ, camphoræ myrrhæve frustulum. Manus, faciem omnesque corporis partes nudas aceto abluant sæpius de die; in ægrotorum atmosphæra nihil edant aut bibant.

§. 88. Ad medicos præcipue pertinet, ne accedant ægros nimio motu exagitati, aut sudore perfusi vel jejuno stomacho, neque exeant domo mane nisi pransi panem cum butyro, superque bibendo haustum vini cujusdam acidi, rhenani puta; nec sedant diu ad lectum, aut super arculam in qua sella perforata, & excipulum reconditur, nec pileum lecto aut eidem arculæ impo-
nant, inde enim dysenteria affectum fuisse affirmat de se ipso TRALLES.

§. 89. Cæterique omnes in una degentes urbe, diæta utantur acida, fructibus horæis maturis sive coctis vescantur. Potus sit posca seu acetum cum aqua; Limonada, Punch, vinum rhenan. Cremor tartari usus quam maxime recommendatur, carniū esus, anatis, anseris porcive & pinguedinis vitandus. Non assueti præcipue tabaci fumum per fistulam hauriant. Hoc modo seu regimine se liberum a peste mansisse ait DIEMERBROEK.

§. 90. Animus sit hilaris, neque timori neque aliis pathematibus vividioribus pronus. Coitus, commestationes, pergræcationesque, nec non ebrietas summe noxia. Caveant sibi sani ab ambulationibus nocturnis neque incautos feriant matutina & nocturna frigora perspirationemque inhibeant. Vestes feligant potius sericas quam laneas;

neas; quotidie hæ fumo sulphuris & aceto irrorentur. Ad minimum morbi ingruentis indicium emeticum assumatur.

§. 91. Balnea frigida, vel saltem corporis frigida lavatio commendatur a RHASI infantibus variolas nondum passis in epidemia variolosa, ergo & in aliis epidemiis valere possunt: frigore enim corpus, visque miasmatis contagiosi quam maxime castratur. Venæ sectiones prophylacticæ non nisi caute instituendæ si plethoræ indicia. Cathartica quoque vitanda & alvus forsan cremoris tartari usu quotidiano libera non laxa servanda; ulcera artificialia, fonticuli sc. in brachio & in crure ab omnibus Loimiatrix laudantur. Inter medicamenta ab Anglis præcipue & pro pestis & pro variolarum prophylaxi commendatur cortex peruvianus cum nitro & camphora ad aliquot præbia de die; quin & amuleta ex camphora secum portata, vel collo aut thoraci appensa in iisdem valere creditur.

§. 92. Cæterum nullum certius tutiusque prophylacticon quam fuga si possibilis, qualis sequenti continetur versiculo:

Hæc tria tabificam tollunt adverbio pestem:
mox, longe, tarde, cede, recede, redi.

Omne commercium enim sanis cum ægrotis interdendum, nec nisi fero cum convalescentibus concedendum, post sex septimanas scilicet a morbi omnimoda cessatione. In variolis aliisque morbis eruptivis infectio quam maxime fit post ex-

ficcationem & cutis desquamationem; idque ad quartam extenditur septimanam, totque igitur sibi caveant a contagio variolas nunquam antea passi neque convalescentes adeant, aut vestes eorum contrectent.

CAP. X.

DE FEBRI LENTA ET NERVOSA.

§. 93.

Febrium lentarum duæ dantur species, nempe acuta altera de qua hic, altera chronica de qua mox agetur. Acutam quod attinet, si modum invadendi primis diebus vix sensibilem, si symptomata calorem nempe, naturale non majorem fere, pulsum debilem atque celerem, si ejusdem durationem ad tertiam septimanam & ultra non raro spectas, facile cum febris putrida maligna confundi potest. At distinctionem faciunt pallor faciei & genarum rubor fugitivus. Capitis dolor in parte posteriore potius quam in anteriore percipiendus, delirium obscurum, murmur potius, totius morbi decursu, uti & urinæ limpidae continua excretio, cum sudore viscido frigidoque circa frontem.

§. 94. Si causam morbi proximam & essentialem spectas, differentia & distinctio apparet quam
maxi-

maxima: in febris putrida enim sanguis denuitate & dissolutione peccat nimia, in febris nervosa vero solidorum datur atonia, & laxitas, cum humorum lymphaticorum & nervosorum depravatione.

§. 95. Debiles ergo sive natura, sive morbis prægressis, evacuationibus repetitis, studio nimio aut labore exhausti, diuturno & tacito mœrore affiçti; febris nervosæ præ cæteris obnoxii manent.

§. 96. Morbus obrepit cum pigritie insolita, horripilationibus continuis, repentino calore, languore universalî, animi dejectione & tarditate; gravedine, cephalalgia, vertigine, nausea & vomendi conatu fastidioque, quæ omnia interdum mitia satis circa vesperam increscunt: pulsus est celer & parvus, respiratio difficilis nec raro anxiosa, pallor inest faciei. Primis diebus, quinque vel sex puta, sic se habet æger, neque putat se ægrotare, neque tamen recte valere.

§. 97. Post hoc tempus somnolentia vexatur assidua, somno licet haud sequente & quamvis interdum adstantibus dormire videtur, rem sic non se habere constanter affirmat æger. Genis rubentibus pulsus ictus accelerantur, dum interim nasi apex & aures frigent, fronsque sudore madet frigido, lingua parum a naturali abludens statu, levi mucosa obducitur crusta.

§. 98. Circa nonum diem capitis dolor acutus, susurrus cum aurium tinnitu, anxietas &

pectoris oppressio, lingua rubra, arida, fissa, nec tamen ulla de siti querela, debilitas magna, nec se erigere valet in lectum nisi prorumpente sudore frigido, tremor manuum & linguæ, tendinum subsultus; delirium haud violentum, seu mentis confusio, cum terrore & quasi perturbati expergiscunt, dein sui memores statim in pristinum relabuntur delirium.

§. 99. Circa undecimum diem deglutitio difficilis, singultus, sudor viscidus non levans, uti & diarrhœa serosa colliquativa, valde debilitans, pulsus valde celer, stupiditas & coma oritur, oculi lachrymis madidi, aphthæ nigræ, virides vidi aliquando: extremorum frigus, eruptio miliaris haud critica, & circa decimum quartum diem mors.

§. 100. Evasuri vero omnes fere sub finem morbi, furdi fiunt, propensionem habent ad somnum & plerumque sine sudore critico aut ulla urinæ mutatione sensibili, aliquando per salivationem terminatur morbus. Debilitas autem & animi languor ad sex sæpe extenditur septimanas & ultra. Fatuos diu post reconvalescentiam vidi neque fatis mentis compotes nisi postquam replentibus & analepticiis probe nutriti fuerint.

§. 101. Pulsuum parvitas urinaque limpida venæ sectionem semper vetant, quamvis adsint anxietates & pectoris oppressiones. Hirudinum applicatio ad tempora, ubi coma cæteraque signa congestionis ad caput forsan locum habent, licet non
mult

multum boni unquam in hac febris inde viderim. Vesicatoria ad nucham, furasve optimum præstant effectum.

§. 102. Lene vomitorium ex ipecacuanha, aut catharticum ex manna, rheo, ubi nausea & ventris murmura, in initio conducunt haud raro. Si alvus naturaliter haud respondet, alternis diebus clysmate sollicitanda.

§. 103. Cæterum ob summam debilitatem omnia evacuantia hic vitanda & potius iisdem cardiaca substituenda, qualia sunt camphora, radix serpentaria virginiana, cortex peruvianus, cui sub finem morbi rhei parum addendum ut fordes primarum viarum prorsus eliminentur. Tum valent liquor C. C. succinatus No. 20. & moschus in singultu & tendinum subsultibus. Opium noxiumi quamvis adsint vigiliæ. Sed & omnibus cardiacis palmam præripit vinum rhenanum ad unc. duas omni bihorio datum, e cuius usu pulsus plenior fieri, coma imminui optimi est augurii. Si diarrhoea adest colliquativa, vino rhenano substituaturs vinum rubrum coctum aut aqua dilutum cum saccharo, in deglutitionis difficultate & cum periculo suffocationis, pituitæ ob copiam solutio tartari emetici aquosa No. 1. vel & oxymell. squilliticum cum kerme minerali cochleatim exhibe 28. omni semihora.



CAP. XI.

DE FEBRI LENTA CHRONICA
SEU HECTICA.

§. 104.

Febbris lenta hecticave minime confundenda cum lenta nervosa præcedente capite descripta, quæque inter acutos, uti ibidem dictum, recensetur morbos. Hæc vero ad plures menses, immo ad annos interdum lucidis nonnunquam intervallis induciisque non multum fidendis durans, cum corporis lenta consumptione veroque marasmo demum ad mortem ducit.

§. 105. Symptomata fere semper est cum natales debeat glandularum meseraicarum obstructioni præcipue in infantibus variis acrimoniis, scrophulosæ scilicet, scorbuticæ, syphyiliticæ, scabiosæ, cariosæ, cancrøsæ, chloroticæ: tum & puri resorpto a quocunque viscere exulcerato, uti in phthisi pulmonali de qua alio tempore.

§. 106. Quædam præterea dantur causæ occasionales febri huic gignendæ, aptæ; sc. febres acutæ, intermittentesve male curatæ; metastasis variolarum & morbillorum; hydrops, evacuationes nimix quæcunque, uti lactatio diuturna, venus nimis culta; hisce adde inediam & vigilias protractas, ebrietatem, venena saturnina, medicamenta

camenta drastica diu usurpata, aliaque quæ lympham nutrititiam corrumpere valent.

§. 107. Clanculum ita obrepit, ut vix ab ægrotis percipiatur nec fatis a medicis dignoscatur in initio seu primo gradu. Tres enim statuuntur gradus hujusce febris. In primo scilicet symptomatibus levioribus se manifestat facile domandis modo bene cognitis: In secundo, symptomata ingravescunt & ægris & medicis facile patent, difficiliores jam vero sunt curatu. In tertio lethalia nullam medicinam accipientia evadunt.

§. 108. Primo autem gradu, horis matutinis fatis bene se habent ægri. Circa vesperam vero & post pastum accidentia increfcere solent, nempe calor in vola manuum, respiratio anhelosa ad minimum motum, cæteræque functiones non adeo alacriter fiunt.

§. 109. Cætera phenomena in hac feбри apparentia sunt plenaria appetitus ciborum & virium dejectio; somnus nunquam refocillans; carniū flacciditas, emaciatio: color luridus pallidus, nisi increfcente calore & pulsuū vibratione, circa vesperam nempe quando genarum adest dolosus atque fugitivus roseus rubor, sudores nocturni circa frontem & collum præsertim. Sapor fœdus matutinus in ore, sitis, vomenti conatus, tussis, iracundia levi de causa. Morositas, intolerantia adversus ipsos familiares. Hic secundus gradus.

§. 110. Tertius & ultimus gradus omnibus hisce ingravescentibus insurgit, iisque adduntur diarrhœa colliquativa, fudoresque tales; urina quæ antea limpida & spumosa, jam oleaginosa & tela araneorum haud dissimile obducta, emittitur pauca: pedum tumor fit œdematosus, facies hippocratica, aphthæ, mors.

§. 111. Curatu difficilis admodum est hæc febris & nunquam in ultimo curabilis stadio. Semper autem attendendum ad morbum primum seu causam hecticæ, quod si possibile, hæc prius eradicanda & hic certe valet, sublata causa, tollitur effectus. At hic labor, hoc opus.

§. 112. Cæterum commendantur in diætâ lacticia, farinosa, ova forbilia, juscula ex pedibus vitulinis, cancris, aliisque gelatinosis, mucilaginosa & acrimoniam demulcentia, emulsiones 29. ex amygdalis feminibusque frigidis. Potus chocolada, hydrogala, serum lactis.

§. 113. Medicamenta optima sunt cortex peruvianus; aqua felterana cum lacte, tempore minoris caloris hectici. Lac asininum, aut caprinum mane jejuno stomacho ad libram dimidiam ante lectum ægrotantis emulctum, statimque epotum, aqua calcis cum lacte in sudore & diarrhœa colliquativa. Requiritur & hic summa prudentia medica ne tempore majoris orgasmus exhibeatur. Pro tussi lenienda nihil melius habetur quam laudanum ad gr. dimidium, aut pil. de cynoglos. vel de styrace ad gr. ij. iij. hora somni. Semicupia
bene

bene audiunt in atrophia infantum; si quotidie per dimidiam horam balneo tepido ingrediantur: interneque detur anima rhei cum liquore terræ foliatæ tartari 30. Plura de atrophia meseraica in morbis infantum; de hæctica in phthisi pulmonali: alvus libera fervanda pomis coctis, prunis, manna, tamarindorum & cassiæ pulpa vel & rhabarbaro.

CAP. XII.

DE APHTHIS.

§. 114.

Mentio sæpe facta de aphthis, symptomate in fine morborum auctorum, putridorum, inflammatoriorum chronicorumve, sc. phthiseos, hydropisve fatis frequente, subinde critico benignove, sæpissime maligno funestove, peculiarem quamvis brevem postulat pertractationem.

§. 115. Aphthæ ergo dicuntur pustulæ albicantes omnibus oris partibus, nec raro respirationis organis, oesophago, ventriculo, totique canali intestinali insidentes, deglutionem impredientes, medicamentorum alimentorumve ingressum in venas lacteas denegantes. Infantes inde ubera sugere non possunt & papillas mammasque nutricum iisdem afficiunt ulcusculis.

§. 116.

§. 116. Diversæ tamen sunt ab aphthis recens natorum, ab HIPPOCRATE descriptis, Galeno notis & a Celso periculosissimis habitis: definiebantur enim exulcerationes superficialiæ præ partium mollitiæ ortæ. Hæ in pueris periculosissimæ non ita in viris habentur a CELSO. Quod nostris aphthis minime convenire nemini non notum est. Aphthæ enim infantum raro, adultorum sæpissime nostro ævo lethales evadunt.

§. 117. Non tantum oris, sed aliarum partium externarum superficialia ulcuscula & cutis rubedo in infantibus & puerulis oriuntur. Aphthæ etiam apud plebeculam dictæ.

118. Pro causa agnoscunt partium laxitatem, copiam humoris pituitosi ferrosique acrimoniam & corruptelam. Conamine critico quamvis imperfecto & lento fiunt semper cum magna virium dejectione & subita morbi mutatione sive ad salutem sive ad mortem, circa nonum diem.

§. 119. Benignæ sæpe alvi solutione & continua expuitione separantur atque expelluntur, infrequente salivatione non raro sanguinolenta, malignæ vero crassæ albæ licet, pejus si fuscæ cinericeæ, splendentes lardi adinstar, nigræ, gangrænosæ ulcerosæve decidunt, aliquando sed & renascuntur ad tertiam quartamve vicem.

§. 120. Aphtharum prodromi in malignis sunt somnolentia, singultus, nausea, querela perpetua de ardore & pondere circa præcordia, linguæ rubedo maxima.

§. 121.

§. 121. Ad curam hujus symptomatis requiruntur & externa & interna; quæque iterum varia in infantum & adultorum aphthis. In infantibus enim commendatur aqua frigida, urina propria cum melle rosarum pro oris ablutione. Interne absorbentia cum rheo 31. omnem adimplent paginam. In adultis externe laudantur decoctum raparum vel dauci sativi cum paucò vino, sale prunellæ &c. 32. dein mucilago feminis Cydon. Boræ Ven. &c. 33. interne nihil præstantius decocto corticis peruviani. Aphthis vero deciduis nec redeuntibus, catharticum rhabarbarinum aliquoties detur.

CAP. XIII.

DE EMETICIS EXHIBENDIS IN MORBIS PUTRIDIS.

§. 122.

Ex communi fere medicorum sententia, cura febrium putridarum malignarum per emeticum aggredienda, præsertim si æger vexatur continua nausea, ructibus nidorosis foetidis, vomendi conatibus, vertigine, oris amarore & lingua fordida, prægressa venæ sectione in valde plethoricis, ubi sanguinis nimia agitatio a medicamentorum vi præcaveatur.

§. 123. Atqui & nausea & vomitus adfunt in inflammatione ventriculi atque etiam fiunt per
con-

consensum, capite aliisque partibus male affectis, nec arguunt semper colluviem circa primas vias.

§ 124. Damnatur ergo emeticum ubi minima inflammationis suspicio, uti in quibusdam epidemicis & febribus malignis petechialibus fit, quod toties docuerunt cadaverum obductiones. Attendendum ergo quam maxime ad pulsus duritiem, nec non ad ventriculi ardorem & cardialgiam.

§ 125. Præterea non necessaria censentur emetica ubi signa 122. defunt, nec prægressa fuerit ciborum ingurgitatio; sed etiam dentur indicia, miasmatis potius in sanguine quam in ventriculo hærentis.

§ 126. Caute quoque mercandum in emeticis exhibendis cum hæmopticis, herniosis, & cum foeminis procidentiae aut prolapsui uteri obnoxiiis. Nam sicut emesis ubi conducit, non tantum prodest tanquam evacuans, sed etiam quatenus viscera abdominalia concutit materiamque in iisdem contentam solvit atque exprimit, sic ubi non convenit ob violentos viscerum succussus & humorum congestiones circa caput timenda.

§ 127. De tempore exhibendi emetici facile convenit inter medicos. Absente febre emeticum dabat HIPPOCRATES. Inde & communiter apyrexias tempore porrigitur in febribus intermittentibus. In febribus continuis putridis optime datur in initio copia bilis turgente circa præcordia cum anxietate & debilitate inde orta. SYDENHAMUS

MUS omni morbi tempore dabat urgente indicatione. Immo & in fine febrium nervosarum aliquando necessaria, ubi suffocationis periculum imminet a copiosa pituita fauces obsidente.

CAP. XIV.

DE FEBRI ARDENTE INFLAMMATORIA.

§. 128.

Febbris ardens causus est febris continens ex remittentium genere, quæ ab urentè ad tactum calore sic dicitur. Inflammatoria quoque audit, si statum sanguinis spissi latice suo orbatì spectas. Tandem & biliosa ob copiam bilis nonnunquam in primis viis stabulantem.

§. 129. Symptomata præcipua sunt cephalalgia vehementissima, lingua aspera, fissa, nigra, tussicula sicca, respiratio anhelosa, vox clangorosa, sitis inexplibilis, nausea, conatusque vomendi: inquietudo, sopor, delirium ferox, phrenitis, vigiliæ pertinaces, urina pauca, ruberrima; alvus nunc nimis stricta, nunc nimis soluta, quod inter pessima signa. Morsus interdum ventriculi, pulsus magnus, durus, velox, exacerbatio fortis horis vespertinis & quidem maxima tertio quovis die. Convulsio, singultus, fœcum & urinæ involuntaria emissio; mors.

§. 130.

§. 130. Causæ occasionales Plethora, solis æstuantis calor, exercitia immodica, venus nimis culta, abusus calefacientium, spirituosorumque, corporis refrigerium, potu frigido subito ingesto post ejusdem æstum. Sanguis vero spissus, densus, inflammatorius causam morbi essentialem constituit. Juvenes & robustos aggreditur, senibus autem perniciosissima.

§. 131. Si legitima raro diem transfit septimum: plerumque enim citius vel ad mortem vel ad salutem ducit. Critice enim solvitur non raro post quartum diem, narium hæmorrhagia copiosa, fluxu menstruo in foeminis, hæmorrhoid. in viris. Diarrhoea biliosa, raro admodum sudore, sputum cruentum, mixtus talis, hæmorrhagia parca stillatim fluens ante quartum diem lethalia censeantur.

§. 132. Methodus medendi consistit, quod copia bilis, si indicia de ejus præsentia testantur, nausea nempe continua, oris amarore, anxietatibus circa præcordia, emetico evacuetur statim ab initio vel & leniori laxante: dein singulis vel saltem alternis diebus injiciatur clyσμα ex sero lactis tamarindato.

§. 133. Venæ sectio pro magnitudine duritice pulsuum, sanguinis majori minorive crassitie, ejusve abundantia, ætate ægrique temperamento, ad tertiam quartamve vicem primis diebus celebranda. In capitis dolore atroci & delirio, hircines quoque ad tempora adhibendæ.

§. 134. Cæterum valent pediluvia, epispastica potius quam vesicantia, quæ certe non nisi sanguinis evacuationibus necessariis institutis, ejusque orgasmo valde sedato applicanda. Vapores aquæ tepidæ aceto mixtæ pro faucibus, naribus totoque corpore fovendis, Epithemata ex aceto rosato ad frontem conducunt. Narium hæmorrhagia quoque non rite procedens, vapore aquæ calidæ naribus supposito promovenda. E contra si nimia atque debilitans quod raro, turundis & linteaminibus solutione vitrioli madidis & in nares intrusis sistenda.

§. 135. Medicamenta sint acida vegetabilia fermentata, destillata probe diluta cum nitrosis additis 34. emulsiones 29. frigidiuscule epota, caute tamen si visceris alicujus inflammationis metus. Aër in cubiculo assidue renovandus, fenestris undique patentibus in æstate saltem: refrigerandusque aceto pavimentis insperso. Læctus quotidie reficiendus, ægerque ex eo eximendus per horæ quadrantem.

§. 136. Fuit & interdum quod per sputa solvatur morbus, quæque subinde stertorem inducunt cum magno suffocationis periculo, quæque aliquando optima spe affulgente, dum & æger & adstantes & medicus ipse rem in vado esse credunt, funesto eventu tragoediam claudit.



CAP. XV.

DE FEBRIUM SYMPTOMATI-
BUS PRAECIPUIS

§. 137.

Non sufficit medico vel ægroto morbum tantum curare, nisi symptomata sæpius non critica, quæ statim ab initio morbi oboriuntur, lenire & mitigare satagit, ut vires pures maneant sufficientque ad morbum sustinendum. Sunt autem, frigus, calor, sitis, & sudor; nausea, vomitus, diarrhœa & tormina ventris: anxietates, debilitas, singultus & convulsiones. Cephalalgia, vigiliæ, coma seu sopor, delirium & phrenitis. Hæmorrhagia, mictus cruentus, dysuria, aphthæque. De quibus quamvis jam hinc inde actum non incongruum videtur, sparsa in unum colligere caput, ut uno intuitu quærentibus appareant.

§. 138. Frigus autem quod subinde maximum, præsertim in febrium intermittentium accessionibus, non sine periculo, vel & mortis metu, optime lenitur potu tepido aquoso cum paucò vino; corpus modice stragulis tegendo: regioni epigastricæ spiritum vini rectificatum cum aliquot guttulis olei ætherei menthæ remixtum in linteo duplicato calide applicando.

§. 139.

§. 139. Calor & fitis extinguuntur venæ sectione, si pulsus durus plenusve: clysmate refrigeranti ex fero lactis tamarindato, julepiis nitrosis 35. emulsionibus 29. potu frigidiusculo per succum citri acidulato, affatim pauca vero quantitate singulis vicibus haustu. Taleolae citri cum saccharo sugendo & masticando, tum & frequenti oris collutione, aqua simplici.

140. Sudor non criticus cohibetur surgendo e lecto, corpus a stragulis liberando, aerem frigidiusculum per fenestras apertas admittendo: idem conducit in delirio phrenitico & comate. In hoc ultimo affectu quoque clyster aeris applicandus, vesicantia in variis locis corporis adhibenda.

141. Nausea & vomitus nec non ructus & flatus si non ab inflammatione ventriculi, aliorumve viscerum adjacentium, quod maxime attendendum; lene requirit emeticum, quod & in fine morbi conducit, dum a copia pituitæ oesophagum obridentis, suffocationis instar periculum. Si vero uti fit, a camphora similique medicamento, ab iisdem desistendum, si a spasmo, nihil melius valet quam antiemeticum RIVERII 36. Interdum ad laudanum confugiendum. Ubi inflammatio subest, venæ sectio sola antiemeticum est.

§. 142. Diarrhoea debilitans sistitur decocto albo SYDENHAMI 37. & anima rhei cum liquore anodino minerali Hoffmanni 38. tum enema quoque injiciendum cum Diascordio Fracastrii 39. Valent etiam epithemata ex herbis aromaticis in

vino coctis 40. & cum facculis bene expressis abdomini imposita, quibus etiam medemur torminibus & ventris doloribus haud raro satis molestis in acutis & putridis.

§. 143. *Anxietas* si a suburra biliosa, uti nausea & vomitus curanda; si vero a sanguine spisso & inflammatorio pulmones obsidente, optime succurritur vapore aquæ calidæ aceto mixtæ, ore sæpius hausto.

§. 144. In summa debilitate & pulsu admodum languente, cardiaca sint vinum rhenanum affatim haustum, liquor. C. C. succinatus, guttatim omni bihorio exhibitus. Decoctum corticis.

§. 145. *Singultus* & convulsiones requirunt moschum. Emplastrum de theriaca subinde quoque valet abdomini impositum. Si vero inflammatio ventriculi adest aut hepatitis, vesicans loco affecto adhibitum optimum remedium.

§. 146. *Capitis dolor* atrocissimus præter venæ sectionem poscit, hirudinum applicationem ad tempora & pone aures, frontale, sc. linteum aceto rosaceo madidum sæpe renovandum. Pediluvia, quæ omnia locum etiam habent in delirio phrenitico & vigiliis.

§. 147. *Hæmorrhagia critica* vapore aquæ calidæ naribus imposito promovenda, symptomatice vero aut minus profusa, solutione vitrioli albi, & turundis ex linteo carpto probe hac imbutis in nares immittenda. Acetum cum campho-

ra naribus vel & scroto applicandum, alvus clysmate solvenda, vesicatoria suribus adhibenda. Surgat & æger e lecto, quod & in mictu cruento præcipue commendatur ut renes minus caleant.

§. 148. Dysuria lenitur oleosis. 41. Si a vesicantibus decocto albo 37. & cantharidum amotione. Aphthæ curantur modo Cap. 12. tradito. Oportet vero addere, quod in malignis admodum & ulcerosis bonos effectus viderini ex collutione instituta cum aqua calcis cui liquamen myrrhæ additum.

§. 149. Occurrit demum quod in febris a longo sæpe decubitu gangræna oriatur. Huic obicem ponendum lotione assidua dorsi & lumborum cum aceto aquæ frigidæ mixto, continua situs mutatione, superque alutam decumbendo. Gangrænæ autem jam præsentī medetur fots decocti corticis saturati, cutis scarificatione, & ad supurationem unguenti Basilici ope ductione.

CAP. XVI.

DE POTU FRIGIDO IN ACUTIS.

§. 150.

Potus frigidus olim a GALENO, AVICENNA commendabatur in febris, atqui ob nimiam aquæ

cruditatem minus aptum hodie censetur. Verum enim vero cocta & frigide epota parvis haustibus optime pro mea experientia valet. Neque enim magis a potu frigidus timendum quam a potionibus medicatis frigide epotis. Ex naturæ enim instinctu omnes febrientes frigidam appetunt.

§. 151. Caute tamen mercandum cum potu frigido in initio aut & fine morbi. In statu potius conducit. Noxius etiam est ubi viscera inflammata, talique in casu frigida tepida semper præferenda. Tum minus apta habetur frigida in summa debilitate & in iis qui nervis admodum mobilibus donati: senibus, pueris frigidoque temperamento gaudentibus; in nimia morbi cruditate & viscerum obstructionibus & in glandularum indurationibus non adeo tuta est frigida potatio.

§. 152. Robustis præ cæteris, juvenibus, æstate: temperamento calido præditis, uti & iis qui statu sano potui frigido assueti, quam maxime conducit. In putridis ob sanguinis dissolutionem majorem SWIETENIO frigida arridet potus, quia hic non sunt metuenda ejusdem coagula.

§. 153. Neque tantum interne sed & externe valere frigidam prudenter adhibitam compertum habeo. Aqua frigida sæpius de die corpus ablueret fibras roborando multum valet ad præcavendam gangrænam a decubitu. Acetum frigidum fronti applicatum, delirium & cephalalgiam sedat. Frigida capiti adhibita maniam sæpius sanavi.



CAP. XVII.
DE FEBRI ERYSIPELACEA
ET URTICATA.

§. 154.

Levissima atque raro maligna aut epidemica ex eruptivis febribus primo se offert, febris erysipelacea, quæ incipit cum horrore, frigore, siti, capitis dolore, elapsisque tribus diebus cutis fit rubedo cum tumore parum elevato, digitis cedente, hisceque amotis iterum insurgente, agmine vesicularum stipato, in quavis parte corporis, præcipue in cruribus, quando morbus mitior, vel in facie aut capite, quando gravior.

§. 155. Si faciem occupat ex improvviso palpebræ clauduntur fere, & totum caput in tumorem, dolore & rubore attollitur denso vesicularum ordine comite; nec raro inde delirium & coma. Eruptione erysipelacea facta, febris ut plurimum cessare solet.

§. 156. Nonnunquam erysipelas absque ulla febris oritur & cutis desquamatione ut plurimum post aliquot dies terminare amat. Alià datur species quæ se prodit eruptione pustularum minimarum, ab urticarum puncturis non multum abundante, moxque iterum recedente, cum pruritu molestissimo.

§. 157. Causam si essentialē spectēs, consistit in fero acri bilioso: si occasionem, in aere humido pluvioso, animi pathemate vehementiori, in transpiratione quocunque modo impedita & spirituosorum abusu. Familiaris est scorbuticis, sæpiusque iisdem obvenit. Aliquando fit a metastasi. Hinc caute agendum cum repellentibus.

§. 158. Cura a venæ sectione inchoanda præsertim in plethoricis & si caput obsidet, ibi enim semper periculum majus protendit. Hic & pediluvia in usum vocanda. Laxantia dein exhibenda; quod si dein adhuc pulsus durus aut plenus, ad sanguinis missionem denuo deveniendum. Conducunt autem medicamenta temperantia nitrosa cum parum camphoræ. Parti affectæ imponantur cucuphæ ex herbis resolventibus leniter aromaticis, farina fabarum cum camphora.

§. 159. Suppuratio hic semper metuenda seu vitanda, fiunt enim exulcerationes pessimæ, quæ & gangrænæ metum inducunt. Cui sæpe originem præbet mala & præpostera medicatio per oleosa & pingua topice adhibita. Præpeditur vero per totum herbârum amararum, corticis peruviani addito spiritu vini. Oportet ergo ut vesiculæ quantocius aperiantur, ne ab acri fero partes corrodantur subiacentes. Hic autem humor sæpe adeo viscosus est, ut crustas formet diu manantes.

§. 160. Interdum erysipelas subito retrocedit, rubedo evanescit cum pectoris oppressione, delirio,

lirio, comate, vomitu, qui tamen hic minime emeticis proritandus, sed statim vesicantia ad furas & brachia adhibenda. Aliter enim brevi actum erit de ægroto.

CAP. XVIII.

DE FEBRI SCARLATINA.

§. 161.

Scarlatina benigna seu ordinaria fatis analogæ est feбри urticatæ seu erysipelacæ, adeoque levis est morbus ut fere non cadat sub curam medicam, infantesque ut plurimum adeo mite afficit, ut non nisi post cutis efflorescentiam, ejusdemque post aliquot dies desquamationem se ægrotasse percipiant.

§. 162. Aliter vero prorsus se habet res cum scarlatina maligna dicta; a MORTONO, HUXHAMO, DE HAEN visa, a nemine autem quod sciam accuratius quam a PLENCIS descripta; quamvis cum eo non consentiam de seminio verminoso ut causa essentiali & scarlatinæ aliorumve exanthematum stabilienda.

§. 163. Utraque & benigna & maligna incipit cum horripilatione, lassitudine spontanea, cæterisque febrium inchoantium symptomatibus. In maligna vero major adest capitis dolor, sopor, conatusque vomendi, ipseque vomitus. Quod

inter pessima habebatur in epidemia æstate 1777. hyemeque 1778. *Havniae* depopulante. Deglutitio difficilis cum angina & faucium exulceratione; tonsillarum & glandularum colli tumore, nec non loquela admodum depravata. Respiratio fit anhelosa cum pectoris oppressione. Ab HUXHAMO & PLENCIS annotantur vel ingruente vel crescente morbo, alvi dejectiones, deliria & phrenitis, quae tamen in epidemia Havniensi non contigit mihi videre. Haemorrhagiam quoque quidam viderunt non ego. Facies adeo diversa morbi non tantum in una aliave regione, sed & in una eademque epidemia.

§. 164. Die autem secundo, aliquando citius superveniunt exanthemata, maculas rubras inæquales exhibentia. In nostra epidemia statim ab initio cutis intense rubebat tota cancerorum coctorum adinstar, simulque cætera concomitabantur symptomata, vomitu tamen cessante post eruptionem. Cæterum rubedo primo occupat faciem, collum, pectus dein & extremitates.

§. 165. Quidam sine cutis efflorescentia, aut ejusdem desquamatione, satis severa afficiuntur angina, attamen hi mitius quam qui simul scarlatina correpti, ægrotabant apud nos. Hoc vero præcipue adultis, rarius infantibus accidit. In genere etiam observandum, scarlatinam benignam magis familiarem esse infantibus, malignam vero adultis non parcere.

§. 166. Non omnibus æque rubebant fauces, sed pituita adeo implebantur, ut suffocationis periculum instare subinde videretur. Ex naribus etiam valde inflammatis & excoriatis continua stillat acerrimus ichor, aut materia saniosa adeo acris ut labia & genas corrodat.

§. 167. In scarlatina maligna quid putridi latet, unde pulsus parvus celer, urina pallida, ulcera aphthosa, nec non parotides quamvis suppurantes, lethales observantur. Sic in epidemia Havniensi, per quatuor hebdomadas, si non primis morbi diebus suffocati, iisdem languentes peribant.

§. 168. Post quartum diem pallefcere incipit cutis ut plurimum, & rubedo evanescit, desquamacioneque cutis uti erysipelas terminatur, sine ullo confectario molesto. In crudiori autem morbo lamellæ integræ & densæ abscedunt & separantur, in iis præsertim quibus morbi decursu pustulæ albæ miliaribus haud dissimiles, vel & vesiculæ ampliores vacuæ tamen, bullas a combustionem repræsentant exurgunt.

§. 169. Dum res jam in vado videtur, a minimo errore in sex rebus non naturalibus, vel ab auræ frigidioris afflatu, corpus intumescit, leucophlegmatia immo & hydrope afficitur, præcipue in iis quibus cutis decorticatio maxima. Ex hoc confectario plura moriuntur quam ex morbo primario. Convulsiones quoque non semper funestæ

nestæ inter confectaria scarlatinæ malignæ vi-
sæ sunt.

§. 170. Ad curam quod attinet, benigna te-
stibus SYDENHAMO, DE GORTER, nulla eget me-
dicatione nisi abstinencia a carnibus, & frigoris
vitatione. Maligna vero varie tractanda pro ge-
nio morbi. Sic in epidemia Havniensi subinde
dabatur locus venæ sectioni, sc. in plethoricis &
ubi pulsus durus cum aliis inflammationis signis:
atqui ubi putredinis criteria, minus tuta erat. Sed
laxantia, antiseptica, acidaque in Julepiis; spi-
ritus Mindereri in ejuscemodi febribus exanthe-
maticis a BOERHAVIO, SWIETENIO, PRINGLE, EL-
LERO aliisque in arte proceribus commendatus,
bonum præstat effectum, alternatim exhibita.
Clysmata etiam suam afferunt opem, uti & sina-
pismi & pediluvia quotidiana. Gargarismata
quoque tutius collutiones ob faucium inflamma-
tionem optime juvant.

§. 171. Nihil magis præsentaneum vero affert
solamen, quam statim vesicans ad jugulum adhi-
bitum. In ultima epidemia fatis erat emplastrum
de meliloto cum quarta parte emplastr. vesican-
tis ad jugulum nuchamve applicare. Tanta enim
erat cutis inflammabilitas, ut statim bullæ eleva-
rentur. In quibusdam etiam magno cum emolu-
mento secundum PERCIVALIS methodum fomenta
ex partibus anaticis aceti stillatitii & spiri-
tus vini camphorati. Supra pannum laneum sæ-
pius de die renovanda adhibebantur, in iis præ-
fertim

fertim qui vel emplastra vesicantia metuebant vel peculiari idiosyncrasia pingua tolerare nequeunt. Nonnunquam epithemata ex herbis emollientibus leniterque aromaticis in lacte cortis præferenda, præsertim ob cutis valde sensibilis fomentum acre haud ferre valet.

§. 172. Tumor hydropicus leucophlegmaticusve sequens, per diuretica 42. interpositis subinde catharticis mercurialibus 43. nec non lecti tepore discutiebatur ut plurimum: in infantibus forma liquida 44. omnem adimplet paginam.

§. 173. Ad scroti tumorem epithemata ex herbis aromaticis in vino rubro coctis proficua inveni. Ad tumores glandularum vero colli, nec non parotides non suppurantes linimentum volatile 45. quotidie bis vel ter inunctum, non neglectis catharticis mercurialibus 43. multum profuere.

CAP. XIX.

DE FEBRI MILIARI ET PURPURA.

§. 174.

Febbris miliaris sic dicta, ob exanthemata parva feminis milii haud dissimilia in cute apparentia, est vel alba, quæ deterior, vel rubra, quæ ben-

benignior, aliquando vesiculas albas rubris culicum stigmatibus similibus intermixtas vidi.

§. 175. Puerperis sæpissime efflorescere solent, præcipue albæ cum febris fatis valida, non nunquam & sine ulla erumpunt febris; quam maxime autem sexum sequiorem aggreditur, præterea debilibus hystericis & hypochondriacis familiaris est.

§. 176. Incipit hæc febris cum horripilatione, horrore, pectoris oppressione sensuque formicationis & pruritus in toto corpore. Odorque adest peculiaris quem SWIETEN fracidum subacidulum vocat vapidi instar aceti, quæ excipit 4to 7mo 9no 11mo 14to 17mo (adeo variat eruptionis dies) eruptio pustularum albarum vel rubrarum statim in vesiculas albicantes abeuntium; quæ iterum post septem dies desquammentatione cutis evanescunt. Primo in pectore, dein in extremis, nunquam in facie conspiciuntur.

§. 177. Hæc eruptio miliaris a quam plurimis critica habetur, dum animadvertunt ab eruptione facta febrim mitigari, aliaque symptomata sæpissime cessare. Alii cum HAENIO pro novo morbo & antiquis ignoto assumunt, ergo & symptomatico, utpote nostro vivendi mori sc. regimini calidiori, hypocausto calido, potui cassée debito.

§. 178. Negari equidem non potest, & causis dictis & aliis etiam, uti vitæ lautiori, sedentariæ, potibus tepidis, venæ sectionis neglectui
in

in gravidis, alvique obstructioni morbum suos debere natales, vel saltem inde severius afficere, sed ideo miliaris non magis horum productum est quam variolæ qui regimine frigidiori mitiores sunt faciliusque curantur quam regimine calido.

§. 179. Dantur ergo miliares idiopathicæ a motu solius naturæ oriundæ, ut per vias transpirationi sudorive dicatas, impuritates e sanguine eliminantur. Dantur & symptomaticæ, & a pravo regimine vel etiam absque prophasi ulla sensibili prorumpunt sine symptomatum imminutione. Talem eruptionem alteram sequentem vidit HUXHAMUS in febribus lentis & nervosis, cum sudore symptomatico admodum debilitante.

§. 180. Idiopathicæ & criticæ si retrocedunt pessima inducunt symptomata, delirium nempe, tendinum subsultus, diarrhoeas molestissimas præcipue in puerperis, inde enim & lochiorum impeditur fluxus, etiam & sine papularum regressione aliquando & hæc fiunt, cum magno ægroantium discrimine.

§. 181. Cæterum miliaris benigna satis facile curatur, sc. per venæ sectionem in plethoricis, aerem frigidiusculum, potumque talem copiosum acidum, pulveres nitrosos cum stibio diaphoretico. No. 5.

§. 182. Atqui maligna, ubi respiratio difficilis nempe, aut etiam pulsus durus, exanthematibus expulsis licet, majorem requirit medicationem. Tunc enim venæ sectio repetenda aliquo-
ties,

ties, vesicantia ad furas applicanda, quæ certo non omittenda in vigiliis & miliarium retrocessionem. Cæterum symptomata varia pro re nata aptis armis oppugnanda. Diarrhœam non nisi cautissime supprimenda & potius cardiacis idoneis vires suffulciendæ.

183. Prophylaxis commendanda gravidis, ut miliarem in puerperio effugiant febrim, sc. per venæ sectionem; alvum liberam catharticis lenioribus servandam: abstinentioniam a potu cassée, ejusque loco substituendo potum frigidum ex cerevisia tenui affatim hausta, vinique rhenani haustum subinde. In puerperio corpus leviter stragulis tegatur: tepor lecti aere frigidiusculo temperetur. Cubiculum leviter admodum hyeme caleseat.

CAP. XX.

DE MORBILLIS.

§. 184.

Solent plerumque rei medicæ scriptores prius de variolis dein de morbillis agere, atqui mihi ordinem communem invertere placuit dum e levioribus eruptionibus ad graviora procedo. Morbillos autem cæteris paribus, morbum non adeo periculosum esse quam variolas, cuicumque, qui vel e limine artem salutavit medicam, patet.

§. 185.

§. 185. Morbi ergo, morbus minus lethalis sed æque familiaris infantibus ac variolæ, de quibus capite sequente, pariterque contagio communicantur & semel tantum ut plurimum hominem corripunt, sæpe sporadice, fatisque benigne, sæpius epidemice & maligne grassantur.

§. 186. Sunt autem stigmata in cutis superficie pulicum morsibus quam simillima apparentia, non aut vix elevata, quo a variolis distinguuntur, quæ magis elewantur morbi decursu, rotundioresque sunt & ad suppurationem ducuntur, dum morbilli exarescunt tantum & desquamantur uti scarlatina & purpura. Aliquando simul & semel idem subjectum afficiunt & variolæ & morbilli. Eos qui olim morbillis laborarunt, iisdem affici iterum posse scribit SCHACHT. Bis eidem se medicum fuisse ait DE HAEN.

§. 187. Morbus tria decurrit stadia, contagii sc. seu ebullitionis, eruptionis & exsiccationis. Singulum stadium spatio perficitur trium dierum, ergo novem diebus morbus finitur sive morte sive vita. Tardius vero a consecrariis, peripneumonia sc. phthisi & hydrope.

§. 188. Febris ergo eruptionem præcedit, tribus primis diebus ut plurimum, cum tussi, sternutatione repetita, humorisque acris ex oculis stillicidio, faciei tumore & molesta deglutitione seu faucium dolore, quæ symptomata ad tertium usque crescunt diem. Adsunt & præterea nausea, conatus vomendi, ipseque vomitus. Lingua est
E alba

alba ac humida; propensio adest ad somnum, diarrhoea, delirium nec raro hæmorrhagia, qua pathemata circa caput & fauces multum minuuntur, ergo non supprimenda, nisi virium prostratio cum labiorum pallore inde sequatur: sed potius aquæ tepidæ vapore naribus suppositæ promovenda.

§. 189. Membrorum tensio, oscitationes & pandiculationes, debilitas summa, nausea & vomitus violentiores, inquietudo maxima, vertigo, capitis lumborumque dolor, pulsus celer & parvus, respiratoquetalis, urina pallida, somnolentia nimia, convulsiones, delirium phreniticum, oculi admodum rubri, formicatio cutis pungens, angina severior, vocis rauco, tussis dolorifica, ferina, suffocationem minitans fere, morbillos mali moris protendunt.

§. 190. Tertio aut quarto die alterum incipit stadium, atque erumpunt primo in fronte, totaque facie maculae rubræ 186. descriptæ, quæ sæpius racematim coeunt. Tunc iisdem maculis pectus, cæteraque membra teguntur, latioribus sc. magisque rubentibus, in pectore atque in dorso copiosissimæ sunt.

§. 191. Facta eruptione symptomata plerumque non adeo mitigantur ac in variolis. Vomitus vero communiter cessare solet: quin & hic sæpe post eruptionem durat. Subinde etiam omnia symptomata ingravescent non sine periculo.

§. 192.

§. 192. Tertium ingreditur stadium sexto die si boni moris & regulares morbilli; tunc enim exarescere incipiunt primo in facie; dein in toto corpore, octavo vel nono die omnino evanescentes. In crudiori autem morbo, undecimo demum, quando et diarrhoea sponte oborta morbi finem imponit.

§. 193. Retrocedunt interdum morbilli vel a malo regimine, vel ab aere frigido imprudenter admissio, vel demum ab acrimonia miasmatis morbose, cum febris anxietatisque incremento, nec non diarrhoea biliosa aut dysenteria. Interdum miasmate ducto ad encephalon, delirium, coma; ad pulmones quod frequentius, peripneumonia supervenit, quæ vel brevi necat; vel phthisi chronica vel hydrope consumpti. Sæpe etiam ophthalmia insequitur pertinax.

§. 194. Cura demum pro triplice stadio, triplex instituenda & febris ante eruptionem ut catarrhalis benigna fere tractanda; diæta tenui, emulsionibus pectoralibus 46. aliquando ad laudanum confugiendum quo tussis leniatur. Ad hanc enim quam maxime attendendum toto morbi decursu. Cæterum pulveres temperantes No. 5. quam optime hic commendantur. Potus sit acidulus tepidusque. Cum acidis mineralibus caute hic mercandum, nocent enim pectori. Somnolentia toto morbi tractu præpedienda quocunque licet modo.

§. 195. Venæ sectio in tenellis quidem audacter instituenda si pulsus durus, febris valida, uti plerumque est, pectoris vel lateris dolor: nec tantum in hoc stadio sed & ultimo ubi indicatur: quin imo & in peripneumonia morbillorum sequela sanguinis missio inevitabilis.

§. 196. Primæ viæ quoque vel per emeticum, vel per laxans pro re nata expurgandæ; post eruptionem vero alvus libera per clysma alternis diebus injectum servanda. Pediluvia tepida quoque laudantur.

§. 197. Si vero præ nimia debilitate aut febris languore eruptio circa quartum diem haud rite procedat, cortex peruvianus, camphora & moschus; quin & solutio tartari emetici exhibenda: vesicatoria ad fures applicanda.

§. 198. Atqui morbillis rite efflorescentibus, nihil aliud moliendum, quam ut ægri ab aere frigido arceantur, facili enim de causa morbilli retropelluntur, cum summo peripneumoniæ metu uti dictum. Quin & convalescentes cavere debent, ne nimis præmature sese frigori committant.

§. 199. In hoc stadio etiam quam maxime ad symptomata attendendum graviora videlicet. Oculi a luce vividior arcendi, sæpiusque abluendi cum lacte tepido aquæ rosarum mixto. Si nimis rubescant, hirudines ad tempora applicentur. Cataplasma ex pomo sub cineribus assato cum pa-
rum

rum camphoræ & croci a ROSENSTENIO laudatum in ophthalmia a morbillis relicta sæpissime bono cum successu adhibui, uti & vesicantia ad nucham, nec non fonticulum in brachio.

§. 200. In angina molesta valent gargarismata tepida, cataplasmata emollientia vel & epispastica, aut rubefacientia collo circumdata, nihilque plus solaminis affert quam vapor aquæ tepidæ sæpius haustus; quo & tussis & ræcedo quam maxime leniuntur, & hic venæ sectio aut si eidem non locus, hyrudinum applicatio haud negligenda.

§. 201. Morbillis exarescentibus circa septimum diem, aqua laxativa vienensis exhibenda, & alternis diebus dein alvus similibus laxantibus sollicitanda, præcipue si nulla diarrhœa critica. Bechica & pectoralia interim minime negligenda adhuc.

202. Si vero circa hoc tempus æger anxie respiret, retrocedentibus morbillis atque metastasi facta ad pulmones, statim vena secanda; dein ad locum magis dolentem supra pectus vesicans adhibendum: vel etiam ad dorsum inter scapulas, quæ vero in delirio potius ad extrema apponantur. Tum dentur interne oxymel squilliticum cum aliquot granis sulphuris aurati antimonii. Si vero ad intestina delabatur morbus cum torminibus & diarrhœa biliosa, clysmata ex decocto dilutiori corticis cum aceto & camphora, optime putredini resistunt.

§. 203. Inoculatio morbillorum proponitur ab HOME commendaturque præcipue ad tussim in hoc morbo præcedendam, ejusque consecutariam peripneumoniam. Atqui nondum hæc enchyreisis fautores invenit, nec æqua forte digna censetur ac in variolis.

CAP. XXI.

DE VARIOLIS.

§. 204.

Ultima jam sequitur febris ex eruptivarum genere scilicet variolosa cum variolis, quæ ob summam perniciem post RHASIM a SYDENHAMO, BOERHAVIO, HUXHAMO, DE HAEN, TRALLESIO, TISSOTO habenda erat, & ex hisce fontibus potius haurienda quo manca mea suppleantur.

§. 205. Variolæ autem sunt sporadicæ, epidemicæ, benignæ vel malignæ, regulares & anomalæ; naturales seu artificiales, hæc raro admodum mali moris. Benignæ ut plurimum nulla egent medicina, in malignis vero sæpe plus valet ante malum. Dantur etiam spurix sic dictæ.

§. 206. In genere sunt distinctæ spatio relicto intermedio; cohærentes magisque junctæ inter se; confluentes demum, nullum spatium relinquentes intermedium, quæ & sæpissime vesiculares ichore acri plenæ & totam faciem pergamenæ ad instar tegunt.

tegunt. Anomalaë subinde maculas nigras habent in summitate depressæque manent in medio.

§. 207. Quatuor stadia regulariter percurrit morbus, contagii sc. seu ebullitionis, eruptionis, maturationis & exsiccationis. Tres impenduntur singulis dies, nisi in anomalis, quæ citius vel tardius erumpunt, longioribusque vel brevioribus includunt terminis morbum.

§. 208. In quibusdam omnia stadia mite fatisque benigne decurrunt, in quibusdam iterum cum graviore ægritudine, febrique valida inflammatoria, quæ observatur in plethoricis, juvenibus atque athleticis: in aliis demum, sc. cacochymicis, lue venerea affectis, valdeque debilibus febris magis lenta adest cum summo languore, cæterisque febris putridæ affectibus. In iis autem maxime timendum a febre secundaria quæ sub suppurationis tempus aggreditur.

§. 209. Semel tantum nisi rarissime hominem infestant sive naturales sive artificiales variolæ veræ: non loquimur enim hic de spuriiis crystallinisve; sive in infantia imo & in ipso utero materno, sive in alia ætate; sive pauciores sive numerosiores fuerint prima vice. Inde forsan dari plures creduntur quam revera existunt, qui easdem nunquam passi sunt, dum vel & ante nativitatem, vel ob numeri paucitatem non animadvertebantur.

§. 210. Dari vero variolas secundas constanter affirmant plurimi. VAN DOEVERN eas bis vidit in

propria uxore. Refert & ABILDGAARD in *colleſtaneis Havniensibus* variolas ſecundarias ſe vidiffe. Vidi & ego cum D. DE BUCHWALD in muliere, cui ipſe BUCHWALD medicinam faciebat in prioribus. Perhibent & alii ſe vidiffe. Atqui de extraordinariis nulla regula. Idem quoque verum eſt de artificialibus; non enim certiffime conſtat adhuc naturales artificialibus unquam ſuperveniffe, & non immerito creditur, ſi quid tale unquam contigerit, vel primarias vel ſecundarias, ſpurias tantum fuiſſe.

§. 211. Variolæ ſunt contagioſæ, harumque miasma communicatur præcipue per attactum accedendo ad ipſum ægrotum, varioloſorum lintheamina & veſtimenta contrectando: vel dum chirurgus minus cautus lanceola qua varioloſo venam ſecuit alii eaſdem olim non paſſo etiam venam incidit. Ab una eademque varioloſi contagii materie, diverſæ variolarum ſpecies oriuntur pro varietate ſubjecti, temperamenti, ætatis in diverſis pueris adultisve.

§. 212. Communicantur demum variolæ per inoculationem, de qua ſtatim tot modis excitari poteſt variolarum epidemia propagarique. An igitur ſalva conſcientia ſuadent inoculatores inſiſſionem inſtituere dum nulla adeſt variolarum epidemia? Cavendum, ut obiter dicam, ne inoculandi a naturali contagio inſiciantur aut jam infecti ſint, ne duplici laborent morbo. Eruptio præmatura ante ſextum diem poſt inſiſſionem ſc. tale contagium adfuiſſe arguit.

§. 213. Lassitudo & somnolentia major, minorve eruptionem præcedere solent, somnolentia major & præcipue in adultis variolas confluentes præfagit. Morositas præterea adest inconsueta absque prophasi evidente. Horripilatio quam excipit calor, cum pulsu celeri fortique ut plurimum, capitis, lumborum dolor, qui ultimus si vehemens eruptionem variolarum æquo plus retardat: pectoris oppressio & suspiria; faciei inflatio, lacrymatioque continua, nausea & vomitus, nec non infantibus insultus epileptici, qui si non ab alia causa, dentitione puta, variolas benignas futuras protendunt, SYDENHAMO postque eum experientia teste. Atqui tales convulsionones in cæteris morbi stadiis præsertim tertio & quarto summam protendunt perniciem.

§. 214. Primum hoc stadium tertio ut plurimum die, in benignis scilicet & regularibus; in malignis vero citius secundo, jam alterum sequitur, quod sic se habet, punctis parvis rubris rotundisque pulicum morsibus similibus, primo facies, caput dein truncus & artus teguntur, sensimque magis elewantur pustulæ numeroque augentur.

§. 215. In variolis regularibus atque benignis facta eruptione symptomata mitigantur febrisque cessat; in anomalis vero e contra augentur omnia, & coma, delirium, respiratio anhelosa & vomitus superveniunt continui subinde. Imo & angina, diarrhoea, dissenteria, mictus cruentus hæmoptoës aliæque hæmorrhagiæ.

§. 216. Sexto ut plurimum die ad perfectam ducuntur suppurationem, pureque replentur & in totidem parva aposthemata, ut more BOERHAVIANO loquar, convertuntur. Atqui in confluentibus malignis, ichore distenduntur potius; maculae nigrae oriuntur in summitate, fovea depressa in medio & praeeunte gangraena mors insequitur inter primam & secundam septimanam. Quod si vero mites atque benignae, circa nonum diem exarescere incipiunt & crustas formant, quae spatio trium dierum decidunt, nullis aut vix foveis vel cicatricibus relictis, si maculas rubras excipias, quae non nisi inter aliquot septimanas evanescent. Hoc ergo quam maxime distinguuntur spuriae a veris, quod priores nunquam ad suppurationem perveniunt. Subito enim, levi saltem aegritudine praegressa apparent, iterumque brevi disparent & quasi resolvuntur. Sunt & hae quamvis raro, epidemicae; aliquando cum ipsis veris pari passu grassantur.

§. 217. Suppurationis tempore si variolae cohaerentes aut confluentes, febris oritur secundaria seu suppuratoria, quae in malignis & valde confluentibus aliquando ad plures protrahitur dies & putrida fit a puris ichorisve resorptione, necans saepe 24to die a primo morbi insultu. Tumque adest in adultis praecipue salivatio, in infantibus diarrhoea. Tumor faciei & faucium, retrocessionis variolarum periculum; harumque metastasis, humoris salivalis inspissatio indies major

jor cum nictu imminentis suffocationis. Bonum signum est, si facie detumescente tumor manuum & pedum subsequatur.

§. 218. Nec hic malorum finis. Relinquant enim post se sæpissime cæcitatem, phthisin, claudicationem perpetuam, ossium cariem; ulcera fordida, tumores glandularum maxillarium, parotidum pertinaces vix resolubiles, nec mercurialibus tam externis quam internis, neque cicutæ, aquæve marinæ cedentes.

§. 219. Ut cura variolarum rite instituatur, ad singula stadia horumque phenomena varia pro varietate subjecti summopere attendendum, etenim vel febris nimis valida inflammatoria, vel quod oppido raro nimis languida, putridæ aut catarrhalis malignæ adinstar est. Hæc calcari, illaque freno indiget.

§. 220. In primo ergo stadio, si febris valde intensa cum pulsu pleno fortique, symptomata vehementiora in subjecto juvenili plethorico, vena secanda semel atque iterum pro re nata; in infantibus crassiori habitu præditis ob venarum parvitatem, vel ob falsa parentum præjudicia, hyrudines ad tempora, nucham & humeros applicari possunt, neque tantum in hoc primo, sed & in secundo, imo & in tertio stadio, sc. feбри suppuratoria si excedit, vena aperienda, donec febris ad debitam redigatur normam. Inde hæmorrhagiæ in talibus circumstantiis sponte abortæ non
sup-

supprimendæ. Vices enim venæ sectionis sup-
plent, febrim minuendo.

§. 221. Sanguinis missione facta si indicata, alvus leniter movenda aqua laxativa, vel solutione mannæ in sero lactis, totoque morbi decursu, alvus quotidie clysmate molli aperienda, mihi que familiare est alternis diebus cochleari uno vel altero aquæ laxativæ hæc allicienda. Diarrhoea quoque in hoc stadio, nec non in tertio si febrim mitigat exorbitantem non coercenda, potiusve cremore tartari sustinenda.

§. 222. Interveniunt & orgasmo nimio sedando acida mineralia 47. medicamenta nitrosa. Ptisanæ succo citri acidulata, vel aceto ad gratum acorem redacta, serum lactis, hydrogala, emulsionες dilutiores.

§. 223. Aer cubiculi ad frigidum potius quam ad calidum vergat, neque malo vel bono odore inficiendus, aut vapore hypocausti aut exhalatione plurimorum hominum, sæpiusque renovandus, fenestris atque januis apertis æstate præsertim; immo & hyeme cautione adhibita, ne aura nimis frigida, corpus ægroti aestuans alluat. Etenim de exponendis ægrotis aeri libero, rigente bruma, non tantum in hoc morbo sed & in aliis, nondum satis mecum convenio, nec qui tardioris sum ingenii collegis experientissimis assentiri auserim. Quod enim sanos lædere facilius & ægrotos potest in summo humorum orgasmo, & si æger

æger non moritur a variolis, morietur forsân a pleuritide vel peripneumonia.

§. 224. Aeger vero quotidie e lecto eximendus quousque ejus vires constant. In lecto leviter tantum tegendus. Linteamina sæpius mutanda leviter prius calefacta, idque eo sæpius, quo plus morbi curriculo, sudore vel fordibus inquinata. Nec inde refrigerium corporis metuendum, modo cum necessaria cautione, cortinis ante ægrum sc. adductis, fatisque cito fiat. Hæc omnia quam maxime necessaria habentur & ante & post eruptionem, ubi calor maximus pulsusque fortis.

§. 225. Ad diætam quod attinet a primo stadio statim tenuis commendanda; abstinentia a carnibus, ovis, piscibus, caseo, farinaceisque; uti & a vino, cerevisia forti, & potu caffè. Pomacosta concedenda, lacticia nonnunquam, sc. ubi febris non valida aut nulla, uti in benignis.

§. 226. In hoc stadio quoque pediluvia tepida quotidiana, aliquando & bis de die per horæ dimidiam ab omnibus fere laudantur, quibus fatagunt copiam variolarum a facie derivare & ad extrema allicere. Non enim venustas tantum in sequiori præsertim sexu e quantitate pustulorum majore in facie læditur, sed & inde maximum discrimen instare, neminem latet. Num vero scopum iisdem attingant nescio. Compertum enim est, neque pediluvia neque vesicantia a Clossio huic scopo commendata, ad furas adhibita minuire copiam variolarum ad faciem. Quæ quia nudo
aeri

aeri expofita, neque adeo perfpicabilis ergo, quam cæteræ partes veftimentis teftæ, vel quia uti videtur naturaliter in omnibus eruptionibus infantum, acriorem ac mobiliorem partem materiæ morbofæ fuperiora verſus tendere, uberrime iisdem afficitur. Valent tamen ut hac occaſione ægri non continuo ſub ſtragulis detineantur; ſicque febris ardor excedens mitigetur.

§. 227. In naturaliter debilibus vel morbo chronico exhaustis, languente calore, pulſusque parvo exiſtente, & ſi delirium adſit obſcurum urinaque ejiciatur pallida, nullus venæ ſectiōni locus, & potius cardiacis vires elevandæ, cauteque cum regimine nimis frigido procedendum. Conducunt hic vinofa, camphora, decoctum corticis peruviani, nec non griſpaſtica, ſinapiſmi, quin & veſicantia ad nervos excitandos pigres. Diarrhoea hic ſemper noxia, anima rhei cum liquore anodino minerali, decocto albo, clyſmate ex partibus anaticis aquæ calcis ac lactis, immo & laudano liquido frenanda. Alvus enim adſtrieta ſine ventris meteorismo hic melior fluxa. Epithemata etiam ex camphora ſcrobiculo cordis impoſita ſimili in caſu laudantur.

§. 228. Si eruptio poſt quartum diem remoratur & quidem cum febris ardente, requiruntur eadem quæ ante eruptionem in tali febris commendata habentur. Præterea & balnea tepida toti corpori applicanda, ut cutis laxetur. Vapor & fomenta tepida commendantur a RHASI ad ſuppurationem

rationem promovendam. Inde & optime valere possunt in earundem retrocessione ut iterum eleventur. Iisdem tentat VAN DER HAAER avertere febrem secundariam, exitum præbendo puri varioloso.

§. 229. Atqui frequentius cum febris languida, retardatur nimis pustularum eruptio. Tali in casu valent quæ dicta habentur 227. in simili febre ante eruptionem. Hic si unquam emeticum ex radice ipecacuanha in variolis dandum, si sero uti sæpe fit vomitus abnormis, clysmate, anima rhei vel & celebri antemetico RIVERII 36. compescendus. Convulsiones in hoc statu, moscho sedentur; si dolores dorsi lumborumque colicive vehementiores moræ sunt in causa. Clysmata ex decocto corticis cum camphora, epithemata ex herbis leniter aromaticis in aceto vini cortis abdomini applicata optima sunt.

§. 230. Suppuratione rite procedente nihil moliendum, atqui si circa octavum aut nonum diem variolæ recedunt vel collabuntur pure varioloso omnino ad interiora delapso, facie subito detumescente nec manuum tumore insequente, summum adest periculum. Videndum autem quid ars in tristi hoc statu valeat, vesicantia, cataplasmata ad carpum statim apponenda: laxantia & diuretica exhibenda; opiatis dolores & inquietudines lenienda.

§. 231. Variolæ ad perfectam maturationem deductæ, riteque stantes, lanceola vel forticibus sæpius

sæpius de die incidendæ spongiæque lacte tepido imbuta pus abluendum, ne mora acrius factum partes subjacentes corrodat, ulceraque sordida & cicatrices foedas creet, vel ne resorbeatur sanguinique misceatur, febrisque secundaria mali moris sequatur.

§. 232. Hæc febris semel orta est vel valida inflammatoria, vel putrida omnino. In priori casu venæ sectio imperanda si possibilis ob variolarum copiam. Laxantia hic quam maxime indicantur. Diarrhœa hoc tempore suborta transpirationis supplet defectum febrimque mitigat secundariam.

§. 233. Evacuationibus necessariis rite institutis, febrisque vi imminuta ad corticis usum accedendum, & in summa inquietudine ad syrupum diacodii & laudanum. In altero casu ubi sæpissime animi dejectio totalis, deliria obscura, artuum tremor, tendinum subsultus, animi deliquia, petechiæ, diarrhœa colliquativa, dysenteria, peripneumonia putrida, hæmorrhagiæ a sanguinis dissolutione, miæctus cruentus, hæmoptoës, nihil præstantius invenitur quam acida vegetabilia, vapor aceti sc. haustus; nec non mineralia, haustibus & potibus instillata pro infantibus; majorique dosi adultis exhibita; neque hic cortici peruviano parcendum.

§. 234. Restat ut quædam adhuc de symptomatibus præcipuis leniendis dicatur, itaque ut ab oculis incipiamus, hi toto morbi decursu & statim

statim ab initio fovendi lacte tepido in quo parum croci immittatur. Frontale ex camphora ad oculos muniendos a variolis proficuum sæpius inveni. In quibusdam vero cephalalgiam excitat molestam. A vividiorē luce ægri arcendi & in obscuriori loco potius detinendi.

§. 235. In faucium dolore, difficilique deglutione, in primo sc. stadio, cataplasmata emollientia collo circumducenda, sinapismi ad plantas pedum adhibendi. In tertio stadio gargarismata syringæ ope in fauces injicienda: emetica ex oxymelle squillitico cum kerme minerali in suffocationis periculo.

§. 236. In suppressione urinæ, dysuria quæ non a vesicantibus, æger e lecto eximendus SYDENHAMO docente; introrsus cremor tartari, & regimen frigidius in usum vocanda; crustæ nimis tenaces oleo amygdalarum dulcium illinire conducit vel & decocto avenaceo sæpius madefacere, ut citius faciliusve decedant. Ulcera fordida cum melle rosarum & spiritu vitrioli deliganda.

§. 237. Morbo superato cathartica mercurialia debitis intervallis aliquoties exhibenda, quo turunculi, variolæ succenturiatæ, tubercula, glandularum indurationes præcaveantur. Quæ vero statim ac apparent omni molimine ad maturationem ducendæ.



CAP. XXII.

DE PROPHYLAXI ADVERSUS
VARIOLAS.

§. 238.

Minime sicco pede prætereunda prophylaxis in variolis a quam plurimis equidem laudata, paucis vero admodum comprobata. Cum vero ex ulceribus diu manantibus in variolis insitivis, plurimi deduxissent benignitatem variolarum artificialium, etiam in prophylaxi commendarunt cutis incisiones varias, fonticulos uti in peste a DIEMERBROECKIO aliisque loimiatrix proficuos inventos, epidemiâ variolosa regnante. Ab ulceribus naturalibus credunt quoque malignitatem & quantitatem variolarum minui. Infantes vidi sæpius tinea & achoribus laborantes benignas admodum habuisse variolas. CLOSSIUS totam spem mitigandi variolosi virus ponit in maturiori vesicantium applicatione, atqui experientia me docuit omnino spem esse vanam minimeque votis respondentem. In ipsis insitivis vult MEAD emplastra duo vesicantia brachio alterutri & cruri imponi nequaquam dubitans, hanc medicinam ex usu fore, dolendum vero hoc ubique verum non esse.

§. 239. Nec magis fixo pede stat sententia eorum qui in camphora & externe & interne adhibita,

bita, assa fœtida, ipsoque cortice quærunt antidota hujus morbi. Certe cortici & camphoræ quibus addendum & acida mineralia, acetum ejusque vaporem, non deneganda sua laus, in hoc uti in cæteris morbis putridis, dum quam maxime putredini resistunt. Atqui minime valere ad fugandum morbum variolosum unicuique patere debet.

§. 240. In stibio, mercurio quæsit BoERHAVE sed sine successu. In aethiope minerali LOBB, merito vero dubitatur num hæc massa ponderosa ac iners sanguinem ingrediatur. Verum enim vero cum omnia præparata mercurialia sanguinem dissolvendo, eundem magis ad putredinem disponant, non immerito suspecta habentur. Inde quoque videre licet, quid sentiendum cum LETSOM, qui mercurialia in confluentibus malignis, depressis, quo ad suppurationem & elevationem ducantur, commendat, nec plus etiam sperandum de aqua picis a BERCKLEY laudata, aut de pilulis ex calomela, camphora, extracto aloës & gummi guayaco a ROSENSTEINIO confectis.

§. 241. Verum enim vero nihil tutius, nil certius ex mea sententia dari potest ad vitandum contagium variolosum quam ejus extirpatio a PAVLET aliisque plurimis proposita. Vitando nempe omne commercium cum variolosis, omnemque contactum cum lintheaminibus eorumque vestimentis: quæ vel comburenda, vel alte sepelienda haud secus quam in ipsa peste cum qua & variolæ quo-

ad originem, malignitatemque effectuum conveniunt. Nec desunt experimenta in variis locis instituta possibilitatem propositi comprobantia. Sed cum dentur magnæ difficultates quo minus praxis hæc communis fiat, extirpationi insitio substituenda, quæ ergo paulo accuratius describenda.

CAP. XXIII.

DE INOCULATIONE VARIOLARUM.

§. 242.

Non animus est de insitionis origine historiæ dicere, neque indagare num theologice, philosophiceve aut medice licita; non nostrum est tantas componere lites. Sed breviter tantum agendum habeo de methodo administrandæ ejusque prærogativis.

§. 243. Inoculatio autem seu variolarum insitio in genere commendanda, in specie salutaris, aliquando vero & fatalis & infauusta, consistit in eo quod miasma variolosum peculiari erchireisi, corpori sano olim variolas non passo communicetur, ut inde variolæ boni moris procreentur: quæ operatio sequentibus instituitur modis.

§. 244. Simplicissimus inoculandi modus est transplantatio vulgaris, quæ & emptionis nomen habet, quia fit per obelum unum vel alterum par-

vum

vum probe lotum, pustulis cujusvis ægri benignioribus variolis decumbentis impositum & aliquamdiu ibi relictum deinde, madore purulento calidum pueri fani brachio aut pedi, pectorive & aliis partibus alligatum. Aliquando succedit operatio fausto cum eventu, aliquando nullo, frustra neaque evadit.

§. 245. *Sirienses* insitionem faciunt naribus intrudendo miasma variolosum gossypio aut filo turundæ in morem contorto, inharens, periculosa vero firiaca censetur methodus morbi transferendi ob cerebri viciniam quod inde facile lædi potest.

§. 246. Regulariter vero tali instituitur modo variolarum insitio a medicis. Primo nimirum apud ægrum variolis benignis laborantem, pustula bene matura in brachio inprimis aut scemore nata aperitur, & filum crassiusculum ex linteo carpto contortum aut gossypium effluente materia purulenta probe imbuitur. Filum hoc vel gossypium in pyxide optime primo charta cærea involutum includitur & ad variolarum candidatum deferatur, & frustum semipollicare, levissimo cutis vulnuscule seu potius incisuræ, vel lanceola, vel acicula, GATTI docente, in utroque brachio & eo quidem in loco ubi fonticuli excitari solent, aut etiam intra pollicem & indicem factæ immittitur. Alii vero pus purum ex variolis probe maturis expressum in lagenula clausum ad locum destinatum deferunt. Quod si recens calidumve

optime habetur; si minus aqua calida solvitur, in eoque tingunt lanceola, qua incisura fit. Iterumque alii pulverem variolarum jam exsiccatarum incisioni inspergunt, denique linteo vel & emplastro Diapalmæ apparatus firmant; sunt qui more Italorum loco lanceolæ, velicatorio vulnusculum excitare amant.

§. 247. Præparatio olim præcedebat insitionem per quatuor aut plures hebdomatas, dum indiscriminatim sanis, vegetis, debilibus & morbo habituali affectis variolas transferre volebant medici. Toto hoc tempore a carnibus, ovis, piscibus, potibus vinosis, spirituosisque abstinebantur, variaque medicamenta ex stibio, camphora, mercurio, repetitaque cathartica eisdem exhibebantur. Atqui hodie experientia edocti, optime insitionem succedere in corporibus sanissimis, morbofa omnino exulant, sanaque quantum possibile eliguntur, quæ nulla ergo præparatione egent. Excluduntur infantes rachitici, labe venerea infecti, dentitionis negotium aut tempus nondum egressi, gravidæ puerperæ & menstruatæ. Anni que tempora præcipue ver & autumnum, ætatem intra quatuor & quatuordecim annos commendant inoculatores; neque aliam instituunt præparationem quam primarum viarum purgationem per aquam laxativam; aut catharticum mercuriale si vermium suspicio, semel aut bis ante operationem pediluvii utantur noctu ad eruptionem variolarum usque.

§. 248. Duobus elapsis diebus solvitur apparatus & filum vel gossypium amovetur, incisio sanata videtur. Quarto vero aut quinto iterum rubescere incipit. Quinto linea alba apparet in vulneris loco. Sexto margines elevati & albidi conspiciuntur, quod inter signa successus inoculationis numeratur. Eodem die sunt qui queruntur de dolore sub axillis. Circa octavum ægrota-
tio adest cum levi horripilatione, faciei-
que rubore, cephalalgia, dorsi dolore aut lumbagine, nausea & vomitu, quod si non contingat, eruptio
justo longius procrastinatur nec sine periculo. Post decimum tertium demum diem vidi ægrota-
tionem succedere, mortemque infantis secundo
febris die. Post decimum quintum in alia puel-
la, succedentibus variolis confluentibus, a quibus
non nisi magno artis molimine evasit.

§. 249. Cæterum circa decimum sudor ali-
quando oritur cum eruptione in toto corpore
scarlatinæ æmula: undecimo die variolæ erum-
punt, febrisque cæteraque symptomata cessant.
Eruptionis die vulnusculum arefcere videtur,
dein suppurare incipit, quod indies augetur,
maximeque circa variolarum exsiccationem. Die
18vo præter propter perfecta adest convalescen-
tia; & vulnus tunc temporis maxime manare so-
let in ulcerisque naturam degenerare. Si vul-
nus post sextum diem perfecte clauditur, neque
iterum aperitur, successum inoculationis frustra-
tum iri denotat.

§. 250. Variolæ insititiæ raro egent medicina, si autem, quod rarissime mali moris fiant, eodem modo ac naturales tractandæ. Præcipue autem commendant insitores balnea frigida & regimen frigidum diverso quidem fine. Quidam enim iisdem fatagunt materiam variolosam a centro ad corporis peripheriam ducere, ducto exemplo quod in variolis naturalibus, partes minus tectæ aerique magis expositæ uti facies & manus quam maxime variolis infestantur, partesque magis tectæ minus. Unde & facies peplo obvolvenda fuadent ut a copiosioribus pustulis præservetur & venustati & minori periculo consuletur optime. Rectene? Malignitas variolarum apud anglos tribuitur a cl. ROSENSTENIO lotionibus frigidis, quibus utuntur, quibusque cutis induratur, febrique certo ad eruptionem necessaria a balneo frigido supprimitur.

§. 251. E contra GATTI cum cæteris ablutionem manuum frigidam institui vult, ut eruptio topica remoretur. Potionem frigidam, aeremque frigidum, quo assimilatio virus variolosi præpediatur, eruptioque per cutim minuatur, dum morbi periculum consistit in majori numero, securitas & benignitas in minori pustularum copia. RHASES quoque volens cavere, ne pustulæ variolosæ oculos occuparent, jussit faciem frigida sæpius de die ablui, eademque etiam oculos adspergi totumque corpus lavare ut roboratis febris resistere valeret miasmati varioloso. Cautè tamen procedendum cum regimine frigido rigente bruma, supra
jam

jam monui, assentiuntque mecum gravissimi auctores. Cæterum moderate institutum ardenteque syrio, symptomata omnia mitigare morbumque tolerabiliorem reddere, dubitare haud fert.

§. 252. Prærogativæ variolarum artificialium præ naturalibus demum recensendæ. PAULET unicam prærogativam agnoscit, præparationem nempe, quæ cum hodie tam nihili fiat, nullam esse sponte patet. Medici experientissimi præsentiam & curam ab initio ad finem morbi agnoscit DE HAEN, cum in variolis naturalibus parentes vel omnia omnino naturæ committunt, vel non nisi tarde medicorum auxilia quærunt. TRALLES laudat quatenus timorem multos annos aliter torquentem propellit: a timore enim non tantum morbum nasci sæpius, sed & periculosiorem fieri omnes norunt. Alii, in eo præcipue consistere præstantiam credunt, quod infantes, quibus præcipue instituenda, serena pacataque gaudeant mente, nullaque torqueantur sollicitudine. Cæterum quamvis hæc prorsus non contemnenda sint, præstantiam quærendam esse puto in eo quod experientia teste licet neutiquam assequatur ratio, variolæ insititiæ ordinariæ benignæ, neque copiosæ nisi raro; rarissime mortales, dum in naturalibus aut spontaneis omnia opposita ordinariæ observantur: in facie artificiales paucæ ut plurimum, sic venustas amabili sexui chara & utilis & necessaria conservatur. Vûnuscula enim manantia morbi materiem ad brachia potius alliciunt. Febris suppuratoria in naturalibus adeo exitialis

sæpe in artificialibus nulla. Confectaria quoque pessima, in insititiis rarissime occurrunt. Omnibus autem hisce rite perpensis inoculationem multis parafangis omnes contagii vias sive per contactum, sive per aerem, uti quibusdam visum antecellere nemo inficias ibit.

CAP. XXIV.

DE FEBRI PUERPERALI.

§. 253.

Febriſ complicata ex inflammatione topica & humorum putredine puerperis fatis familiaris, puerperalis nunc dierum dicta, præcipue descripta habetur apud medicos anglos HULME sc. LEAKES, WHITE KIRKLANDRE fatis periculosa, valde diversa est a feбри lactea ephemera capite secundo tradita, omnibusque nota, fatisque frequente & absque artis auxilio sponte cessante.

§. 254. Oritur sicut aliæ febres cum horripilatione frigoreque fatis valido, tertio ut plurimum a partu die & quidem inopinanter fere & dicto citius dum paulo ante nil mali suspicentur puerperæ; sequunturque ordinarie pathemata circa uterum, qui ad minimum dolet tactum, nec raro præ dolore totius abdominis ululare coguntur, quod arguit inflammationem uteri ipsius vel & intestinorum & omenti; uti ex inspectione cadaverum

rum probare tentant HULME & LEAKES, vidi & ego cadavera hac febris defunctorum, abdomen pure plenum variorumque viscerum corruptionem ostendentia. Num vero hæc inflammatio causa, num vero effectus febris, aliis discutiendum relinquo. Præterea diarrhoea adest biliosa toto morbi decursu vel levans vel summe debilitans noxiaque, inde & lochia minuuntur vel omnino supprimuntur.

§. 255. Sæpe subito admodum & 24. horarum spatio exitialis est, ut plurimum vero circa undecimum diem terminari solet felici eventu, per diarrhoeam, lochia rite fluentia, ventris pathematum imminutionem sudoremque æqualem.

§. 256. Causas occasionales quærit WHITE in regimine nimis calido, aereque nimis clauso, inde & nosodochii creditur productum. Alii quærunt in lacte repulso, lochiis suppressis, alii in secretionem bilis graviditatis tempore imminuta.

§. 257. Cura pro ratione symptomatum varia instituenda. Nam ubi vera inflammationis signa, lochia suppressa, lac repulsum, sanguinis requiritur missio. E contra si putredinis indicia caute cum hac procedendum, & antisepticis, acidis mineralibus, camphora, cortice & vesicantibus abdomini vel aliis partibus pro re nata impositis tractanda.

§. 258. Emetica quoque ut inflammationis topicæ indicia non facile exhibenda, ineffectiva
hic

hic inveniuntur quoque, laxantia potius leniora nec salina iisdem substituenda. Ubi vero vomitus biliosus, oris amaror, optime conducunt leniora emetica initio morbi & laxantia cum clysmatibus toto morbi decursu. Clysmata non tantum alvi sollicitandæ gratia, sed et uteri partiumque vicinarum fovendarum, lochiorum movendorum blande causa injiciuntur.

§. 259. Cæterum laxantia hic commendata habentur salia media, magnesia alba cum rheo 48. fomenta mollia ex herbis emollientibus in lacte coctis regioni hypogastricæ applicanda quamdiu dolet. Diarrhoea debilitans ex suffragio KIRKLANDII parca laudani dosi moderanda.

§. 260. Si in morbi decursu os & dentes fordescunt, deglutitio difficilior evadit, petechiæ vel miliares non critice erumpunt, anxietasque adest cum animi dejectione magna, deliriis, convulsionibus, non admodum bene sperandum de morbi eventu.

CAP. XXV.

DE LINTEAMINUM ET INDUSIORUM MUTATIONE IN ACUTIS.

§. 261.

Cum in morbis acutis sæpissime linteamina & indusia exhalationibus putridis & contagiosis impre-

impregnentur, fudore, potibus potionibusque medicamentosis inquinentur, urina & excrementis sæpe invite emissis conspurcentur, pure varioloso, nec non lochiis in puerperiis imbuantur, non immerito quæritur, num lintheamina mutanda in morbis acutis. Negant alii, alique affirmant.

§. 262. Negant qui damna timent a corporis denudatione, ejusdemque refrigeratione & exanthematum criticorum retrocessione; hocque aliquando contigisse, medico DUNKERS, cum finito fudore purum indusium quamvis calidum induisset: toto enim corpore algere cœpit & adeo male se habuit ut de vita omnes desperarent: uti refert VAN SWIETEN.

§. 263. Affirmantes quique numero & auctoritate forsan majores incommoda metuunt ab impedita transpiratione & resorptione materiæ jam exhalatæ; & a retentione ulterius exhalandæ; dolentque contrariam opinionem non tantum plebis sed & multorum medentium animis infedisse, ut medicus de fama timens nisi emerferit æger a morbo, vix auderet permittere nedum suadere lintheaminum mutationes. „Linthea sæpius ægris permutare piaculum plebi esse videtur, inquit CRIMOROSIUS, inde siquidem credunt ægros reddi „imbecilliores, sed potius ex diutina illorum retentione varia ægris incommoda contingunt, corporis transpiratio impeditur, sudores & sordes „in indusiis retinentur, putrescunt & foetorem „contrahunt, sordes & sudores corpus obstruunt, „sic-

„sicque calorem ingeminant, quæ quantum ægris
 „sanisve incommoda sint, norunt medici omnes.
 „LEVINUS LEMNIUS etiam in morbis contagiosis,
 „morbillis & variolis indusia tegumenta que sub-
 „inde mutanda consulit ac recentia substituenda.“
 Sordidasque vestes corpori exemptas vento atque
 auræ flatibus identidem exponendas, quo con-
 tagio & gravis halitus, quibus ex infecto corpo-
 re tegumenta imbui contingit & contaminari,
 discutiantur: siquidem cum multi tetri ac perni-
 ciosi vapores seu fuligines ut ait, ex hujusmo-
 di corporibus emanant, quæ vestimenta, quibus
 ægrotus integitur ac fovetur concipiunt, fit ut de-
 cumbentes circumfusum undique aerem hauriant,
 imbibant, ac singulis momentis nova recentique
 contagione ac labe inficiantur, volutantur enim
 in sordibus tanquam scropha aut lutulentus fus in
 volutabro cœni.

§. 264. Infurgit quoque graviter contra vul-
 garem opinionem & nonnullorum medentium, qua
 volunt ægris decumbentibus mutanda non esse in-
 dusia, nec linteamina, RAMAZINI; rationemque
 afferentium, indusia recenter lota vim retinere
 lixiviale, lentorem inducentem: cum in lixivio
 vim deterisivam ac resolventem omnes agnoscant.
 Conducit vero ex recentiorum opinione, ut indu-
 sia succini, olibani & mastichis vapori exponan-
 tur prius ut odor saponis, quem lota lintea habere
 solent, deleatur. Alii suadent eundem in finem
 ut lintea sani hominis corpori applicentur per ali-
 quot horas saltem, quod a magno non improba-
 tur

tur SWIETENIO, modo hac facilitate obtinere possumus præcipuum scopum, ut nempe ægria forditie liberentur. HUXHAMUS nullo modo id necessarium credidit, & pura vult semper adhiberi lintea ægris.

§. 265. Peccant vulgares medici, inquit VALESIIUS, neque tunicam linream mutare neque lecti syndonem, neque manus faciemve lavare, nec quicquam aliud quod ad munditiem spectat suis ægrotis permittentes, nec si longus quidem morbus sit, quasi magni referat volutare in suis fordidibus ac quasi non augeat hoc omnem putrefactionem.

§. 266. In tertio variolarum stadio ad initium exsiccationis, linteamina nunc impurissima, rigida & foetida facta, ipsique ægroti maxime molesta mutari vult HUXHAM, siquidem ait ea aerem conclavis magis polluant & adeo ineptum ad respirationem reddunt, ut istum quoque vix homo perferri possit sanissimus. Quid? quod is non respirationem solum accelerat, sed ipsa quoque hujus venenatæ mephitis miasmata continuo iterum per vasa inhalantia, pulmones cæteraque ad sanguinem deveniunt, eumque magis corrumpunt. Ob eandem rationem quoque suadet VAN SWIETEN mutare linteamina quæ variolis jam maturis pure & peiori ichore confluentium plena rigent, non tantum sæpe molestissima sunt ægris, verum & pessimo foetore nocent quam plurimum.

§. 267. Mirandum vero DIEMERBROEKIUM ægros hortari, ut ad decimum quartum usque diem foetorem hunc patienter ferant, audacterque affirmare se millies vidisse, hunc aliqualem foetorem nunquam ægris nocuisse. Dum ab hoc sanissimi quidem adeo sæpe afficiantur, ut in animi deliquium labi possint, quod sibi ipsi contigisse ait VAN SWINTEN.

§. 268. Ex allatis patet rationem stare pro suadentibus linteaminum mutationem in acutis, dum damna a putrefactione magis timenda sint, imo certiora quam illa quæ a corporis refrigeratione metuenda: hæc enim cautionibus adhibitis vitari possunt, illa vero inevitabilia videntur.

§. 269. Requiruntur vero cautiones maxime necessariae ut hoc fiat sine periculo & cum emolumento. Sint ergo probe sicca & calida indusia. Aer in cubiculo sit quoque temperate calidus. Cortinae ante lectum hoc tempore adducantur, fenestrae & januae claudantur, citoque hoc perfici debet, ne nudato corpore incipiant algere ægri & exhorrescere, cutisque contrahi tota; pallor & anxietas sequantur infausto augurio. Narrat VAN SWIETEN se vidisse hoc contigisse, dum rigidum pure indusium non poterat satis cito tolli de corpore, & purum indusium allatum quamvis calefactum jam frigescere inciperet antequam sordidum auferri poterat additque se jussisse semper ut omnes hæ morae tollerentur, sordidum tale indusium discindi, ut citissime auferri posset, dum præ-

præsto adest purum & calidum, simulque curasse, tale indusium illico comburi ne contagium latissime spargatur dum lavatur.

§. 270. Nec minus attendendum est circa tempus & statum ægri quo hoc fiat, scilicet nunquam die critico dum natura salutem conatur asserre, neque dum ægri admodum languidi, dum se vix sustinere valent erecto corpore in lecto sedendo: sed dum morbi sævitia mitescit ac sopitur, ipsaque concoctio ac crisis peracta est, polletque ipse æger tot viribus ut quoque quid adjuvare valeat in hoc opere.

§. 271. Hisce cautelis opus hoc institutum, nunquam male cessisse expertus loquor. E contra vidi quasi revixisse miseros ægros, dum ab his fordibus liberabantur. Quantum ægroti aeris conclavium mutatione, ait HUXHAM, fores & fenestras prudenti ratione aperiendo & linteamina foetida mutando reficiantur, mirum fane est visu, novam vivunt vitam ut ipsi verbis exprimunt. Nec mirum, quantum enim a vestium munditie ac cubiculorum puritate animi refocillentur sive sanorum sive ægrotantium, omnes facile agnoscunt medici qui æquo pulsan pedes pauperum tabernas regumque turres. Vident enim & levius & commodius morbos tolerare, qui cubacula nitida, quam qui tuguriola inhabitant squalida.

§. 272. Licebit concludere & colophonem huic dissertatiunculæ imponere, verbis aureis cel-

VAN SWIETEN. Dum juniores infantes, inquit, qui urina & fœcibus alvinis conspurcant indusia, variolis laborent, putrescerent toti, si per tantum tempus linteamina non mutarentur; hinc sollicitæ matres coguntur vel invitæ tentare in junioribus quod in adultioribus non auderent.

CAP. XXVI.

DE LIMITANDO VESICANTIUM USU IN ACUTIS.

§. 273.

Olim quidem scripsi Diatribam de usu & abusu vesicantium, qua pro viribus probavi horum usum non adeo generalem esse debere in morbis sive chronicis sive acutis ac vulgo creditur. Verum enim vero hic specificè & fusiùs agendum de horum usu noxio & salubri in morbis acutis universalibus scholæ dictis, febribus nempe continuis.

§. 274. Ut rite autem procedamus in hac materia ventilanda, primo observandum, febres continuas dividi posse præcipue in tres species: una in qua sanguinis spissitudo peccat, motusque circulatorius intensior est, ut in febribus ardentibus inflammatoriis; altera in qua medici omnes sanguinis dissolutionem admittunt, circulatioque humorum vitalium languet, uti in putridis & malignis

lignis sic dictis. Tertia tandem in qua lymphæ accusant visciditatem & lentorem, uti in febribus lentis & nervosis. In his quoque humorum motus progressivus tardius solito procedit, in hisce omnibus quædam oboriuntur symptomata, eruptiones fiunt, deliria & sopores sæpe obveniunt, quæ vesicantium applicationem poscere videntur.

§. 275. Dein autem & natura vesicantium horumque modus operandi in corpora humana indaganda. Caustico aeri salino volatili gaudere vesicantia quæ ex cantharidibus nostro aevo præparantur, nemo inficias ibit, indeque solida stimulari, irritarique, fluida dissolvi & ad motum fortiolem incitari, omnes post BAGLIVIVM agnoscunt, neque deneganda eisdem vis sudorifera & diuretica.

§. 276. Sponte jam patere videtur ex dictis non posse æque convenire in omnibus febribus, & ubi orgasmus major, & ubi hic idem minor; neque iterum horum usum nullum esse in ulla febris certis sub limitibus. Quis autem crederet vesicatoriorum usum commendari indiscriminatim & in inflammatoriis & in putridis malignis a FREINDIO, PRINGLE & CLOSSIO? e contra omnino e foro medico ejici si res esset suffragii cel. TRALLESI? qui iisdem vix in malignis vi vitæ deficiente uti vult.

§. 277. Cavendum vero esse frequentissimum illum vulgi medicor. errorem, quo in omne febrium specie utcumque periculosa sine discrimine, quam-

vis non sine magno febricitantium discrimine vesicantia applicantur. In instructione quæ titulum gerit *Nuclei totius Medicinæ*, legitur sequentibus verbis: Qui in omnibus febribus sine discrimine, inque omnibus morbi circumstantiis illud (vesicans) adhibet, aperte probat, quod magni Apollinis in sua arte, elogium haud mereatur. Antequam ad illius applicationem acceditur, probe pensitandum est, an febris sit inflammatoria, an nervosa. In illa vesicatoriorum loco, lanceola adhibenda atque demulcentia, refrigerantia & diluentia remedia.

§. 278. Quo usque vero speciatim conducant vesicantia in singulis febrium speciebus, quo usque noceant, jam autoritate & experientia practicorum audiendum est, & quidem primo in febribus inflammatoriis & ubi orgasmus humorum valde citatus; magnum hoc remedium, inquit MORTON, perperam a vulgo medicorum in quibuscunque febribus indiscriminatim adhibetur, si quidem in inflammatoriis cantharides plurimum nocent, ac flammam flammæ adjiciendo curationi officiunt.

§. 279. Non immerito suspecta videri possunt in febribus ardentibus, dum inter causas febrium producentes acria externa ab autoribus memorantur. De acri causticoque cantharidum nemo certo dubitat. BOERHAVIUS scribit in commentario proprio ad suos aphorismos, dari homines qui non possunt ferre cantharides quin habeant febrem.

febrem. VAN SWIETEN ait, Cantharides applicatas toties febrim & sitim fumnam effecisse. TISSOT affirmat has esse vires cantharidum febrem, inflammationem, & calorem, quas minuere intendimus, augere.

§. 280. Medicos anglos quoque si consilere placet, eni adest LANGRISCH de vesicatoriis affirmans quod faciant febrim, & oris siccitatem. Eum sequitur HUXHAM dicens: increfciens febris nullo indiget stimulan- te, hinc vesicatoria, tam sæpe nimis præpostere & minus conveniente modo applicantur, si irritatio & impulsus jam sunt nimii, certe sine ullo judicio adhibentur. Profecto, inquit alibi, quando sola sanguinis aucta commotio excitare potest febrim, quidquid hanc commotionem augebit, illam prolongabit & adaugebit, itaque hac ratione vesicatoria, quæ sal acere quoddam sanguini addunt & fibras insigniter stimulant, certe minus conveniunt in principio ad minimum in omnibus febribus ardentibus & inflammatoriis ad quam sæpe in praxi consueta videmus ægrotis larga satis copia sanguinem emitti & vesicatoria applicari, quod profecto sic cum ratione convenit, ac si quis partem magni incendii prius suppressere velit & mox postea residuam partem extinguere nitereturque adjecto pulvere pyrio aut vini spiritu, aut ac si equo aspero flagella ac calcaria addere velis quem demulcere cupias; quod sane fieri solet cum vesicatoriis ubi vis vasorum oscillatoria ni-

mia & fluidorum motus observatur rapidior. Eadem fere summa elegantia eique quasi innata habet TRALLES, dicens: An remedium quod ut causa febrim producere potest contra eam ultra modum favientem quærat refrænare? An rapido & perniciosissimo cursu agitur equus insidentem excussurus & in præceps daturus, calcaribus additis quietior reddetur & lentius incedet?

§. 281. Ut demum concludamus cum damno vesicantium primario, sc. ubi febris nimis intensa, uti in inflammatoriis & ardentibus, indeque pateat, quanta cautione, quanta prudentia hic opus, præsertim si febris vis non prius refrenata evacuationibus aut sanguinis missionibus necessariis, quædam adhuc addenda a BAGLIVIO, HOFFMANNO & PROSPERO ALPINO prolata. Prioris verba sic sonant: Nocent in febribus ardentibus & continuis, in quibus magna est sanguinis agitatio & impetus, post imprudenter & intempestive adhibita vesicantia nihil aliud observamus frequentius in praxi, quam febris exacerbationem, deliria, inflammationes, præterque alia symptomata, sitim intensam & pulsum celeritatem generare notum est. Pulsus igitur existente forti & celeri, ait alter, vesicantia non sunt applicanda, nisi dolores, febres inflammatorias accendere & phrenitidem accersere velimus. Tandem PROSPER ALPINUS de medicina methodica hæc habet: Nunquam probare potui in acutis vesicantium usum, quod calorem febrilem augeant, dolorem & vigilias

lias concitent, & deliria inducant, coctionem impediunt, non minus & motui humorum critico obsint, cum incertus locus sit, ad quem vel per quem crisis est futura. Hæc ille. Ut autem hic obiter dicam, annon inde probare videtur ex methodo nostra in medicina hodierna, turbari sæpius motus criticos, ideoque minus accurate observari quam apud antiquos?

§. 282. Jam ergo me converto ad febres malignas & putridas, in quibus & ratione putredinis & ratione intensitatis qua subinde turgent, ut in febris suppuratoria aut secundaria variolarum minus apta censentur. Dum enim principio alcalino gaudent vesicantia sanguinem fluidiorem reddendo ejus crasin turbant, monente ALBINO, BAGLIVIO, BOHNIO, LANCISIO nec non VAN SWIETEN. DE GORTEN asserit, vesicantia nocere in morbis cum majori circulatione, calore corporis, colliquatione pinguedinis, siccitate inflammatoria. BOERHAVIUS in commentario proprio, agunt inquit, vesicantia quatenus motum faciunt, & se in corpus insinuant, non conducunt ubi humores acres, nec in morbis acutis nec ubi inclinatio est ad alcali, miror claros viros vesicatoria adeo sæpe laudare, faciunt nempe per se, febrim, anxietates, halitum cadaverosum, urinam foetidam & acrem, sanguinem in aere putrefaciens solutum. Pariter cum doctissimo magistro sentit discipulus eruditissimus VAN SWIETEN addens, ubi magnus motus adest, humores disso-

luti acres & in putredinem vergentes non adeo tuta. In principio morborum putridorum non nisi cautissime adhibenda suadet FORSTEN.

§. 283. Non desunt vero iterum qui nulla habita ratione ad dictas circumstantias, commendunt vesicatoria in putridis & malignis falsa imbuti opinione forsan ut habet BAGLIVIVS eadem vim habere extrahendi venenum febrium malignarum, non sine magna ægrotantium perniciæ. Vesicatoriorum fautores hic equidem sunt WILLISIVS, LANCISIUS cum MEADIO, PRINGLE & STORKIO & quidem variis corporis partibus simul applicata volunt. Taxantur vero hi iterum a BAGLIVIO & MORTONO affirmantibus quod in febribus ex dissolutione nequaquam conducere valeant.

§. 284. An nunquam igitur locus vesicantibus in acutis & putridis? An tot viri in arte clari de corio humano ludendo fallere posteros voluerunt; an ipsi crasso ignorantie filo ducti, sese ipsos fefellerunt? Certum est se sæpissime ex felici successu in praxi & ex numero convalescentium, quibus vesicantia subinde quamvis minus apte adhibita fuere, judicasse ex bono eorum effectu, ac si sine iisdem sanitatem recuperare haud potuissent. Alii plus ex more quam alia de causa, meliora certo edocti vesicant. in cura febrium in usum vocant. Audiamus VOGELIUM, etiam si inde (ex vesicantibus) non mitigari, nec lethum adeo impediri videas, desiderant tamen
seu-

seculi mores , ut nullibi hoc auxilium omittas, qua levare æger potuisse videatur.

§. 285. Cum vero in omni febris maligna & putrida adsit summus virium languor & solidorum debilitas cum pulsum tremore, vacillatione neque raro intermittentiâ, vesicatoria autem omne systema nervosum concutiant, moveantque & sanguinis circulationem incitent, conducere debent quam optime in illis conditionibus quæ stimulo ac incitamento egent; in languore humorum maximo & solidorum atonia summa. In morbis ubi feri copia abundat, ubi materia ichorosa & purulenta, subtilius miasma miliarium, aliorumque exanthematum per metastasin ad interiora deferatur vi vitæ deficiente. Vesicatoria rejicit TISSOT in vehementi suppurationis variolarum febris contra FREINDIUM. Commendat vero in earundem devolutione ad pulmones, cum pulsu debilissimo, orthopnea & anxietate. TRALLES quoque, si unquam, inquit, in variolarum medela valent vesicatoria, valebunt unice ubi febris torpet, & ubi e re ægri futurum erat, fortius insurrexisse vitalem humorum circuitum, ad faciendam & excitandam, non ad inhibendam febrim.

286. In febris secundaria variolosa valida, vesicantia æque parum ac vinosa aliaque stimulantia conducere firmiter credo, tantumque valere si febris languida, vis vitalis fracta & humorum circuitus torpens, & experientia propria & auctoritate MEADII, HUXHAMI & DE HAEN fretus. Eve-

nit autem non raro, inquit MEAD, maxime in pessimæ notæ morbo (variolofo) ut cum pulsu articularum exiguo ægrotus & imminutis admodum viribus torpeat magis quam calore uratur, in hujusmodi ægritudine imponenda sunt brachiis & cruribus emplastra vesicatoria. HUXHAM qui in febris secundaria intensa laudat venæ sectionem, quando e contra ait, pulsus est debilis, æger languidus & interdum lypothimicus, quando extrema sunt frigida, tunc cardiacorum exhibitione & vesicantium applicatione nimis esse vix possumus. Vinum calidum tunc stupendos effectus edit. Mira hic præstare vesicantia asserit DE HAEN.

§. 287. Eandem rationem esse, eandemque utilitatem habere vesicantia sub determinatis dictis conditionibus, in aliis febribus exanthematicis, sive ante horum eruptionem, sive ab eorundem retrocessione patet ex sententia aliorum non minus in arte celebrium virorum. TRALLES scribit se aliquoties vidisse, quando vel vehementes convulsiones, vel soporosi adfectus ante exclusionem variolarum, incipiente vel durante prima febris vesicatorium poposcerunt, mitiores inde secutas fuisse variolas. Sic autem HOFFMAN ait, quando pulsus exiles aut debiles micant, vires languent ad soporem inclinatio & corpora segnioris naturæ ex usu sunt (vesicantia) ubi omnia alia secus. Alibi autem, quanquam cantharides virulento quodam & sæpe noxio agant principio, tamen in febribus continuis malignis, ubi pulsus sunt languidi,

di, sopor & torpor capitis, & exanthemata retrocedunt, non sine emolumento vesicatoria nuchæ & carpis manuum imponi observationes testantur practicæ. In pulsu debilissimo animi deliquiis vesicantia exoptatum sæpe præstitere effectum, asseverat COLLIN. In miliarium retrocessione, ubi exanthematum eruptio adjuvanda est, interimque naturæ vires languent, vel deficiunt, commendantur a FORSTENIO ut pulsus languidus vim vitalem stimulando excitetur.

§. 288. Haud secus ratione aliorum symptomatum, soporosoform cæterorumque nervosorum affectuum, vesicantia adhibenda ubi nocere valent propter suum stimulum; si febris jam satis ardens, aut si nervi admodum sensibiles quam ut eorum irritamenta impune ferant prudenter agendum. In hisce enim putat PERCIVAL spasmos inde adaugeri & motus inordinatos concitari. In lethargo qui cum febre conjunctus sit, quæ calida respuit, vesicantia non usurpanda esse monet DURETUS. Nocere hæc eadem notat BAGLIVIVS in affectibus nervosis cum febre ad ardentem declinante, itemque in comatosiis affectibus febrium quæ accedunt ad ardentem. Nocent admodum cantharides, inquit TISSOT, in illo sopore, qui ex vi febris & turgore vasorum oritur. Noxia declaret DE GORTER in deliriis æque ac BAGLIVIVS cum febre validiori. Periculosos vidit effectus HUXHAM a præpostera vesicantium applicatione tali in casu.

§. 289. Utilem demum determinatis in casibus vesicantium usum prædicare cum cæteris licebit in febribus putridis & nervosis præcipue experientia decumana edoctus; huic fulcro enim, licet aliter visum cel. TRALLESTO, innitendum est. Soli experientiæ credendum & adhærendum in praxi medica. Sic cum WALSCHMIDIO exclamare audeo, vesicantium usum nunquam me fefellisse in morbis malignis: neque vero alia ratione, alioque tempore juvant, quam ubi motus solidorum & fluidorum deficiunt, motus arteriarum languidi sunt, & vis quasi naturæ fracta, dum penetrant illo quo sunt prædita stimulo universi corporis tubulos nervoso-musculares, ipsasque arterias de novo animant, easque ad vividiores contractionem & systolen incitant; qua de causa ab eorum applicatione pulsus antea depressi sese attollunt, parvique majores fiunt. In sic dicto *Nucleo totius Medicinæ* legitur: in febribus nervosis quando pulsus est depressus & debilis, spiritus exhausti, & oculi sine signis alicujus inflammationis, melancholica caligine affecti, non condonandum fore, si usus liberalis vesicantium negligeretur. In pulsu tremulo, urina clara & straminea unice indicari usum frequentium vesicatoriorum habet MORTON, ut spiritus animales languentes & oppressi tandem excitentur & resuscitentur. Naturam oppressam erigendam quoque vult LANCISIUS vesicantium applicatione. In febribus inquit, BAGLIVIVS, quæ exilissimo pulsu, extremitatibus frigidis, anxietate, ad morbos soporosos

porosos propensione, stipantur, dictum est incredibile quam proficuos effectus adferant vesicantia. In febris lenta nervosa ob lymphæ visciditatem & lentorem toto morbi decursu commendantur ab HOME, diu aperta servari suadet HUXHAM, sine piaculo omitti haud posse habet BUCHAN. Hæc de vesicantibus sufficiant.

CAP. XXVII.

DE AEGROTANTIUM ET CON-
VALESCENTIUM DIAETA.

§. 290.

Quamvis sub diætâ ægrorum comprehendatur & aer & alimenta, de ultimis tantum hic agere animus est, cum passim de aëris regimine ad singulos morbos dictum fuerit; in diætâ autem stricte dictâ, commendanda maxime attendendum est ad vires sustentandas ut pares sint morbo ferendo: ideo quo longior morbus eo copiosior & solidior requiritur; quo brevior, eo parcius fluidiorque. Sic in acutis potulenta magis, in chronicis esculenta potius conceduntur.

§. 291. Diætâ ægrotorum instituenda variâ quoque, prout morbus est in initio, in statu & in fine aut declinatione, vel & reconvalescentia; uti & in apyrexias tempore in febribus intermittentibus videlicet. In accessionibus abstinere
opor-

oportet monente HIPPOCRATE, nam cibum dare nocivum est & quibus per circuitum fiunt accessiones, in ipsa accessione abstinere oportet.

§. 292. In genere, in omnibus febribus acutis & in calore febrium intermittentium diata est una eademque fere, hinc inde sub certis conditionibus forsan parum mutata. Magna vero attentio requiritur in convalescentia vel apyrexia febrium intermittentium, ne quantitate excedant nimia, viresque superent digestivas; vel & qualitate peccent noxia quæ producendo sc. magis quam supprimendo causam morbi favent.

§. 293. Quæ ergo in ipso morbo concedenda sunt decocta avenacea, hordeacea & Ptisana ab HIPPOCRATE jam commendata, quæ neque nimis tenuia, neque nimis spissa aliquoties de die, idque calida aut tepida saltem exhibenda. Jura carnium quibus alicubi in Germania, HAENIO consentiente, quia aliquid consuetudini dandum, utuntur, cum facile in putridum abeant, optime acidis, succo citri, limoniorum, aceto vel & cremore tartari corriguntur. Optimum talem correctorem præbet sua natura panis albus bene fermentatus, qui igitur hisce jusculis addendus, vel incoquendus. Iisdem quidem licet uti in variolis benignis, conducunt hæc quoque puerperis cæteroquin bene valentibus. Pultes avenacæ, panatæ panatellæ BOERHAVIANÆ intermediis temporibus concedendæ iis, qui non valde ægrotant, neque prædictis famem aut appetitum sedare valent.

lent. Huic scopo quoque favent lac ebutyratum Batavis familiare; chocolata aromaribus orba & hæticis & puerperis nec non convalescentibus concedenda.

§. 294. Potus fit in acutis ptisana dilutior acidulata, cum rob, sapisque fructuum, ribesiorum sc. ceraforumque. Serum lactis vinosum, cereviliatum aut lythogala Danis in deliciis, vinum aqua dilutum, quo ubi nimis non sævit febrilis æstus præstantius & jucundius cardiacum simul antisepticum & diluens non novisse ait TISSOT. Tenue & aquosum laudat GALENUS donec morbus solvatur tunc temporis liberalius vult offerendum. Aqua in qua frustum panis incoctum & cum succo citri, tamarindis & parum vini rhenani aut mosellani gratior reddita. Hydrogala & potus caffè cum lacte in variolosis qui febri carent, conceditur, immo ab HUXHAMO commendatur. Non ineptus quoque potus puerperis post quartum diem, finita tum febris lactea ut plurimum. Lac enim ab HIPPOCRATE febricitantibus damnatum, quia calore facillime in coagula abire potest. Cerevisia tenuis quoque non incongrua assuetis speciatim.

§. 295. Morbo superato acuto, post unam vel alteram alvi ductionem, ubi necessarium, institutam; sensim a tenuioribus ad solidiora pergendum, sæpe cibus exhibendus pauca copia sensim quoque aucta. In apyrexia febrium intermittentium non nisi elapsis duabus horis post paroxysmum.

xysmum. Alimenta danda in cenam parum admodum exhibendum & quidem duas horas ante somnum.

§. 296. Replentia & analeptica autem in his, qui a morbo convalescunt, sunt jura carniū, pullorum, vitulinæ, agninæ meraciora; gelatina, pul-tes ex oryza, fagu; lacticia quæ tamen febris intermittente laborantibus minus convenire creditur: carnes teneriores avium, pullorum, gallinarum, columbarum, assæ non autem cum multo butyro aut pinguedine, quæ facile in stomacho debili rancescunt. Carnes nigræ omnino rejiciendæ, quales sunt anserum, anatumve, carnes pingues, fuillave; ova quoque minus tuta ob in putridum inclinationem. Laudantur vero caro vitulina, ovilla assa; eorundem animalium lingua, thymus, pancreas. Fumo indurata & salita non prorsus deneganda rusticis & robustis qui iisdem assueti. Puerperis esus carniū non concedatur primis tribus a partu diebus saltem. E piscium genere perca, luscus junior, asellus minor, ciprini fluviatiles pauco assi butyro. Non probantur autem in usu diætetico pisces exsiccati aut exsuccici, haleces sive infumati, sive recentes, sive saliti; pisces viscosi aut anguillæ, acus, tinæ, salmones, cyprini lati, carpiones, muscoli seu mytuli, ostrea, cancrique. Ex oleribus radices dauci sativi juniores, turiones asparagorum cinaræ costæ; fructus seu capita dicta vires stomachi validiores requirunt: bona quoque sunt folia cichorei,

rei, acetosæ, borraginis, portulacæ, lactucæ, spinachia, quæ sæpe, ut obiter dicam, diu retinentur indigesta in stomacho; tum & utilia habentur brassica rubra, cauli flores. Ex fructibus omnes horrei probe maturi, & quidem crudi non contemnendi in ipso morbo præter poma pyra & pruma cocta, fabæ autem, pisa duriora & sicca, lentes convalescentibus non concedenda, nec non placentæ pistrinæ & culinariæ uti & omnia dulcia, quæ fastidium, flatus aliaque mala producere valent. Male quoque audiunt farinosa non fermentata, viscida & glutinosa, nec bene a quâ plurimis, in hæcticis commendata, cum vix domari possint a stomachi diuturno morbo viribus fractis, quin & lacticia vix alibi magis conducibilia vix digerere valent; statimque anxietates percipiunt a novo chylo sanguinem ingresso, ergo tantum multa aqua dilutum aut tenue admodum, quale asininum potandum; eidem saccharum addendum ne adeo facile coaguletur.

§. 297. Potus reconvalescentium optimus, vinum aqua dilutum, albumina ovorum in aqua soluta, cerevisia generosior dein, qualis est Mumma Brunswicensis, Ale Brittanorum: nec non haustus vini rhenani, canariensis, malvatici, maderæ, hungarici cum pane bis cocto. Potus punch interdum conducit præcipue a febre intermittenti sanatis, si pectus habeant firmum. Condi-
 H myri-

myristica, caryophilis, iisdem liberalius quam aliis convalescentibus concedenda.

CAP. XXVIII.

DE MORBORUM CRISI.

§. 298.

Subita præcepsque mutatio in morbis acutis sive ad sanitatem sive ad mortem, sive demum ad alium morbum, abscessum effatu dignum sc. in statu morbi contingens, crisis dicitur seu iudicium. Crises autem lentæ in morbi declinatione, quæque longo tempore fiunt minus fidæ tutæque.

§. 299. Fit autem naturæ conatibus ad noxium excernendum, quod fit vel sudore, urinae sedimentosa, in febribus continuis simplicioribus; in inflammatoriis narium hæmorrhagia, in putridis & biliosis diarrhoea; in pulmonibus affectis, sputo crasso & viscido: imperfectiores sunt crises quæ abscessus alicubi formant.

§. 300. Ad crisim perficiendam requiruntur vires validæ; in imbecillibus nulla crisis. Oritur enim quædam lucta inter naturam & morbum, quæ reciproce vel vincunt vel vincuntur, prout illa vel hic viribus valeant.

§. 301. In hoc conflictu ergo plura oriuntur symptomata, quæ medentes a morbis symptomatibus distinguunt cum critico fiant tempore, ne quid magna moliantur in medicamentis & remediis heroicis, emeticis, laxantibus, venæ sectionibus instituendis, aut in linteaminibus mutandis, ne natura in suis conatibus salutaribus frustretur, ægerque potius ab intempestiva medicatione quam a vi morbi succumbat.

§. 302. Crises & dies critici sc. 3. 5. 7. 9. 11. 14. 17. 21. ab Hippocrate, Galeno, ab omniqve veneranda antiquitate accuratissime observata & descripta, non adeo certo observari nostro ævo gravissimi testantur authores, BAGLIVIVS sc. DE HAEN, VAN SWIETEN postque eos experientia. Rariores autem tales perturbationes criticas non immerito tribueris venæ sectionibus crebrioribus, medicamentis efficacioribus, emeticis, camphoræ, cortici &c. nec non vesicantium applicationi antiquis non adeo familiari.

§. 303. Dies non adeo exactos observari putat DE HAEN, pendere inde, quod raro sint, qui exacte atque accurate morbi principium notent; neque inter medentes constet, num a spontaneis lassitudinibus, leviorique functionum læsione morbum ipsam antecedentibus, num ab ipsa febris orta, dies numerandi.

§. 304. Non semper ut nunc sic & olim, & morbum solvi & mortem sequi, crisi facta, sed potius sine ulla crisi prævia, reperitur apud GA-

LENUM. Aegros convaluisse absque ullo pepalini signo observavit HIPPOCRATES, crises adhuc dum sæpissime fieri non minus certum est. Contigit mihi non raro videre criticas perturbationes, symptomatibus ingravescentibus, noctibus inquietis & gravioribus a septimo die, alternis diebus ut plurimum, e quorum majori vel minori intensitate, vel noctibus pacatioribus aut æque inquietis subsequenter, mortem vel salutem præfigere licuit ad undecimum vel quatuordecimum diem.

CAP. XXIX.

DE SIGNIS PROGNOSTICIS.

§. 305.

In opere practico non omittenda signa prognostica ad vitam vel & ad mortem ægrotantium spectantia, quamvis non æque utique certa aut infallibilia, dum cum pessimis signis convalescunt sæpe, cum optimis moriuntur ægri. Placet autem omnes partes corporis a capite usque ad calcem, ejusque functiones omnes percurrere, quatenus indicia in iisdem comparentia sive ad mortem sive ad sanitatem ordinarie ducunt.

§. 306. In capite autem tria inprimis consideranda veniunt, symptomata prognostica in febribus aut morbis acutis. Delirium nempe so-

por

por aut somnolentia, vigiliæque. Delirium ergo raro boni ominis, non vero semper prænuncium; dividitur in obscurum, parvum, & ferox seu phrenicum, quod vel cum risu, vel cum studio fit, versaturque circa necessaria vel minus necessaria.

§. 307. Ad prognosticum quod attinet phreniticum aut ferox semper periculosius est quam obscurum & parvum, nec adeo malum quod somnus sedat. Sopor autem & summa quies, aut improvisa resipiscentia delirium excipiens lethale semper inveni. Minusque periculosa etiam habita sunt semper deliria quæ cum risu fiunt. Periculosissima quæ cum studio fiunt magno. Pessima quoque quæ circa necessaria versantur; sc. ubi cibum potumve &c. capere nolunt ægri. Cum deliriis fere convenit oblivio, est enim levior mentis alienatio quasi, hæc semper mali ominis est dum scilicet familiares non agnoscunt, aut factorum non recordantur, eoque magis, quo in statu sano perspicacioris fuerunt ingenii aut firmioris memoriæ.

§. 308. De somno autem dicendum, quod omnis somnus non turbulentus symptomata levans, delirium si adfuerit sedans, naturali quam simillimus, bonus. E contra inquietus haud levans, naturæ modum excedens quo ad durationis tempus, ejusve profunditatem, dum nec facile expergisci poterunt ægri, & quando evigilantes iterum in somnum statim delabuntur, malum. Per-

tinaces vigiliæ etiam pessimæ. Vidi ægrotos per aliquot dies neque interdiu neque noctu dormire, qui fere semper dein moriebantur. Dormire oculis semiapertis contra morem naturalem, malum.

§. 309. Oculi vividi bonum protendunt præfagium; segni vero pulvurenti, caliginosi, aperti, immobiles, subsidentes, truces, nimis prominentes, unus altero minor, sponte illacrymant, malum. Eodem modo perniciosum est oculos assidue nictari, ægrum non videre labescens viribus, mortis instantis prænuntium.

§. 310. In organo auditus præfagia desumuntur, si contractæ aut frigidæ aures quod triste tibi dabit angurium. Præterea surditas ante morbi statum, deliria post septimum diem cum aliis bonis signis reconvalescentiam: corpore vero valde debili mortem proximam denunciat.

§. 311. Malum quoque ominatur foetor intensus ab ægrotantis corpore, ejusque excretionibus exhalans; nec non dum allata alimenta medicamentave quamvis suavia, naribus ægrotorum quam maxime foetere videntur. Tum demum nares contractæ aut arcuatæ nimis; neque cæterarum partium capitis prædictiones negligendæ: videlicet dentium stridor, maxillarum fortis constriction, vel harum deductio seu os hians in non assuetis saltem, orisque faucium & dentium summa nigredo, quæ omnia mala.

§. 312. Linguam inspicienti si apparet sicca, dura, fissa, nigraque tremulaque exeritur aut convellitur & versus fauces trahitur, perniciosum admodum. Aphthæ non absolute lethales: nigrae vero si fuerint de fausto eventu dubitandum. Virides contigit mihi videre mortem post se ducentes.

§. 413. De capite vero ad thoracem descendamus, ibique actiones vitales consideremus, sc. respirationem cum loquela voceve cordisque & arteriarum motus seu pulsus, quatenus ad præsa- giendam vitam seu mortem ægrotantium valent.

§. 314. Respiratio igitur magna, æqualis, facilis semper bona in morbis: E contra parva, in- æqualis, difficilis semper mala. Asthmatici ta- men diu parvam habent respirationem absque in- stantaneo periculo. In similibus ergo minus per- timefcenda; celeris brevisque admodum mala: tarda non ita semper, nisi ubi jam alia mortis signa. Anxia quoque mala, in hypochondriacis non ita. Dolens inflammationis organorum re- spirationi inservientium signum; sublimis morti- fera, uti & frigida sc. ubi halitus percipitur ex ore frigidus. Stertorosa in moribundis observa- tur; vox demissa vel & clangosa inter mala signa, aphonia vero & totalis mutitas inter lethalia nu- merantur.

§. 315. De pulsibus in genere dicendum, quod horum frequentia imminuta circa vesperam, bo- num in febribus: circa matutinas horas valde au-

ſta malum. Præterea boni habentur pulſus æquales magni, pleni & fortes, fallunt vero in apoplecticis. Pulſus durus inflammationis ſignum, poſtulatque ſemper V. S. in peripneumonia tamen mollis potius eſt; debilis & celer peſſimus in febris. In viſceris interni gangræna vix ad tactum perceptibilis.

§. 316. Qui vero certa præſagia de pulſibus deducere vult, neceſſe eſt cognitum habeat naturalem in individuo antea ſano; nihil enim pernicioſius quam pulſus intermittens, qui tamen non adeo raro in viride datur ſenectute. Dantur etiam qui naturaliter pulſum habent intermittentem, in uno vel alterutro brachio. Non ſine cauſa ergo vult CELSUS in utroque brachio pulſum a medenti tangi. In obſtructionibus infimi ventris & hypochondriacis, hæmorrhoidariisve pulſus ſubinde intermittit ſine periculo. Palpitationes demum univerſales, præcipueque venarum jugularium vehementes mali ſunt ominis.

§. 317. Ex naturalibus functionibus male ominantur derepente ingens ciborum appetitus excitatus, ſitis abſentia uti & ejusdem ſine cauſa ſubita ceſſatio in magno febris ardore, morrem foreſ jamjam pulſare indicat. Alimentorum & potulentorum cum ſtrepitu & murmure in ventricul. deſcenſus obſervatur ſæpiſſime in agone mortis.

§. 318. Excretiones magni momenti ſunt in judicandis morbis, ſi nempe ſiunt tempore critico poſt coctionem viribus conſtantibus, tunc enim ut
pluri-

plurimum levant & juvant. E contra ante coctionem & statim ab initio morbi, aut fractis viribus nimis nocent & perniciem afferunt; jam vero de iisdem seorsim agendum, quamvis raro admodum una tantum excretionem judicentur morbi.

§. 319. Ut a sputis autem incipiamus, quibus morbi pectoris ut plurimum judicari solent: optima sunt sputa alba, levia, crassa, viscida, nullo pravo colore aut odore infecta. Verum mala sunt livida cruenta, biliosa, foetida, coenasa, atqui in pleuriticis & peripneumoniis, statim ab initio expectorata flava, non multo sanguine permista, salutaria admodum. Pauca vero rotunda tenuia difficulter & cum multa tussi excreta nec juvantia infaustum promittunt eventum.

§. 320. Et vomitus criticos & salutes etiam dari in morbis, quamvis in febribus & acutis raro observaverim, patet ex autore *Coac. prænot.* qui sic habet. Qui in febre continua muti jacent, clausis oculis subinde conniventibus, siquidem e naribus sanguis effluxerit & vomuerint, atque ex eo loquantur & ad se ipsos redeant servantur; atqui malæ sunt in genere vomitiones variæ, ærugiosæ, cruentæ atque foetidæ. Exitialis vero censendus vomitus illico cuncta excipiens assumpta.

§. 321. Ex alvi defectionibus itidem & salutem & mortem prænosce licebit. Alvi dejectio copiosa autem, biliosa diebus criticis in putridis levans, semper bona, e contra alvus valde

aquosa spumans nigra, æruginosa, varia, splendens, oleaginosa maxime foetens, colliquans quocunque morbi statu perniciofa, nec non suppressa quam excipit singultus, uti & hæc quæ invito & inscio ægro fit. Vermes vivi exeuntes non datis anthelminticis mortem præfagiunt.

§. 322. Urinarum involuntaria quoque excretio pessima, nec non urina sanorum simillima in acutis, nigra pariter, nunquam talem vidi, bonæ quæ fuit repente mala facta. Copiosa, tenuis limpida oleaginosa, colliquativa admodum, cruenta, putrida maximeque foetens, contentorum expers, turbida subjugalis & jumentosa, permanens sine sedimento, rubra nimis: stranguria, dysuria & urinarum totalis suppressio, qualem vidi septiduanam in gastritide a veneno acri, uti tarde nimis constitit, nulla urina in vesica existente. In hysteriis & hypochondriacis urinæ tenues pallidæ non tam tristis augurii ac in aliis. Sedimentosa, hypostatica tempore critico emissæ bona omnino censetur. Vidi cum HIPPOCRATE ægros lente convaluisse nullo pepasmi signo in urinis componente. Iterumque vidi quos urina sedimentosa critica non servavit. Adeo certum est plura debere concurrere signa ad bonam judicationem: sæpeque unum malum plura valere ad interitum prænosendum, quam plura bona simul ad sanitatem prædicendam.

§. 323. Sudores diebus imparibus erumpentes, æquales calidi per totum corpus boni; e contra

tra si diebus paribus erumpunt vel toto morbi decursu sub infirmis viribus. Mali sunt quoque partiales in facie maxime cum ejusdem summa rubedine præcipue. Pessimi quoque frigidi viscidi, aut foetidi. Desudationes seu sudatiunculæ hinc inde erumpentes, non multum boni afferunt; nullum enim paucum criticum.

§. 324. Eadem ratione stillæ sanguinis paucæ atræ ex naribus non probantur; pariterque sanguinis profusiones nimix, præsertim si cum idea morbi non conveniunt, uti in putridis malignis. Ceterum febrès ardentes inflammatoriæ, narium hæmorrhagia larga die decretorio feliciter terminari amat; subinde & hæmorrhoidum fluxu in assuetis; mensium profluvio in foeminis, nec non lochiorum in puerperis.

§. 325. Fiunt & interdum quædam translationes seu metastases materiæ morbosæ quæ deponitur quadam in parte & in pus sæpe fausto omine convertitur, vocantque abscessum: qui in quacunque sæpe corporis parte formantur & præcipue circa aures, quando parotides dicuntur, de quibus in genere observatur, parotidem non suppurantem malam esse, uti & suppurantem aliquando cum aliis signis non bonis. Omnis abscessus ut salutem afferat, necesse est, proportionatæ sit magnitudinis, quo materies apta suppuratione omnis expurgari possit. Præterea notandum quod omnis metastasis ad cerebrum, pulmones, fauces atque ventriculum pessima: Econtra
ad

ad habitum corporis & a centro ad corporis peripheriam pustularum eruptione, in suppurationem abeuntium, aut scabie, uti observavi aliquando post febrim putridam optima. Maculæ vero purpureæ & nigræ, symptomaticæ sunt malique ominis. Ulcera quoque & antiqua & recentia, morbi tractu exsiccata, malum protendunt.

§. 326. Inter actiones animales, pudoris neglectus, insolitus ægro indecens decubitus, sputatio in adstantes, ferox responsum a modesto olim homine, garrulitas in taciturno, taciturnus in garrulo licet non adsit aphonia, male ominantur. Sic etiam floccos carpere aut colligere; palpitationes sollicitæ, propendentia pedum e lecto quasi neglectim, eorumque denudatio continua; malum quoque ad pedes delabi, manusque habere protensas, statimque sponte concidentem quando elevantur; totius corporis gravitas, inde & decubitus supinus, vel & in ventrem velle cubare qui in sanitate non solitus est; erectum sedere velle & e lecto surgere, membrorumque continua jactatio & inquietudo summa. Atqui cubare ut in statu sano, corpusque facile converti, alacriter assurgere optimum est.

§. 327. Motus vero qui fiunt involuntariè in ægrotis magis timendi sunt, utpote convulsivi & spasmodici. Damnatur ergo colli contorsio cum summa dysphagia si non a tumore, pariter strangulatio talis repente incidens, tendinum subfultus,

tus, si medicus pulsum tangit manuum retractio aut earundem tremor; pavores in somno nec non singultus, qui si post aliquam evacuationem profusio-rem, aut a ventriculi inflammatione, a summo humorum acredine aut corruptione & spirituum maxima ataxia, lethalis; si vero a saburra in pri-
mis viis stabulante & aphtharum præcurfor non ita.

§. 328. Exitialia censentur etiam sensus ardoris & doloris vehementis circa cor, hypochon-
dria aliaque viscera, dolores ad jugulum sine tu-
more apparente; cervicis durities dolorosa cum
tendinum distentione, vesica dura & dolorosa nec
non lumborum dolor atrox cum anxietate summa
circa præcordia.

§. 329. Ut summa sensibilitas, sic & summa in-
sensibilitas & stupiditas damnanda in ægrotis, inde-
que non inepte præfagia desumunt quidem medi-
ci a medicamentis efficacioribus non operantibus,
quod sæpissime observatur in febris puerperarum,
ubi nec ab emeticis efficacissimis moventur. Ve-
rum enim vero vesicantium effectum & ineffica-
ciam æque ad mortem ac ad salutem portendere
compertum habeo: vidi enim sæpissime servatos
vesicantibus non operantibus, iterumque mortuos
alios iisdem operantibus. Leypothimiæ & in ini-
tio & in statu morbi funestæ.


§. 330. Ut de colore corporis quid dicam, at-
tendunt medici præsertim ad icterum, quo cor-
pus colore tingitur flavo, & hic nunc bonus nunc
malus

malus habetur. Sic iſterus poſt nonum aut undecimum diem ſine tumore aut duritie hypochondriorum laudatur. Iſterus vero ante ſeptimum diem culpatur.

§. 331. Calor quoque corporis ſuavis æqualis, per totum corpus diffuſus, cum corporis mollitie optimus habetur; æſtuans vero topicus & viſcerum præſertim malum. Frigus vero ubique noxium, & extremorum aut extremitatum frigus ab omni ævo exitiale habitum fuit. Dolofa quoque eſt frigoris in calorem mutatio ſine aliis ſignis evidentibus ſalutem judicantibus.

§. 332. Corporis ægroti habitus demum ſibi ſimillimus bonus, valde verò a naturali abludere, a ſtatuque ſano degenerare malum. Summa atque ſubita emaciatio, facies collapſa, caput erectum haud ſuſtinere poſſe, animique omnimoda dejectionis, quam maxime timenda.

§. 333. Hypochondria mollia non dolentia, bona; dura, tenſa cum ventris meteorismo & intumeſcentia, excretionibus alvinis non cedente, malum omnino.





FORMULAE MEDICINALES.

No. 1.

Rx. *Tartar. emetic.* gr. III.
Aq. still. menth. unc. III.

M. F. Potio una vel duabus vicibus intervallo horæ
unius sumenda.

No. 2.

Rx. *Rad. ipecacuanh.* scrup. I.
Tartar. emetic. gr. I.
Sacchar. albissim. gr. X.

M. F. pulvis una vice sumendus.

No. 3.

Rx. *Aq. Laxativ.* V. unc. I & semis.
Sal. polycresst. drachm. I.

M. F. haustus.

Si forma solida vero arridet

Rx. *Rh. optim.* scrup. semis.
Rad. Jalapp. scrup. I.
Cremor. tartar. gr. X.

M. F. pulv. pro una dosi.

No. 4.

Rx. *Decoct. hord.* libr. I.
Sal. culinar. unc. I.
Sacchar. ruff. unc. II.
Ol. commun. unc. II.

M. F. Clyσμα calide applicandum.

No.

No. 5.

- ℞. *Arcan. duplicat.* gr. X.
Stib. diaphoret. ill. gr. III.
Cremor. tartar.
Lact. sulphur. ana scrup. femis.
M. F. pulv. No. 6.
Quorum omni bihorio capiatur unus.

No. 6.

- ℞. *Stib. Diaphoret. illot.* scrup. I.
Nitr. depurat.
Arcan. duplicat.
Lact. sulphur. ana drachm. I.
Oxymell. simpl. unc. I.
Aq. flor. sambuc. unc. IV.
M. F. mixtura temperans
e qua omni bihorio detur cochlear;

No. 7.

- ℞. *Mucilag. gum. arab.* q. s.
Camphor. drachm. femis.
Acet. optim. unc. femis.
Syr. acetos. citr. unc. I.
Aq. cerasor. nigr. unc. IV.
M. dentur omni bihorio duo cochlearia

No. 8.

- ℞. *Cort. peruv. sel.* unc. femis.
Rad. serpent. virgin. drachm. I.
Coq. in *Aq. font.* unc. VIII.
ad remanent. unc. VI. col. adde
Sp. vitriol. d. drachm. I & femis.
Syr. acetos. citr. unc. I.
M. ut supra,

No.

No. 9.

℞. *Ferment. pan.* q. s.
Semin. sinap. anglic. unc. I.
 & c. s. q. *acet. optim.*

F. *sinapismi plantis pedum applicandi.*

No. 10.

℞. *Arcan. duplicat.*
Tartar. vitriol.
Sal. polychrest. ana gr. X.

M. F. pulv. No. X.

Quorum unus ter aut quater de die assumatur.

No. 11.

℞. *Extract. absynth.*
 — — *centaur. min.* ana drachm. I & semis.
 — — *rhabarb.* drachm. II.
Sulphur. aurat. ztiæ præcipit. scrup. I.
Aquil. alb. gr. X.

M. F. L. A. pil. sing. gr. III.

Quarum capiantur tres ter de die.

No. 12.

℞. *Sal. polychrest.* dr. II.
Syr. s rad. aperient. unc. II.
Opii pur. gr. II.

I

Aq

Aq. still. ferment. Card. Bened.

— — — *Absynth.*

— — — *Rut.*

— — — *Majoran.*

— — — *Menth. ana unc. I.*

Extrac̃t. absynth. unc. II.

M. cap. cochl. I. omni $\frac{1}{4}$ horae. Superbib. unc. IV.
sequentis Decõct. post singula quaeque.

No. 13.

℞. *Rad. imperator. dr. VI.*

Lign. sassafr.

— *santal. rubr. ana unc. II.*

Fol. virg. aur. M. II.

Flor. centaur. minor. unc. semis.

Sem. contus. Dauc. cretic. drachm. VI.

Infusa vase ar̃cte clauso per horas II. absque ebullitione, sed fere fervida, dein parum ebulliant, tum Decõct. Pint. II. exhibe.

No. 14.

℞. *Cort. peruv. sel. unc. II.*

Herb. absynth.

Summit. centaur. min. ana unc. I.

Infund. in *vin. alb.* libr. IV. Per 48 horas; dein coland. & fortiter exprimend. exhibe. Bibantur inde omni bihorio unc. II. apyrexias tempore.

No.

No. 15.

℞. *Cort. peruv. in poll. redact.* unc. I.
Laud. pur. gr. II.

M. F. pulv. divid. in p. aeq. No. XVI.

Capiat omni bihorio unum.

No. 16.

℞. *Cort. peruv. sel.* unc. I.
Limat. Mart. recent. non rubigin. gr. XX.
 & c. f. q. *Syr. Card. Benedict.*

F. L. A. electuar. de quo

capiat quantitatem nucis moschatae

omni bihorio.

No. 17.

℞. *Cort. peruv. optim.* unc. semis.
 Coq. in aq. font. unc. VI.
 ad tert. part. consumption.

Cola dein & calide injiciatur clyisma ter de die.

No. 18.

℞. *Cort. peruv. fel.* unc. II.

Coq. in optim. *Vin. Rhenan.* libr. I.

Colat. calide imbibantur Linteamina vel pannum Linteum & abdomini adhibeantur saepius de die renovanda.

No. 19.

℞. *Cremor. tartar.* unc. semis.

Rh. optim. drachm. II.

M. F. pulv. capiat omni trihorio parvum cochlear.

No. 20.

℞. *Liquor. C. C. succin.*

— — *anod. min. Hof. ana* drachm. II.

M. bis aut ter de die 40 gut. in vehiculo.

No. 21.

℞. *Cort. peruv. optim.* unc. I.

Rad. Serpent. Virgin. drachm. II.

Coque in aq. fontan. unc. VIII.

ad remanent. unc. VI.

col. add.

Camphor.

Camphor. drachm. semis.

Spirit. Minderær. unc. semis.

Syr. Alth. Fern. unc. I.

M. omni bihorio cochlearia duo.

No. 22.

℞. *Camphor.* gr. II.

Nitr. depurat. gr. X.

Cremor. tart. gr. XV.

Chel. cancr. pp. gr. V.

M. F. pulv. No. X.

quorum unus omni capiatur bihorio.

No. 23.

℞. *Mosch. oriental.* gr. X.

Sacchar. albissim. gr. XX.

M. F. pulv. No. 6. quorum unus

capiatur omni trihorio; quod si placet,

Moschi integra addatur drachma.

Mixturæ vel Decocti unc. VI.

No. 24.

℞. *Stib. diaphor. illot.* scrup. I.

Arcan. 2plicat.

Nitr. depurat.

Lact. Sulphur. ana drachm. I.

M. F. pulv. divid. in p. aeq. No. VI.

Capiatur unus omni bihorio.

No. 25.

℞. *Oxymell. squill.* unc. semis.

Syr. Diacod. unc. III.

M. omni bihorio cochlear.

No. 26.

℞. *Mass. pil. de cynoglos.* drachm. I.

F. pil. singul. gr. II.

Capiantur duae hora decubitus.

No. 27.

Acetum prophylacticum quatuor Latronum dictum.

℞. *Fol. rut.*

— *salv.*

— *menth.*

— *absynth.*

— *lavand.* ana M. I.

Superaffund. Acet. vin. optim. Mensur. II.

Stent in infusione vase probe clauso per quatuor dies in loco calido. col. dein & del. vitro hermetice clauso addendo singul. mensuris vel libr. II. Camphor. drachm. II.

No.

No. 28.

R. *Oxymell. squillit.* unc. III.

Kerm. mineral. gr. V.

M. omni semihora cochleare.

No. 29.

R. *Semin. 4. frigid. maj.* unc. I.

Amygd. dulc. excortic. unc. semis.

& in f. q. *Decoct. hord.* F l. A.

Emuls. cuf. colat. unc. VIII.

add.

Syr. acetos. citr. unc. I.

Aq. cinam. S. V. drachm. II.

M. omni bihorio bibat unc. II.

No. 30.

R. *Anim. Rhei* unc. II.

Liquor. terr. fol. tart. unc. semis.

M. omni bihorio semi cochlear.

No. 31.

R. *Rh. optim.* drachm. I. & semis.

Magnes. alb. drach. I.

M. F. l. A. pulv. divid. in No. VI.

Omni trihorio capiatur unus.

No. 32.

℞. *Rad. Dauc. fativ.* unc. III.

Coq. in aq. font. ad unc. VIII.

d. coland. & exprimend. add.

Sal. prunell. drachm. I.

Sp. vitriol. q. s. ad grat. acor.

F. collutorium saepius de die.

No. 33.

℞. *Mucilag. sem. cydon.* c.

aq. ros. parat. unc. I.

Borac. venet. drachm. I.

Mell. rosar. unc. semis.

Syr. Diamoror. unc. II.

M. F. eclegma.

Saepius de die duo parva cochlearia.

No. 34.

℞. *Decoct. hord.* libr. I.

Coll. add.

Nitr. depurat. drachm. I.

Sp. nitr. d. drachm. II.

Rob. ribesior.

Oxymell. simplic. ana unc. I.

M. capiat inde omni bihorio unc. II.

No. 35.

℞. *Aq. cerasor. nigr.* unc. VI.
Sp. sulphur. p. camp. q. f.
 ad grat. acidit.
Nitri depurat. drachm. I.
Syr. acetos. citr. unc. I.
 M. D. omni hora cochlearia duo.

No. 36.

℞. *Sal plantar.* drachm. I.
Succ. citr. unc. I.
 Peraet. effervescent. add.
Aq. still. menth. unc. III.
 D. cochlear I. omni bihorio.

Vel.

℞. *Sal plantar.* gr. X.
 F. *Pulv. dispens.* in 6plo.
 D. omni bihorio unus c. f. q.
Succ. citr. in actu effervescentiæ.

No. 37.

℞. *Gum. arabic. crass. pulv.* unc. III.
 Coq. in f. q. *Aq. hord.* ad libr. II.
 Col. add. *Syr. Alth. F.* unc. III.
 Bibat omni bihorio unc. II.

No. 38.

℞. *Anim. Rhei* unc. II.*Liquor. anod.* m. II. drachm. II.

M. omni bihorio duo cochlearia parva.

No. 39.

℞. *Decoct. hord.* libr. I.Col. add. *elect. diascord.* ℞. drachm. I.

M. F. enema.

No. 40.

℞. *Herb. resolvent.* unc. II.*Menth. crisp.* unc. I.

F. faccul. coquend.

in f. q. *vin. alb.*

Expressusque calide abdomini adhibe.

No. 41.

℞. *Ol. amygd.* d. recent. express. unc. II.*Succ. citr.* unc. I.*Syr. Alth. F.* unc. II.

Omni bihorio cochlear.

No. 42.

℞. *Milleped.* pp. scrup. femis.*Arcan. duplicat.* scrup. I.*Rad. squill.* gr. III.

M. F. pulvis talis No. X.

Omni trihorio I.

No.

No. 43.

- ℞. *Rad. Jalapp.* gr. XX.
Trochis. Alhand. gr. II.
Aquil. alb. gr. IV.

M. F. pulv. pro adulto.

Omni quadrihorio fumendus.

Pro infante proportionata aptanda dosis.

No. 44.

- ℞. *Anim. Rh.* unc. I.
Acet. squillit.
Liquor. terr. fol. tartar. ana unc. semis.
Spir. sal. dulc. drachm. II.
Syr. Alth. F. unc. I. & semis.

M. D. omni trihorio gt. 40. 50. in vehiculo.

No. 45.

- ℞. *Ol. amygd. d. recent.* unc. II.
Sp. sal. ammon. urinos.
C. C. succinat. ana drachm. II.
Camphor. — scrup. I.

M. F. Linimentum volatile.

No. 46.

- R. *Ol. amygd. d. recent. express.*
 in vitell. ovi solut. unc. I.
 Solution. gum. arabic. aquos. drachm. II.
 Syr. diacod. unc. II.
 — *Alth. F.* unc. I.
M. omni bihorio cochlear.

No. 47.

- R. *Sp. vitriol. d.* drachm. II.
 Syr. violar. unc. III.
M. D. omni trihorio cochlear.

No. 48.

- R. *Arcan. 2plicat.*
 Magnes. alb.
 Rh. optim. ana gr. X.
M. F. pulv. in Xplo.
Omni bihorio unus fumendus.







COMPENDIUM MEDICUM
PRACTICUM

PER
FASCICULOS DISTRIBUTUM

FASCICULUS ALTER

INFLAMMATIONES
ET
DOLORES

SISTENS

AUTORE

SALOMONE THEOPH. DE MEZA,

MEDICINAE DOCTORE ET POLIATRO

HAFNIENSI, SOCIETATIS MEDICAE HAF-

NIENSIS MEMBRO ORDINARIO.



HAFNIAE,
APUD CHRIST. GOTTL. PROFT.

BIBLIOPOLAM UNIVERSITATIS.

1780.

THE UNIVERSITY OF CHICAGO

LIBRARY

OF THE

PHYSICAL SCIENCES

DOCTOR

OF PHILOSOPHY

1911

THE UNIVERSITY OF CHICAGO

LIBRARY

OF THE

PHYSICAL SCIENCES

DOCTOR

OF PHILOSOPHY

1911

THE UNIVERSITY OF CHICAGO

LIBRARY

OF THE

PHYSICAL SCIENCES

DOCTOR

OF PHILOSOPHY

1911

THE UNIVERSITY OF CHICAGO

LIBRARY

OF THE

PHYSICAL SCIENCES



PRAEFATIO , INFLAM- MATIONIS THEORIAS EX- PONENS.



§. I.

Medicinam facere sine sufficiente morbo-
rum theoria, nihil aliud est, quam lu-
dere de corio humano, hominum vitam de-
spicere, existimationi sui parum studere. Ve-
ra autem firmaque petenda ex observationi-
bus fideliter factis, ex morborum historiis ex-
acte annotatis, ex cadaverum inspectione,
animalium viventium dissectione. „Longa-
rum observationum praesidio, inquit Baglivius,
instructa mens sagax potissimam curandorum
hominum rationem assequitur. Lectio libro-
rum quoque necessaria, praecipue iis, qui non
adeo aptam nacti occasionem ad propria insti-
tuenda experimenta, magna tamen cum cau-
tione

IV, PRAEFATIO, INFLAMMATIONIS

tione authores evolvendi, ut nova doctrinae addantur adjumenta, non vero, ut nova errandi causa ibidem inveniatur, cum plurimi saepe ex falso praejudicio, ex amore proprio, ex respectu in Magistrum, ex reverentia in Authoris famam, tandem ex sui ipsius temperamento credant, ibidem quaesitum invenire. Quidam nimis segnes in meditando aliorum placitis acquiescunt, iterum quidam impatientes animo ingenioque mobiles omnia ab aliis dicta pro ratis accipiunt. E contra sunt, qui veterum doctrinam derident, novisque hypothesebus sibi nomen facere cupiunt, nec veritatis amore, sed gloriolae causa, famaeque ergo a veterum opinione discedere amant, meliora videntes, deteriora sequentes, ut se quoque quid praestitisse Medicinaeque Pomoeria ampliasse videantur: quin immo novas aliquando tantum quaerunt voces, nova nomina, sibi aliisque fucum facientes, dum eorundem hypotheses exacte cum antiquioribus conveniunt, nisi quod aliis verbis proponantur aliisque nominibus adornentur. Alii forsan antiquorum doctrina prorsus imbuti, deque horum sententia firmiter persuasi, imitatione coeca, assentatione, aucupandaeve gratiae causa eandem sectantur novitatem. Aemulatione erubescunt alii fidem legemque antiquam sequi, nuper inventorum, omniumque mensarum facile fiunt asseclae nullo examine praevio. Inde ergo tot novae theoriae

in

in aetiologia morborum, tot novae hypothes in phaenomenis explicandis, remorantes artis Appollineae cultores, impedimentaue studio medico sistentes. Indequè demum tot novae doctrinae in methodo medendi, utinam sine aegrotantium detrimento, stabilienda. Quod autem praecipue de theoria inflammationis valere, hoc praefamine patebit.

§. II. Tanta datur varietas in stabilienda inflammationis aetiologia, ut Tyrones medici nesciant, qualem admittere debeant. Quidam assumunt sanguinis effluxionem, quidam iterum ejusdem congestionem et retentionem; alii putrefactionem seu sanguinis corruptionem; plerique sanguinis stasin et inspissationem, quidam vero ejusdem attenuationem. Chemici fermentationem incusant. Non nulli acidum statuunt inflammationis causam. Haec de sanguine.

§. III. Solidorum seu vasorum culpa nasci inflammationem, aliorum est assertio, si vel angustantur vel et dilatantur, dum scilicet humor ruber ingreditur, ubi non nisi tenuior liquidus ingredi deberet, tunc dicitur inflammatio ab errore loci, quam CELSUS solam agnovit, dum ait: „Si sanguis in eas venas, quae spiritui accommodatae sunt, transfunditur & inflammationem, quam Graeci Phlegmonem nominant, excitat.” Plurimi et antiquo-

VI PRAEFATIO, INFLAMMATIONIS

tiquorum & recentiorum, obstructionem requirunt ad inflammationem formandam, pauciores vero acrimoniam, stimulum quaerunt, motus oscillatorios augmentem, majorem humorum affluxum incitantem, stricturam vasorum spasmodicam inducentem, levemque obstructionem, inchoante saltem morbo, procreantem, ergo potius effectum quam inflammationis causam, neque semper ejusdem prodromum affirmant. Sed

Non nostrum inter vos tantas componere lites.

Placet tantum, omnes theorias, de inflammatione notas, ab antiquis temporibus recensere, easque tyronibus exponere.

§. IV. Rite ergo mihi procedere videor, si verba pro antiquorum & Neotericorum sententia ex ipsis fontibus hauriam hicque tradam, a GALENO quidem incipiendo. Hic autem pro inflammationis causa, sanguinis effluxionem admittit & quidem in tela cellulosa sedem morbi esse habet, dicens: „Quum sanguis calidus copiosior in aliquam animalis partem procubuit, majora ejus vasa protinus distenduntur, quae plenitudinem non ferunt, ab his deinceps, quae minora sunt, mox ubi nec in iis satis continetur, exsudat foras in amplia illa spatia, quae inter vasa sunt: sic, ut etiam omnia, quae in circumposita carne habentur, ben-

„bentur, loca occupet, atque hic quidem est
 „Phlegmonis affectus. Alibi sequentia pro-
 „fert. „Quum sanguis in aliquam partem con-
 „geritur, ut ab ejus partis vasis nequeat conti-
 „neri, exsudat aliquid roris instar ex ipsis va-
 „sis in musculorum interstitia utique tumor
 „ex plenitudine oritur. Non aliter sentire vi-
 „detur ORIBASIIUS. „Inflammationis, inquit,
 „initium est, quum pars impletur sanguinea
 „substantia; incrementum vero, quum id, quod
 „est in loco affecto, putrescere incipit, calorem
 „praeter naturam invehit, effusioque et flatus
 „gignitur. Neque ab eo dissentit AETIUS,
 „dum ait: „Est inflammationis principium,
 „quum primum pars sanguinea materia reple-
 „tur, augmentum vero, quando affluxus cessat,
 „et sanguis in loco affecto dissolvi incipit, at-
 „qui tunc caloris incrementum et diffusio.
 „Eodem fere modo differit PAULUS AEGINE-
 „TA. „Inflammatio, ait, est tumor rubicun-
 „dus, renitens cum dolore et calore ex sangui-
 „ne bono ortum habens, qui quandoque ex
 „toto corpore eo defertur, quandoque in
 „ipsa parte redundat, ut a vasis contineri non
 „possit, sed instar roris emittatur, in inter-
 „medios vacuos locos. Ad posteriora tempo-
 „ra jam deventus, verba FERNELII affero, de
 „sede inflammationis sic loquentis: „Quum
 „enim venae arteriaeque minores immodera-
 „ta sanguinis copia distenduntur in minores
 „quasi onus deponunt, et ex his demum in mi-

VIII PRAEFATIO, INFLAMMATIONIS

„nimas. At cum per earum oscula, perque
„tenuēs earum meatus sanguis, cohiberi non
„possit, effluit, illabiturque in spatia vacua,
„quae intra fibras sunt primorum corporum
„praecipueque musculorum. In telam cellulosa
ex recentioribus HALLERUM ex cada-
verum inspectione inflammationem collocasse,
refert PLATNER filius. Suam sententiam
probare conantur ex suppuratione & gan-
graena, quae in tunica cellulosa locum habet.
Haec sententia vero antiquitati fere propria,
jam improbata hodie habetur, nec amplius
creditur, humores extra vasa in vacua dilabi
spatia, vel, quod idem est, sanguinem effluere
in porosam atque cavernosam partium substan-
tiam, causamve proximam inflammationis
constituere.

§. V. Aliam viam autem ingressi sunt
BOERHAVIUS atque discipuli ejus, causam in-
flammationis essentialē in sanguinis retentio-
ne, seu arteriarum obstructione quaerentes.
Ipsū BOERHAVIUM in aphorismis audiamus.
„Inflammatiō, inquit, ignis, phlegmone, ob
„causae & effectuum similitudinem ab igne
„nomen habet, estque sanguinis rubri arterio-
„si in minimis canalibus stagnantis pressio et
„attritus, a motu reliqui sanguinis moti & per
„febrim fortius acti, quod ergo fieri potest
„vel in finibus arteriosis, vel in vasis serosis
„lymphaticis, aliisve minoribus arteriosis di-
„lata-

„latatis osculis admissos globos rubros, aut
„alia fluida elementa crassa per fines trans-
„mittere non potentibus.,, A magistro ne-
hilum quidem discedit discipulus & eruditissi-
mus suus commentator VAN SWIETEN, alius
quoque discipulus DE GORTER nempe ean-
dem tueri sententiam videtur, dicens in pra-
xis medicae systemate: „Globulorum rubro-
„rum sanguinis introitus in arterias lymph-
„ticas praebens tumorem rubrum dolentem,
„ardentem, non facile digitis prementibus
„cedentem, persistentem, vocatur inflamma-
„tio.,, Verum enim vero et in motu majori
tantum, et non in obstructione, etiamque in
stimulo acri, spasmodicas vasorum stricture-
inducente, aetiologiam inflammationis ipsum
quaesivisse DE GORTER, dein patebit. Ob-
structionem admittit SAUVAGES in inflamma-
tione. Necessum itaque est, inquit, ad indu-
cendum tumorem phlegmonoideum, ut au-
ctis & repetitis ictibus cruor in vascula didu-
cenda propellatur a retro dum antice ipsi re-
sistitur, sive ab impactu viscido obstruente,
sive a constrictione spastica membranae, par-
tem aut glandulam aut viscus ambientis.
OOSTERDYK SCHACHT quoque proximam in-
flammationis causam, esse stagnationem san-
guinis in vasis arteriosis cum majori impetu
humorum in stagnantem sanguinem irruen-
tem. Elegantissimus TRALLES extra omnis
dubii aleam, positam esse vult hanc hypothe-

X PRAEFATIO, INFLAMMATIONIS

sim. Sic enim loquitur : „Inflammationem
„sanguineam medici vocant, sanguinis rubri
„stagnationem in vasis arteriosis primi vel se-
„cundi generis cum impetu totius circuli au-
„cto, atque in illum praecipue locum, ubi
„stagnatio haeret, excurrente. Principium er-
„go inflammationis, pergit, stagnatio, quae
„semper fit vel quia sanguis ex quacunque de-
„mum causa crassior redditus, vas arteriosum
„non transit, vel quia vas illud ex quacunque
„causa externa incumbente, compressum, tran-
„situm sanguini negat, vel quia vasis tunicae
„constrictae arctiorem ejus alveum efficiunt,
„vel quia sanguis vi adigitur in vas laterale se-
„cundi generis peregrinum, humori sangui-
„ne tenuiori saltem vehendo idoneum, unde
„is pergere nescius, ibi quiescit stagnatque;
„puto addit, haec omnia medicis, quibus the-
„oria non sordet, esse notissima, hosque lu-
„benter largituros existimaverim, impossibile
„esse, ut aliter nascatur inflammatio in corpore
„animali vivo., Verba quidem notatu dignif-
„sima, quae caeteras omnes opiniones circa in-
„flammationis genesin excludunt. „Circulum
„humorum auctum, quo cruor in minimis vas-
„culosis arteriosis, hujus vel illius corporis
„humani partis haerens, majori impetu agita-
„tus omnem inflammationis ideam absolvere,
„cuilibet notum est, ait NIEFELDIUS, recte
„proinde pergit, definitur inflammatio, quod
„sit obstructio canalisi arteriosi cum impetu
„va-

„valido liquidi vitalis, locum obstructum a
 „tergo urgentis. Causam proximam inflam-
 „mationis verae consistere in stagnatione san-
 „guinis, tum in angustissimis arteriis rubris,
 „quam vicinis seroso lymphaticis obstructio-
 „nibus collectis constat. Praecedentibus om-
 „nibus adstipulatur LUDWIG in adversariis
 „practicis, dum ait: Ad inflammationem ve-
 „ram efficiendam exigitur sanguis densus mi-
 „nimas arterias non nisi aucta vi cordis urgen-
 „dus, tandem tamen in iis haerens, quo facto
 „cordi ita resistit, ut hujus incitato impetu in
 „universo corpore non tantum pulsus celer
 „& fortis, sed etiam durus efficiatur. Alio-
 „que loco habet. „Inflammatiō est stasis cru-
 „oris condensati, in minimis vasis cum impe-
 „tu sanguinis naturali majori, praecipue ad
 „partem affectam ducto. Totam doctrinam
 hucusque descriptam complectitur breviter
 ASTRUC, dum tres phlegmonis statuit gradus,
 quorum primum deducere satagit ex obstru-
 ctione & distensione capillarium, secundum ex
 sanguinis penetratione in vasa lymphatica,
 tertium demum ex ruptione vasorum & san-
 guinis effusione in panniculum adiposum.

§. VI. Deducunt autem suam hypothesein
 obstructionis fautores inde, quod generari vi-
 derint inflammationem ex compressione, de-
 cubitu, ligatione strictiore, contusione, elon-
 gatione, pondere incumbente, ustione & vul-
 nere.

XII PRAEFATIO, INFLAMMATIONIS

nere. Posse vero haec omnia alia de causa fieri asserunt angustationem vasorum haud admittentes; immo sunt, qui negant obstructionem, ut causam tumoris inflammatorii, inde quod ligata arteria non insurgat tumor; atqui ut mihi videtur ex arteria majori ligata non valet magis conclusio & consequentia ad minora & lateraliora, quam omnimodam similitudinem mechanicam, staticam, hydraulicam, hydrostaticam instituere velle in phaenomenis physiologicis et pathologicis, nedum in morborum curatione exponendis stabiliendis, in corpore animato, affectibus animi variis obnoxio. Sed haec obiter.

§. VII. Errorem quoque loci praecipue impugnant & Globulorum rubrorum, qui solitarii flavescentes pallent, aggregationem pro errore loci substituunt. Atqui in cornea membrana oculi, nemo mortalium unquam sanguineum globulum vidit, si fides physiologicis praecipueque HALLERO, in ea tamen ex vasis rubentibus inflammationis praesentia arguitur.

§. VIII. Ex iis autem, qui praecipue obstructionem non admittunt in parte inflammata, sed eandem ex motu vitali auctiori deducere satagunt, sunt STAHLIUS, DE GORTER, de quo superius jam innuimus, se non in obstructione, sed et in stimulo quodam, in motu

tu

tu majori, quaesivisse inflammationis originem, en ejus verba, quae in *Chirurgia reformatata* leguntur. „Motus major cum tenacitate sanguinis ob difficiliorem transitum per arteriarum extrema, arterias ultra modum distendens, arteriasque quoque lymphaticas implet, quare motus impingens major est causa, minime vero obstructio. Motus circulatorios auctos in toto corpore maxime si subitaneum superveniat frigus, constringens solida, coagulans sanguinem retinens humores alias libere circulantes in vasis minoribus.„ Inter causas recenset inflammationis in *Medicinae compendio*. Statuit quidem, dari obstructionem in parte inflammata, atqui non ut causam, sed ut effectum inflammationis, ex majori motu productum.

§. IX. De statu sanguinis autem in inflammatione, antiqui ejus corruptionem, recentiores, et qui obstructionem statuunt omnes, ejus inspissationem & inter recentissimos HEWSON ejus attenuationem potius assumit & experimentis probare nititur, sanguinis coagulum facillime in inflammationibus dissolvi. De fermento chemicorum nihil est, quod addam, utpote nullius entis. De acido autem tanquam causa inflammationis audiendus TACHENIUS, inflammationem, tumorem vocans genitum a sale acido, quod coagulatione sanguinis inducta, ejus motum circularem intercipiat, et inde rubor, pulsatio, tensio atque dolor

XIV PRAEFATIO, INFLAMMATIONIS

dolor oriatur. Acorem sanguinis etiam incusat ETMULLERUS de inflammatione agens. „Haec est illa spina, inquit, HELMONTII metaphorica pleuritidis & proprie loquendo ipsa pleuritis, peregrina aciditas concepta in archeo. Pergitque ulterius „esse acidum in pleuritide, ex eo patet, quod in pleuritide „cruor elicitus grumescat; „ ulterius exponens causam pleuritidis & peripneumoniae, ait, sanguinis esse coagulationem & stagnationem ab acido in eo peccante ortam; acidum simul membranaceas partes vellicat, hinc sanguis V. S. emissus subinde est semigrumosus. Acidum vero ab HIPPOCRATE non agnosci pro inflammationis causa indicare videtur hoc ejus effatum. „Qui acidum eructant, non facile fiunt pleuritici.„ Insurgit quoque contra hypothesim, equidem damnosam de acido. WALLISNERIUS „incalescimus, ait, atque inde „aura suscepta refrigeramur, pleuritis in „promptu. Quid necesse est hic acidum invocare, cum nullum revera peccet, sed coarctatio potius vasorum intercostalium, aut arteriae pulmonum membranae a frigore inducta? an ilico acidum genitum est propter „frigus & in laesa parte confedit, ut spina? „Nugae, ut opinor. Nascitur ossa, hoc est coagulum etiam inter spiritum vini & spiritum „urinae, ubi tamen nullum acidum intervenit. „Sed recentium quorundam palato nihil sapit, „quod

„quod non sit acidum omniumque aures gaudet mordaci rodere aceto.

§. X. Recentissimis tandem opinio est, inflammationis veram causam consistere in quadam irritabilitate nervorum & stimulo acri vasorum strictureas spasmodicas producente, cuiusque inventionem tribuunt WHYTIO, prae caeterisque excoluit nuperrime PLATNER junior. Atqui HOFFMANNUM jam quaesivisse causam inflammationis in stricturea solidorum spasmodica certum est. Tale quid quoque DE GORTER statuisset, patere credo ex sequentibus. „Ut a manifestis causis irritando fibras „motrices arteriarum generari vidimus inflammationem, ita quoque de occultis sentientium, si sponte fiat in corpore inflammatio, „quia humor ille, qui ex glandulis arteriarum „in earum cava deponitur, aequè potest ut „succus Oesophagi, intestinorum, viae urinae, tracheae arteriae, bronchiorum, atque „totius membranae schneiderianae vitari & „acris fieri, in huius acrimonia stimulante locarem causam internam inflammationis, si in „quodam ramo, & febris ardentis, si in omnibus arteriis hujuscemodi irritatio fiat, aut si „mavis succum inter fibrillas nervosas circulantem accusare, quod inflammatio magis sequatur prorependo nervi quam arteriae cursum & haec sententia forsan suos inveniet „defensores. Ex irritabilitate fieri inflammationes, affirmat GAUBIUS.

§. XI.

XVI PRAEFATIO, INFLAMMATIONIS

§. XI. Forte omnes sententiae allatae locum habere possunt, cum, sive a stimulo irritante, sive a sanguinis spissitudine arteriae obstrui possint omniaque phaenomena, quibus cognoscimus inflammationem praesentem, vel quae eidem superveniunt, apte exponere inde liceat, idque ex ipsis PLATNERII verbis intelligi posse, puto. Ait enim, „inflammatio est „motus auctus sanguinis in corpore vivo, quo „succus in minimis arteriis partium mollium „quiescens majori vi agitur, ut is vel mobilis reddi vel in pus verti queat. In omni inflammatione humor quidam in aliqua parte „quiescit, plerumque sanguis. Arterias obstructas quidem admittit, sed non ut causam aut sedem morbi, haec enim secundum mentem suam frequentius tunicam cellulosam ob angustiam vasorum & sanguinis densitatem occupat. Neque in methodo curatoria nullam affert diversitatem haec sententiarum diversitas. Ex omnibus opinionibus enim, si acidum inflammationis causans statuentem excipias, remedia eadem, venae sectio scilicet & refrigeratio ad celeritatem sanguinis minuendam, cruoris firmitatem attenuendam ejusdemque acrimoniam corrigendam commendantur.

§. XII. Restat autem, ut quaedam adducantur rationes pro fautoribus stimuli facientes. Inflammationem produci posse observant ab omni, quod sanguinis affluxum versus de-
ter-

terminatum locum excitare valet, inde V. C. a frictionibus, epispasticis rubedo & inflammatio. A voluntate imaginationeve erigitur membrum virile, affluente sanguine copiosiore in corpora cavernosa. Ab acribus calefacientibus applicatis, irritamento laesionis in vulnere, punctura, spina acuve infixae, contusione, attritu, humore acri interne orto vel externe applicato, venenis acrioribus, vellatione immediata nervorum, ablatione mucilaginis. Haec enim omnia stimuli ratione possunt maiorem inducere motum, oscillatorium vasorum augere, circulum interturbare, sanguinis fluxum in quadam parte inhibere, stimulumque iterum in viciniore partes communicare, veramque inflammationem sine obstructione praegressa creare.

CRUSTA INELAMMATORIA.

§. XIII. Circa crustae albae in superficie sanguinis educti ut plurimum in inflammationibus apparentis originem, non minus defudant medici, quam circa theoriam ipsius inflammationis. Sunt enim, qui ex calore aestive, iterum qui ex frigore, ex aeris accessu, ex velocitate, qua effluit, deducere conantur; iterum alii sanguinis densitatem, alii vero tenuitatem potius, uti HEWSON arguere contendunt; quidam demum causam hujus coaguli

XVIII PRAEFATIO, INFLAMMATIONIS

in acido coagulante, quidam in sceptica quadam vi, tandem in specifico miasmate sanguini mixto quaerunt.

§. XIV. Lympham hominis fani calore aquae bullientis coagulari & albumini ovorum haud dissimilem fieri videntes quidam, crediderunt lympham in sanguine pleuriticorum ab eodem gradu caloris coagulatum iri, atqui sanguis nunquam in hoc gradu incalescit, nec incalescere potest in corpore vivo sine subita atque omnimoda destructione, cum ex tali gradu e contra probaverit HEWSON, sanguinis crustam citius solvi, aequae in atmosphaera calida ac frigida coagulum fieri, observavit idem, etiam in minori orgasmo & in debilibus citius formari coagulationem, quam in robustis cum majori motu. Annotavit quoque SAUVAGES, majorem calorem requiri ad lympham coagulandam extra corpus, quam qui adest in corpore pleuritide laborantium & in Rheumatismo, ubi febris non valida, gradusque caloris ergo minor, profundius coagulari, molliusve sanguinem, quam quidem in peripneumonia vera. Dein cum certum sit, a spiritu vini frigido, sanguini affuso cito coagulari, ex frigore in corpus exaestuans suscepto talem sanguinis diathesin produci, calori omnem adimunt potentiam talis crustae procreandae, aeris accessui tantum HEWSON concedit illam vim.

§. XV.

§. XV. Certissimis experimentis constitit post SYDENHAMUM, crustam eo densiorem formari, quo major sanguinis rapidiorque fluxus et contra. Etiam quo vase angustiore excipitur cruor, quoque altiori, eo densiorem, quoque latiori planiorive, eo tenuiorem generari lymphæ coagulum. Lumen magnum parvumve venae in causa esse densioris vel tenuioris crustae, nec non loci temperiem, in quo asservatur, calidi cruoris post missionem agitationem vel quietem multum ad hoc contribuere, non dubitat affirmare DE HAEN contra HEWSON. Fallere vero haec omnia, certo certius est. Vident haud infrequenter medici & chirurgi, sanguinem guttatim effluentem densissimam dare crustam; an vero si rapidius fluxisset tenuiorem aut densiorem adhuc formasset crustam?

§. XVI. Sanguinis coagulationem deberi acido, SYLVIVS est author, indeque inflammationem curari vult salibus volatilibus ad coagulum solvendum. A spiritu vitrioli sulphurisque pariter sanguinem cogi in massam strictam albescentem, constat experimentis BOERHAVIANIS; septicæ particulas in illa delitescere crusta credit PRINGLE, quia facillime solvitur et putredinem contrahit. A materia peregrina, pinguedine forsan generari crustam, statuit BERGEN. Nihil aliud esse, quam fibras sanguinis, putat SYDENHAM; proprium sanguinis

XX PRAEFATIO, INFLAMMATIONIS

gluten a caeteris secretum coagulatumque statuunt alii. Dari miasma peculiare, supponit SAUVAGES in morbis inflammatoriis, quod prae caeteris lymphae coagulationi favet, praesertim cum varia quidem toto coelo diversa adsint, quae tale procreent coagulum, a morfu serpentis crotalophori lymphæ prodigiose coagulatur, a quibusdam salibus fixis coagulatur quoque. Acrimonia venerea, arthritica, rheumatica, virus variolosum, morbillosum, scarlatinum, talem materiem aut crustam sanguine misso exhibent. Quin et diathesis naturalis quorundam caeteroquin sanissimorum in sanguine educto, semper hanc exhibet materiam. In venae sectionibus prophylactice gravidis subinde institutis semper tegit sanguinem crusta. Sanguis inflammatorius saepissime apparet in hydropicis chloroticisve. Hisce ergo omnibus rite pensitatis non erubesco cum SWIETENIO veritatem fateri de incertitudine, quid de hac pelle tenaci, sanguinis rubrae parti semper arctissime cohaerenti statuendum sit.

§. XVII. Monendum tamen, neque absentiam, neque praesentiam crustae solam valere ad prognosin vel ad normam desumendam in venae sectionibus instituendis, omnia symptomata accurate una pariterque observanda sunt, inde etiam habet DE HAEN, „neque certius „est regula statuens magnitudinem crustae „gra-

„gradatim minui augerive, pluries vidimus
 „eandem densam duramque in vasculo primo,
 „nullam in altero, in tertio majorem, pau-
 „cam in quarto, mucosam in quinto, uno
 „verbo omnes possibiles crustarum transposi-
 „tiones variis in aegris contemplati sumus.
 Neque ipse dubito, omnibus practicis conti-
 gisse similia videre, quin saepius sanguinem
 prima vice dissolutum seu coagulum putridum
 inveni, altera vero vice densissima crusta
 phlogistica obductum. Praeterea common-
 stravit exemplis idem DE HAEN, stadium in-
 flammatorium intra quatuordecim dies subin-
 de non mutari, dum tardius venae sectione
 celebrata, septimo scilicet vel octavo die,
 pauloque ante obitum duodecimo die morbi
 maligni cum petechiis, crusta valida depre-
 hensa fuerit in sanguine.

INFLAMMATIONIS EJUSQUE SYMPTOMATUM THEORIA.

§. XVIII. Phlegmonen HIPPOCRATI di-
 citur ardere, graecorum quibusdam calor do-
 lorificus, qui in quibusdam tumoribus adest.
 Neotericis hinc affectus phlegmone audit.
 Phlegmone autem, inquit GALENUS, id est,
 „inflammationes a veteribus vocabantur, quae
 „sunt veluti phlogoseis, id est inflamina vel
 „incensiones. juniores affectui ex calidis, qui
 „fit

XXII PRAEFATIO, INFLAMMATIONIS.

„fit cum tumore duro atque dolore pulsatili
„hoc nomen accommodant.

§. XIX. Inflammatio est externa seu topica, vel etiam interna. In illa adest tumor renitens, rubedo & calor naturali major, cum dolore pulsatorio; in hac calor & dolor punctorius, praesertim si membranaceas obsedit partes, tantummodo percipiuntur; in peripneumonia & hepatitide dolor est potius gravativus, in erysipelate rubedo rosacea pressione digitorum disparens, citoque pressione sublata rediens, dolorque satis pungens. Caetera symptomata in inflammatione sunt febris plus minus acuta; lassitudo, sitis, linguae ariditas, anorexia, urina rubra, quae febris sunt consuetaria. Insomnia dein, inquietudo; iactatio membrorum a dolore producuntur. Ex calore & humorum rarefactione venarum distensio & inflatio fiunt. Sanguis in hoc statu detractus crusta seu pelle alba firma tenaci, sero haud raro flavo innatanti obducitur.

§. XX. In inflammationibus internis, si membranae afficiuntur, variis denotatur nominibus morbus sc. Phrenitis dicitur meningium inflammatio; pleuritis, pleurae, mediastini, pericardiique; gastritis ventriculi; enteritis intestinorum; cystitis vesicae urinariae; metritis uteri; Parenchymatum & viscerum inflammatio praebent ideam anginae, peri-

THEORIAS EXPONENS. XXIII

peripneumoniae, hepatitidis & nephritidis; partes externae corripuntur phlegmone stricte dicto, bubone, carbunculo pestilentiali, testiculorum inflammatione, variolis, morbillis, erysipelate.

§. XXI. Morbi inflammatorii sunt vel simplices vel complicati; in simplicibus vitium quaerendum in sanguinis diathesi mere phlogistica, qualiscunque illa sit & a quacunque de causa orta; in complicatis multum putredinis saepe & humorum adest corruptionis, uti in variolis malignis, angina ulcerosa, febribusque putridis & pestilentialibus.

§. XXII. Omnem inflammationem sive externam sive internam vel resolvendo, exsudando; vel suppurando demum & gangraena & scirrhus terminari pro varietate partis affectae, pro variaque indole materiae peccantis, omnibus notum est. Atqui conspicua sensibilia sunt phaenomena harum mutationum in inflammatione topica; si enim inflammatio ad suppurationem vertitur, rubedo in albedinem transit, tensio & durities aut resistantia mollis fit. Si in gangraenam transit, flaccida fit pars. In variolis suppuratione peracta, crusta cutis obducitur nigra exsiccationis tempore. Si pars glandulosa patitur, saepissime rubedine disparente, duritieque absque dolore remanente scirrhus nascitur.

XXIV PRAEFATIO, INFLAMMATIONIS


§. XXIII. Materies phlogistica in variolis spatio duodecim dierum convertitur in pus; in morbillis quinque dierum spatio sufficientem acquirit fluiditatem: duobus vel tribus diebus maturatur furunculus; bubones pestilenciales citius ad suppurationem ducuntur quam venerei. Scorophulae lente admodum ad maturationem perveniunt.

§. XXIV. Inflammationes internas intra paucos dies non solutas, manente febris cum horripilationibus saepius recurrentibus post quatuordecim dies in suppurationem abire noscitur. Atqui ex febris vehementia, subitaque doloris cessatione, extremorum frigore & pulsu vacillante scimus mutari in gangraenam, uti fusius de singulis inflammationibus seorsim dictum habetur.

§. XXV. Ad phaenomenorum rationem propius accedendo, rubedo deducitur ex majore compactione molecularum, sanguinem constituentium, inde arteriarum sanguis spissus ruberrimus. Ex majori talis sanguinis ad partem congestionem rubedinem oriri, apparet evidentissime in virgine pudica cum rubore suffunditur facies. A materia distendente stagnante tumor. Ex motu majori cum resistentia elasticitateque arteriarum pulsatio. A partium distractione & distensione vasorumque dilatatione tensio & dolor. Ab obstructione

Etione vasorum, vel uti aliis visum, a stimulo, motus oscillatorios augente, circulus frequentior per libera magis vasa, cordis contractio celerior, irritabilitas influxum spirituum majorem inducens, inde febris origo, attritus major, inde et caloris augmentum, functionum a libera circulatione pendentium laesio. Virès cordis quocunque modo irritati auctae, ratione habita ad corporis robur, febris absolvunt ideam. Indeque ex motu cordis aucto virium quoque jactura ergo et magna spirituum dissipatio et ex hac iterum lassitudo.

§. XXVI. Cum vero decumbente praefertim aegro major sanguinis affluxus fiat ad caput, haud mirum, inflammatione laborantes de capitis distensione, gravedine cum somnolentia & cephalalgia quasi, immo faepissime delirio quoque affici ab impetu sanguinis in encephalon, indeque commotis fibris medullaribus cerebri.



ELENCHUS CONTENTORUM.

PRAEFATIO, Inflammationis theorias exponens I

Cap. I.	De inflammatione in genere	Pag.	I
Cap. II.	De phrenitide	-	7
Cap. III.	De ophthalmia	-	10
Cap. IV.	De angina	-	13
Cap. V.	De Peripneumonia	-	17
Cap. VI.	De pleuritide	-	22
Cap. VII.	De paraphrenitide	-	26
Cap. VIII.	De gastritide	-	27
Cap. IX.	De enteritide & ileo	-	30
Cap. X.	De Hepatitide	-	33
Cap. XI.	De splenitide aut lienitide	-	35
Cap. XII.	De nephritide & cystitide	-	36
Cap. XIII.	De metritide	-	39
Cap. XIV.	De venae sectionis ratione in inflammationibus	-	41
Cap. XV.	De vesicantium usu in inflammationibus	-	46
Cap. XVI.	De suppuratione	-	48
Cap. XVII.	De empyemate	-	52
Cap. XVIII.	De vomica pulmonali	-	53
Cap. XIX.	De tussi	-	54
Cap. XX.	De tussi convulsiva	-	59
Cap. XXI.	De phthisi pulmonali	-	62
Cap. XXII.	De phthisi nervosa	-	70
Cap. XXIII.	De athrophia infantum	-	72
Cap. XXIV.	De asthmate	-	74
		Cap.	

Cap. XXV. De incubo seu ephialte	Pag. 79
Cap. XXVI. De dolore in genere	- 80
Cap. XXVII. De capitis dolore.	- 86
Cap. XXVIII. De otalgia	- 91
Cap. XXIX. De odontalgia	- 93
Cap. XXX. De dentitione difficili	- 96
Cap. XXXI. De pleurodynia	- 100
Cap. XXXII. De cardialgia	- 101
Cap. XXXIII. De celicis variis	- 105
Cap. XXXIV. De ventris torminibus	- 113
Cap. XXXV. De cholera morbo	- 114
Cap. XXXVI. De dysenteria	- 116
Cap. XXXVII. De proctalgia	- 121
Cap. XXXVIII. De lithiasi renali & cystica	- 123
Cap. XXXIX. De stranguria & dysuria	- 130
Cap. XXXX. De partu difficili & tormini- bus post partum	- 132
Cap. XXXXI. De arthritide & podagra	- 136
Cap. XXXXII. De ischiade seu dolore co- xario	- 143
Cap. XXXXIII. De rheumatismo.	- 146
Formulae medicinales.	- 149





COMPENDIUM MEDICVM PRACTICVM

FASCICVLVS ALTER
DE INFLAMMATIONIBVS ET MORBIS
DOLORIFICIS.

CAP. I.

DE

INFLAMMATIONE IN GENERE.

§. I.

Inflammationem adesse dicitur, ubi tumor durus
acutęque dolens cum rubedine intensa vehe-
mentique pulsatione : quae si externas occupat
partes, facile patet, non ita vero si internas mem-
branaceas aut viscera. Tum enim non nisi ex do-
lore plus minus aucto punctorio pro varietate
partis affectae, vel & summa anxietate, si in pul-

A

mo.

2 *Cap. I. DE INFLAMMATIONE*

monibus aut hepate; febrique valida, tum & pulsu duro dignoscitur. Inflammatio partium externarum ejusque sequelae ad chirurgicos pertinent morbos. Hic autem de internis inflammationibus praecipue agetur.

§. 2. Occurrunt praeter jam dicta & alia signa inflammationis internae. Lingua nempe arida & flava apparet, urina ut plurimum praerubra, vel & limpida nimis in nimia sanguinis densitate & spissitudine emittitur. Cruor coriacea tegitur crusta. Verum enim vero parum fidentum huic signo, cum frequentissime adsit in sanissimis; caeteroquin, abesseque possit in vehementissima inflammatione. Varia enim sunt a SYDENHAMO iam notata, quae generationem talis crustae impedire valent, si pleno rivo v. c. aut recto filo non fluit, sed stillatim tantum circa brachium exit sanguis, si vas, quo excipitur amplum nimis, vel & etiam in prima venae sectione, dum sanguis sano saepe prorsus simillimus, ita ut inde DE GORTER deduxerit, crustam lardeaceam effectum, non causam inflammationis esse, sed de crusta hac inflammatoria latius in praefamine jam actum. Quin immo & pulsus durities fallit. Mollis enim est aliquando in pulmonum phlogosi praesertim, debilis est in putridis, qui non raro inflammationem habent comitem, morte demum detegendam. Dari etiam inflammationes in visceribus infimi ventris praecipue clandestinas, nullo signo detegendas & post SIMSONVM &

& ante HENIGRENIUM nostrum plurimi cognoverunt medici. Vidi ventriculi inflammationem a veneno arsenicali inductam, gangraena demum & morte terminatam absque ulla febris aliove phlegmonis criterio in pulsu. Vidit & DE ITAEN, absque ullo dolore aliove signo, febrim deesse in ophthalmia & in aliis externis inflammationibus saepissime tantum topicam esse, omnibus notum est.

§. 3. De essentia seu causa proxima inflammationis disputatur; secundum BOERHAVIUM stagnatio in arteriis minimis & primi & secundi generis, cum motu sanguinis majore a tergo urgentis, omnem ideam inflammationis absolvit. Hanc opinionem vero rejicit DE GORTER in *chirurgia reformata* & stimulum qualemcunque admittit, motum apicum arteriarum oscillatorium primo augmentem, denique vasa haec spasmodice constringentem. Stagnatio autem humoris, qualis equidem apparet in oculorum inflammatione, ut effectus, non ut causa consideranda. Falso ergo haec ut nova de inflammationibus theoria, WHYTIO tribuitur.

§. 4. Praedisponunt vero ad inflammationes Plethora, robur & vasorum rigiditas, aetas juvenilis & virilis, temperamentum cholericum, nec non cacochymia varia. Gignendo morbo autem favent frigus vehemens, vasa constringens, sanguinemque condensans, calor maximus, humidiora dissipans, inde & omnes evacuationes serosae.

4 *Cap. I. DE INFLAMMATIONE*

profusiores; acria quaecunque, stimulantia sive applicata, sive ingesta, venena, spiritus fermentati, potusque frigidus aestuante corpore. Praeter frictiones fortes, vulnera, fracturas, luxationes; contusiones, puncturas, ligaturas arcte appolitas, compressiones, distorsiones, combustiones; balnea & frigida & calida. Fit quoque inflammatio metastatica per translationem materiae morbosae ad hunc vel illum locum.

§. 5. Quinque praecipue modis terminari solēt inflammatio. Sc. 1. resolutione, quae semper optabilis. Stagnans enim hic resolvitur & iterum sano assimilatur sanguini, inter paucos dies nulla excitata evacuatione, nullove incommodo relicto. Fit haec in inflammatione valde benigna, ubi motus sanguinis non vehemens, pulsus plenus potius, quam durus, cutisque humida. 2. Evacuatione critica, copioso sudore praecipue. Hic stagnans assimilationis haud capax e corpore expellitur per cutis spiracula circa septimum, nonum aut undecimum diem. 3. Suppuratione, ubi motus major, quo vascula minima rumpuntur & cum fluidis stagnantibus dissolutis miscentur inque albidum, crassum, pingue, pus dictum, convertitur. Quodsi prorsus de corpore eliminetur & per sputa aut urinas evacuatur, perfecta consequitur sanitas. Sin minus, & sanguini miscetur, febrim hecticam lentamve & chronicam post se trahet, tabem cito vel tarde funestam. Suppuratio ut plurimum fit circa 14^{to} diem, in-

inquietudine, moleſtaque jaſtatione, feбри remittente, horrore cum doloris diminutione praecedentibus. 4. Gangraena & ſphacelo dum materia peccans in alcali putridum corrumpitur in corpore cacoſchymico, praecipue cum motu intenſiſſimo omnia deſtruyente. Hanc praecedere ſolent, frigoris ſenſus internus cum doloris antea auſti ſubita ceſſatione. Mens antea delira ad ſe quodam, modo redit, virium defectus major fit quamvis falſa lenitate videatur levare aeger, pulſus intermittit, deficit; alvus antea clauſa nunc invite ſolvitur nimis, madent facies & peſtus ſudore frigido: extremorum adeſt frigus. 5. Scirrhus demum, nempe tumore irrefolubili, qui metum perpetuum canceri futuri incutit, ſi inflammatio glanduloſas occupat partes; motusque humorum adeo debilis, ut nec reſolutio, nec ſuppuratio, neque gangraena ſequi poſſit.

§. 6. Inflammatione laborantibus conducit aer purus, ſubfrigidus humiduſculus ſaepe renovatus, cibi tenuiſſimi ex oryza, avena pomis coctis, prunis damaſcenis, potus aciduſculus. Nimio acidi enim hic vitandi, quia ſtricturas vaſorum & humorum inſpiſſationes augent. Inde & vinum vitandum, ſtimulum enim majorem inducit. Potus frigidi hic quoque haud concedendi. Lactis ferum, hydrogala, & Ptifana hordeacea tepide epota, optima cenſentur, animi pathemata vitentur quam maxime. Somnus vero invitetur papaverinis, non autem narcoticis dolorem leniendo.

6. Cap. I. DE INFLAMMATIONE etc.

§. 7. Inter remedia adversus inflammationem primas obtinet venae sectio primo in parte inflammationi vicina, dein in parte remotiori. Haec optime instituitur primis morbi diebus, tamen & toto morbi decursu, urgente necessitate sc. ubi dolor acutus, anxietas summa, pulsus durus & vires constantes celebranda aut repetenda. Terminus enim inflammationis non est, uti vulgo acceptum, tertio vel quarto die: sed & longe serius benigne resolvitur, aut critice evacuat, nec quidem inflammatione ad suppurationem vergente cessat indicatio sanguinis mittendi in plethoricis valde & febris vehementissima. Noxia vero est sanguinis missio, dum resolutionem tentat Natura, minuitur enim inde febris ad hoc negotium necessaria, neque adeo tuta est in inflammatione Metastatica, quae potius ad suppurationem ducenda, vel ad externa vesicantibus applicatis attrahenda. In junioribus robustis prophylactica saepe instituatur V. S. ad inflammationem praecavendam. Arteriotomia, scarificationes topicae & hirudinum applicatio in speciali inflammationum tractatione proponuntur, uti & vesicatoria, fonticuli, setacea cum repellentibus & adstringentibus.

§. 8. Alvus dein leniter movenda, catharticis antiphlogisticis No. 1. Clysmata mollia. 2. alternis diebus injicienda, quae SYDENHAMO vicariis fungebantur vicibus, sanguinis missionis repetitae, tum et nitrosa saponacea medicamenta
cum

cum camphora. 3. & emulsiones refrigerantes.
4. exhibenda.

CAP. II.
DE PHRENITIDE.

§. 9.

Phrenitis est inflammatio cerebri vel potius ejus Meningum, delirio feroci perpetuo, febrigue acutissima pulsuque duro comite se manifestans, est ergo idiopathica, quæ quidem rarissima in frigidioribus climatibus, vel et sympathica, frequentissime in febribus malignis exanthematicis, variolis morbillisque occurens.

§. 10. Signa alia in phrenitide obvia sunt vigilia, subinde vero et somnus profundus, facies rubra, protervia seu ferocitas, capitis dolor internus ingens, ad minimum strepitum facile auctus, oculi protuberantes, narium stillicidium.

§. 11. Disponunt ad cerebri inflammationem adolescentia et aetas virilis, consuetæ hæmorrhagiæ suppressæ, meditationes profundæ, lubricationes continuæ, animi affectus vehementiores, calidorum usus, seu abusus.

§. 12. In actum ducunt ebrietas, vis violenta capiti illata, insolatio seu capitis nudi ad solis

radios dormiendo praecipue expositio. Inde Mesforibus & aliis, qui aestuante sole iter facere coguntur, pileum album vel chartam albam, aut et pannum album, intus pileo nigro assutum, commendat TISSOT, quo minus caput incalescere a radiis solaribus compertum est.

§. 13. Phrenitis aliquando terminatur in salutem, narium haemorrhagia larga sponte oborta, vel arte, Natura monstrante viam, narium sc. scarificatione promota, haemorrhoidum vel et lochiorum fluxu restituto, alvique fluore ante septimum diem nempe excitato, resolutio hic vix obtinetur. Saepissime autem inter tertium & septimum diem necat, vel tardius suppurato vel sphacelato cerebro, uti ex cadaverum inspectione patuit. Saepe desinit in maniam, tota vita incurabilem, qualem vidi aliquoties ex phrenitide in puerperis sequentem. Amaurosin sequelam phrenitidis annotarunt alii.

§. 14. Mortem futuram praedicimus ex vomitu aeruginoso, sputatione indecora in adstantes, convulsionibus, floccorumque collectione, oculis pulverulentis, dentium stridore, alvo pertinaciter clausa, uti et ischuria, vel urina limpida nimis, symptomatum mutatione assidua, ulcerisque habitualis detumescencia & exsiccatione, risu fardonico, pulsuque debili vacillante tremulo.

§. 15. Cura autem initio statim tentanda, per venae sectionem largam repetitamque, ratione immutationis vel perseverantiae symptomatum moderandam in brachio aut in talo. Ex iugulo sanguinem mittere, uti placet PRINGLE, FRENDIO multisque, commendat TRALLES, non adeo facile est, uti creditur in phreniticis. Idem sentiendum de arteriotomia in temporibus. Hirudinum applicationem laudant alii & quidem ad anum, ubi pro pensio ad haemorrhoides: uti et cucurbitas ad Nucham & scapulas cum scarificatione.

§. 16. Capiti prius raso adhibenda fomenta, seu epithemata ex aqua frigida, cum aceto rosaceo saepius renovanda. Glaciem tusam applicant Angli & nivem inter Linthea. Interim pediluvia instituuntur tepida, vel et pedes involvantur cum linteis oxycrato calido madidis. Semicupium frigidum quid hic valeat, non ausim dicere, nec non vesicans capiti raso adhibitum. Cum nequidem sanis unquam adhibuerim, nisi ubi pulsus debilis valde & quidem in symptomática potius quam idiopathica phrenitide. Epispasticis saepissime usus sum, monente van SWIETEN, utpote orgasmum humorum minori stimulo non incitantia.

§. 17. Caeterum diaeta, medicamenta eadem ac commendata capite praecedente de inflammatione in genere, quibus adde, quod conducatur, ut aeger corpore erecto teneatur in lecto, ne caput

gravetur humorum congestione ex decubitu horizontali.

CAP. III. DE OPHTHALMIA.

§. 18.

Ophthalmia est inflammatio tunicarum, oculi constituentium, quae dignoscitur ex adnatae summa rubedine, dolore quasi ex acu aut spina pungente; lucis intolerantia, febrisque absentia, plerumque si levior, neque raro ex febre valida, si retinam & uveam simul occupat, quando etiam ophthalmico videntur oculis suis observari muscae in aere volitantes.

§. 19. Est autem externa Táraxis dicta, vel interna, tum et externa & interna simul; chemosis vocata, haec semper illa gravior. Ratione causae proximae est vel sanguinea, vel serosa lippitudo, haec chronica, illa acuta potius. De priori hoc, de posteriori alio agetur Fasciculo.

§. 20. Causae occasionales variae quidem constituuntur; frigida & humida aeris constitutio, aer procellosus, oculos praecipue afficiens, solis ardor & splendor, unde aliquando epidemica. In Aegypto & Indiis orientalibus endemica & contagiosa, per sympathiam communicata annotatur.

§. 21. Levior & externa fere excitatur ophthalmia, expulvisculo, aut simili oculis illapso, fumis metallicis, morsicantibus, ciliorum incurvatione versus oculi bulbum directorum, adnatamque irritantium; excrementis putridum exhalantibus, unde foricariis familiaris, teste RAMAZINI, nivis ignisve continuo adspectu.

§. 22. Datur et praeterea ophthalmia, post morbillos variolasque a scabie tineaque retro-pulsis aut male curatis; ulceribus antiquis exsiccatis, gonorrhoea repulsa, evacuationibus sanguineis quibuscunque consuetis suppressis vel retentis, miasmate venereo, scrophuloso, nec non a vi externa ictuve illato, uti et ab operatione aut Cataractae depressione.

§. 23. Ad ophthalmiam prae caeteris disponi perlubent oculis prominentibus gaudentes, tum studiis acrioribus, lucubrationibus nocturnis dediti nimis. Nam oculus sinister potius ophthalmia afficitur, difficiliusve curatur quam dexter, uti aiunt, affirmare non ausim.

§. 24. Ophthalmiam curaturus prae primis instituat regimen; videlicet a luce vividiorae aeger arcendus, viridi velo aut et vitro viridissimo plano defendantur oculi, in victu vitentur carni-um esus, aromatica, salina & potus spirituosus aut vinosus; sermo quoque, fumus tabaci, vigilia, vomitus damnantur. Curati lectionem nocturnam cane & angue pejus fugiant.

§. 25.

12 *Cap. III. DE OPHTHALMIA.*

§. 25. Cura vero aggredienda V. S. larga, repetita aliquoties, idque nulla fere habita ratione aetatis audacter ad plurimas vices, ut resolutio consequatur. Caeteri enim omnes inflammationis exitus hic quam maxime damnandi, oculos enim vario modo perdunt & visum destruunt. Instituitur ergo in brachio, jugulo talove. Arteriotomia temporalis a quibusdam praefertur, hirudinum applicatio laudatur ab his, culpatur ab illis.

§. 26. Fortiora dein cathartica mercurialia, praesertim si febris abest frequenter usurpanda, vel et leniora aut clysmata in humorum motu majori, quae revellendo juvant. Vesicantia vero, quae ad Nucham aut pone aures adhibentur, ut derivando operentur, ab HOFFMANNO haud probantur, utpote dolorem saepe augentia. Cantharides oculis inimicas declarat etiam BOERHAVIUS de morbis oculorum agens Ut ut sit ad frontem cum fructu aliquando applicui praemonente PERCIVAL. Ad furas applicant alii. In genere commendant omnes, ut diu aperta servantur. Nunquam vero ante peractas evacuationes necessarias in usum vocanda, pediluvia non omittenda.

§. 27. Ad topica seu collyria quod attinet, semper in initio noxia & forsitan in leviori ophthalmia, aqua frigida tantum in initio leniter repellendo valet, vel et in summo dolore vapor aquae calidae, aut fomentum ex lacte tepido:
vel

vel et cataplasma emolliens ex pomo cocto, v. c. vel et mucilago ex solutione gummi Arabici aut radicis altheae in aqua calida. In ophthalmia chronica praecipue valent collyria, 7. quae roborando conducunt.

§. 28. Caeterum setacea, fonticuli, cauteria, auricularum perforationes in refractaria, tentanda veniunt. Sialagoga mercurialia, in venerea. Cortex peruvianus, Aquae Seidlenses, Millepedes cum mercurio in scrophulosa. Gonorrhoea iterum arte, uti et aliae evacuationes denuo excitandae, si a causa tali. Cilia extirpanda horumque bulbi, lapide infernali destruendi, si ab horum incurvatione.

CAP. IV. DE ANGINA.

§. 29.

Angina mihi audit difficilis deglutitio, vel respiratio vel et utraque simul ab inflammatione organorum, utrique actioni inservientium. Tumor conspicuus admodum ruber apparet inspicienti, febris adest acuta cum cephalalgia & pulsu duro, urina emittitur rubra. Si vero causa morbi arterias serosas, non sanguineas occupat, pituitosa aquosave, alba, catarrhalis, spuria dicitur Angina & tumore pallido rubello, febrisque

que non adeo intensa detegitur, deque hac, uti de caeteris paragrapho sequenti indicatis alibi peculiariter.

§. 30. Datur et praeterea Angina convulsiva, spasmodica paralytica sine ullo tumore apparente metastatica pessima quidem. Suppuratoria, gangraenosa, scirrhusa tanquam inflammatoriae confectaria: nec non ulcerosa luis celsicae subinde soboles.

§. 31. Haec ultima quam maxime distinguenda ab ulceroſa maligna Suecis, Anglis & Danis aliquando epidemica, et ab Anglis & praecipue a FOTHERGILL optime descripta. In hac autem praeter inflammationem fauces ulceribus faniosis serpentibus obsidentur, pulsus est tremulus parvus, eique ut plurimum concomitatur eruptio scarlatinosa, unde de hac plura habentur primo fasciculo, capite de scarlatina.

§. 32. De vario Anginae nomine ab antiquis tradito pro varietate partis affectae, nihil quod moras & taedia legenti necem, cum raro una pars afficiatur, quin statim altera trahatur, neque curationis ratio multum differat:

§. 33. Favent producendo morbo noctes humidae frigidaeque dies, calidos insequentes, corporis refrigeratio subitanea, ventorum afflatus, equitatio adversus ventum frigidum, conclavia calce recenter inducta, acria ingesta & venena
ap-

applicata, anxia nimis cervicis fudariolis obvolutio, uti et colli nimia constrictio. Cantus vocis diutina exercitatio, tubarumque inflatio prodromus quoque est eruptionis scarlatinosaë & morbillosaë. Semel anginosum saepius eodem morbo corripitur, compertum habeo, unde prophylactice talibus commendo, ut noctu maxime collum arceant a frigore; caeterum vere praecipue & sanguineos prae caeteris infestare solet.

§. 34. In morbo valde periculoso saepissime strangulando Lethali, mox vena secanda in brachio ad animi deliquium fere vel et saepius incidenda, donec symptomata inflammatoria & suffocationis periculum, multum mitigentur. Vena jugularis non statim, sed aliis prius institutis evacuationibus, aperienda suadente TRALLES. Idem censendum de raninarum incisione a CELSO jam commendata, hirudinum applicatio ad fauces uti & cucurbitarum cum scarificatione ad Nucham & scapulas non contemnenda. In Angina ulcerosa maligna cautius cum venae sectionibus mercandum in pituitosa vel alba non requiritur tanta sanguinis missio.

§. 35. Cum et praeterea Angina aliquando sponte, haemorrhagia, sudoribus, alvique fluxu praesertim copioso solvatur, & laxantibus & clysmatibus No. 8. Diarrhoea fere excitanda continua, quae prae caeteris in angina catarrhali commendantur. In maligna emeticum morbo incipiente

te commendat PERCIVAL. Diarrhoea hic non adeo laudabilis; alvus vero adstricta damnabilis.

§. 36. Faucium obturatio saepe adeo pertinax, ut potulenta per nares regurgitent, ita et vel fame perire posset aeger in longiori morbo, praesertim in suppuratoria, scirrhusa sc. Angina. Vide olim deglutitionem omnino impossibilem per 22 dies. Servabatur tamen aeger clysmatum nutrientium ope, ter de die injectorum, ex lacte, juribusque pullorum, modica quantitate, ut commodius retinerentur. Intestina vero prius per clyisma purgans 8 ab excrementis semel singulis diebus eluebantur.

§. 37. Humoribus orgasmo utcunque per sanguinis missiones se dato, vesicans ad Nucham ob suffocationis periculum: tum et pannus inimento volatili 9 imbutus jugulo adhibenda; in angina maligna ulcerosa emplastrum de meliloto cum quarta parte vesicantis ad nucham, cataplasmata antiseptica 10. vel et pannus mixtura ex aceto & spiritu vini camphorato madidus collo applicandus. Pediluvia ex aceto aquae mixto, cui cortex peruvianus, flores chamomillae infecta bis de die saltem usurpanda, vel pannis talibus imbutis pedes involvendi.

§. 38. In omni angina inflammatoria scilicet vel et Maligna summi usus habentur vapores tepidi ex aceto aquae mixto. Gargarisma No. II. laudat PRINGLE, sed injectiones per parvum Sypho-

phonem, merito gargarisationi praeferendae. Quae iterum melius instituitur, dum inflammatio ad suppurationem vergit, quando quoque cataplasmate emolliente 12. collum obvolvendum. Locus suppuratus citissime lanceola pertundendus, ut pus exeat, faucesque a tumore liberentur. In metu strangulationis Bronchotomiam laudant, rarissime si unquam institutam. In angina ulcerosa, gargarisma 13 commendat HOME.

§. 39. Medicamenta sint nitrosa, salina, leviter camphorata, uti in caeteris inflammationibus. Gummi guaiacum, post debitas evacuationes exhibitum, instar specificum commendat HOME. Nondum habui ansam tentandi. In putrida maligna vero haec noxia, substituantur horum loco decocta, antiseptica 14.

CAP. V. DE PERIPNEVMONIA.

§. 40.

Si dolor gravativus occupat medium praecipue pectus cum difficili respiratione, non nisi decubitu in dorsum peragenda, tussi molesta sicca, febrisque aucta pulsuque duro in initio saltem, lingua arida ex flavo rubra, demum nigra, ideam dat Peripneumoniae verae, seu inflammationis pulmonum ex sanguine vasa infarciante.

18 *Cap. V. DE PERIPNEUMONIA.*

§. 41. Peripneumonia notha materiem magis pituitosam agnoscit, habitiores inde ac crassos aggreditur, nec non senes & praecipue hyeme, aere humido frigidiusculo infestat.

§. 42. Datur et praeterea peripneumonia magis epidemica, putrida biliosa; cuius symptomata, nausea, sputa biliosa, oris amaror, pulsus parvus, debilis non ita durus, putredinem humorum corruptionemque potius, quam stasin phlogisticam indicantia.

§. 43. In genere morbum producere valent, aeris humiditas, siccitas, calor, frigus excedens, exhalationes causticae acres, venena sive ingesta, sive applicata, spirituosorum abusus, pulmonum nimia defatigatio cursu, cantu, aliove quocunque modo, equitatio fortis, incessus calopodiis supra glaciem adversus ventum. Ex animi motibus praecipue ira; angina & aliae inflammationes, quas saepe sequitur, uti et morbillos saepissime; in praedispositis praesertim, quales sunt robusti, rigidi, sanguinei, gibberosii, aliique pectore praediti angustiori; uti et senes.

§. 44. Morbus, ut caeteri, abire solet in sanitatem, alium morbum, mortem. In sanitatem se, benigna resolutione, quae quidem rarissime hic obvenit, coctione & excretionem sputi copiosi flavi, cum striis sanguineis mixti, crassi levantisque cito in album mutati. *Alvinae biliosae; urinae*

Cap. V. DE PERIPNEUMONIA. 19.

urinae copiosae, crassae cum sedimento ante septimum diem.

§. 45. Si vero morbus ad decimum quartum et ultra extenditur diem, in suppurationem tendit, seu pulmonum abscessum & vomicam, quod dignoscitur ex symptomatum pertinacia, delirio, pulsu undoso & molli post resolutionis & coctionis tempus persistente. Accedunt etiam leves vagaeque horripilationes, genarum rubor, febris hectica, amphimerina vespertino tempore, praecipue exacerbata. Tussis quoque fit pertinacior, siccior, respiratio anhelosa, a cibo vel motu semper aucta. Decubitus in affectum latus tolerabilis vel possibilis tantum. Sudor nocturnus circa jugulum & frontem praesertim, urina spumosa pallida, quae excipiunt vel suffocatio inopinata, vomicae ruptione, vel et puris evacuatione in pectoris cavitatem, vel phthisis chronica & lenta consumptio purulenta.

§. 46. Fiunt et interdum, quamvis raro, abscessus per metastasin ad alias quasvis corporis partes; quorum periculum majus vel minus ex varietate, partis affectae, ex magnitudine vel parvitate apostematis; ex tempore, quo erumpunt, ex levamine, quae afferunt desumendum. Terminatio peripneumoniae in scirrhum semper mala.

§. 47. Fit et cito lethalis gangraena, vel et morte serius terminatur, quam praecedit summa

debilitas, pulsus, parvus inaequalis, intermittens, deficiens; respiratio parva sibilosa cum strepitu vel roncho erecta; rubor faciei insolitus; anxietas & pectoris angustia summa; delirium continuum, corporis frigiditas & insensibilitas; puris per inferiora secessus; maculae rubrae fuscae pectoris, sternutatio multa; sputa biliosa cum pure post sextum diem, cruenta valde, statim ab initio non levantia, coenosa fusca amurcosa, nigra, livescentia, vel et subito suppressa.

§. 48. Vt cura autem rite instituatur, primo animi & corporis quies instituenda in aere tepido ac humido: victus sit tenuis, potus talis tepidus praesertim. Nec hic aegrorum desiderio indulgendum, qui frigidum aerem, similemque potum appetunt.

§. 49. Quantocyus dein venae sectio larga satis instituenda, eaque ratione symptomatum constantia ad tertiam, quartamve vicem repetenda: raro ulteriorem sanguinis missionem fert Peripneumonia. Sunt et circa hanc quoque notanda, quod procedente morbo V. S. non adeo tuta, ac in initio, quamvis interdum et tum necessaria, praesertim si vires constent, pulsusque magnus. Praeterea Peripneumonia minorem sanguinis deductionem fert, si notha. Inde & haec difficilior curatu, quam vera, caeteris paribus. Tum si crisis per excretionem sputi fit, nocet venae sectio, ne hoc naturae molimen turbetur.

Cap. V. DE PERIPNEUMONIA. 21

§. 50. Venae sectionibus necessariis institutis, nec aegri levamine, emplastrum de meliloto cum quarta parte vesicantis, pectori seu lateri affecto apponendum. Saepissime enim unus tantum afficitur pulmonum lobus. Hoc emplastrum vesicanti merito praefertur, quia non adeo stimulat aut dolorem parit. Peripneumonia notha vero liberiores vesicantium usum requirit.

§. 51. Caeterum alvus libera servanda, clysmate molli alternis diebus injecto, quod quam maxime juvat, si morbus per alvi fluxum abiturus sit. Purgantia in Peripneumonia vera non facile dabis; quae et nocent praecipue, ne expectoratio supprimatur, praesertim ubi hac via morbus sanari vult. in peripneumonia notha, leniora emetica & purgantia multum laudantur.

§. 52. Maximi usus denique in hoc morbo balneum vaporis aquae dulcis ad pulmones. Semicupia & pediluvia, medicamenta nitrosa mellita necessaria; nec non expectorantia 15. & speciatim in peripneumonia notha. De cura in suppurationis statu, praecipue agetur capite de phthisi. Peripneumonia putrida antisepticam potius, quam antiphlogisticam postulat medelam.

CAP. VI.
DE PLEVRITIDE.

§. 53.

Dolor punctorius acutus in alterutro latere, in inspiratione auctus cum febris intensa, pulsusque duro, difficultate respirandi, tussi vel sicca dolorosa admodum vel humida, Pleuritis audit vera.

§. 54. Non est autem, quod credamus pleuram tantum in uno latere inflammari, ex cadaverum enim inspectione constitit et membranam, totum pectus cingentem, mediastinum cum pericardio, pulmonesque cum musculis intercostalibus sive internis, sive externis simul affici interdum.

§. 55. Si vero inflammatio intercostalibus exterioribus tantum inhaeret, spuria dicitur Pleuritis, mitiorque est morbus, utpote in hac, tussis fere nulla, febris minus acuta, respiratio satis commoda, pulsus non valde tensus, decubitus in latere sano facilius, quam in affecto, dolorque ad contactum exacerbatus.

§. 56. Robustos, exercitatos, juvenes, adultos, sanguineos, viros potius, quam foeminas aggreditur. Accedente praesertim valido corporis exercitio in aere nimis calido, ejusdem excalescentiae nimiae, spirituosorum abusu; ejusdemque ex-

po-

positione vento vel aeri frigido, maxime vernali vel aestivo tempore: tum et potu gelido corpore aestuante ingesto, uti et animi motu vehementiori.

§. 57. Morbus ingruit cum horrore, febrium intermittentium aemulo, quem excipit calor, sitisque inexplibilis cum caeteris §. 33. si vera, vel 35. si notha, enarratis. Est et praeterea Pleuritis sporadica, epidemica ex putridorum genere, idiopathica, symptomatica vel et a metastasi post alium morbum oriunda.

§. 58. Pleuritis haud secus quam aliae inflammationes benigne resolvitur. Coctione & critica excretionem per haemorrhagiam, sc. haemorrhoides, sputa copiosa crassa, cruenta, concomitantibus urinis sedimentosis intra septem dies in sanitatem abit.

§. 59. Neque raro ob morbi vehementiam, aegri temperamentum, medelam neglectam aut male administratam, gangraena lethali tragoediam claudit, quam facile praedices ex omnimoda doloris subito & absque evidenti causa cessatione, & quidem respiratione liberiori utcunque facta, cum pulsu vacillante & extremis frigidis. Qualem casum vidi olim in theologiae studioso, cum non ante sextum diem me in auxilium vocasset.

§. 60. Ad quatuordecim dies protracta in supurationem vel empyema transit cum signis §. 45. recensitis, aequae ad phthisim uti peripneumonia

ducens. Abscessus vero, qui ad aures fiunt bonum promittunt. Solet autem post pleuritidem saepissime manere sanatam, concretio pleurae cum pulmonibus leve utcumque producens incommodum, nisi quod inde, idem homo saepius maneat simili morbo obnoxius, non sine vitae periculo demum. Vidi quem ter quaterve Pleuritis affecit, eadem tandem funesta.

§. 61. Curam vero aggreditur venae sectione larga, primo in brachio lateris affecti, dein in opposito, neque raro in talo instituenda, eaque audacter repetenda quocunque morbi tempore, si respiratio anxiosa dolorque vehemens. Ex aliis enim signis sc. ex pulsus duritie vel ex sanguinis crusta normam desumere velle pro repetendis sanguinis missionibus fallax est. Pulsus enim dupliciter fallere potest vel in obesitas, ubi mollior est, vel in doloris acerbitate, quae inspirationem saepe impedit, quod et BAGLIVIVS annotavit, inde pleuritides dari occultas statuit. Crustam inflammatoriam variis de causis abesse potest, praesertim in primo morbi accessu, uti apparet ex alio morbo inflammatorio, variolis nempe, in cujus primo stadio sanguis eductus rutilus absque ullis phlogosios indicibus est.

§. 62. De quantitate quoque sanguinis emittendi, aut de vicibus sanguinis missionem reiterandis, nihil certo statuere licet, et in senibus & in gravidis ad plures vices aliquando institui & pri-
mis

mis diebus & sexto, quo saepius exacerbatur morbus. Neque eventus dedit mihi ansam poenitendi de tanta sanguinis educatione. Caeterum vero notandum in morbo provectiore, vel epidemico putrido, aut ubi adest evacuatio critica cum levamine, venae sectionem aequè nocere, ac in peripneumonia sub talibus conditionibus.

§. 63. Clysma dein molle injiciendum, ut alvus libera, non laxa fervetur. Diarrhoea enim non nisi critica in hoc morbo conducit. Ideo et purgantia, quamvis leniora, hic damnantur. Remedia eadem, ac in peripneumonia specifica, equidem nulla hic. Radix senega adeo celebris Anglis saepissime noxia inventa, cum vomitum ciet, in omnibus inflammationibus quam maxime cavendum. Opium a summis viris laudatum, si locum, quidem habet ratione doloris sedandi in pleuritide, certe non nisi sedato orgasmo nimio pulsusque duritie imminuta exhibendum puto.

§. 64. Post sufficientem sanguinis detractionem, vesicans lateri dolenti applicatum prodest. Vide inde optimum effectum in expectoratione promovenda saepius, praecipue pulsu existente languido cum anxia respiratione. Ad furas applicata commendat BAGLIVIVS eidem scopo. In alvi fluxu non critico NEIFELD sinapi ex aceto super pectus imponi jussit CELSVS, donec ulcera pustulasque excitet. Fomenta, laxantia ab omnibus fere laudata, suspecta equidem habeo; ad suppurationem

enim ducunt inflammationem & merito praetero
iisdem emplastrum de meliloto cum camphora.

CAP. VII. DE PARAPHRENITIDE.

§. 65.

Cum praecedente convenit Paraphrenitis, non uti
quibusdam phrenitis symptomatica, sed ut ve-
rae diaphragmatis sive partis carnosae, sive tendi-
nosae, sive utriusque simul inflammatio.

§. 66. Crebrius forsan occurrit quam vulgo
creditur, licet raro diaphragma tantum sed simul
pleura, mediastinum & pericardium simul affi-
ciantur. Morbus est difficilis curatu, nec cogni-
tu facilis: veram enim phrenitidem adesse posse,
nullo modo, nisi cadaveris obductione detegen-
dam, refert DE HAEN.

§. 67. Creditur tamen dignosci posse ex feбри-
valde acuta, respiratione sublimi, parva anhelos-
a, dolore ad praecordia seu scrobiculum cordis,
latera & dorsum in inspiratione quam maxime au-
cto; accedentibus demum tussi molesta, nausea,
vomitu, singultu, hypochondriorum introrsum
retractione, quam pro signo pathognomonico
agnovit GALENUS. Tum ex delirio & risu sar-
donio, quod signum abesse posse, testantur autho-
res

res ex cadaverum obductione. Delirium volunt quidam non magis proprium paraphrenitidi, quam pleuritidi esse. Symptomata vero enarrata vel mitiora vel vehementiora sunt, prout pars carnea vel tendinosa affecta fuerit.

§. 68. Causas agnoscit easdem ac pleuritis, in primis vero potum gelidum corpore aestuante affatim haustum. Curam poscit eandem. Clysmata emollientia hic crebrius injicienda, sunt enim maximi usus. Vesicantia praecipue ad furas & brachia commendantur si, a metastasi. Resolutio hic vix speranda, lethalis enim ut plurimum ante septimum diem evadit. Aliquando ad suppurationem tendens, empyema si in pectoris, asciten purulentum, si in abdominis cavum pus effunditur, post se trahit.

CAP. VIII. DE GASTRITIDE.

§. 69.

Gastritidem quoque seu ventriculi inflammationem, frequentissime occurrere, asserit HOFMANNUS; praesens autem noscitur ex dolore acuto, fixo circa scrobiculum cordis, ad quodvis ingestum sive liquidi, sive solidi, parcissima licet copia, maxime aucto, vomitu dolentissimo statim ab

ab assumptis, singultu, siti inexplebili, febris acutissima, pulsu parvo frequenti duro, inquietudine, vigiliis corporisque continua jactatione, urinae omnimoda suppressione, qualem vidi per septem integros dies absque ullo tumore aut vesicae dolore.

§. 70. Signa pathognomonica inflammationis ventriculi deesse aliquando, certissimum est. Vomitus defuisse in vera gastritide, appetitu semper vigente, habet DE HAEN, sine ullo febris indicio, nisi post quintum diem contigit mihi videre semel.

§. 71. Causas agnoscit varias occasionales, praesertim potum gelidum, corporia aestuanti ingestum, vomitoria atque purgantia drastica, venena acria arsenicalia, praecipue vel mercurialia; spirituosorum abusum, uti et alimentorum solidorum, accedente potulentorum defectu, metastasin exanthematicam, vel et podagram revulsam, iram vehementem cum vomitu bilioso, vulnera & laesiones violentas.

§. 72. Morbus est periculosissimus, plerumque lethalis & ante septimum diem gangraena cum extremorum frigore, sudore frigido, delirio, convulsionibus terminandus, quam fere inevitabilem expecta, si a veneno; citius enim erosiones inflammatoriae fiunt a tali causa, quam de medicina cogitare licet. Resolutio, rara hic est gratia. Neque tam diu durat, nisi leuissima inflammatio, ut in suppurationem abeat.

§. 73.

§. 73. Cura pro varietate caussarum varia tentanda, Venae sectio summe necessaria & ad plurimas vices repetenda, commendabilis tantum primis morbi diebus. Nectuta admodum, si a metastasi. Tum enim potius valent vesicantia, regioni epigastricae apposita, vel ad furas, si a podagra retrocessa. Caeterum epithemata ex spiritu vini camphorato, abdomini applicata, a quibusdam laudantur.

§. 74. Omnia vel minime irritantia hic nocentissima. Quin et camphorata cum nitro adeo efficacia in caeteris inflammationibus, in gastritide haud immerito suspecta habentur. Ideo rarissime, si unquam hic emetico locus, quamvis a commotabile, aut a veneno in priori casu aqua tepida cum oleosis mixta, largius epota, bene audit, pro spasmus compescendis nihil melius, quam liquor anodinus mineralis. In posteriori, si notum, statim in usum vocanda oleum amygdalarum dulcium, olivarum; lac tepidum, decoctum hordei cum butyro & vitello ovorum. Si a sublimato corrosivo oppugnari alcali No. 16 vult MACKBREID, deinde copia feri lactis, jusculorum pinguium ex pedibus vitullinis non salitorum parvis haustibus ingestorum acrimonia lenienda. Opiata non nisi cautiissime exhibenda, minime vero in principio. Clysmata emollientia optime valent. Excrementa vero alvina inde educta, foetida valde, splend-

dentia, nigra soluta de veneno arsenicali & de ventriculo sphacelato certum praebent criterion.

CAP. IX. DE ENTERITIDE ET ILEO.

§. 75.

Enteritis sive intestinorum et tenuium & crassorum inflammatio oritur a quocunque acri ibidem stagnante; rodente; condimentorum spirituosorum, aromaticorum usu immodico, scybalis durioribus, alienis durioribus deglutitis; vermicibus; praematura diarrhoea criticae aut dysenteriae suppressione; motibus corporis vehementioribus, saltibus; ponderum elevatione, iracundia graviore & colica biliosa, docente SYDENHAMO. Hernia saepius in causa est enteritidis mitioris, nec adeo periculosa. Quin et medicamenta ex drasticorum genere. Memini me sanasse inflammationem intestinorum in virgine, quae originem debebat tincturae catharticae sic dictae officinali seu essentiae jalappae.

§. 76. In hoc morbo praecipue incusantur motus peristaltici inversio, spasmodica intestinorum constrictio, uti & eorundem introsusceptio: indeque ileus, et perperam volvulus audit.

§. 77. Intolerabilis dolor, quem cum ejulatu expriment aegri, medium occupat abdominis, si-
ve regionem umbilicalem: alvus pertinacissime
clausa manet: vomitus adest perpetuus omnium
ingestorum; febris acutissima cum pulsu duro, ce-
leri parvoque potius, quam pleno: singultusque.
Urina emittitur pauca ruberrima. Inflammatio-
nem aliquando latere posse signis pathognomoni-
cis deficientibus post SIMSON, habent PRIN-
GLE, MORGAGNI & alii.

§. 78. Resolvitur aliquando inflammatio, & na-
tura, quamvis rarissime, sanata refertur. In absces-
sum tendit intra 14. dies, insequente dysenteria
purulenta ancipitis eventus. Plerumque vero le-
thalis brevi admodum evadit, gangraena praece-
dente, quae dignoscenda ex alvo ante pertinaci-
ter clausa, iam subito soluta, nigra, foetida, in-
vito dejecta cum doloris repentina abolitione &
extremorum frigore, ex crepitibus foetentibus
admodum emissis; ex clysterum per os ejectio-
ne; ex vomitu stercoreo, quem tamen non sem-
per lethalem referunt authores. Ileum cum vo-
mitu stercoreo trienii spatio bis vidit DE HAEN
sanatum. Tertia vice demum funestum.

§. 79. Cura aggredienda venae sectione, in
brachio largiter instituenda, eaque pro renata & vi-
rium constantia & symptomatum perseverantia re-
petenda. Dein vomitus quantocius antemetico
Riveriano No. 17 sistendus. Tum clysmata mol-
lia,

lia, oleosa N. 18 saepius injicienda. Oleo volatili No. 9 totum inungendum abdomen. Catulum viventem nudo ventri semper accumbere jubebat SYDENHAMUS. Semicupia, si fert aegri conditio, tepida non ommittenda: per semihoram & ultra infedere licet.

§. 80. Mitigato utcunque per venae sectiones necessarias., statu inflammatorio & humorum orgasmo, velicans latum, abdomini imponendum, monente PRINGLE. Tum etiam alvi solutio tentanda per aquam laxativam, cochleatim exhibitam, vel per remedium No. 19. Sunt autem, qui praecipiunt anodyna, prudenter laxantibus miscenda, ut certius retineantur: fere enim semper in hoc morbo, cathartica emetica evadunt. Alii verocum TRALLESIO alternatim et opiata & purgantia exhibent, sic tutius consequi utriusque effectum compertum habent: dum per opium spasmus sedatis alvus saepe feciliter solvatur.

§. 81. Dantur et alia remedia in ileo, temerario quidem ausu & non nisi in casu desperato, ubi anceps melius est experiri, quam nullum, in usum vocanda talia sunt clysmata acria ex fumo tabaci, vel ejus foliorum decoctione; ex aqua frigida acetove tali; immo ex solutione tartari emetici laeto cum successu. Per aquam frigidam epotam, pediluvia frigida, immo et fomenta similia abdomini applicata, tentaverunt quidam alvum solvere, nec poenitendo eventu. Ventre ni-

ve obvoluto, gelidaque epota, morbum ileum curatum refert DE HAEN. Eundem vero ab hac eademque causa, subito in gangraenam & mortem conversum.

§. 82. Quin et medicamenta metallica, argentum vivum ad \frac{ss} semissem cum brodio pingui, superinstituta leni deambulatione, eidem scopo commendant aliqui, & quamvis raro quid inde boni sperandum videatur, si inflammatio vera, aut intestini adest introversusceptio, alvum tamen inde feliciter aliquando solutam, testantur quaedam exempla. Immo & quod mirandum, emetico propinato curatus habetur ileus, in *commentariis Societatis Regiae scientiarum Gottingensis*.

CAP. X. DE HEPATITIDE.

§. 83.

Hepatitidem seu hepatis inflammationem idiopathicam raro occurrere, communis est medicorum opinio. Attamen attendenti ad abcessus, vomicas purulentas, tumores scirrhosos in cadaverum junioribus saepissime conspicuos, cognitionis difficilem, non vero adeo raram esse, diuque ferri posse, antequam necat, patebit.

§. 84. Dignoscitur autem ex dolore obscuro tensivo & gravativo hypochondrii dextri, ad costas spurias, immo ad jugulum saepe ascendente & ad attactum aucto: cum febris acuta, minus intensa tamen, quam in aliis inflammationibus, pulsu duro celerique; tus sicca difficultateque respirandi praecipue, si pars hepatis gibbosa inflammata, tunc enim omnia pejora. Lingua praeterea est squalida & arida, sitis adest magna, nausea, vomitus biliosus, neque raro singultus. Cutis color flavus apparet, alvus manet constipata; aperta vero excrementa dejicit albidiora, urina rubra flammea & crocea saepius emittitur. Decubitus in latere affecto molestus, nec tolerabilior semper in opposito, supini inde jacere amant aegri.

§. 85. Disponunt prae caeteris ad hepatitidem, obesitas omenti ingens, seu olei copia eo contenti, malum hypochondriacum, materia aeris quaecunque prope hepar stabulans, vermes, vesiculae felleae calculi, bilis copia: metastasis, febris ardens, vomitus validi continui, animi motus vehementiores; haemorrhoidum suppressio vel retentio; diaeta quotidiana crassa nimis & viscida; frigida imprudenter hepatis regioni applicata, tandem et violentia externa.

§. 86. Natura non raro intra septem dies sanatur, per evacuationem scilicet criticam, alvi fluxum nempe subcruentum, biliosum; narium hae-

haemorrhagiam, dextrae quidem, uti multi perhibent, num ex hypothesi, num vero ex experientia, non est, quod dicam. Per haemorrhoidum fluxum, lotium sedimentosum copiosum, sudoremque largum, sanatam hepatis inflammationem, certissimum est. Raro est adeo violenta, ut gangraena terminetur, saepissime autem abcessus format, aut indurationes scirrhasas post se trahit, de quibus alibi.

§. 87. Arte autem per sanguinis detractiōnem non adeo largam, ac alibi, semel tamen aut bis repetendam, si opus. Clysmata mollia, saepius injecta; laxantia salina No. 20. lenesque frictiones lateris affecti. Vesicantia eidem applicata; copiamque liquidi refrigerantis, feri lactis tamarindati sc. & decocti aperientis, No. 21. ingestam affatim. Mercurialibus apud Indos curant.

CAP. XI. DE SPLENITIDE AUT LIENITIDE.

§. 88.

Cum hepatide convenit omnino splenitis seu lienis inflammatio, sive diagnōsin, sive prognōsin, sive medelam demum spectes. Cum quae dicta habentur de dextro hypochondrio facile absque ulla repetitione ad sinistrum applicare pos.

36 *Cap. XII. DE NEPHRITIDE*

possumus. Rarissime valde lienem inflammari, uno declarant ore omnes medici.

§. 89. Praeter signa generalia inflammationis, inter specialia & parti affectae propria, sanguinis stillatio ex nare sinistra ponitur a NIEFELDIO. Confundi posse cum affectu pleuritico, nec multo damno, cum medelam requirit eandem, habet VAN SWIETEN. Vomitus vero niger criticus in hepatitide metuendus, in splenitide haud contemnendus creditur.

§. 90. Pancreas demum, omentum, mesenteriumque aliquando inflammatione affici referunt. Verum enim vero affectus sunt nimis occulti, difficillimaeque saltem cognitionis, nec quidem multum interest, dum ex signis generalioribus, omni cognitae inflammationi una eademque medendi methodus.

CAP. XII. DE NEPHRITIDE ET CYSTITIDE.

§. 91.

Nephritis seu renum inflammatio vera, idiopathica, omnino distinguenda a nephritide spuria & calculosa. De illa hoc, de hac autem alio agetur capite,

§. 92.

§. 92. Signa autem nephritidis sunt, dolor primo obtusus, dein pulsans & acutus a lumbis ad testiculos utrosque, vel unum tantum, prout unus vel alter ren inflammatione afficitur, descendens, per totumque abdomen diffusus; alvus nunc laxa, nunc adstricta nimis; crurum stupor, mictus difficilis, urina pauca rubicunda & in summo malo aquosa, quo praecipue vera a calculosa distinguenda nephritis, in hac enim statim pallida, demum crassa mingitur urina, ructus assiduus vomitusque biliosus, retractio testiculi, quam tamen in calculosa potius, quam in inflammatoria, observari vult VAN SWIETEN; decubitus magis incommodus in dorsum & in sanum, quam in latus affectum, febrisque acuta cum pulsu subduro.

§. 93. Nephritis excitari potest ex calculosa & nephritica dispositione, venere nimis culta, concussione in rheda, equitatione, spasmodica vasorum renalium constrictione; aphrodisiacorum, diureticorum fortiorum, vini rhenani abusu, incautoque cantharidum sive externo sive interno usu, metastasi arthritica scabiosaque.

§. 94. Cito fatio intra septem dies & in senibus praesertim gangraena necat; resolutio rara hic. Suppuratio vero saepissime occurrit, quod si pus per urinas evacuetur, spes sanitatis affulget: lotii talis profluvium cum pure per multos vidimus menses aegro demum optime valente. Coctione

saepe & evacuatione sc. urinae crassae copiosae, haemorrhoidum fluxus critici quoque solvitur.

§. 95. Nephritidem curaturus venam aperiri jubeat in brachio vel pede ad renem affectum respondentem, quod ordinarie sinistrum prae dextro esse, statuunt quidam. Dein balnea & semicupia instituat, laxantia leniora, nitrofaque praescribat medicamenta; clysmata mollia No. 22 injici curet quotidie, utque aeger subinde ex lecto surgat, corporisque situm saepe mutet. Ubi haemorrhoidum indicia, ano applicentur hirudines.

§. 96. Cystitis etiam seu vesicae urinariae inflammatio noscitur ex dolore acutissimo tenfivo in regione hypogastrica, dysuria vel et ischuria totali, cum tenesmo perpetuo, feбри acuta &c. Causas agnoscit praeter generales, calculos acutos pungentes, cantharidum usum internum, catheterismum repetitum, haemorrhoidum suppressionem, nec non gonorrhoeam adstringentibus intempestive sedatam.

§. 97. Praeter generalia in omni inflammatione adhibenda, peculiariter hic commendantur vapores ex fella perforata excipiendi. Linimenta No. 23 pro pube & perineo mungendis; cave autem quam maxime & in nephritide & in cystitide a diureticis, fortioribus saltem.

CAP. XIII. DE METRITIDE.

§. 98.

Si uterus cum appendicibus suis vagina, sc. ovariis & tubis Fallopiianis vera afficitur phlegmone, metritis dicitur. Talis morbi praesentiam indicant matricis dolor, ad inguina, crura, immo ad diaphragma & claviculas se extendens pro diuerso inflammationis gradu, partisque affectae varietate, omnemque attactum sive digito in vaginam introducto, sive manu abdomini vel leviter externe imposita renuens.

§. 99. Adfunt praeterea nausea, vomitus, singultus, alvi constipatio cum ischuria; saltem non sine molestia alvus deponitur, urinave emititur. Meteorismus cum summa totius ventris tensione graviditatem aemulante, lingua sicca, sitis febrisque acuta.

§. 100. Rarissime occurrit extra puerperium ex mensium improvida suppressione. Puerperis vero familiaris satis ex lochiorum retentione, rudi uteri contrectatione, duraque obstetricatione in partu difficili; aliave violentia, lapsu, casu ictuve graviditatis tempore, uteri inversione a partu, grumis sanguinis retentis, frigoreque

40 *Cap. XIII. DE METRITIDE.*

imprudenter admissio ad pudenda post partum. Ex haemorrhagia uteri profusissima refert SAGAR de propria uxore.

§. 101. Mors cum extremorum frigore, delirio, convulsionibus, risu, cantu, nec non hydrophobia aliquando, certissime expectanda. Vix sperare possumus resolutionem. Suppuratio autem, scirrhus indeque perpetuus canceri futuri metus saepissime sequantur.

§. 102. Methodus medendi consistit, ut relicta in utero, sanguinis thrombi leniter eximantur, ut nullae dein ligaturae aut fasciae ventri, injiciantur, aegraque decumbat in dorsum, genubus parum inflexis; generalia etiam, venae sectio scilicet primo in pede, dein in brachio, ex symptomatum urgentia, aliquoties reiteranda, clysmata emollientia, laxantia mitiora, emulsiones camphoratae nitrosae in usum vocentur; nec contemnatur ventris innunctio linimento ex oleo amygdalarum dulcium cum quarta parte aceti vel succi citri a MAURICEAU laudato.



CAP. XIV.

DE VENAE SECTIONIS RATIONE IN INFLAMMATIONIBUS.

§. 103.

Quamvis necessaria circa venae sectionis rationem in inflammationibus administrandae, & in genere & in specie, debito jam loco indicata sint, quaedam specialiora magis addere adhuc de indicantibus & contraindicantibus sanguinis missionis, de subjectis quibus, de tempore quando, de quantitate, deque loco, quo sanguis educendus, mihi non incongruum videtur.

§. 104. Indicant autem, seu potius inevitabilem postulant sanguinis detractionem, morbus vehemens, febris valida cum pulsu duro, dolor continuus, maximus, fixus; strangulationis metus, suffocationis periculum, anxietas summa. Ubi talia adsunt signa, ipsa in peste venae sectionem negligere, piaculum esset; praesertim ubi plethora pariter cum virium robore. Sic optime HIPPOCRATES: „in morbis acutis sanguinem detrahes, si vehemens morbus videatur, florueritque aegrotantis aetas & virium robur adfuerit.”

§. 105. Contraindicare videntur, cutis maior cum pulsu pleno non duro resolutionis &

42 C. XIV. DE VENAE SECTIONIS

coctionis tempore ; inflammatio in suppurationem jam vergens, uti et quae a metastasi originem ducit, ne materia noxia intimius sanguinem ingrediatur, spura subcruenta aut purulenta in peripneumonia vel pleuritide ; lochiorum vel mensium fluxus, metritis haemorrhagiam profusorem pedissequa ; demum summa debilitas, fractis nempe viribus a morbo diuturno. Strangulatio in angina, suffocatio in peripneumonia minus ad haec attendi jubent.

§. 106. Verum enim vero omnibus in praxi versatis constare debet, dari debilitatem simulatam cum pulsus quidem oppressione & parvitate maxima, ex inflammationis vehementia in pleuritide prae caeteris. In similibus si sanguinem mittis, pulsumque interim in opposito exploras brachio, senties sensim, elevari fortiolemque fieri, intrepide tunc sanguinem effluere sinas ad levamen plenius : quod si vero sanguine fluente pulsus debilis maneat, scias ejus evacuationem ulteriorem minus adaequatam esse.

§. 107. De subjectis, quibus sanguis detrahendus, notum est, tutius fieri in viris, quam in foeminis, ex hisce iterum potius in non gravidis, quam in gravidis et puerperis ; in juvenibus & adultis aptius, quam in infantibus & senibus. Atqui omnia pendent ex morbi vehementia et symptomatum recrudescentia, nec non virium robore proportionato. „Firmus puer, & robustus,
„senex,

„senex, & gravida mulier valens tuto sic curatur,, CELSUS omnia enim postponenda & quidem contraindicania 105, ubi una salus a venae sectione speranda; nec lochiis aut menstruis fluentibus, a sanguinis missione abstinendum, si necessitas urget. Symptomatum vehementium perseverantia vel recrudescencia hanc evacuationem necessariam faciunt in omni aetate, in quacunque conditione; in muliere octavo mense gravida, gravique pleuritide affecta, quinquies institui bono cum successu, partuque dein extra totius foeminarum cohortis expectationem feliciter succedente. In puero quinquennio septies trium dièrum spatio instituere curavi, qui & brevi optime convaluit, nulla remanente debilitate, sive mentem sive corpus spectes.

§. 108. Ad tempus quod attinet, optime quidem mittitur sanguis primis morbi diebus. Queritur PRINGLE, quod tarde nimis hoc auxilium a quibusdam medicis, junioribus saltem, in usum vocetur; etenim sanguinem minuere post quartum diem, parum quidem valere ad inflammationis resolutionem procurandam. Obstat tamen hoc minime, quin symptomatibus urgentibus, quovis morbi tempore, quocunque aegritudinis die instituatur, ut gangraena saltem praecaveatur & benigniorem semper suppurationem procuremus. GALENUS docuit jam, nullum tempus, nullum diem certum requiri ad venae sectionem celebrandam.

44 C. XIV. DE VENAE SECTIONIS

§. 109. Quantitatem satis largam sanguinis, proportionem semper servata aetatis ratione, detrahi volunt fere omnes medici in inflammatione curanda. Neoterici quidem partitis vicibus brevi intervallo interpositis, veteres vero una vice ad animi deliquium usque. Hoc minus tuto fieri, apparet inde, quod plurimi dentur, qui ex profusissima sanguinis deperditione vix animo liquantur, antequam vitae simul destruantur; alii iterum ad primum sanguinis effluxum deficiunt. In talibus autem oportet, ut in dorsum jaceant, ad vitam revocentur inspersa frigida in faciem, digitus interim venae incisae imponatur, denique ad se reverso & cubanti proportionata extrahatur quantitas. Ex sanguinis missione ad animi deliquium praeterea, ex pleuritide peripneumoniam nasci posse, habet STRETAEUS, assentiente quoque VAN SWIETEN. Conducit ergo, ut prima vice maxima sanguinis portio unciae duodecim, puta in adultis, educantur, altera unciae decem vel octo, tertia demum adhuc magis minuatur copia, GALENO docente sicque sine damno sensibili pro re nata ad sex, octo vel decem vices aliquando sanguiniseductio repetitur.

§. 110. Minime autem ignorare licet crebras sanguinis missiones multum debilitare, capitis affectus accersere, totum genus nervosum afficiendo ad cachexiam & hydropem disponere, motusque resolutionis in inflammationibus semper optandae infringere prorsus, indeque caute cum
iisdem

iisdem mercandum saepissime, si v. g. haemorrhagiae copiosiores praecesserint morbum.

§. III. Demum de loco, quo sanguis educendus, sunt, qui venae sectiones derivatorias, imo et locales prae revulsoriis commendant; sic in capitis morbis jugularem aperiunt; in angina raninas, in ophthalmia arteriam temporalem. In pectoris affectibus, medianam hanc vel illam, pro varietate lateris affecti; nec non pro chirurgi aegrive commoditate, praesertim si jacenti vena secanda. Aliquando uno eodemque tempore ex utrisque brachiis extrahit HUXHAM. In abdominis pathematibus & mulierum morbis saphenam aperiri jubent. Monendum tamen, quandam hic requiri cautelam in summo plethoricis & revulsoriam derivatoriae praeferendam esse, ne congestio major fiat circa partem laesam; sic in metritide, si plethora adest, praestat v. f. primo in brachio, dein in talo celebrare; in phrenitide, angina, derivatoriam non nisi post revulsorias rite factas commendo, ad exemplum SWIETENII & TRALLESII. Neque revulsoriae post derivatoriam institutam, sua deneganda laus aliquando. Ex saphena sanguinem educere in peripneumonia plus valere, quam quis credere possit, post aliquot sanguinis missiones, in brachio factas, cum HUXAMO expertus sum.

CAP. XV.
DE VESICANTIUM USU IN
INFLAMMATIONIBUS.

§. 112.

Cum jam ergo de necessitate sanguinis mittendi, tanquam si non unici, praecipui saltem remedii, in omni morbo constet inflammatorio, modo excipere velis, ubi in sanguine educto, signa putredinis, scilicet nimiae solutionis aut coaguli putridi appareant, breviter etiam agere de alio non minus efficaci & a celeberrimis in arte viris laudato auxilio, topica vesicantis applicatione, operae pretium duco.

§. 113. Non autem meum est discutere hic, num valent vesicantia phlogisticum dividendo, aut resolutioni ansam praebendo; num humores derivando evacuandove; num spasmos sedando vel dolorem morbosum obscurando vehementiore excitato, nec an cantharides vi septica agunt secundum experimentum a PRINGLE institutum acidave sunt ergo naturae, an demum in sanguine spisso & phlogistico lateat sal acidissimum aquae regiae haud dissimile, uti perhibent ex bubone destillando medicus extraxisse, peste 1700. Vindobonae grassante, tuncque alcalica vi operantur: num febris vel doloris indoli repugnare videntur.

dentur. Actum jam multoties & a me & ab aliis agere esset. Sufficit autem, me a posteriori didicisse saepius ab usu vesicantium, dolorem inflammatorium mirifice minui, febrimque mitigari, expectorationem suppressam promoveri, strangulationem & suffocationem praepediri. Non negamus tamen contra TRALLES, multos pleuriticos & olim & nunc sanatos absque vesicantibus. Ipse ergo raras habui occasiones ea adhibendi in pleuritico affectu, verum negari etiam non potest, dari et pleuritides aliasque inflammationes, quae sine vesicantibus curari non possunt.

§. 114. Utilitatem vesicantium in morbis inflammatoriis hodie omnes fere agnoscunt. Sunt vero, qui non nisi debitis evacuationibus praemissis, & praevis sanguinis detractionibus necessariis horum laudant usum. Uti PERCIVAL & WHYTT: „ubi autem post sanguinis evacuationem requisitam, minutus fuit multum febrilis impetus, nec in urina, aut foecibus alvinis putredinis signa apparent, & tamen dolor manet, vel pulmo oppleri incipit, tunc videtur a vesicatoriis multum boni expectari posse, ait VAN SWIETEN; inde raro vel nunquam in morbi principio iisdem usus sum, omnia antiphlogistica prius tentans atque immedicabile vulnus, manentibus vel ingravescentibus symptomatibus, vel & statim ab initio strangulationis periculo in angina, suffocationisve metu in pleuritide vel et peripneumonia praesertimque notha, vesicantibus aggredie-

48 *Cap. XVI. DE SUPPURATIONE.*

diebar, „nihil enim, inquit HUXHAM, negligendum in tanto discrimine, ubi quam brevissimo tempore de vita agitur, et ubi saepissime parum valde agendum est per remedia ore assumpta.,,

§. 115. Citius vero curari inflammationem, materiam morbificam sc. de corpore eliminando, si sine ulla mora, ullave procrastinatione & quidem ante venae sectionem parti dolenti apponatur latum vesicans, asserit C. MEDICUS, quodque etiam docuit PRINGLE, experientia demum convictus, quamvis hic idem junior vesicantia non adhibuerit, nisi ubi prae debilitate, nullus jam dabatur locus ulteriori sanguinis detractio-
ni. Forsan alia medicina in castris, alia in urbe; alia militibus, aliaque civibus conducit. Vesicantia demum non tantum ad partem affectam, sed ad tibias cum BAGLIVIO, TRILLERO & DE HAEN in omnibus inflammationibus & praesertim pectoris proficua deprehendi.

CAP. XVI. DE SUPPURATIONE.

§. 116.

Inflammatiō non tam benigna, ut resolvi possit, neque tam vehemens, ut in gangraenam abeat, intra quatuordecim dies praeter propter sanguis
sta-

stagnans cum finibus vasorum solvitur, mutaturque in materiam albam pinguem, inodoram, aquâ graviolem; haecque actio suppuratio, materiaque ita conversa pus vocatur.

§. 117. In longa suppuratione ergo magna debet adesse substantiae deperditio. Cum vero practicis omnibus, talem substantiae deperditionem non semper suppurationem sequi, constet, transsudante materia purulenta in corporis cava absque ulla partium destructione, tum ex levi angustove ulcere magnam saepe effluere puris copiam, nec non generari interdum nulla praevia inflammatione, probabile admodum videtur, ab ipso sanguine pus aliquando secerni posse majore vitae actione, aequae in inflammatione generali atque locali.

§. 118. Circa puris formationem dolor ex acuto fit gravativus, pulsatorius, non raro autem dolor maxime iaggravescit, a nimia membranarum distractione. Horripilationes fiunt frequentes in suppuratione saltem non parva, febrisque ardor utcunque mitigatur & in lentam chronicam demum transit. In pleuritide & in peripneumonia difficultas spirandi augetur, tussis manet inanis, & si pus non stillat in thoracis cavum, fit empyema vel vomica, de quibus statim seorsim, in hepatide tumor percipitur in hypochondrio dextro.

§. 119. Suppuratio, quae post resolutionem caeteris inflammationis exitibus merito praeferenda, non tamen adeo tuta semper, in plirenitide enim &

ophthalmia semper mala censetur; illa enim morbos soporosos, fatuitatem, haec coecitatem & oculi qualemunque destructionem post se trahit. Suppuratio ex angina non raro peripneumoniam & phthisim inducit. A paraphrenitide, & empyema & ascites purulenta expectare licet, prout pus stillaverit vel in pectoris, vel in abdominis, vel in utriusque cavum; in nephritide ren exeditur totus. Ex pure resorpto alvi fluxus, vomitus purulentus, urinaeque tales excitantur, quae raro admodum perfectam afferunt sanitatem, sed lenta tabe corpus consumendo mortem.

§. 120. Frequentissime vero in angina fit, quod pus in tunica cellulosa, collectum; tumorem seu abscessum, ad exteriora vergentem, formet, quo in casu ut suffocationis periculum declinetur, quantocyus conandum gargarismatibus No. 24. & 25. cataplasmate No. 26. ut abscessus rumpatur, vel chirurgico instrumento, si non nimis profundus incidatur.

§. 121. Si in pleuritide & in hepatitide, quamvis rarius, abscessus ad exteriora tendit, & hoc molimen naturae iisdem adjuvandum, praeter vesicantia, caustica, ad locum dolentem admota, & prudentem, quam quidam suadent, integumentorum loco dolenti incumbentium incisionem, dein pure rite evacuato, abscessus ut ulcus tractandum, non omissis medicamentis, quae vim habent muniendi sanguinem adversus damna a pure sanguini circulanti mixto timenda; qualia sunt cortex peru-
via-

Cap. XVI. DE SUPPURATIONE. 51

vianus, aquae minerales, & lacticia, praesertim si febris non nimis urgeat. Tum balsamica No. 27. & diuretica, No. 28. Frictiones mercuriales & salivationem, ope hydrargyrii excitandam, in affectibus hepatis, uti placet LIND. Non habui occasionem experiendi hucusque. Eandem methodum laudat quoque J. CLARK.

§. 122. Ad puris confectionem requiritur certus caloris gradus, mediocritatem non excedens, ideo venae sectio vitanda, si febris moderata, si valida nimis, venae sectione haec eadem moderanda. Nec praeterea suppurationis tempore V.S. omittenda, urgentibus symptomatibus aliis, suffocationis periculo v. g. instante in angina.

§. 123. Diaeta sit ex fructibus horeis benematuris, sive crudis, sive coctis; ex oleribus, endivia, lactuca, spinachia, acetocella, brassicis rubris, cucumeribus: ex pulmentis farinaceis, amylo, oryza cum lacte. Si febris mitis, concedi possunt juscula ex pedibus vitulinis, succo citri acidulata, gallinae assae, pisciculique minores fluvitiles. Pro potu detur aqua selterana cum lacte, hydrogala, serum lactis cum acido paratum; tisana avenacea hordeaceave cum pauco vini rhenani. Alvus quotidie laxa servanda.



CAP. XVII. DE EMPYEMATE.

§. 124.

Empyematis nomine intelligunt hodie puris collectionem in thoracis cavo inter pulmones & pleuram, hoc praecedit vomica seu abscessus, clausus ab inflammatione thoracis partium, praesertimque pleurae relictus, jam vero ruptus.

§. 125. Inflammationem autem harum partium nec resolutam, nec coctione & evacuatione critica perfecte sanatam sequi praecipue solet cum horripilatione, caloreque fugitivo, noctu incrementibus, gravitate doloris loco, spirandique difficultate majori, & tussi sicca. Vulnere thoracis interdum sequens mitius est, sanabileque saepe arte chirurgica, caeterum periculosum valde est malum.

§. 126. Rumpitur circa vigesimum, vel quadragesimum, immo et sexagesimum diem, monente HIPPOCRATE. Quando levamen percipitur fallax, dum partes minus premi videntur, sed brevi pure pectus opplente, et febris et tussis iterum insurgunt, decumbere in dolens potius, quam in sanum latus, etiam in lecto, situ erecto sedere amant aegri, decubitus supinus iis quoque placet. De ponderis sensu queruntur ad diaphragma, sudoribus nocturnis. Corpus emaciatur,

tur, consumitur; purulenta, coenosa, amurcosa excreantur; demum excretionē suppressa, accedenteque alvi fluxu colliquativo, placida obrepit mors.

§. 127. Omni opera annitendum, ut vomica rumpatur, tussi excitata clara lectione, sternutamentis, immo et vomitoriis, uti antiquioribus placebat, unctione in curru rhedave super strata lapidea; atqui praemonendum, instare suffocationis periculum a subita vomicae ruptura, dum pus in tracheam effunditur. Si vero per os sensim, aut per urinas, vel per alvum natura tentaverit puris evacuationem, eadem Bechicis, diureticis, balsamicis & laxantibus adjuvanda. De pure autem per paracenthesin educendo, in empyemate a causa interna vix cogitatur hodie, cum nimis ferro, aegroque fere jam ad incitas redacto instituta, mortem accelerare creditur.

CAP. XVIII.

DE VOMICA PULMONALI.

§. 128.

Pus tunica obvolutum vomica audit; tales igitur abscessus clausi fiunt ubique, praevia ut plurimum scilicet inflammatione, in cerebro, hepate, liene, intestinis &c. in pulmoneque. De quo hic praecipue agitur, tanquam Peripneumoniae non resolutae aut expurgatae confectario.

D 3

§. 129.

§. 129. Neque hic loquimur de tuberculis illis clandestinis parvis, quibus diu saepe vivitur, absque incommodo sensibili; neque de iis, quae ita clanculum subinde erodunt pulmones absque ullo signo, in vivis apparente.

§. 130. Vomica autem vel exsiccatur, quod optimum, vel subito rumpitur cum suffocationis instantis periculo, vel lente & tarde cum perfecta sanatione, purè omnino per anacatharsin evacuato, aut cum phthisi insequente, vel demum, nunquam aperitur vomica ob nimiam puris spissitudinem, vel et tunicae obvolventis crassitiem.

131. De signis diagnosticis, de abscessu maturando, ruptioneque adjuvanda, tussi excitata vaporis aceti calentis ad pulmones delati, aliorumque ope, cautelaque hic necessaria eadem valent, ac de empyemate dictum; quae vero de expectorantibus addenda ad ulcus mundificandum, ex capite de tussi & phthisi petenda. Obiter vero monendum, commendari a PERCIVAL, rupto abscessu, aerem fixum ex mixtione cretae albae & aceti eductum effervescentiae tempore, infundibuli ope ore attractum, tanquam optimum palliativum.

CAP. XIX. DE TUSSI.

§. 132.

De phthisi jam hic agendum esset pulmonali. Cum vero tussim ordinario Phthisis & tabes

excipiat, eundem ordinem sequi dicat ratio; denique et de asthma hoc fasciculo agendum puto, cum et hoc maximam similitudinem & analogiam habeat summam cum phthiseos pathemate.

133. Sonora autem involuntariaque aëris expulsiō per os, qua organa respiratoria se liberare conantur, ab irritamento quocunque, tussis dicitur, quae est vel sicca cum nulla aut parca excreatione, vel humida cum viscida, crassa, flava purulentave.

§. 134. Praeterea tussis saepissime est epidemica autumnali vel & hyemali tempore, aere praecipue existente frigido & humido, quo libera praepeditur perspiratio; vel sporadica a corporis refrigerio improvido, pedum refrigeratione, pectorisque denudatione incauta, debilibus & senibus maxime familiaris. Omnium pectoris morborum inflammatoriorum, empyematis, hydrothoracis, pectorisque malae conformationis, organorumque respiratoriorumque male affectorum, tuberculis videlicet varicibusque propria & idiopathica. In affectibus abdominis, hypochondriacis, hysteriis & in gravidis sympathica, quae etiam nervosa dicenda, dum saepe non tam a partium distensione & pectoris angustia, quam per nervorum consensum fit, qualis est tussis, quae a dentitione, vermibus, faburra primarum viarum quatit infantes.

§. 135. Non raro autem tussis materiae, miasma est morbillosum, rheumaticum, arthriticum,

scorbuticum, scabiosum, venereumque, tum ferin saepissime excitatur ab alienis, forma vaporis fumive & pulvisculi in pulmones vel laryngem illapsis, unde prae caeteris Anglis tussis frequens ob carbonum fumum spissum, quo atmosphaera continuo repletur tota. Pharmacopolis & chemicis familiaris a vaporibus acidis, in elaboratoria insurgentibus. Molitoribus a farnia volatili; lapicidis & statuariis ab arenulis inspiratis; metallosoribus a pulvisculis mineralibus; fabris murariis a calcis vivae atomis; immo et ab uvula prolongata & relaxata, glotidi incumbendo tussis excitari potest. Hisce omnibus addendum & tracheae laesiones & thoracis vulnera inter tussis causas.

136. Tussis omnium simplicissima catarrhalis a materia acri, tenui, pulmones & tracheam obsidente ad tussimque incitante neglecta, aut male tractata, ferocior, chronica & habitualis fit, inflammationesque cum omnibus earum sequelis producit tubercula & vomicas clausas formabit, quod et praecipue opii usui nimis intempestivo debetur.

§. 137. Incipit autem tussis catarrhalis cum levi horripilatione coryza, capitis graevitudine, pectoris angustia & dolore, faucium continua titillatione, narium pruritu, sternutatione, raucedine, brevique terminari solet sputis crassius coctisque; sin minus, phthiseos incutit metum & periculum, in juvenibus praesertim.

§. 138. Quodsi vero materia acris & tenuis nimis, incrassari, vel e contra tenax valde, attenuari nescia, tussis mane praecipue fatigat, et vel materia ejicitur viscida, albicans spumosa, subflava rotunda, granulosa cum striis sanguinis, vel purus sanguis non levans. Postea sicca in dies magis magisque evadit ad motum & post parum augetur, donec vomitu rejiciantur ingesta: progressuque demum temporis humida fit tuberculis ruptis, halitusque diu ante horum exulcerationem foetet. Sic tandem fit mora, quae per se non periculosa tussis.

§. 139. Quamdiu ergo tussis catarrhalis adhuc, si dolor in sternum, angustiaque pectoris febrisve adsunt, sanguinis missio celebranda; eaque pro re nata repetenda, majori vel minori quantitate. Venae sectiones parvas ad uncias IV. vel V. omni octiduo iterandas, ratione tamen habita ad plethoram & ad vires, commendat in tussi phthysicos praecursore, ipsaque phthysi PRINGLE. Laxantia leniora suum quoque habent usum, non sine aliqua cautela exhibenda; si tussis sicca nimis, vel si excreatio cocta rite procedit. Balnea tepida, pediluvia & pectoralia incrassantia. No. 29. in usum vocanda; nec non thea medicata No. 30. mihi usualis. Ad excernendam materiam viscidam, crassam tenacemve nimis incidentia No. 31. 32. 33. quam maxime valent.

§. 140. Tussis ferina, spasmodica, sicca phthisi minitans, si hernias in pueris praesertim,

abortum in gravidis, haemoptoen praecavere studemus opio compescenda somni tempore, quo et noctes pacatiores reddantur; transpiratioque tussitando non interrumpatur. Huic scopo conducunt pilulae de cynoglossa ad grana IV vel et laudanum liquidum Sydenhami ad guttulas XV. XX hora decubitus. Quomodo autem opio prudenter adhibito ad granum dimidium scilicet bis de die per longum tempus, non omisis sanguinis missionibus in plethoricis et me ipsum aliosque quam plurimos a phthisi liberavarim, legitur in *collectaneorum medicorum Hafnensium volumine altero*. Commendantur et vesicantia ad dorsum & ad pectus; nec non fonticuli aperiendi in brachia haec praecipue habent locum. Si tussis a metastasi & a miasmate morbofo, quodsi a scabie repulsa omnibus dictis & sulphurata addenda, a quibus aliter quam maxime abstinendum in tussientibus cum magno BOERHAVIO credo. Roborandi gratia cortex peruvianus, aquae felteranae cum lacte, suffitus No. 34 ore ex prunis candentibus excipiendus, nec non corporis motus & praesertim equitatio laudantur merito.

§. 141. Tussientibus vinosa & spirituosa minime conducunt, vinum malvaticum tamen in tussi fenum pituitosa concedi potest. Aromata calida, salita, carniūque nimius esus vitanda quam maxime. Non improbantur vero caro vitulina, ova forbilia, aves juniores piscesque minores, praecipue si febris nulla. Lacticinia autem,
lac

lac ebutyratum, pulmenta, ex oryza, amylo fagum cum passulis minoribus, decocta panis cum vitello ovorum, fructus horrei omnino utilia. Tisana hordeacea, potus the calidus, quibus addendum volunt quidam spiritum Mindereri ad diaphoresim promovendam maximi usus. A refrigerio prorsus caveant sibi tuslientes. Monendum tamen, quod tussi catarrhali prae nimia nervorum sensibilitate saepius obnoxiiis suadere velim, ut sensim assuescant se aeri frigidiori committere, conclavia calida fugere, vestimenta superflua & corpus gravantia paulatim deponere, & in cubiculo frigido dormire, quo corpus firmitus reddatur, magis par perferendo aeris injurias continuas. Tussis deuteropathica non nisi morbo primario sublato tollitur, et illa in gravidis omnis generis remedia frustra tentata tussim statim a partu sedatam saepissime vidi.

CAP. XX.
DE TUSSI CONVULSIVA.

§. 142.

Tussis convulsiva puerorum & pertussis infantum est contagiosa et epidemica; non magis tamen hyberno, quam aestivo tempore. Raro vel nunquam solet eosdem bis aggredi, semel ergo eandem passi in posterum liberi manent. Morbus vero per plu-

plurimas durat septimanas. Subinde vero per aliquot dies cessat, dein eadem vel et majori vi iterum insurgit. Alternis diebus exacerbari vult ROSENSTEIN typumque tertianarium in ea observari, quod vero non adeo certum.

§. 143. Tussis aliquoties interdiu noctuve interpositis duabus vel tribus horis infantes vexat, nec cessat, nisi cum vomitu; aliquando cum sanguinis eruptione ex ore & naribus. Inspiratio est clangosa, gallicinio non absimilis, facies fit livida, suffocatio per aliquot temporis momenta minuitur febrimque saepe habet comitem.

§. 144. Terminari solet in perfectam sanitatem, in mortem subitam suffocando, subinde & convulsionibus & epilepsia necat. Neque raro et haec tussis ad phthisim & lentam ducit tabem & ad hydropem. Mortem mentitam ex tussi convulsiva vidit DE HAEN, recommendat omnia tentanda, ut vita revocetur: vidi et ego, & frictionibus abdominis per horam continuatis ad vitam revocavi infantem bimulum.

§. 145. Cura tussis convulsivae optime instituitur, si ab emetico incipiamus, sc. pauca grana radicis ipecacuanhae cum saccharo bis vel ter singulis septimanis exhibendo; dein debitis intervalis quoque laxantia ex pulvere rhabarbari cum duobus granis mercurii dulcis. Hoc modo enim eliminatur causa materialis pituita. Obstruens &
fabur-

faburra in primis viis stabulans. Est enim tussis haec quam maxime stomachalis, sed et ideo non minus pulmonibus infesta.

§. 146. Ubi autem plethora, pulsus plenitudo, pectorisque oppressio adest, venae sectio sive in brachio, sive in jugulo necessaria est, quod si uti fit, venae prae pinguedine latent, hirudines ad brachia vel tempora adhibitae bonum praestant effectum. Applicantur quoque vesicantia ad scapulas vel ad sternum bono cum effectū. Quid vero cantharides interne sive forma solida, sive liquida datae valeant in hoc morbo, dicere non aſſim. Formulas ab authoribus commendatas vide No. 35. 36. Cicutam etiam a quibusdam laudatam non magis utilem in hoc affectu, ac in quam plurimis aliis, in quibus mire extollitur, inveni; forsan ejus solutio aquosa praestare quid poterit, ubi scrophulae aliaeque glandularum indurationes.

§. 147. Caeterum evacuationibus necessariis probe institutis summum percipitur emolumentum ex moscho cum aquila albo, ad methodum LETSOMNIANAM dato. Quidam melius habuere ex pilulis assae foetidae. Roborandi scopo nihil praestantius, quam cortex peruvianus cum terra foliata tartari combinatus. Balnea frigida pariter & corporis exercitium in frigore non rudi aut aspero valde, eidem fini in usum vocavi. Ex Bechicis nullum tutius in hoc morbo propinatur, quam oxymel squilliticum. A dulcibus exasperari tussim com-

compertum mihi est. Nocent et hic alimenta crassa viscida, farinosa, nec non vita otiosa aut sedentaria nimis.

CAP. XXI. DE PHTHISI PULMONALI.

§. 148.

Phthisis est corporis emaciatio & consumptio ex ulcere, pulmones aliaque viscera depascente, febrique lenta chronica ut plurimum comite, ex pure, sanguini circulanti mixto.

§. 149. Militant inter Phthiseos causas omnia, quae tussim producere valent, de quibusque capite praecedente dictum. Praecipue autem phthios incutiunt metum, catarrhus frequens, tussis ad quasdam aëris leviores mutationes circa autumnum, aut ver, in corpore tenui, collum longum gracileque, pectus planum et angustum, scapulas alarum ad instar elevatas habente, cum cute glabra alba transparentibus venis caeruleis & macredine inprimis in manuum carpis. Quaeque omnia phthisin certius praesagiunt, ubi datur dispositio hereditaria, sive in corporis fabrica, sive in methodo vivendi parentum phthiosi confectorum analogae.

§. 150. Phthisis aliquando acuta satis, saepissime vero chronica admodum, quae junior homo, eo citius conficitur. Ab anno 18 plurimum in viris, 16 & citius in foeminis, raro post 36 obvenit, diutiusque tolerari tunc temporis absque vitae periculo potest. Pulmones enim jam non ita molles, minus facile exulcerantur, pusque potius tunica tum manet, vel ulcus fit callosum sive fistulosum, quasi fonticulus quotidie pus fundens. Bene comedunt tales aegri, dormiuntque commode. Nec nutritio perit, dum sanguis caeterique humores non adeo corrumpuntur, alteranturve.

§. 151. Juvenes praeterea narium haemorrhagiae obnoxii, de phthisi olim secutura caveant sibi, venae sectione prudenter instituenda statim ac incommoda, capitis dolor, anhelitus ad motum, vasorum inturgescencia percipiantur ab hujus consuetae retentione, quamdiu enim haec periodice redit, phthisios accessum protrahi, BENNETI est observatio. Haemoptoën phthiseos pulmonalis praecursorem esse, frequentissime observatur, tamen & phthisim absque praevia haemoptoe, hancque absque insequente dari phthisi, certo certius est. Magis mirum videtur quidem signa phthisios consumatae adesse posse, pulmonibus in cadavere integris omnino inventis, referente DE HAEN.

§. 152. Ad phthisin praedisponere creduntur pectoris constrictio per fascias ab incunabulis, per
tho-

thoracum usum in virginibus; vita sedentaria & mensium emanatio, eorundem lochiorumve & leucorrhoeae improvida suppressio in foeminis. Carnium esus nimius, unde et Anglis familiaris, cuique non parum contribuit carbonum fossilium fumus. una cum spirituosorum abusu: animi pathemata continua, moeror diuturnus, nimia cogitatio, studia intempestiva, exercitii neglectus, iterumque vocis exercitium cantu scilicet nimium. Hisce adde miasma arthriticum, rheumaticum, scrophulosum, scorbutum, venereum, demumque contagium. Si phthisis enim non est contagiosa, negari saltem non potest, nullum morbum facilius per accubitus & cohabitationem contrahi, quam phthisim. Saepissime enim contigit mihi videre et maritum ab uxore, uxoremque a marito phthisin contraxisse.

§. 153. Phthiseos tres statuuntur gradus; in primo tussis vexat inanis matutina, nocturnaue, rubor adest genarum cum calore in volis manuum circa digestionis tempus absque corporis sensibili emaciatione appetitus viget, somnusque satis tranquillus est.

§. 154. In secundo stadio omnia augentur, tussi vero excreantur sputa globosa rotunda, grandinum ad instar, sapore praedita falso; praesertimque quatit haec a pastu, donec ingesta vomitu rejiciantur, appetitus minuitur, somnus tussitando interrumpitur, febris hectica & corporis consumptio

ptio indies major, sudor facile dormienti et evigilanti matutinis horis circa frontem & jugulum. Calor & pulsus ad naturalem iterum accedunt statum, donec ad vesperam omnia denuo exacerbantur in perpetuum circulum.

§. 155. In tertio demum gradu, summa citaque adest consumptio, calor hecticus continuus. Horis vespertinis, praecedente levi horrore exacerbatur febris remittentis vel et intermittentis induit faciem, virium jactura maxima, rauco, sputa purulenta subdulcia, in aqua falsa quidem subidentia, capillorum defluvium, sudor & diarrhoea colliquativa, sputorum suppressio, pedum et brachiorum intumescencia oedematosa, animi deliquia; aphthae, rubor faciei fixus, facies hypocratica, oculi concavi, nasus acutus, nares contractae, aures frigidae, deliria obscura, urina oleaginosa, mors. Interdum phthisici loquentes vel bibentes sine ulla mentis perturbatione, nec sine spe fallaci reconvalescendi inopinanter pereunt.

§. 156. Circa aequinoctia febris magis intensa inflammatoria laborant phthisici, dum tubercula clausa exulcerantur, omniaque augeri potius vere, quam autumnosaepius vidi, maximeque periclitari phthisi laborantes ineunte aestate, observavit quoque HUXHAM.

§. 157. Phthisis melius praecavetur forsan, quam curatur, ergo in praedispositis omni cura
E praeco-

praevenienda haemoptoës, venae sectionibus prudenter aliquoties in anno institutis. Neque semel infuetis impune negligetur haec sanguinis missio. Somnum capiant ante mediam noctem, maneque diluculo surgant e lecto. Corpus moveant quotidie, lenioribus interdum utantur laxantibus, vitatis summopere fortioribus; caveantque a ventis frigidis, frigoreque matutino atque nocturno, hoc enim phthificis quam maxime infestum, hilares sint animo, curas & moestitiam deponant.

§. 158. Cura pro diverso gradu etiam diversa. Itaque in phthisi incipiente semper requiritur venae sectio, quae subinde pro re nata repetenda. Diaeta sit lactea, neque caseus mollis recens hic noxius. Pulmenta ex oryza conducunt, vegetabilia prae animalibus praeferuntur. Aquas minerales martiales cum lacte bibantur; propineturque mane lac asininum vel caprinum recens multum coram lecto aegrotantis, neque suo calore nativo orbatum, cum pauco saccharo, ne ita facile coaguletur in stomacho debiliori. Tum laxa roborentur cortice, tussique vexanti inani froenum injiciatur opio, hora decubitus, ne somnus turbetur, utque haemoptoes praepediatur. Succus millepedum centum expressus in hoc stadio a quibusdam commendatur. Laxantia leniora interdum, immo et emetica talia non raro in phthi, si incipiente proficua.

§. 159. In secundo gradu praeter jam dicta, incrassantibus capite de tussi laudatis, expectoratio promovenda, inter quae et opium recensendum, noctem enim pacatiorem reddendo lympham somni tempore incrassat. Aliquando non sine fructu datur in hoc stadio muscus islandicus cum lacte coctus. Cancri fluviatiles, limacum liquor commendantur quoque. Cucumerum succum refrigerandi scopo in febris hectica felici subinde cum eventu exhibui, nec contemnenda sunt acetaria, ex iisdem parata, quamdiu stomachus adhuc digerere valet. Aeger aestivo tempore ad aerem campestem & rusticationem relegandus, mire enim reficitur ex balsamicis florum exhalationibus. Subucula lanea maximopere valet ad transpirationem promovendam, inde et aliquando quid boni sperare licet ex decocto lignorum. Infusa thei formia ex semine lini cum radice glycyrrhiza expectorationi favent. Setacea & fonticuli et hic laudantur.

§. 160. In tertio stadio, ubi omnia pariter cum calore hectico ingravescent, cautius mercandum cum aquis mineralibus & cortice peruviano, motum humorum enim maxime augment; ut putredini autem obicem utcunque ponamus, praestat cortici in substantia decocta corticis praeferre addito acido vitrioli. Lac ipsum in hoc stadio suspectum est ob febrim hecticam nimis auctam, abnormesque anxietates, quae eo epoto percipiuntur. Venae sectio & hic palliative ad

mitigandum calorem hecticum, pectorisque oppressionem & tussim leniendam instituenda interdum, quamquam ratione debilitatis summae minus apta censetur. Symptomata, uti diarrhoea colliquativa, agrypnia, tussis & opio hic compescenda, quo saltem mors pacatior accedat. Phthisin enim in hoc stadio omnino incurabilem esse, omnibus notum est. Sanatas quidem vidi, ubi omnia non deplorata adhuc in juventute, verum accedente senio iterum recrudescentes phthises & ad mortem ducentes.

§. 161. Balneo terrae tamen sanari posse, perhibent in regno Granatensi, uti legendum apud VAN SWIETEN; ex vaporosorum & suffituum administratione multum sperant in phthisi nondum deplorata BENET & WILLIS; vapores humidos ex decoctione herbarum pectoralium & balsamicarum laudat BUCHOZ, varia boni successus exempla affert BILLARD. Exhalationibus in bovine insurgentibus, phthisin curari volunt alii. De oleo asphalti nihil certum statuere possum.

§. 162. Phthisis symptomatica raro etiam, vel nunquam sanatur, nisi statim ab initio primum liceat curare morbum, scrofulis autem, scorbuto, mensium emanationi etc. medendum, antequam in phthisim degenerent; veneream tamen phthisim contigit mihi sanare consumatam, inunctionum mercurialium ope indeque sequentis salivationis, cujus historiam haud ingrati fore Lectori puto.

§. 163.

§. 163. Abhinc ergo jam 20 annos & ultra, C. B. nobilissimus juvenis 25 annorum aequo plus in venerem pronus, variaque inde incommoda reportans, et utcumque subinde apta curatus medicina, eadem semper oberrans chorda, demum vera afficitur lue, foedis ulceribus per totum corpus praecipueque ad fauces, exostosis & tophis in fronte deturpatus, mireque et morbo & remediis mulctatus, feбри corripitur hectica, & phthoë cum tussi continua, molesta, purisque excreatione circa matutinas horas praesertim, praeter sudores nocturnos, nec non diarrhoeam colliquativam & corporis summm marasmm, ut os atque pellis esset totus. — Medico chirurgo quondam celeberrimo & peritissimo utebatur aeger, sed nescio, quo fato eidem valedicens me in ejus locum substituit. Dolebam deplorabiles aegri vices, eoque magis, quod et morbi & mortis imminētis sibi conscius, anxie quaereret auxilium a me per mercurialia, quae interne minime propinare audebam, ne forsan mercurii vis ad interiora ruentis alvi fluxum cum magno augetet damno. Ad leves inunctiones igitur accedo, noctu alternatim et nunc ad brachia, & nunc ad crura instituendas. Paucis vero elapsis diebus salivatio oboritur, praegressa glandularum salivalium & gingivarum tumore, nec non dentium vacillatione; modo jam cessantibus et sudoribus & diarrhoea, viribusque insuper potius auctis, quam imminutis. — Tali successu haud leviter laetus iisdem insistere jubeo inunctionibus, donec Ny-

æthemeri spatio ad libram ascenderet integram ptyalismus, felici adeo scilicet eventu, ut octo septimanarum curriculo, et a lue cum omnibus suis satellitibus et a phthisi incolumis evaserit, non minori meo, quam suo oblectamento, vivitque in hunc usque diem sanus, robustus et torosus admodum, aliquotque liberorum pater optima gaudentium sanitate.

CAP. XXII. DE PHTHISI NERVOSA.

§. 164.

Cum phthisi pulmonali non inepte jungitur phthisis nervosa seu tabes dorsalis, quamvis enim haec definiatur corporis emaciatio seu consumptio absque febris insigni saltem, aut ullis organorum pectoris affectorum signis, fit hoc solummodo in initio, tractu enim temporis & phthisin nervosam pulmonalis sequitur, ideo GAUBIUS ex profusione feminis nimia, et tabem pulmonicam et dorsalem fieri, ait.

§. 165. Tabem dorsalem ergo procreare valent omnes evacuationes nimiae, inde recensentur phthisis nervosa a lactatione nimia, fluoreque albo diuturno, haemorrhagiis repetitis. Ab onanismo gonorrhoea benigna, pollutionibus frequentioribus, venere immodica & praematura, unde

C. XXII. DE PHTHISI NERVOSA. 71

unde HIPPOCRATIS est observatio, maxime recens nuptos & libidinosos a tabe affici dorsali, ex salivatione protracta diu, inde ex abusu fumi tabaci, ex diabete, diarrhoea, nec non sudore continuo, a quacunque causa producto, ex omnibus, quae vires posternere possunt, uti studia protracta, lucubrationes vigiliaeque continuae & inedia. Animi pathemata, graviora, insanusque amor & nostalgia. Tandem ex his, quae lympham depravant nutritivam, uti acrimonia scorbutica V. C. potio liberalior liquorum spirituosorum.

§. 166. Tabes dorsalis dicitur morbus ob sensum formicationis, quem aegri percipiunt in dorso cum calore, frigore & dolore circa lumbos praecipue. Praeterea status corporis cachecticus apparet, appetitus omnia praeter liquida et potulenta nauseat, seminis liquidi ad alvi, urinaeve excretiones effluxio adest continua; si a nimia venere praesertim, indeque virium tanta oritur imbecillitas, ut perpetuus adsit decumbendi amor. Urina saepe pauca & rubra, ut plurimum vero, uti in omnibus affectibus nervinis, pallida, straminea, copiosa, febrisque hectica demum accedit cum vera pththisi pulmonali, ex omnium humorum corruptione vel cum tumore hydropico, morsque tragoediam claudit.

§. 167. Morbus chronicus ergo est, curatuque difficilis admodum, venae sectio in pththisi

pulmonali tanti usus, in nervosa & dorsali maxime noxia, cathartica hic quoque nulla valent, nisi forsan rhabarbarina interdum. Ex abstinencia a coitu, ex ablactatione infantis subita, ex repletibus & lacticiis, jusculis vitulinis, chocolada, ovis sorbilibus, tum ex aquis mineralibus, cortice peruviano, ligno quassiae, chalybeatis, corporis exercitio, equitatione in aere aprico, balneisque frigidis multum sperare licebit.

§. 168. Laxitas quoque uti et rigiditas partium excedens possunt recenseri inter causas talis phthiseos, haec praecipue in marasmo senili, immo & ante senium corpore duris laboribus obrigescente, illa vero in junioribus occurrit. In priori casu autem balnea frigida roborandi, in posteriori, tepida laxandi scopò commendantur. De marasmo & atrophia partiali, uti in paralyfi & in ischiade, vel et in membro, a tumore aliove modo compresso, quo succi nutritivi distributio denegatur, nihil est, quod hic dicam.

CAP. XXIII. DE ATROPHIA INFANTUM.

§. 169.

Atrophia infantilis ob analogiam, quo ad praecipuum symptoma, et hic pertractanda venit.

nit. In hoc morbo totum emaciatur corpus, venter tantum molle indies increfcit & lapideam ferme acquirit duritiem, dum carnes omnino flaccescunt, vultus pallet, alvus solito liquidior.

§. 170. Causa proxima consistit in nutritionis defectu, cum vasa lactea obstructa chylo transitum denegent ad sanguinem. Causae remotiores, lac nutricis vitiosum vel deficiens; alimenta nimis crassa, viscida, austera, fructusque immaturi, glandulas meseraica infarcentia, inde et atrophia meseraica audit, praeter polyphagiam, vermes in intestinis nidulantes; nec non absorbentium abusum pro acido primarum viarum domando, coeliacam passionem sub lactis specie.

§. 171. Caeterum in atrophia, si a lacte vitiato, statim nutrix mutanda, demum pro glandularum obstructione refecanda in junioribus valent medicamenta No. 37 adultioribus No. 38. praeter aquam marinam, quotidie ad aliquot uncias epotam; oleum tartari per deliquium in copiosa aqua solutum, ubi acidum peccat, tum et unguento No. 39 abdomen quotidie inungendum fortiter satis, plus enim spei concipio a frictione, quam ab inunctione simplici, quam tantum pro more recepto commendo.



CAP. XXIV. DE ASTHMA TE.

§. 172.

Difficultas spirandi non sine sibilo aut stertore & suffocationis periculo asthma dicendum, dividiturque in dyspnoeam & orthopnoeam, quae tantum gradu differunt, quodsi vero ab irritatione quacunque larynx ita constringitur, ut ne quidem tussire valeat aeger, eidemque potius suffocationem minetur, catarrhus audit suffocativus.

§. 173. Asthma est pneumonicum seu idiopathicum, si organa respiratoria quocunque modo vitata aut laesa; si polypi, tubercula, hydrothorax, mala pectoris conformatio, ossescentia, quale observavit VOGEL ex duritie ossea cartilagineum costarum.

§. 174. Asthma sympathicum oritur ex partibus abdominis male affectis, ex affectu hypochondriaco, ex saburra in stomacho, quale pueris polyphagis familiare valde, ex sanguine spisso saepe in adultis.

§. 175. Praeterea datur asthma subito ingruens, & pulmones spasmodice stringens, quod convulsivum audit, ut plurimum siccum est, hy-

ste-

stericis ex nervorum consensu, metallurgis ex vaporibus & exhalationibus mineralibus frequens.

§. 176. Asthma iterum continuum est, periodicum, accidentale & transitorium. Continuum quidem est in pulmonibus, quocunque modo vitiatis vitio habituali. Periodicum, ubi causae potius quaerendae in vitio sex rerum non naturalium pariter cum debilitate, irritabilitate pulmonum comite, estque omnium frequentissimum, de quo praecipue agunt medici authores, et de quo FLOYERUS medicus anglus, qui ipse asthma te periodico humoralis laboravit, integrum conscripsit tractatum. Accidentale & transitorium a causis transitoriis magisque vitabilibus oritur.

§. 177. In paroxysmo asthmatico praeter respirandi difficultatem, quae non raro tanta, ut non nisi situ erecto peragi possit, pulsus est debilis ob liberam sanguinis circulationem impeditam, manus frigent, facies fit livida, hypochondria distenduntur, tussis adest, qua remittente paroxysmo anacatharsis succedit pituitosa cum striis sanguinis mixta, in convulsivo tussis et excreatio non adeo sensibiles.

§. 178. Accessionis humoralis praesertim prodromi sunt anxietas & oppressio praecordiorum cum ructibus insipidis, calor insolitus, capitis gravedo, somnolentia assidua, urina pallida, quae finito paroxysmo sedimentosa crassaque fit. Qui fongiculos gerunt, dolorem percipiunt molestum
in

in iisdem, a quo sibi de futuro paroxysmo metuunt.

§. 179. Autumno frequentissime occurrit, uti ad aëris quasvis mutationes sive hyeme sive aestate, in hac enim pejus sese habent saepissime asthmatici ob nimium calorem, qui semper iisdem molestus, inde neque hypocausti, neque lecti calorem facile ferunt, semper aerem quaerentes liberiores. In illa a frigore nimis et ventis ab oriente male habent, in aere montano nebuloso pingui male quoque afficiuntur.

§. 180. Favent praeterea paroxysmo excitando evacuationes sanguinis sive naturales; sive artificiales, retentae vel neglectae; lac repulsum, alvi obstructio, miasma exanthematicum, pectoris compressiones, vis illata, spirituosorum usus immoderatio, fumi quicunque, odores sive suaves, sive insuaves. Obesi, pueri, senesque praeter caeteris asthmate affici solent.

§. 181. Asthma infantum periculosum valde, citissime enim suffocat, ni matura fiat medicatio. In junioribus phthisi viam sternit. Vidi tamen perfecte sponteque sanatum aetate incremente viribusque auctis. In senibus cum tumore pedum plerumque hydropis est prodromus. Tument pedes asthmate cessante, tumore evanescente redit asthma, indeque catarrhum suffocativum observavit LUDWIG.

§. 182. Cura alia in paroxysmo, alia extra paroxysmum, alia in humorali, aliaque demum in convulsivo. In paroxysmo autem, venae sectio in plethoricis & infantibus quidem vel et hirudinum applicatio subinde necessaria. In convulsivo haec minus tuta. Cave tamen, ne in quovis leviori quamvis paroxysmo, vel ubi non adest plethora, sanguinem detrahas; hydropem enim, in quem jam satis proni asthmatici, citius accerses. Iterumque cave, ne pulsus parvitas te terreat a sanguinis distractione in paroxysmo violento nimis & in caetero, quin robusto & plethorico aegro, pulsus enim fortior vibrabit respiratione liberiore reddita per sanguinis evacuationem.

§. 183. Vomitus etiam non raro juvare potest, nempe si pituita tenax, pulmones aut ventriculum gravat. Non parva nihilominus requiritur hic cautela, ne aeger suffocetur. Leniora & refracta dentur dosi. Acetum squilliticum cochleatim, vel pulvis No. 40, superbibendo infusi florum chamomillae romanae tepidi uncias duas. Alvus quoque vel laxante, vel clysmate promovenda. In convulsivo, solutio assae foetidae ad drachmas duas in aquae menthae sufficiente quantitate, in clysmate egregie praestat.

§. 184. Caeterum vesicantia ad furas vel ad nucham, non autem ad pectus, respirationem enim reddunt difficiliorem, adhibenda. Expe-
cto-

Et oratio scilliticis, lacte ammoniacali, millepædum expressione, nec non lacte sulphuris sollicitanda in humido. In convulsivo autem commendatur mixtura No. 41 vel 42. Odor quoque assæ foetidae solamen affert in paroxysmo hysterico & convulsivo; potus caffè saturatus a quibusdam laudatur. Pediluvia hic non omittenda.

§. 185. Extra paroxysmum pilulae ex assa foetida ad grana XXX per diem maximi usus inveni in asthmate convulsivo. Atqui in humido nihil melius, quam saepius exhibere sal mirabile Glauberi, aquas catharticas amaras ad humores evacuandos & per alvum derivandos, acetum squilliticum bis die ad cochlear majus, vel et pulverem No. 40 ad pituitam incidendam. Commendant quidam hic aquam calcis, sed dolendum, quod calorem sitimque saepissime augeat. Cortex peruvianus roborando valet.

§. 186. Dietam quod attinet, vestimenta & stragula sive in paroxysmo, sive extra eum, minime aggravent corpus, decumbatque aeger in conclavi amplo aëreque frigidiusculo, alvus servetur laxa quotidie, caeterum aer seligatur siccus, purus. Venæ sectio instituatur in plethoricis prophylactica bis in anno; fonticuli aperiantur in brachiis. Exercitia fiant ad lenem lassitudinem, vehementiora nocent. Frictiones partium inferiorum commendantur, diu non tamen una vice con-

continuandae, sanguinis enim motum commovent; animi pathemata, ira, timor, moeror, metus, meditationes protractae asthmaticis omnino vitanda.

§. 187. In victu, lactinia, cremor, caseus, caro infumata aliaque fumo indurata, ostrea, cancri, gelatinosa, omnia oleosa, pinguis; faba acetaria, rapae, brassicae: fructus austeri, flatulentaeque omnia caute vitentur utpote noxia. Conducunt autem amara, cochlearia, pimpinella in acetariis: ribesia, fraga, cerasa, mel, non incongrua censentur. Ova forbilia cum aceto in prandio laudat FLOYER, caeterum eupepta non magna copia praecipueque in coena ingesta haud inutilia. In potu cerevisia fortiora, Punch damnantur. E contra vinum hyspanicum apprime conducit subinde.

CAP. XXV. DE INCUBO SEU EPHIALTE.

§. 188.

Asthmatis species est Incubus seu Ephialtes, qui et ideo quibusdam asthma nocturnum, ratione temporis scilicet, quo invadit; dicitur. Si vero causam spectas potius, asthma stomachale dicendum. Qui eo autem afficiuntur, se opprimi credunt

dunt in fomno, a spectris, sagis, daemoniis, monstis, pondere incumbenribus, venerem exercentibus aliove modo torquentibus, cum opprefione pectorisque anxietate tanta, ut inde clamare vel et loqui non poffe strangularique fibi videantur.

§. 189. Accidētale fere eſt, et a polyphagia, coena lauta, decubitu ſupino fere ſemper oritur. Inde ergo inſultus avertitur commode decubitu in latus, coena ſobria & Platonica, abſtinentia ab alimentis crudis & flatulentis. Tum et venae ſectiōe in conſuetis tali evacuationi periodicae. In paroxyſmo aeger e ſomno excitandus bibatque inſuſum theae, hic enim potentius non datur ſtomachicum.

§. 190. Affectus plus terroris, quam periculi affert, novi quos toto vitae decurſu aliquoties in anno pathema afficit, caeteroquin bene valentes. Interdum tamen apud juvenes in epilepſiam, inde Arabibus epilepſia nocturna audit, apud ſenes in apoplexiam degenerat.

CAP. XXVI. DE DOLORE IN GENERE.

§. 191.

Proximus inflammationis gradus ejusque indivi-
duus fere comes plus minusve acutus pro
varie-

varietate partis affectae est dolor, ideo et hoc fasciculo de eo agetur. Est autem sensus molestus omnique animali ingratisissimus, fugiendus, a nervis, sive in substantia medullari, sive in fluido nerveo male affectis. Dolor est generalis, vel particularis; vehemens, acutus, brevis, vel lenis, obtusus, chronicus continuusve: vagus vel fixus; osteocopus, terebrans, lancinans, pulsatorius, rodens mordensve.

§. 192. Dolor generalis percipitur in omnibus corporis membris, in arthritide, rheumatismo, scorbuto, lue venerea: particularis in aliqua corporis parte praecipue residet, uti in cephalalgia, odontalgia, podagra; nec non in alterutro maxillae superioris latere per quadrantem horae durans, saepe ad minimum motum auctus, qualem proprium esse vetulis, habet FOTHERGILL, curarique perhibet cicuta, a miasmate cancroso generari credens. Vehemens acutus plerumque brevis in membranarum inflammatione, uti pleuritide, otalgia. Lenior & obscurior est dolor in hepatis, lienis pulmonumque affectibus, vel ubi nervus affectus aliquo modo compressus, nec non in scorbuticis, cachecticis, cacochymicis ab humorum visciditate cum minori acrimonia. Suntque pariter in similibus chronici & continui dolores. Vagus, in rheumaticis, fixus in arthriticis potius, osteocopus in venereis, in diuturno labore & longa deambulatione defatigatis. Terebrans in colicis,

F

pul-

pulsatorius in inflammationibus; lancinans, rodens, ubi acrimonia humorum summa, uti in cancro; mordens in cardialgia, nec non a vermibus in intestinis.

§. 193. Sunt et praeterea dolores remittentes, subinde nova vi insurgentes in colicis sine febris. Intermittentes & periodici sub larva febris intermittens in variis corporis partibus, frequenter vero in capite: tales cephalalgiae periodicae, cortice tantum sanandae, saepissime occurrunt in praxi. Singulis noctibus & lecti calore exacerbari solent venerei, rheumatici: certis anni temporibus redire solent podagrici.

§. 194. Causae doloris sunt variae, quaedam quidem evidentes, quaedam vero magis obscurae. Ex evidentioribus sunt compressiones, distractiones, luxationes, fracturae, vulnera, herniae, combustiones, partus, calculus, vermes, casus, nifus & contorsio. Ex hac ultima causa dolor saepe subito excitatur lumborum, corpore quiescente silens, ad minimum musculorum motum vero situsque mutationem quam maxime faeviens.

§. 195. Inter manifestas doloris causas numerantur etiam irritatio quaecunque, acrimonia ingesta vel applicata, impetus major & motus humorum auctus, uti in febris; sensuum nimia attentio, dolent enim oculi a vividioris luce, aures a sono validiori, gustus organa a sapidis nimis, olfactus

in-

instrumentum ab odoriferis acrioribus, tactus ipse laeditur a mitissimis cuticula sublata. Hisce addantur humorum accumulatio in quadam parte, congestiones topicae a quacunque causa, uti sanguinis grumi post partum uteri orificio constricto, obstructio, inflammatio, abscessus: nimiaque demum ciborum quantitas.

§. 196. Obscuriores magis sunt, exsiccatio & dissipatio liquidorum nimia, solidorum nimia mobilitas & spasmodica irritabilitas; animi pathemata & praeprimis terror; variae humorum acrimoniae & plethora demum. Symptomatici praeterea sunt dolores, qui percipiuntur ad lumbos in renum calculo, conamine haemorrhoidum, menstruatione, instantè partu, variis colicis, in principio febrium intermittentium & ante variolarum eruptionem; uti et qui circa tempora sentitur in affectu hypochondriaco; in ventriculo male affecto seu crapula ad partem capitis anteriorem, in hysterice ad posteriorem; in hepatitide ad sternum, claviculas cum scapulis.

§. 197. A dolore insequitur inquietudo, vigilia, debilitas, actionum functionumque omnium perturbatio. Per nervorum consensum oriuntur saepe convulsiones, pro exemplo sit infantum dentitio. Dolorem non sentire causa manente, vel non adhibitis remediis narcoticis; malum; gangraenam enim adesse denotat vel et mentem aegrotare, uti habet HIPPOCRATES. Fal-

luntur ergo saepius et medici & aegroti, dum in dysenteria e. g. sine ulla causa aut crisi subito plane dolores desinunt, spequereconvalescentiae adblandiuntur, mortem enim instare, certum est ex intestinorum sphacelo.

§. 198. Doloris transplantatio & metastasis ab uno in alium locum, si ab externis ad interna, ab artubus ad viscera, ab inferioribus ad superiora, ab ignobilioribus ad nobiliora mala; e contra, salutaris. Dolores colli in febribus haemorrhagiam criticam saepe praesagiunt. Aliquando faucium, capitis, hypochondriorum in acutis delirium portendit. Dolor inflammatorius rediens timendus.

§. 199. Curatio duplex censetur; vel enim causa omnino amovenda, si possibile; vel mitiganda saltem pro tempore, stuporem nervis inducendo, manente interim causa doloris. Doloris causam tollere varia requirit; sic purgantia praestare in capitis doloribus, compertum est, analogia desumpta ex diarrhoea sponte oborta, quae hic saepissime juvat. Sic etiam in colicis quibusdam. Anthelmintica necessaria, ubi vermes; clysmatibus quoque subinde sua non deneganda laus, et in intestinorum, et in renum affectibus. Carminantia conducunt in pathematibus spasmodicis & constrictionibus a flatibus in abdomine, post alvi depositionem per clysmata aut purgans. Frictiones hic quoque bene audiunt, oleo prius abdomine inuncto. Rhabarbarina laudantur, ubi bilis

bilis copia vel acrimonia peccat. Vomitoria adhibenda, si ventriculus dolet a quantitate ingestorum, in pectoris doloribus vomitoria nocent.

§. 200. Caeterum dolor acutus vehemens, sensim increascens venae sectionem postulat, non ita mitis & decreascens. In rheumaticis praecipue conducit cum narcotico vesperi dato. Hirudinum topica applicatio subinde valet, praesertim in cephalalgia. Hic etiam laudantur pediluvia, epispastica, vesicatoria ad crura, fonticulus in brachio. Vesicantia topica summopere expediunt in ischiade. Semicupia oleosa, vel ex lacte tepido in doloribus colicis, lumbagine, nephriticis valent; cataplasinata ex mica panis in lacte parata cum croco, butyro & oleo olivarum in articulorum doloribus; balnea tepida & fots vel embroches haud contemnenda, uti de singulis seorsim dein patebit.

§. 201. Dolores osteocopi, venerei, mercurialibus, salivatione, decoctis lignorum alviqne ductione curandi, nec non balneo vaporis spiritus vini accensi. Aliquando solutio saponis veneti in spiritu frumenti externe aut topice, ubi nulla rubedo aut inflammatio; applicatio praesentaneum affert solamen. Tandem acria mechanica removenda, luxata reponenda, hernia repositione indiget; acrimonia diluenda, vulnera balsamicis consolidanda, lenienda; nervique semilaceri abscindendi.

§. 202. Palliative curatur dolor narcoticis; opio solido scilicet, vel et laudano liquido. Nocet vero in podagricis, nisi dolor intolerabilis, uti et in rheumaticis statim ab initio absque praevia sanguinis missione datum, figit enim morbum. Specificè valet in nervorum summa mobilitate cum tinctura assae foetidae conjunctum. Inter sopientia recenseo etiam frigida admota, sistunt enim spirituum influxum pro tempore saltem; neque magis fideli lenimine quam opium doloris compescere videtur sensum, brevi iterum redeunte motu huic parti, vel remedii, vi evanida saevituri.

CAP. XXVII. DE CAPITIS DOLORE.

§. 203.

Capitis dolor vel totum occupat caput, vel dimidiam ejus tantum partem, vel et demum locum quendam tenet peculiarem; prior dicitur cephalalgia, si transitoria brevisque; cephalæve, si pertinax & refractaria, chronica vel habitualis: alter haemicrania audit, denique tertius clavus hystericus, qui aliquando unum oculum cum tempore lateris cognominis & frontis parte tenet. Aliquando partes cranii cavo contentae dolent, aliquando vero externae cal-

va-

variae ossibus incumbentes, quando etiam modica capitis compressione lenitur dolor.

§. 204. Uti caeteri affectus, ita cephalalgia est idiopathica vel symptomatica, prout causa latet in ipso loco affecto, aut ejus vicinia & in magis ab affecto distitis vel remotioribus locis. Sic saepissime dolor capitis originem habet in stomacho; ejusve saburra, prava digestionem; in mulieribus ex utero plerumque fit, familiariusque eisdem occiput, quam sinciput dolet, mensibus instantibus, vel in eorundem suppressione. Novi foeminam, quae semper post lunaris fluxus cessationem spontaneam, uno vel altero die gravissima tali afficitur cephalalgia, & quidem, ipsa referente, a prima juventute in hunc usque diem, dum jam quadragenaria major.

§. 205. Idiopathicam autem praecipue inducunt vermes, lapilli, thophi, nodi, exostoses, caries, inflammationes, serosa colluvies, puris collectio, obstructiones, extravasationes, plethora ipsa. Materia arthritica aliave ibidem deposita, vulnera, ulcera, membranarum exsiccatio, atrophia, spasmi, capitis perspiratio impedita. In calvariae ossium totali coalitione, meningium induratione, immo et argenti vivi accumulatione ad cranii basin, in iis, qui vel unctionibus, vel fumigationibus hujus semimetalli usi sunt, habitualis cephalae causam detegerunt anatomici. Symptomaticae causam potius quaeras

in ventriculo, intestinis caeterisque visceribus abdominalibus, utero, alvi constipatione, febribus. Cephalalgia remittens, periodica, typum febris intermittentis servans, syphylitica peculiaris indolis sunt affectus.

§. 206. Causae occasionales deducendae ex cibis crudis copiosis, potus spirituosus abusu, motu et somno nimio, a quibusdam venenis, ut ab extracto stramonii tanquam medicamento exhibito. Hisce addantur odores, caput gravantes, qualis est plurimis camphorae; decubitus capitis nimis profundus aut demissus in lecto; morbi catarrhales, solis ardor, aëris nimius calor, carbonēs igniti horumque fumus; pulveris tabaci abusus; irae commotio, tempestas humida seu pluviosa nimis; evacuationes serosae, praecipue per nares consuetae retentae.

§. 207. Quamvis et genius & indoles doloris multum varient pro varietate partis affectae, causaeque excitantis, in haemicrania prae caeteris vehemens est dolor, a minimo motu, rumore, vividiori luce auctus, sudor adest frigidus, vomitus frequens, quo aqua limpida, insipida, neque raro falsa, amara expellitur, duratque 24 horas fere, prostratis quam maxime viribus. Novi quos saepissime in anno talis haemicrania tenet, aliquando ad aëris mutationes pluviosas, erroremve in diaeta commissum, aliquando vero absque ulla causa manifesta oriunda.

§. 208. Cephalalgia producit agrypniam, inquietudines. Diuturna nulli cedens medicinae mala,

mala, coecitatis enim metum inducit : saepissimeque observatur in praxi, suffusione vel cataracta affectos, diu cephalaea pertinacissima, vel saepius recurrente antea laborasse. Vomitus aeruginosus & surditas cephalalgiae superveniens maniam praefagiunt; acutus capitis dolor cum aurium tinnitu apoplexiae prodromus. Qui cum convulsionibus ophthalmiaque refractaria pari passu ambulat malus. Colli & cervicis dolor parotides aliquando in acutis protendit, nec non haemorrhagiam in plethoricis saltem; quaeque non supprimenda, critica enim est evacuatio, qua multum allevantur aegri. Humores quoque emissi per aures, uti saepe fit, nares vel fauces morbum aliquando solvunt.

§. 209. Capitis dolore vexati vitent in diaeta carnes, aromata, vinumque, infusum coffae saepe levat dolorem a prava digestionem ventriculi; situm teneant erectum fere in lecto, modice caput tegant, alvum servant liberam, pedes calidos: utanturque frequenter pediluviiis, quae profunt a capite derivando.

§. 210. Ad curam quod attinet, cephalalgia idiopathica curatu admodum difficilis, neque tantum medicinam, sed et chirurgiam saepissime requirit. Sympathicae vero curatio admodum variat pro varietate causarum, & plerumque sublato morbo primario tollitur et illa. In genere autem in vehementi capitis dolore cum signis praeser-

tim plethorae, congestionumque circa caput, vel et in mensium haemorrhoidumve emanatione necessaria est sanguinis missio ex brachio, saphaena, jugulari; arteriotomia temporalis, nec non hirudinum applicatio laudatur subinde. In haemorrhoidariis haec potius ad anum applicentur. Purgantibus sua non deneganda laus, quae et quam maxime necessaria, si saburra in primis viis stabulans. Humoribus quoque excretionibus a capite consuetas promovendas errhinis No. 43 vel et vapore per nares attracto infusi cujusdam herbae aromaticae, qualis est millefolium, cujus usus et interne more theae deprædicatur a quibusdam in cephalæa refractaria. Vesicantibus, fonticulis, setaceis humores serosi a capite aliorsum derivandi e corporeque eliminandi.

§. 211. Ubi nimia solidorum peccat debilitas, capitisque perspiratio ab hac causa præcipue impeditur, martialia cum cortice No. 44. conducunt, uti et aquae minerales. Capitis perspiratio promovenda, non anxie auctis ejus tegminibus, a quibus potius augeri malum certum est, sed sensim eadem minuendo. Caput primo tegendum cucuphis et epithematibus siccis. No. 43, dein et frigida lavandum quotidie, quo usu semel cum prudentia incepto aere fatis calido, ad vitae finem nulla habita ratione ad anni tempus, aerisve tempestatem insistendum, capite subinde tenso aqua frigida multa perfundere, idem expedit; secundum **CELSUM** spongiam concavam imponere subinde
aqua

aqua frigida expressam. Epithemata frigida valent quoque in cephalgia tanquam febrium symptomate fronti adhibita ex aceto rosaceo.

§. 212. In cephalgia syphilitica conducunt et mercurialia externe et interne. In rheumatica etiam non male audiunt; commendatur vero in hac praesertim gummi guayacum. Sed de hisce alibi specialiter. Laudanum liquidum SYDENHAMII cum liquore anodyno minerali, HOFFMANNI aqua ad guttulas XV palliativum est remedium in summis doloribus. De usu diuturno opii in cephalgia ad omnia rebelli, optimum viderunt effectum et SCHELHAMMERUS & WHYTT; bonum effectum radicis valerianae depraedicant alii in haemicrania refractaria.

CAP. XXVIII. DE OTALGIA.

§. 213.

Dolor vehemens intolerabilis fere, continuus auris internae, saepe delirium subinde et mortem inferens, otalgia dicitur. Partes auris externae affectae minorem morbi gradum constituunt.

§. 214. Causae praecipuae sunt inflammatio, quae otitis audit, cui comitatur febris valde intensa cum pulsu duro caeterorumque criteriorum
in

inflammationis. Affectus rheumaticus, a quo frequenter occurrit; catarrhalis interdum; vermes haeterrogenea intrusa, uti pisa, nuclei, lapilli &c. lapsus, violentia externa, ulcus. Non nunquam excitatur ab eruptione dentium molarium; etiam ab humore seroso acri, pituitave, quando chronica admodum evadit. Parotides saepe praenuntiat, saepius & per metastasin fit in acutis.

§. 215 Ab inflammatione, periculosa est admodum ob metum delirii convulsionum, juvenibus praecipue funesta & quidem intra septem dies. Aliquando discutitur, solviturque sudoribus, urinis, haemorrhagia: crebrius ad suppurationem tendit, purisque effluxu, materiaeque serosae acris, subcruentae sanatur. Non raro haemiplegiam inducit, susurrum, & aurium tinnitum post se trahit molestum.

§. 216. Cura instituenda per sanguinis missionem, subinde repetendam, hirudines pone aures; laxantia eccoprotica repetita, vaporem lactis tepidi per infundibulum admissum. Cataplasmata emollientia, externe adhibita. Fumus Nicotianae per infundibulum acceptus commendatur, si a vermibus vesicantia ad nucham brachiae valent, si a sero acri vel metastasi. Pro dolore leniendo & mitigando oleum amygdalarum vel lac tepidum cum gossypio auribus immisum, bonum praestat effectum. In otalgia suppurante conducit decoctum No. 46. ulcus mundetur remedio No. 47. haeterrogenea intrusa quantocius, si possibile eximenda.



CAP. XXVIII. DE ODONTALGIA.

§. 217.

Inter tormenta, frequentius hominibus infesta re-
ferri meretur odontalgia, qui dolor est acerri-
mus valdeque subinde excrucians a substantia ner-
vorum medullari, vel tunica nervea dentem in-
tus investiente laesa.

§. 218. Inter praecipuas hujusce doloris cau-
sas numerantur dentium caries, dum particulae
alimentorum, aërque ipse dentium cavum pene-
trat, substantiamque nerveam irritat. Congestio
sanguinis aliorumve humorum ad dentium radi-
ces, vel et gingivas, harumve inflammatio, col-
liquatio scorbutica, tum et materia arthritica, rheu-
matica, venerea, nec non vermes in dentibus
cavis nidulantes.

§. 219. Aliae praeterea dantur causae, dentium
dolori producendo quam aptissimae. Aër frigi-
dus ore hiantes haustus, potusque frigidus vel et
calidus dulcium nimis usus; acidorum ad dentes
nimia applicatio, dum dentium nitori nimis student
quidam. Oris immundities, fumi nicotianae abu-
sus, victus falsus & acris; dentium renovatio quo-
que in pueris, eruptioque dentium sapientiae cir-

ca vigesimum annum. Caeterum foeminae potius, quam viri, odontalgia afficiuntur, quibusdam gravidis admodum familiaris & quasi certum criterion graviditatis : per consensum fit in hystericis.

§. 220. Dolor saepissime adeo excruciat, ut febrim, vigilias, delirium, quandoque convulsiones, in junioribus praesertim, inducat. Tumor autem in genis, gingivis aut maxillis subortus dolorem sedat. Ad dentium radices & maxillae inferioris praecipue foramina, saniei subinde fit continua effluxio e dente corrupto, tuberculaque ibidem formantur fistulosa, nulla arte, nisi dentis extractione, curanda. Puerilis juvenilisque aetas praeter caeteris odontalgiae patet, aetas provectior non ita eidem obnoxia, inde videmus quos in pueritia hunc dolorem acerrimum passos, in majori aetate ab eo ut plurimum immunes esse.

§. 221. Cura vario modo instituitur. In summo enim dolore, plethoricis, gingivarumque inflammatione, venae sectio inevitabilis : saepe valet gingivarum scarificatio, hirudinumque ad easdem applicatio. Leniora purgantia hic quoque bene audiunt, uti refrigerantia ac temperantia. Vesicantia etiam et hic pone aures adhibenda, et ubi materia acris serosa, arthritica, & rheumatica in causa cum dentibus integris & sanis ; quando et cucuphae ex floribus chamomillae, farina fabarum cum parum camphorae genis apponenda. Affectus

Etus scorbuticus, venereus, de quibus dein seorsim, remediis propriis debellandus.

§. 222. Varia vero proponuntur, ubi dens cavernosus, carie exesus; nam si vermes ibidem latitant, difficulter admodum sanatur odontalgia. Decocto fabinae in ore detento volunt quidam destruere seminium verminosum; aceto calido alii. Dolorem mitigare satagimus subinde oleo caryophyllorum genuino, instillando aliquando guttulam unam vel alteram denti cavo. Interdum vero, pilula ex semigrano opii cum camphora eidem immissa. Sal amaricans anglicum ad drachmam unam aqua solutum in ore detinendum, commendat Heisterus.

§. 223. Sunt, qui destruere tentant nervum affectum vel instillando olei vitrioli guttulam unam vel alteram denti cavo, vel tutius acu candenti, quo demum dens cariosus frustulatim cadat, interimque dentis cavum cera, plumbo, massiche replere curant. Ultimū remedium est dentis cavernosi evulsio, ad quam enchyreis tamen non festinandum, nisi res coegit, fistulae timor v. c. coegit, uti et dentium renovatio in pueris ad praecedentis extractionem cogit, aliter enim res est dubii eventus, dentis evulsioni enim cruoris fluxio non nunquam supervenit subinde lethalis, saltem non facile compescibilis, unoque dente saepe evulso malum transit in alium vicinum vel e regione oppositum.

96 *Cap. XXX. DE DENTITIONE*

§. 224. De dentium extractione chirurgi consulendi. Caeterum monendum est, dentem non evellendum eo tempore, quo caput dolet, tumor genarum, gingivarum maximus immanisque adest dolor; inde enim irritatio & congestio major timenda. Dente evulso acetum vel vinum rubrum frigidum in ore detinendum ad sistendam haemorrhagiam. Dein dentes firmandi tinctura gummi laccae, leniter gingivas ea fricando. Sordes & ciborum particulae quotidie statim a cibo eximendae osque frigida eluendum.

CAP. XXX. DE DENTITIONE DIFFICILI.

§. 225.

Odontalgiae dentitio molesta ac dolorosa valde infantum haud prorsus dissimilis, cujus tempus ac ordo non aequè ubique aequalis: ut plurimum vero a sexto aetatis mense ad secundum, immo et ad quartum usque annum dentitionis perficitur negotium.

§. 226. Septimo autem circiter mense aliquando serius, uti in debilibus & morbosus praecipue prodeunt omnium primo incisores, modo in superiori maxilla, modo in inferiori prius, non autem octo omnes simul; saepe etenim post eruptionem

nem duorum incisivorum sive in hac, sive in illa mandibula, unus alterve dentium molarium erumpit. Dein interposito aliquo temporis intervallo, nono scilicet mense sequuntur canini; circa annum aetatis fere, & majori quidem cum periculo oculares sic dicti procedunt. Maxillares demum seu molares successive exeunt. Circa septimum annum fit dentium renovatio, dum priores labuntur caduntve, viam facientes suppositis jamjam exituris. Aliquando et priores manent in eodem alveolo cum secundis foedo quidem spectaculo, ideo, uti capite praecedente dictum, priores extrahendi. Dentes sapientiae seu quatuor molares posteriores non nisi adultioribus erumpunt circa tertium septenarium. Novi mulierem, cui in quatuor subsequenibus puerperiis, non quidem sine molestia, talis nascebatur dens. Vidi et ante aliquot annos juvenem semel atque iterum viginti annorum natum, edentulum a nativitate, caeterum ingenio stupidum voracemque valde, neque rite voces articulantem.

§. 227. In multis infantibus absque ulla molestia saepe procedit dentium eruptio, quibusdam iterum maxime periculosa evadit, acerbissimisque stipatur symptomatibus, praecipue caninorum & occularium eruptio in pueris crassis & duras habentibus alvos. Quo tardius quoque, eo difficilius saepe procedit dentitio ob gingivarum duritiem, hinc quoque male a dentitione afficiuntur pueri,

98 Cap. XXX. DE DENTITIONE

qui potius cibis durioribus, quam lacte materno aluntur. Neque raro etiam accidit, priores dentes facilius, sequentes difficilius erumpere, praecipue in ablaetatis.

§. 228. Dentitionis tempus duplex statuitur. Prius enim dens ex osse maxillari emergere nititur, quando praesertim symptomata difficilis dentitionis sequenti paragrapho recensenda fiunt, & gingiva in superficie superiori plana & alba apparet, quod stadium durat aliquando per aliquot septimanas; dein altero stadio dens ut plurimum absque sensibili molestia prodit, quod post HARRISIUM saepissime observavi.

§. 229. Dentitionis difficultas noscitur ex ploratu continuo; morositate solito majori, manuum ori immissione frequenti, inquietudine, vigiliis vel et sopore, qui et convulsionum nuncius, pavoribus cum ejulatu in somno, salivatione perpetua, papillarum mordicatione, dum ubera sugunt, diarrhoea quod inter bona, dejectionibus, viridibus, ventristorminibus, convulsionibus, insultibus epilepticis, vomitu, aphthis, oris ulcusculis, gingivarum rubedine, inflammatione, calore oris insolito febrigue, tussi saepe ferina, neque raro ophthalmia & oculorum lippitudine, quae omnia saepissime excipit mors.

§. 230. Dum haec observantur in lactantibus, nutrix statim a carnibus & a vino arcenda, caete-

rum

rum infantibus alvus libera servanda, vel et leni laxante, vel et clysmate. Alvus enim soluta semper dentientibus solamen affert magnum. Gingivae emolliendae oleo, melle, butyro insulso. Aliquando prodest, dentem fricare cum folio tabaci circa nutricis digitum obvoluto & cerevisia parum madefacto, quo saliva et alvus moventur. Dolores leniendi somnusque invitandus repetita dosi syrupi diacodii & in summo malo, non poenituit me aliquando addidisse guttulam unam vel alteram laudani liquidi SYDENHAMI singulis dosibus syrupi diacodii. Convulsiones a dentitione oriundas spirit. C. C. tribus vel quatuor guttulis, laudani liquidi guttula una ex syrupo papaveris rhoeados sedari, saepius post SYDENHAMUM, BOERHAVIUM, SCHACHTQUE compertum habeo; et hic venae sectionem interdum valere, probat experientia, nec non hirudinum applicationem infra utramque aurem. Gingivarum incisio, quam quidam suadent, incerta atque dubia mihi admodum videtur, neque instituenda, nisi ubi chirurgus perito persuasum, ab incisione dentem mox erupturum: aliter enim verba VAN SWIETEN mea faciens, „diuturno artis usu edoctus affirmo, sectio-
„ne hac raro opus esse, etiam in difficiliore dentione.“



CAP. XXXI.
DE PLEURODYNIA.

§. 231.

A superiori ad medium descendimus ventrem, acturus de affectu seu dolore acuto plus minusve pungente in pectore, qui subinde a sternō ad dorsum extenditur, neque a pleuritico multum abludit, nisi quod inflammatio abest.

§. 232. Varias agnoscit causas, plethoram nempe, menstruationem ingruentem, flatus, spasmos, materiem rheumaticam, scorbuticam, arthriticam, veneream; praeter varias pectoris affectiones, vomicam scilicet, aneurisma, dispositionem ad haemoptoen. Aliquando verae pleuritidi succedit chronicus; a vermibus familiaris est pueris, non raro a potu frigido, fructibus crudis excitatur.

§. 233. Transitorius ut plurimum est, & vagus, saepe revertens; in pectoris vitiis chronicus continuusque fere. Si a vermibus, tussis subinde vexat cum sputis sanguinolentis, difficilique respiratione & febris; quae raro contingunt in caeteris speciebus. Pulsus durus saepe observatur, dum a spasms oritur.

§. 234. In plethora, dolore vehementi pulsusque duro venae sectio semper utilis & necessaria.

ria. Medicamenta hic optima temperantia, leviter camphorata, inunctiones lateris affecti abdominisque cum oleo chamomillae cocto, addita tertia parte spiritus vini camphorati in verminosis bonum praestitit mihi saepius effectum, non neglectis anthelminticis, ubi febris nulla. Pleurodyne alios morbos pro causa agnoscens non curatur, nisi prioribus curatis. In pleurodynia hysterica, spasmodica flatulenta, ad carminantia anodyna confugiendum, qualia praecipue laudo liquorem anodynum mineralem HOFFMANNI cum laudano liquidi SYDENHAMI. Externe multum laudatur in hoc affectu oleum seu linimentum volatile.

CAP. XXXII.
DE CARDIALGIA.

§. 235.

Ventriculi ardor, morsus dolorve plus minusve vehemens, si circa praecordia ejus orificium tenet superius, quod cardia audit, cardialgia seu cardiogmus, quod perperam per cordis morbum a quibusdam exponitur: si vero fundum ventriculi magis occupat gastrodynia vocatur.

§. 236. Varia adfunt symptomata in hoc affectu, pro varietate causarum, anxietas nempe, fa-

stidium, nausea, vomitus, qui et saepius abest; ructus foetidi, acidi; ventriculi pondus, distensio, inflatio. A bilis enim copia ejusve acrimonia oritur, cardiacam stimulante & ad spasmodicam cogente constrictionem: ab acido aliisque acerbis; a flatibus, vermibusque, ab extraneis & peregrinis deglutitis, quae a viribus naturae domari haud possunt; ab alimentis duris indigestis horumve nimia quantitate; a veneno arsenicali, medicamentoque drastico sive emetico, sive purgante. Demum a materia rheumatica, arthritica, aliave metastasi: a cartilagine xyphoide depresso cardiacam prementē.

§. 237. Praeterea familiaris est hypochondriacis, hysteriis, & haemorrhoidariis, nec non quibusdam gravidis ob mutatam circulationem, vel et ob plethoram. Frequens quoque occurrit in initio quarundam febrium. Habitualis est in quibusdam debilioribus digestionis tempore, nec non in hisce, qui ventriculum utcumque habent male affectum tumore vel ulcere, paralytice, quando et idiopathica, aut ubi partes adjacentes vicinae laesae, quando et sympathica dicenda. Hae ultimae species raro si unquam curabiles.

§. 238. In caeteris cura admodum variat, dum varia causa variam requirit medelam. Levamen vero affert summum in omni cardiacia cochlear unum vel alterum olei amygdalarum dulcium recens-

centis. Dolor acutus, plethora, haemorrhoidaria dispositio, mensium retentio, rheumaticus affectus, uti hypochondriaca & hysterica passio, saepe venae sectionem expostulant. In bilis copia ex sapore oris amaro, temperamento aegri bilioso dignoscenda; si ab alimentis indigestis morbus originem duxerit; ex veneno; quod ex aegri relatione praecipue audiendum, tum & aliis signis dignoscendum, nempe urinae suppressione, extremorum frigore, facieque collapsa cum pulsu parvo; emeticum propinandum; cave tamen, ne inflammatio adsit ventriculi, neque venenum ingestum aut aliena ex acribus constent mechanicis. Et hic etiam conducunt butyrosa & oleosa, cum multa aqua tepida, quo acre diluatur. In ventriculo paralytico ex pondere alimentorum ventriculum indies magis magisque distendentium; etiam stimuli ratione emeticum multum valere potest, uti et in febribus incipientibus cum nausea; verum enim vero ubicunque jam adest vomitio sufficiens, minus necessaria videtur emesis arte excitanda. Etiam in atonia manifesta vesicans regioniepigastricae adhibendum, uti et in arthritica aliave metastasi; nec non cucurbitulae cum multo igne, quarum applicatione semel in gravida, post repetitas venae sectiones aliaque frustra tentata, cardialgiam cum vomitu continuo fere sedavi. Multumque boni inde sperare licere credo, si affectus ab cartilagine ensiformi depressa, quod aliquando infantibus contigisse, multi perhibent. In cardialgia arthritica,

hysterica praecipue commendatur mixtura ex laudano liquido cum partibus anaticis liquoris anodyn mineralis ad guttulas 30 in vehiculo aquoso ter quater de die. In rheumatica, ubi alia signa hujus morbi, commendat THOMPSON decoctum bardanae cum sp. Mindereri, nec non duo parva cochlearia seminis sinapios albi omni mane: et indusium lanneum ad transpirationem promovendam.

§. 239. Cardialgia habitualis & chronica praecipuis, quae tempore digestionis in debilioribus fit, duplici curanda modo. Etenim ipso doloris tempore valent aliquando infusa theae, coffae, herbae millefolii saturatiora: nec non hodierno more ligni quassiae vix tepida epota. Si acidum peccat ex ardore, ructibus acidis cognoscendum, conducunt ol. tartar. p. d. gt. X in vehiculo aquoso: vel et magnesia albae parvum cochlear. Si ructus vero fuerint nidorosi rancidive, bilis praesentiam arguentes, praestant cremor tartari; elixir vitrioli acidum ad guttulas 30 datum.

§. 240. Tempore intermedio aptum erit dare leniora laxantia No. 48 in acido, & No. 49 in bilioso affectu. Demum aquae minerales acidulae in hoc, martiales vero, quales pyromontanae, in illo pathemate optimaë; nec non roborandi causa in fine aliquot praebia corticis peruviani danda; in cardialgia flatulenta, qualis frequens hypochondriacis, bonos vidi saepissime effectus ex

mix-

mixturis No. 50 & 51. Cardialgia a vermibus in ventriculo, difficilis est cognitu & non nisi per vermes vomitu reiectos, aut post mortem, cadaveris obductione patet. Remediis vero propriis, de quibus alibi, curari potest.

§. 241. Qui cardialgiae habituali manent obnoxii, diaeta utantur tenui & quidem varia pro varietate acris dominantis; ergo acido vexatis conducunt juscula ex carne vitulina, carnesque albae, molles, cerevisia bruna amara. Vitanda autem veniunt cerevisia tenuis; dulcis; lactinia, caseus, vinum acidaque omnia, fructusque tales, uti pruna, cerasa, poma, uvae passae; mel, quae omnia bene audiunt in biliosa aegritudine, ubi vero cum primis noxia oleosa & pingua. Omnibus autem aequè pariterque nocent pisa, fabae, brassica, fumo indurata quaeque & potus tepidi, nimia copia hausti, uti fusius dicitur articulo de colica flatulenta.

CAP. XXXIII.

DE COLICIS VARIIS.

§. 242.

Colica dicitur dolor intestinorum praesertimque coli, adeo vehemens, ut non nisi cum ejulatu exprimere liceat, saepeque ab ejus violentia

tia in ventrem cogantur decumbere aegri. Hic dolor nunc fixus in puncto quodam, in regione umbilicali, nunc per totum extenditur abdomen & summam semper post se trahit debilitatem. Alvus ut plurimum clausa diu manet in hoc affectu. Febris cum suo satellitio, si colicam inflammatoriam excipias, raro adest.

§. 243. Variæ dantur colicarum species, scilicet stercorosa, pituitosa vel humoralis; biliosa, hysterica, hæmorrhoidalis, flatulenta, spasmodica, saturnina, pictonum & arthritica; nephritica, de qua peculiari capitulo; tum et inflammatoria, de qua jam actum capite de enteritide. Distinctio harum omnium specierum suis signis dignoscenda quam maxime necessaria, si prognosin & curam recte instituere velimus.

§. 244. Colica stercorea cognoscitur ex ægri relatione nempe, quod alvum per aliquot dies non dejecerit, ex vita ejus forsân sedentaria, ex alimentis duris indigestis: inde enim excrementa indurantur, scybala formantur exsucca. A corporibus duris ossibus nucleisve deglutitis, quibus via foecibus expellendis intercluditur; quæque tactu sæpius abdomen contrectando deteguntur. Dolor in hac specie raro lancinans aut vehemens, præsertim quiescente ægro. Ad sunt vero vomitiones, pulsus non febrilis, urina emittitur crassa; hoc criterio præprimis distinguitur

guitur omnis colica a nephritica, in qua saltem in initio urina est clara & limpida.

§. 245. Colica humoralis seu pituitosa familiaris est hypochondriacis & debilioribus & quidem satis pertinax. Oritur enim ex pituita vitrea, aliisque crudis viscidisque intestinorum quendam distendentibus locum, doloremque fixum ibidem perterebrantem inducentibus, inde et ab aegri constitutione diagnosi.

§. 246. Colica biliosa vel ex copia, vel potius ex bilis gignitur acrimonia, maxime aestate infestat; viris, adolescentibus, calidis, cholericis frequens. Vomitus adsunt biliosi, non autem ex hisce solum sineque caeteris symptomatibus semper de colicae biliosae praesentia concludendum. Sitis vexat inextinguibilis, non nullis alvus obstructa, non nullis iterum fluxa foetensve; haec melior illa; de sapore queruntur amaro, de cardialgia, singultu; saepe torquentur spasmis & pedum contractionibus, iterum quandoque spectabilem satis habet comitem, urina est rufa aut crocea.

§. 247. Biliosae hysterica analogia in foeminis colica, in hac saepissime supprimitur urina, ut colicam mentiatur nephriticam; vel et limpida admodum emittitur. Dolor ventris acutus omnem fugit contactum. Non raro a doloris vehementia sequitur lypothymia; hystericis & nervorum mobilitate praeditis propria fere.

§. 248.

§. 248. Haemorrhoidalis colica fit ex conge-
 stione sanguinis circa viscera abdominalia, hu-
 jusve lentescencia in systemate venae portae, in-
 deque plethorica quibusdam audit: saepissime
 hac afficiuntur foeminae, mensium lochiorumve re-
 tentione laborantes, vel viri haemorrhoidum
 fluxui subjecti. Praecipue vero ex dolore con-
 tinuo in intestino recto prope os sacrum tenes-
 moque dignoscitur.

§. 249. In colica flatulenta prae caeteris do-
 lor occupat coli tractum, qui et a compressione le-
 nitur externa; borborygmi audiuntur in infimo
 ventre, ructus adsunt, levamen afferentes; abdo-
 men inaequaliter tumet & tumor saepe locum mu-
 tat, adeoque saepius distenduntur intestina, ut in
 eorundem abeat paralyticus morbus. Aggreditur
 hypochondriacos, sedentarios, gravidas, ali-
 mentis crudis farinaceis, leguminibus, cepis
 alliisve, cerevisiaque fermentante utentes.

§. 250. Spasmodica seu convulsiva, saturni-
 na & colica Pictonum vel Picorum & quibusdam
 Rachialgia dicta, gradu vario pro causarum varie-
 tate tantum differre videntur. Dolor hic est ta-
 lis, spasmodicaque constrictio tanta, ut totum
 per saepe ventrem infimum ab inguine usque ad
 costas spurias et cartilagineam Xyphoideam con-
 vellat, umbilicum introrsum trahat, versusque
 spinam dorsi ita constringatur, ut suffocationis
 periculum afferre videatur; anus quoque spasmu
 situs

intus sic retrahitur, ut ne flatus quidem emittat, clysmave facile admittat.

§. 251. Causae hujus diri affectus quaerendae in spirituosorum abusu, Punch, pomacei, musti, uvarum immaturarum, fructuum horreorum, vinique rubri potus, quod lythargiro mangonifatur, usuve remediorum saturninorum, uti quibusdam medentium familiare, in curanda gonorrhoea, leucorrhoeave mulierum: inde et metalli fossoribus, pictoribus, aliisve, qui plumbata, saturnina, pigmentaque tractant familiaris admodum, ne dicam propria. Favent praeterea colicae gignendae animi pathemata, & prae caeteris ira, potus frigidus corpore aestuante, incessus pedibus nudis super pavimenta lapidea, hepatis obstructum scirrhum cum iustero; metaptosis a febre intermittente intempestive curata. Tum et frequentissima causa Hernia. Colica pictorum a materia arthritica ad intestina delapsa & a STRACK graphice descripta, aliquoties a me visa & sanata est.

§. 252. Colicas excipiunt effectus salutes, lethales cito, chronicive. Haemorrhoidalis fluxu sanguinis restituto sanatur. Diarrhoea fere semper boni ominis est, quae colicam sequitur. E contra malum, & mortem portendit in biliosa, speciatim vigilia, sudores frigidi, singultus, delirium, convulsiones, animi deliquia, extremorum frigus, syncopè: in choleram vel febrim
abit

NO C. XXXIII. DE COLICIS VARIIS.

abit putridam non rite tractata. Saepe a colica fiunt tympanites, ascites, hydrops; a colica pictonum paralysis saepissime sequitur, nec non coecitas, atrophia & exsiccatio. Arthritis inde sequens bona est morbi translatio. Spirituosis nimis imprudenter laceSSita quaevis colica in inflammationem & gangraenam transit.

§. 253. Antequam curam aggrediar colicarum, diaeta prophylactica quidem colicae obnoxiiis praescribenda. Abstineant autem in victu ab esu pisorum, lentium, fabarum, brassicarum, raparum, raphani rusticani, nigri, ostrearum, mytilorum, ovorum durorum, laganorum ex hisce confectorum, pinguium, butyraceorum nimis, carniurn duriorum vel fumo siccatarum, verbo vitetur omnino polyphagia. Lacticinia etiam non ubique tuta, praesertim stomacho debiliori donatis. Potus haud rite fermentati, chocolata damnantur. Coffae infusum non omnino inutile, modice sumptum digestionis tempore. Aromata & condimenta prudenter usurpata commendantur. In colicae pictonum prophylaxim laudat DE HAEN esum cibi pinguis ante laboris accessum in fodinis. Pedes calidi ferventur.

§. 254. Omnis colica, si nimis torquet, sanguinis missione & quidem e brachio aggredienda, praecipue vero necessaria censetur in colica biliosa, plethorica seu haemorrhoidali & saturnina; in hac prae caeteris laudatur quoque vesicans latum abdomi-

C. XXXIII. DE COLICIS VARIIS. III

domini impositum, in arthritica et pedibus haec imponenda; nec non cucurbitularum cum multa flamma applicatio. Caeterum non spernenda sunt cataplasmata ex mica panis, floribus sambuci & chamomillae lacti incoctis. Quibusdam levamen attulere, balnea, semicupia tepida saepius repetita; aliis iterum emplastrum Galbani crocatum toti spinae tractui & abdomini appositum: aliis vesica lacte bubulo calido dolenti applicita loco.

§. 255. Vomitum dein suadent plurimi in quavis colica; atqui quia saepius aequo plus adsunt vomitiones repetitae, subinde ab acri drastico, veneno excitatae, & metum inflammationis inducentes, tutius videtur clysmate emolliente, oleoso, cui sal gemmae addendum, alvum sollicitare in stercorea, praesertim humorali & biliosa. In colica hysterica fumnum affert solamen solutio assae foetidae binarum drachmarum additis 60 guttulis laudani liquidi per clyisma adhibita.

§. 256. Leniora & continuata cathartica ab omnibus probantur, perfecta enim non consequitur curatio, nisi scybalis, durisque alienis per alvum evacuatis. In hystericis non tanta requiritur evacuatio alvina, atqui saepe cum ex doloris pertinacia, spasmodica intestinorum constrictura, alvus vix ne vix quidem optimis respondeat remediis, opium quidam miscendo catharticis hoc incommodi emendare putant; raro vero quid boni inde vidi; praevalet enim opii vis in compescenda alvo:
quod:

quodsi vero alternatim propinetur purgans & narcoticum, certius eventum desideratum consequutum fuisse saepius vidi.

§. 257. Laxantia autem quod attinet, in colica stercorea valent rhabarbarum cum magnesia alba. Aqua laxativa vienensis cum sale polychresto. Laudantur etiam pilulae ex sapone; rhoeo cum aloë, mercurio in biliosa praesertim. Cordi vero magis est PRINGLIO sal catharticum amarum. Aluminis pulvis ad grana 15 prophylacticum & curativum remedium commendatur a PERCIVAL ter vel quater de die cum gummi arabico & spermate ceti in colice pictonum. Nihil vero melius hic et in aliis venenis, quamvis ignotis, valere quam aqua, oleum copiosissime et interne et externe ore anove ingesta, certo certius est.

§. 258. Caetera vero medicamenta, quae depraedicantur in affectibus colicis, sunt opiata in arthritica, hysterica spasmodica prae caeteris. In haemorrhoidali post evacuationes necessarias martialia liquida vel solida No. 52, tum et aquae pyromontanae in usum vocanda. In flatulenta bonum praestant effectum carminantia No. 53 & 54. Infusum saturatum quoque seminum quatuor calidorum thei forma, bis vel ter de die haustum, remedium est haud infimi subsellii; optimum etiam carminans est essentia millefolii cum spiritu salis armoniaci anisato ad guttulas 60 in vehiculo. Equitatio necessaria putatur a PITCAIRNIO post
SYDEN-

SYDENHAMUM in colica biliosa. STRAK laudat decocta lignorum & antimonium crudum in arthritica. Ad paralyfin post colicam depraedicatur tinctura guagaci volatilis tali dofi, qua alvus libera fervetur corpusque probe expurgetur.

CAP. XXXIV. DE VENTRIS TORMINIBUS.

§. 259.

Datur colicae species infantum propria a lacte caseoso, coagulato acidove facto originem ducens. Ejus diagnosi petenda ex inquietudine insolita, ejulatu, ploratuve continuo: mire torquentur pusiones. Calcitrant, rident in somno, avidissime ubera fugunt, moxque iterum ex ore demittunt, alvus nunc adstricta, nunc vero soluta vel fluxa, foeces dejiciuntur virides, acidum spirantes, aliquando non nisi exsiccatae in linteaminibus tali apparent tinctae colore, abdomen flatibus nimis distenditur.

§. 260. Talis status diu durans aut saepius revertens, convulsionum, epilepsiae mortisve metum incutit; aliquando herniam producit; vigiliasque molestas aequae nutrici atque infanti. Clyisma ex aqua, oleo cum saccharo hic lenimen affert, abdominis inunctio oleo camphorato prodest. Absorbentia caute exhibeantur; prae

H

cae-

caeteris laudo magnesium cum rheo, vel pulverem No. 55 solaminis infantum nomine notum. Haud vulgarem effectum vidi saepissime ex partibus anaticis animi rhei & aquae laxativae vienensis, addita parte octava eleosachari foeniculi parva cochlearia duo omni bihorio exhibendo. Quin et prophylactice subinde hoc pulvere quibusdam infantibus exhibito juvamenti fuisse, multa experientia compertum habeo.

CAP. XXXV. DE CHOLERA MORBO.

§. 251.

Violenta evacuatio sursum & deorsum cum dirissimis ventris cruciatibus tantaque virium prostratione, ut 24 horarum spatio fere exhaustus maneat aeger, dicitur a medicis cholera morbus. Evacuationes numeratae fuerunt quibusdam ultra centum inter paucas horas. Si morbus ergo per aliquot durat dies, major spes adest salutis.

§. 262. Adfunt praeter dicta quoque symptomata alia, sitis, febris cum pulsu forti in initio, qui sensim decrescit, parvus celerque fit; accedunt singultus, convulsiones artuumque contracturae, urinae suppressio, animi deliquium, extremorum frigus, facies pallida, cadaverosa, anxietas summa, mors. Circa finem aestatis men-
se

se Augusto ut plurimum epidemica habetur, nostris in oris rara, calidiorum climatum accolis frequens.

§. 263. Causa proxima consistere videtur in strictura spasmodica totius canalis intestinalis, perturbatoque motu peristaltico, quo et vomitus & secessus excitantur; stimulante materia acri biliosa, corrupta. Cui producendae, saburra primarum viarum, esculenta pinguis, oleosa, rancida, butyracea frixa, carnes, ova, caseus vetus, acris, aromatum abusus, cucumerum, melonum, caeterorumque fructuum horreorum esus nimius; multi, cerevisiae non rite fermentatae potus; drastica, emetica & purgantia, venena; irae commotio, soli & aeris humiditas, corporis aestuantis subita refrigeratio, perspiratio impedita inde, prae caeteris apta censentur.

§. 264. In hoc morbo curando neque emesis, neque catharsis commendantur. Omnes in eo sunt, ut acris diluatur bilis, copia liquidi juris pulli, vitulini dilutioris; decocti avenacei, feri lactis, demulceturve solutione aquosa gummi arabici, mucilaginis radicis salab; emulsione ex amygdalis dulcibus, hydrogalae potu. Quidam aquam tepidam simplicem, quidam iterum ex suffragio ARETAEI frigidae cyathos duos aut tres laudant, eo scopo scilicet, ut adstringatur venter, retrogradus humorum cursus cohibeatur atque stomachus ardens refrigeretur.

§. 265. Vomitus compescendus antemetico RIVERII. Quo cessante rhabarbarum cum magnesia alba propinandum. Venae sectio subinde celebrari potest in initio, dum vires adhuc vigent, pulsu scil. existente forti ac febrili. Balnea tepida saepius applicanda, clysmata oleosa emollientia aliquoties injicienda. Cataplasmatibus mollibus abdomini applicandis dolores leniendi. Linimento volatili ventris distentio minuenda. Pro leniendo dolore exhiberi volunt quidam radice columbae grana decem in aquae cinamomi uncia, vel mixturam No. 56. In fine morbi nempe post aliquot dies valent roborandi gratia corticis peruviani aliquot praebia de die, tum et aquae fetteranae cum lacte usus.

CAP. XXXVI. DE DYSENTERIA.

§. 266.

Reperita admodum non copiosa, sed torminosa valde alvina dejectio, mucida, biliosa sanguinolenta, dysenteria audit. Epidemica est ut plurimum circa finem aestatis, seu initium autumnii.

§. 267. Distinguenda quidem venit ab illa individuali, quae subinde exoritur ab intestinis aliisque visceribus abdominalibus, utcumque male affectis,

fectis, scirrhis scil. Cancrosis, ulceratis, vel etiam a metastasi, nec non a diarrhoea cruenta, quae subinde dentitionis tempore infantes invadit; a purgantibus drasticeis, remediis mercurialibus, aliquando sporadica seu potius individualis exurgit.

§. 268. Dysenteria autem, de qua hic praecipue agitur, est contagiosa, exhalatione excrementorum putridorum, aerem replentium, & praecipue, dum sani exonerandae alvo eandem adeunt latrinam; tum et lacte nutricum aliove modo propagatur. Caeterum causa proxima videtur esse acrimoniam causticam putridamque bilis.

§. 269. Causae remotiores sunt aëris calor immodicus, subita corporis refrigeratio in aere humido, calido & nocturno tempore, diurno frigidiori. Aquae corruptae potus, carnum pisciumve subputridorum, fructuumque immaturorum, panisque ex mucido tritico parati imprudens esus.

§. 270. Morbus incipit horripilatione vomituque bilioso, qui tamen non semper ubique adest. Saepissime praecedit lassitudo, tenesmus seu frequens & irritus conatus desidendi, quod symptomatum plurimum est comes & pedissequum dysenteriae. Primis diebus autem frequenter dysenteria non multum abludivit a simplici diarrhoea: dein ejectiones fiunt parciores sanguinolentae, putredinem jam arguentes: cruciatus majores vel

minores pro diversitate gradus intestinorum inflammationis aut bilis acrimonia adsunt ; sitis vexat, pulsus est parvus et debilis, nisi status inflammationis maximus, quod inter rariora tamen. Lingua fit fordida, meteorismus ventrisque inflatio, neque raro singultus cum urina stranguriosa adsunt.

§. 271. Citius vel serius terminatur morbus, sive in sanitatem, sive in mortem, sive in morbum chronicum, hydropem sc. artuum dolores, contracturasve. Spatio nempe septem quatuordecim dierum vel aliquot septimanarum; gangraena necat intestinorum, quam praesagire licet ex doloris sine causa subito cessatione, manentibus praesertim nausea & singultu, pulsu intermittente, alvina excretionem invite prodeunte, & quidem summe foetente, vel et prorsus cessante, accedentibus convulsionibus, tendinum subsultibus, delirio & frigore extremorum. Dysenteria intempestive nimis adstringentibus, aromaticis spirituosissive suppressa; gravissima damna & periculum mortis inducit. Si diutius protrahitur, tunicam villosam mucosamve ab intestinis separat, & ani procidentiam plerumque procreat, et sub finem saepissime prodeunt Aphthae.

§. 272. Curam aggressurus a diaeta incipiamus, aër ergo, quo aegri decumbunt, omni arte purus servandus, nempe aceto insperso super pavimentum & ante lectum aliquoties de die & praecipue, quoties aeger ad fellam cogitur adire per-

perforatam. Excipulum, quo foeces excipiuntur, statim amovendum atque aceto eluendum. Renovandus quoque est aer fenestris caute subinde apertis. Linteamina & stragula saepius mutanda, spurcaque quantocius removenda, in victu vitentur jura carniū, quorum usus non nisi cautissime ipsis reconvalescentibus concedendus. Noxia quoque sunt ova, farinacea non fermentata, aromata, vinum ejusque spiritus quam maxime, uti et cerevisia. Inter proficua vero habentur decoctum ex hordeo, pultes ex oryza sagu, & serum lactis: nec non fructuum horreorum probe maturorum modicus usus. Sanis dietam acidam, vegetabilem prae caeteris commendo, alvum servant liberam rhabarbaro & cremore tartari; aerem infectum fugiant, frigus nocturnum, diei calorem excipiens, caute vitent, plures induendo vestes.

§. 273. Cura stricte dicta instituitur per sanguinis missionem, si plethora vel signa inflammationis, in brachio celebratam, raro vero admodum haec necessaria. Ergo ordinario ab emetico incipiendum, radicem ipecacuanham ad triginta grana vel minori dosi, habita ratione ad aetatem exhibendo, cum infuso florum chamomillae more theae epoto. Radicem brasiliensem in hoc morbo utique praefero solutioni tartari emetici, quia et leniter adstringit & diaphoresim facissime promovet. Commendatur tamen ab aliquibus ejus solutio in decocto tamarindorum.

Jam et inde concludere licet, quid sentiam de vitro antimonii cerato, adeo celebri in dysenteria curanda ante aliquot annos. Quodsi vero cerae ratione, quae hanc ingreditur compositionem, valere quid posse credas, scias, cerae quantitatem nimis parvam nihil praestare posse. Emesis subinde repetenda intervallo unius diei, si symptomata manent. Si inflammationis indicia, caute cum emesi mercandum.

§. 274. Emesin, ubi necessaria, excipiat alterum remedium, scilicet purgans, qualia sunt aqua laxativa vienensis, sal catharticum amarum, manna, quo satis copiose deponatur alvus. Dein insequentibus diebus materia biliosa sensim evacuanda praebitis rhabarbari unoquoque die, dosi majori, vel et tinctura rhei aquosa cochleatim propinata. Sunt, qui morbum aggredi audeant mercurio tanquam vermibus infesto, quos saepissime adesse in dysenteria vident. Quos ego tardioris ingenii vix & ob metum sanguinis jam satis in putredinem proni imitari velim.

§. 275. Demulcendae sunt praeterea partes continuo irritatae & muco naturali orbae, quod optime fit decocto albo SYDENHAMI, cera liquefacta in lacte tepido & infuso seminis Line, more theae epoto, vel et demum mucilagine radices salabb No. 57. Serviunt eidem scopo pro tenesmo molesto quidem hujus morbi symptomate leniendo clyisma No. 58. 59.

§. 276.

§. 276. Si dolores vehementes adeo, quod vigiliis inducant perpetuas, ad opiata vespertinis horis confugiendum, quo noctes pacatiores redantur, aliquo modo per minora lucida interval-
la refocillentur, morbumque melius sustineant. Vesicantia abdomini imposita, bonum hic mihi prae-
stiterit subinde effectum, praesertim in dysente-
ria admodum populari inter Hafnien-
ses ante ali-
quot annos, nulla excitata suppuratione, sed
vesiculis leviter incis, denique siccatis epidermi-
de relicta.

§. 277. Demum et roborandi scopo varia com-
mendantur, praecipue circa finem morbi, uti aqua
calcis cum lacte. Acida mineralia & ratione pu-
tredinis corrigendae & ratione toni intestinorum
restituendi. Summum antisepticon & roborans
habetur in decocto corticis peruviani; adstringit
vero potius decoctum symarrubae No. 60; caete-
rum remedium minime contemnendum.

CAP. XXXVII. DE PROCTALGIA.

§. 278.

Tandem ad finem intestini recti seu podicis
oritur saepissime dolor quidem molestus,
Proctalgia dicta: Brasiliensibus ex ulcere vermino-
so in ano endemia fere. Verum nostras ad oras

ab aliis quam plurimis oritur causis & quidem individualibus; nempe ab inflammatione intestini recti ejusve abscessu; indeque fistula ani oriunda; a tumore cancroso, a materia quavis acri, ab haemorrhoidibus, condylomatibus venereis, ab intertrigine infantibus ob munditiem neglectam propria, ut et equitantibus diu a nimio attritu.

§. 279. Proctalgia inflammatoria venae sectione methodoque anthiphlogistica curanda. Ex abscessu, fistula ani, tumore cancroso chirurgicam exposcit artem; ex ultima hac causa raro curabilis: tentandae veniunt vires cicutae, et externe & interne adhibitae. Ubi materia acris in causa, ejus natura indaganda, remediis propriis mitiganda. Condylomata venerea mercurialibus destruenda. In affectu haemorrhoidario unguentum populeum, oleum de palma bonum praestant effectum. Quodsi dolor vehemens nimis, granum opii hisce linimentis addendum. Conducunt hic aliquando hyrudines; vapores etiam lactis tepidi, nec non cataplasmata ex semine foenu graeci, lini in cerevisia vel in lacte cocta & calide ano applicata. Ex intertrigine optime proctalgiae medetur ablutio quotidiana per frigidam, quae et in prophylaxim haemorrhoidariis & equitantibus commendare licet.

§. 280. Proctalgiam es rariori quidem causa vidi per aliquot dies persistentem et tempore al-

vinac

vinae depositionis maxime exacerbata, pro qua lenienda frustra varia adhibebantur oleosa, opiata, cataplasmata, fofus, vapores aquae tepidae, donec demum sponte digito in anum miffo extraheret inde pifcis fpinam fatis craffam, quae fe deglutiffe ante aliquot feptimanas meminerat aeger.

CAP. XXXVIII.
DE LITHIASI RENALI ET
CYSTICA.

§. 281.

Materies duritie a lapidea non multum abundans, friabilis tamen nulla in corporis parte aliquando non inventa, fed praecipue in fyftemate biliofo & urinario concrefcibilis calculus audit medicis, morbosque inducit iisdem dictos, colicam nephriticam, nephritidem calculofam, malum nephriticum, nephralgiam, paffionem nephriticam, fi in renibus; calculum veficae vel et fimpliciter calculum, fi in vefica urinaria invenitur.

§. 282. Varia lithiafis genefi originem dare poffunt in viis urinariis, dum praefertim urina prae omnibus humanis humoribus, materia calcarea tartareave fcatet; nempe difpofitio heredita-

ditaria, nihil enim certius est, quam calculosos creari calculosis esseque in prole patrum virtutem abireque in natos cum femine morbum. Aetas juvenilis & senilis; verum pueri saepius calculo vesicae, senes autem nephritide seu calculo renum frequentius afficiuntur. Labes arthritica, miram dari convenientiam inter arthritidem & calculum statuunt omnes, ex una eademque materia tartarea generari utrumque credunt morbum. Si quis vero desiderat doctam de lithiasis genesi et theoriam, speciatim adeat van SWIETEN Tom. V. commentar. in aphorismis BOERHAVIANIS.

§. 283. Nephritidi calculosae in actum ducendae favent dispositio plethorica, habitus laxior, vita sedentaria, haemorrhoides; vellemens corporis motus diutius protractus, equitatio, durior ac diuturna vectura, terror, ira, alique tristes animi affectus, venus immodica, decubitus in dorsum, diuturnior in unum latus, delicatior super stragula molliora, praeprimis e plumis confecta, sessio longior cum incurvato in anteriora corpore, tussis, sternutatio frequens, cathartica fortiora propinata vel et diuretica, uti et asparagorum nimis esus, lumborumque refrigeratio. Infantes vero disponit ad lithiasin fasciarum ab incunabulis nimia constrictio, prava et cruda diaeta, unde praeprimis pauperum aggreditur infantes, qui et non nunquam pessimo more vel metu severioris praeceptoris diutius, quam par est, urinam retinere solent, quod et adultis
ali-

aliquando familiare in circulis amicorum praeposterae urbanitatis causa, historia TYCHONIS DE BRAHE satis nota est.

§. 284. Morbum quidem et sine damno & sine indicio ullo ipsius praesentiae diu latere posse, testantur exempla: calculi grandiores quidem per plures interdum annos feruntur, non nisi enim a sede sua dimotus excruciat calculus, inde constitit plurimos ex cadaverum inspectione, calculo laborasse, de cujus praesentia in vita nemo somniaverat quidem: e contra alios, qui a medicis nubem pro Junone saepe captantibus, pro calculosis, dum viverent, habiti fuere; nihil simile passos fuisse, morte compertum est.

§. 285. Non igitur contemnenda veniunt signa, quibus de calculi praesentia sive in renibus, sive in vesica certiores fiunt medentes. Calculi renalis autem praecipua indicia, dolor fixus lumborum plus minus auctus, prout calculus angulosus vel obtusus fuerit; qui quam maxime distinguitur a nephritide seu vera renum inflammatione, quod nempe febris absit initio utique: inflexibilitas spinæ dorsæ, testiculi, lateris affecti retractio, stuporque foemoris ejusdem lateris. Notandum etiam, doloris exacerbationem post cibum, colicam nephriticam ab alia quavis colica distinguere. Caeterum adsunt nausea, vomitus, dysuria, ischuria, & praesertim urina emittitur in initio limpida, clara, dein arenosa puitosaque.

§. 286. Dum calculus descensum per uretēres molitur in vesicam miros, excitat cruciatus tormentaue abnormia, dolores ex obtusis lancinantes reddit, tormina ventris colicam aemulancia creat, cum alvi pertinacissima obstructione. Primaque vice lapillus parvus plus producit molestiae, quam calculi majores in posterum dilatatis sensim viis. Calculo autem in vesicam devoluto, remittunt subito omnes dolores.

§. 287. Non vero hinc finis malorum, nam si non e vesica brevi expellitur lapillus, sensim mole augetur, saepissimeque magnam excrescit in molem lamellatim concretus. Immo et aliquando vesicae adnascitur & tanquam in capsula continetur. Quodsi e quacunque occasione lapis in vesica contentus movetur, sequentia parit incommoda, scilicet difficulter redditur urina, guttatim invite nec sine acri stimulo exit, arenulis fabulone, sanguine materiave purulenta, scattens praecipue post motum super strata lapidea, urinae fluentis subita fit saepius retentio graveolentem deponit mucum, aegro supine decumbente facillime emittitur. Ponderis praeterea adest gravitatisque sensus ad perineum, molestissimus quidem alvi dejectionis tempore; titillatio in glande penisque involuntaria erectio; pruritus praecipiant foeminae in pudendis. Digito in vulvam aut in anum immisso, calculus sentitur. Cruribus divaricatis aeger incedit, mentulam assidue contrectat. Desidendi voluntas, mictioni comi-

mitatur. Inter evidentiora autem habenda calculorum antea per urinam excretio, sabulonis excretio, & crustae tartareae ad matulam urina frigefacta non est signum calculi.

§. 288. Neque tandem reticenda exploratio per catheterem, quae chirurgis praecipue incumbit tentanda in calculo vesicae majori: de cujusve praesentia certius determinant ex sono per fistulam in calculum incidentem edito; fallit vero saepissime exploratio catheterismo, dum lapis tunicatus, vesicaeve accretus; dum tumores adsunt praeternaturales, vel in ipsa vesica, vel in partibus vicinis. Caute ergo procedendum, antequam quid de calculorum extractione per artem statuatur chirurgicam. Atqui mei non est, de lithotomia vel de pertinentibus ad hanc operationem agere, nisi quod obiter dicam, viros potius quam foeminas huic operationi obnoxios manere, haec enim rarius quam hi calculosis afficiuntur affectibus, faciliusque praeterea ob viarum brevitatem laxitatemque calculorum fit extractio & quidem sine sectione.

§. 289. Restat autem, ut de cura medica breviter agamus, quae quidem duplex est in diro hoc morbo, una scilicet in paroxysmo, altera extra eum vel lucidis intervallis. In paroxysmo autem dolores leniendi, spasmi solvendi, calculus ex angustis in latiora promovendus, ne ischuria totalis enata, convulsionibus abortis, cum singultu deli-

delirio, extremorumve frigore, morbus necem inferat; vel ulcere renum aut vesicae insanabili funesto demum, aliquandiu febris hectica lenta praecedente. Conducunt autem hic venae sectiones, pro re nata & ratione habita ad symptomatum vehementiam, virium constantiam, pulsum fortitudinem subinde repetendae. Balneum tepidum seu Semicupium plurimum valet. Alvus leniter laxanda, quin et emeticum, dum calculus in ureteribus sistit, ab aliquibus laudatur. Quod si nulla inflammationis suspicio, equidem haud improbandum videtur clyisma emolliens oleosum aliquoties injicendum; & in summo dolore anodyna No. 61. Diuretica leniora No. 62 haud spernenda. Potentiora diuretica tum temporis non conceduntur, lethalem enim urinae suppressionem, veramve inflammationem inducere valent.

§. 290. Extra paroxysmum venae sectio quoque laudatur in plethoricis prophylaxeos ergo; caeterum diuretica valentiora commendantur, qualia sunt sapo venetus, aqua calcis ex ostracodermatum calce praecipue parata; millepedum succus, therebinthina cum extracto cascarillae, uva ursina, quae quidem inter optima: liquoris natri fixus et decantatissimum specificum lithontripticon virginis anglicae Stephens. Caute vero remediis alcalicis utendum; in solvendo calculo plurimi putant ob metum sanguinis corruptionis inde oriundae, atqui inrecte caeteroquin valentibus

tibus nunquam quid mali contigit mihi videre ex diuturniori usu pilularum, ex sapone veneto paratarum, aut liquoris nitri fixi, mihi in lithiasi familiaris remedii ad guttulas 40 aliquoties de die exhibiti, superbibendo infusum uvae ursi. Praeterea commendantur decoctum radicis bardanae, cicerum rubrorum, nec non mel copiose sumptum, a PRINGLE laudatum in sabulone expellendo. Spiritus nitri dulcis calculos excretos solvit; an ideo etiam in corpore delitescentes? Aquis selteranis cum lacte sua non deneganda laus.

§. 291. Demum in cura lithiaseos diaeta adornanda, & in paroxysmo, et extra eum utilis; in paroxysmo autem serum lactis, hydrogala, decocta avenacea, jura ex carne vitulina, fructus horrei, poma prunave cocta, optima censentur. Caeterum in alimentis concedi possunt radices dauci sativi juniores, asparagi modica quantitate; gallina assa; aves minores; ex fructibus melones, cerasa, ribesia, fraga, cucumeres minores; in potu valent vinum tenue aqua dilutum aut cerevisia non acris.

§. 292. Noxia vero omnino habentur & quidem extra paroxysmum, caseus, pisa, fabae, lentes, helianthemum tuberosum, farinacea haud fermentata: carnes duriores infumatae, salitae, nec non pisces tales: ova dura & similia: non improbantur subinde modice sumpta alliacea, porrum, cepae, raphanus niger, armoracia; at ne
I quid

quid nimis. In potu cerevisiae acriores, aceti nimis usus, spiritus vini, vinaque tartarea quam maxime vitanda.

CAP. XXXVIII. DE STRANGURIA ET DYSURIA.

§. 293.

Individuae comites vel et pedissequae sunt nephritidis verae aut inflammatoriae, uti et cystitidis nephritidisque calculosae caeterorumque circa vias urinarias affectuum, stranguria seu urinae stillicidium, dum scilicet guttatim cum summo ardore & irritis saepius conaminibus urina emittitur; vel dysuria, qua mictus pleniori rivo quidem, vel et bifurcatus cum summo dolore & stimulo fluit. Et tandem ischuria, quae totalis est urinae suppressio, quamque cum SAUVAGIO & SAGAR ad morbos dolorificos referendam non puto.

● §. 294. Stranguria & dysuria vero oriuntur saepius in haemorrhoidariis, in hysteriis a strictura spasmodica, in gravidis a foetus situ vesicam comprimantis, in virginibus recens nuptis a violentia primi coitus; in senibus a debilitate vel et rigiditate partium; in his, qui gonorrhoea virulenta diu laborarunt, vel a carunculis urethram obfidentibus, vel a mucro abrafo, uti aliis potius placet;

cet; demum in iis, qui ulcere, tumore circa vesicae collum, prostates urethramve afficiuntur. Fit aliquando a refrigerio, a potu cerevisiae novellae, ab acrimonia humorum, a metastasi, a miasmate scabioso, impetiginoso; a cantharidibus applicatis vel ingestis. In colicis frequens est symptoma, nec non post partum difficilem aliquando.

§. 295. Cura pro varietate causae varia admodum est; si enim ab inflammatione methodus antiphlogistica omnino necessaria; si a calculo remediis capite praecedente enarratis tractanda. Si ab haemorrhoidibus venae sectione aliisque medicamentis huic pathemati propriis curanda. In hysteriis antispasmodica cum laudano conducunt. In gravidis omnia diuretica cautissime vitanda & praecipue juvant situs supinus cum coxis elatioribus & abdomine propriis manibus paululum elevato. Neonuptis conducit quies & abstinencia a coitu pro tempore: tum et inunctio genitalium oleosis, quae etiam puerperis post partum difficilem commendanda. In senibus laudatur sp. sal. d. cum liquore C.C. Succin. ad aliquot guttas aliquoties de die in vehiculo aquoso. Dysuriae venereae vel a gonorrhoea oriundae medentur turundae, candelulae seu cereae ex carbaso cum cera confectis & oleo illinitis, vel et cathetericis vel digestivis, immo et mercurialibus incrustatis, quo excrescentiae absumantur & urethrae canalis dilatetur. Nec hic negligenda balsamica & therebin-

thinacea interna; atqui de hac specie plura in capite de gonorrhoea. Balsamica quoque valent in ulceribus caeteris urethrae. Si a simplici refrigerio, valent non raro aliquot guttulae olei baccharum juniperi & inunctio perinei & hypogastrii cum oleo de scorpionibus vel de chamomilla cocta. Si a metastasi, ratio est habenda ad morbum principem. Si a cantharidibus, optime curatur amovendo vesicantia, exhibendoque lacticia & solutionem gummi arabici.

§. 296. Palliativa etiam licet instituere cura in stranguria & dysuria a calculo majori, nempe quod algalia repellatur, quo liberior fiat via urinae fluxurae vel et cathetere ipso urina extrahenda. Valet et haec methodus, si, uti aliquando fit, dysuria oriatur a grumis sanguinis in vesica remanentibus post mictum cruentum; quando etiam bonum praestabit effectum in sanguine solvendo infusum florum Arnicae.

CAP. XXXX.

DE PARTU DIFFICILI ET TORMINIBUS POST PARTUM.

§. 297.

Partus naturalis solius fere naturae ope fit, sine artis adminiculo aut alieno auxilio: qui vero

majori molimine, vehementioribus doloribus saepe vix perficitur sine artis vel obstetricantis auxilio, partus difficilis, praeternaturalis & Dystocia dicitur.

§. 298. Causae difficilioris partus vel in matre, vel in infante, & demum in obstetrice quaerendae; aliquando omnes simul hae causae concurrere possunt. Aliquando minus complicatae sunt.

§. 299. In matre autem, si dolores non satis validi ob debilem corporis constitutionem. Ut enim dolores sint legitimi et genuini, oportet non sint continui, sed per intervalla recurrant, a lumbis oriundi, per abdominis latera pergendo versus pubem descendant, cum tenesmi deprimentis quasi sensu. Dolores aliquando fiunt ita vehementes, ut uterum spasmodice constringant & partum remorentur. Non nunquam abdomen tantum occupant & superiora potius, versus lumbos scilicet tendunt. Hi nothi, spurii atque illegitimi audiunt. In hoc statu venae sectio aliquando requiritur, si pulsus plenus praecipue vel plethora adsit. Clyster quoque injiciendum, si alvus obstructa. Dolores nimis debiles excitandi remedio No. 63. Mira praestare eo posse, ubi nullum vitium mechanicum partum remorans, omnes testantur practici, & manu obstetricis aliquando excitari debent dolores minus fortes.

§. 300. Ex matris parte remoratur saepe partus in primiparis annosioribus ex duritie orificii uteri, vel et ejus angustia in junioribus nimis. Hic oleosa, unguenta, vapores tepidi, femicupia forsan quid valere possunt. Dystociam ex vitio matris describunt authores, quam pathematicam vocant, dum ex pudore, ira, timore partus difficilior vel tardior redditur. Obstetricis facundia & adstantium persuasio cum lepidis confabulationibus multum hic praestant.

§. 301. Caetera vitia matri tribuenda veniunt, aquae ante tempus effluxae, unde uteri siccitas nimia uteri haemorrhagia praevia. Hic quantocius foetus arte extrahendus. Uteri ruptura, conceptus extra uterum. Plurima genitalium vitia, vagina concreta tumore vel membrana obstructa, ejusdem procidentia; obliquus uteri vario modo situs: prava pelvis forma sive magna, sive parva nimis vel et nimis plana. Hernia: mater gibbosa, incurvata, asthmatica, clauda, in similibus caeterisque mox enarrandis nihil potest medicina, sed a perito chirurgo & embryulco auxilium quaerendum promptum.

§. 302. In infante & secundinis saepe causa partus difficilis residet, nempe si situs praeposterus, transversus, brachium, pes, nates, genu, manus, humeri, collum porrigens; facie supina in ostium, nec non ventre tergo sic positus. Foetus magnitudine excedens, capite magno hydroceph-

pha-

phalo gaudens, gemelli; foetus biceps aliove modo monstrosus, membranae foetum continentes nimis durae; vel placenta foetus exclusionem praecedens, ejusdem accretio ad uteri orificium; funiculus umbilicalis nimis brevis, circa collumve convolutus. Hinc omnia remedia interna inutilia, noxia.

§. 303. In obstetricis ignorantia demum quaeruntur causae dystociae, dum spurios a genuinis doloribus distinguere nescia; nec orificio uteri interno satis amplo ad labores cogit inutiles parturientem, quo vires sternuntur ante legitimum partus tempus; indeque non raro mors et matris & infantis subsequitur.

§. 304. Foetu excluso incumbit etiam obstetricanti, ut secundinae prudenter et secundum artis regulas extrahat, antequam uterus claudatur; quod si non contingat, pilulas Becherianas quidem commendant ad earundem expulsionem promovendam, timentes alioquin inde corruptiones, inflammationes, haemorrhagiae &c. Alii iterum nihil moliri putant, operam omnino almae relinquentes naturae, praesertim si utero accretae, nec inde quidquam mali metuunt.

§. 305. Solent puerperae doloribus post partum affici a relicta portiuncula vel tota placenta, grumis sanguinis in utero resistentibus, a partus molestiis, lochiis non rite procedentibus, vel et

a flatibus, neglecta nempe ventris modica constri-
 ctione per fasciarum injectionem. In primipara
 ventris tormina post partum frequentius observan-
 tur, quod tamen non adeo certum, quin alii con-
 trarium statuunt. Remedia, quae hic valent, tem-
 perantia cum paucò opio sunt. Essentia aurantio-
 rum cum spiritu nitri dulcis, clyisma ex decocto
 florum chamomillae, cucuphae seu epithemata
 sicca ex herbis aromaticis cum camphora hic quo-
 que laudantur.

CAP. XXXXI.

DE ARTHRITIDE ET PODAGRA.

§. 306.

Arthritis, morbus articularis dicitur dolor acu-
 tus, dilacerans, articulos occupans cum in-
 flammatione & tumore partis a lymphâ deprava-
 ta, viscida, acri ligamenta obsidente nervosque
 afficiente. Est vagus, dum nunc illud, nunc aliud
 aggreditur membrum; fixusve, dum unum tantum
 semper tenet, indeque pro varietate partis lesae
 varia accipit nomina; chiragra enim audit, si ma-
 nus, cubitos carposve afficit; gonagra, si genua;
 podagra si pedes; ischias, morbus coxarius, ma-
 lum ischiadicum, coxagra, si coxam, caput ossis
 fœmoris cum osse ischio obsidet. De ultima spe-
 cie

cie capite proxime sequenti, de caeteris vero hoc capite agetur.

§. 307. Podagra ut plurimum pollicem pedis invadit, quandoque calcaneum, ossa tarſi, suram aut talum. Quandoque primo unus dein alter, quandoque uterque pes simul dolet, dolor est molestissimus illi, qui ab ossibus fractis dislocatisve fit non admodum dissimilis, omnem fugit attactum, & quidem linteorum super incumbenti-um pondus, immo ne cubiculi a fortiori ambulatione concussionem ferre valet. Sensim increſcit cum horrore, inquietudine, vigilia, jaſtatione assidua & continua membri affecti mutatione. Dein sequitur maior, decreſcit dolor, tumor oritur & rubor, somnusque obrepit circa horas matutinas.

§. 308. Primus paroxysmus brevis esse solet, dein per intervalla plus minus longa, sed praecipue circa ver & autumnum, aerisque insigniores mutationes redit morbus. Quo diutius intervallum, eo longior severiorque insurgit insequens paroxysmus; circa senium vergentes & jam repetitis accessionibus detriti minus afficiuntur et dolor cum aegritudine tantum commutari amat.

§. 309. Paroxysmi praecurſores sunt fere semper cruditates, ruſtus, torpores, alvi constipatio, febricula levis, sudor pedum solitus interceptus, illacrymatio spontanea, urina pallida & limpida,

quaeque in ipso paroxysmo primo rubra coloratae apparet; dein sedimentum rubrum & quasi arenulis refertum deponit. Caeterum sanos subito nec opinantes invadit media quidem nocte, in lecto tragoediam acturus §. 307 descriptam.

§. 310. Paroxysmus saepe intra triduum, aliquando intra septimanam, non raro intra duas hebdomadas cum pruritu et cutis desquammatione. Interdum jam in hoc, jam in alio vexat articulo morbus & paroxysmum constituit longiorem ex parvis quasi aut minoribus conjunctum, qui ad aliquot septimanas extenditur. Partes repetitis & annosis accessionibus vexatae indurantur, nodis afficiuntur, concretionibus tophaceis, cretaceis; quae tandem rumpuntur. Articuli motu privantur et vera fit anchylosis. Saepissime et arthritidis calculus est comes, hydropsque sequitur.

§. 311. Subinde vel male tractata, vel et in senio ob virium debilitatem, articulorum obri-gescentiam transfertur materia podagrica ad viscera, nec deponitur ad artus; indeque fiunt apoplexiae, paralyseis, deliria, convulsiones, si cerebrum; caecitates, ophthalmiae refractariae, si oculos; tussis, asthma, suffocationes, peripneumonia, pleuritis, si pectus pulmonesve; nausea, vomitus, tormina, colicae atrocissimae, spasmi, si abdomen petit.

§. 312. Disponit ad arthriticos podagricosve affectus, aetas virilis, sexus masculinus, raro enim foeminas iisdem affici creditum est. Verum enim vero familiam novi, in qua et foeminae et viri ab antecessoribus podagricis haereditaria labe procreati aliquoties in anno podagram patiuntur. Divites lauteque viventes potius quam pauperes eadem plectuntur, sapientes prae fatuis; crassi obesique potius quam strigosi & macilenti; frequentius autem arthritide quam podagra affecti occurrunt.

§. 313. Mensa opipara, asparagorum, lardi, carniū sale et fumo induratarum esus nimius; potus vinorum acidorum, computationes in altam noctem, pergraecationes, immodica & praematura venus, nec non animi pathemata, ira praesertim inter causas remotiores praecipuas numerandae. „Bachus pater, venus mater, ira obstetrix „arthritidis,, culpandae etiam veniunt lucubrationes nocturnae, nimia defatigatio, exercitium vehemens, consuetive neglectio. Morbum vero accelerant in praedispositis pedum a calceis compressio, horum sudatiunculae, subito a refrigerio repressae, alvi purgatio fortior. Nec reticendum, dari exempla, & per contagium podagram communicatam fuisse & quidem animantibus brutis. Tempestas pluviosa demum quam maxime favet podagrae in actum excitandae, evacuationes consuetae sive naturales, sive artificiales neglectae.

§. 314. Podagricis & arthriticis quam maxime diaeta commendanda tempore a paroxysmis intermedio, lactea praecipue. Lac specificon antipodagricum quibusdam salutatur. Victus vegetabilis prodest. Fructuum horreorum nimis usus nocet: uti et ingurgitatio nimia ciborum quamvis eupeptorum. Olera, carnes teneriores pulli, gallinae, cuniculi, pisces fluviatiles commendantur. Pro potu ordinario cerevisia haud inutilis, aqua pura, hydrogala optima; vinum noxium, subinde vero haustus vini generosioris hispanici, maderae haud omnino damnandus, coena sit parca aut nulla. Exercitium quotidianum modicum pedibus ambulando, manibus instrumenta musica aut alia quaevis movendo, voce legendo, equitatio in aere puro ab omnibus laudatur. Inde raro enim rusticos & opifices podagra affici, observatum. Frictiones partium olim arthritide affectarum insignem habent utilitatem cum pannis suffumigio aromatico imbutis. Somnus capiatur longior et ante mediam noctem, diluculo autem surgendum ex suffragio SYDENHAMI.

§. 315. Materia arthritica et eodem tempore corrigenda, ut minus laedat, tolerabiliusque fiat pathema. Incurabilis enim est morbus & nihil valet ars ultra, nisi ut quaedam praescribat ad vires sustinendas paresque maneant oneri bene ferendo leviorique patientia reddendo, quo diutius absque vitae periculo regulares sustineantur paroxysmi.

Huic

Huic scopo inserviunt cortex peruvianus roborantium princeps in morbis chronicis; aquae minerales cum lacte epotae. Alterantia praeterea recensent auctores; decoctum lignorum No. 64 habet SYDENHAM. Usu mercurialium externo et interno emendare materiam arthriticam alii satagunt. Salivatio per mercurium dulcem excitata, perque viginti dies protracta commendatur la PITCARNIO. Solutio gummi guayaci spirituosae Americanis familiaris, Europaeis aliquando profuit sudorem vel catharsim movendo, aliquando nocuit, aliquando inutilis prorsus fuit. Meliores successus contigit mihi videre ex pilulis No. 65 ter de die sumptis; nec non ex mercurialibus frictionibus levioribus, nunquam ad salivationem continuatis. Caeterum nulla specificis antipodagricis fides habenda; frustra exhibitus fuit pulvis Ducis Portlandiae, sive aliis Mirandulae. Frustra sales alcalini fixi Alcahest Glauberi seu liquor nitri fixus, cineres genistae; frustra demum decoctum dulcamarae, pilulae de cicuta, aconito, aqua calcis, & si quae similia. In podagra annosa multum praestat, partes panno involvere laneo. Leves tensiones a materia vaga excitatas tantum, aperto in crure curavi fonticulo. Contracturae, partium thermis, embrochis balneoque frigido curatae perhibentur; balneo tepido singulis diebus per tres hebdomadas continuatum artus rigidos olim flexibiles reddidi et aptos ad munera perficienda.

§. 316. Nihil restat autem, nisi ut adducamus ea, quae in ipso paroxysmo podagrico valere experientia comprobavit. Ergo si febris valida, pulsus plenus durus, inflammationis internae signa, non aliter vero, vena secanda est, quae ne quidem prophylactice, uti mos est, instituta probatur, valde absentibus conditionibus indicantibus. Si vero caput tendit repulsa arthritis aut pectus, quo ad artus derivetur, venae sectio necessaria; si vero ad stomachum, caute cum hac mercandum. Hirudines vero topice applicatas experiente PAULMIER in se ipso et in aliis commendat DE HAEN.

§. 317. Laxantia leviora in paroxysmo non male interdum audiunt & quidem potius in arthriticis quam in podagricis affectibus. Clyisma vero semper catharticis praeterendum. Et extra paroxysmum purgatio fortior damnatur, emetica quoque vitanda, nec imitandum hic naturae molimen, quo aliquando sponte in podagricis, retrocedente arthritide emesis cum aliquali cietur levamine. Mitiora sudorifera, temperantia, nec non diaeta ex jusculis carnis vitulinae dilutionibus, sero lactis tenui, magna copia epoto, & prudens admodum opii usus in summis doloribus hic optima tutaque medicina. Cave tamen ab opio topice applicato, a repellentibus, cataplasmatibus, emplastris, unguentisve; ne ab artubus interiora versus vergat morbus.

§. 318. Arthritis repulsa usum pascit vesicantium ad furas, verberationisque cum urtica, frictionum, inustionis cum artemisia, moxa et lino crudo, quae tamen in desuetudinem abiit. Pedes fovendi cum vino rhenano calido, quo et hausto additis ex SYDENHAMI sententia ejusdem laudani liquidi guttulis XV eripui olim podagricum ex orci faucibus, cui tempore, quo alias consueverat podagra redire, absque ulla manifesta prophasi stomachum aggrediebatur morbus cum dysuria molestissima. In simili casu aliquando et moschus desiderandum praestitit mihi effectum; nunquam vero deteriorem pertinaciorve vidi podagrae translationem, quam ad nucham; incurvati enim manent aegri per totam vitam.

CAP. XXXXII.

DE ISCHIADE SEU DOLORE
CORARIO.

§. 319.

Non raro et arthritidis et rhematismi proles est ischias, morbus coxarius, coxagra, seu dolor vehemens, pertinax, alterutram tenens coxam prope articulum ossis foemoris scilicet, ut homo neque stare erectus, neque incedere, nisi claudicans vel decumbere aut lumbos flectere possit, nullo tumore vel rubore in parte conspicuis. Dolor

lor aliquando est fixus, coxam tantum occupans, vel et etiam per totum pedis tractum exporrigitur cum ejusdem torpore & fornicatione, nec non cum difficultate lotii emittendi alvique depouendae.

§. 320. Alia species vero datur ischiadis, frequentius occurrens, quam nervosam vocant, de qua COTTUNJUS optimum conscripsit commentarium, quaeque varias agnoscit causas; nempe quodvis acre in corpore stabulans, et nervum ischiadicum afficiens laedensque; virus venereum, ictus, distractionesque variae coxarum, luxatio, venus immodica, cubatio terrena, frigus topice admissum. Non raro originem debet haemorrhoidum suppressioni, mensium lochiorumve retentioni, lacti etiam repulso, interdum et a dysenteria intempestive suppressa ortum duxit.

§. 321. Est haec ischias vel continua, vel intermittens, & concessis aliquot dierum induciis revertitur, vespertinis horis exacerbatur dolor calore lecti, aëris, integumentorum laneorum, stragulorumque pondere saepissime increscit; noctes transigunt aegri insomnes ut plurimum, varios in lecto situs quaerentes, quo tandem defatigati obdormiunt demum. Varicibus pedum aliquando, haemorrhoidum fluxu saepe solvitur. Transit saepissime in paralyin cruris & pedis affecti, vel et ejusdem atrophiam, aut perpetuam claudicationem. Abscessusque inde non raro formantur cum tabe universali et lethali a pure resorpto.

§. 322.

§. 322. Diaeta ischiade affectis eadem sit ac podagricis et arthriticis; curam quod attinet a venae sectione incipienda in plethoricis et in sanguinis evacuationibus suppressis: haec quidem nunc in pede affecto, nunc in sano instituere licet. Hirudines ano applicandae in haemorrhoidariis. Cathartica sale amaro repetita multum valent. Clysteres quidem acriores commendati habentur, neque raro emeticis locus, si signa saburrae in primis viis collectae. Frictiones oleo frigido fiant topicae; vesicantium usus ad tertiam quartamve vicem repetitus comprobatur ab omnibus practicis, exemplo ducto ab ustione & cauteriis, HIPPOCRATI commendatis. Fonticulus in crure non infimae fortis est remedium. Electrificationis vim tentavit DE HAEN & alii bono cum successu in quibusdam, minorique cum fructu in aliis. In minori malo opem saepissime attulit spiritus ischiadicus No. 66 vel et emplastrum No. 67 Polrii dictum diu gestatum. Balnea frigida ad roborandam partem primo a dolore liberatam laudantur quam maxime. Ad interna quod spectat, opium remedium princeps tempore somni datum, dein mercurialia, solutio, mercurialis spirituosa SWITENII cum caeteris in arthritide laudata, hisce omnibus adde antimoniatam No. 68 absolutamque habebis morbi curationem. Diaphoresim promovendo praecipue haec ultima juvant.



CAP. XXXIII.
DE RHEUMATISMO.

§. 323.

Arthritidi Rheumatismus adeo cognatus, adeo analogus, ut vix a quam plurimis distinguantur ab invicem; dicaturque hic arthritis universalis. Veram vero dari distinctionem, putant quidem ex morbi fede, quod arthritis nempe ligamenta articulorum potius, rheumatismus vero partes musculosas potius occupet. Alii quod prior plerumque sine febris, posterior autem ut plurimum febris stipetur, et quidem ex inflammatoriarum indole primis saltem diebus, uti patet ex cruore per venae sectionem educto, crusta phlogistica densa tacto, unde a quibusdam ad inflammationum classes refertur rheumatismus. Atqui datur rheumatismus chronicus sine febris prorsus. Videtur ergo materiam & genium utriusque morbi esse unum vario modo modificatum. Praesertim cum omnia laudata in arthritide, et in rheumatismo habeant locum.

§. 324. Incipit ergo rheumatismus acutus cum febris satis valida, quam excipit vel statim, vel insequente die dolor acutus cum tumore omnes fere articulos invadens nunc simul, nunc seorsim ab uno ad alterum transiens: non semper vero
tumor

tumor aut rubedo adfunt. Viscera subinde occupat interna magno cum vitae periculo; lumbos non raro obsidet & lumbaginem creat rheumaticam primo a SYDENHAMO descriptam, aegerque immobilis cogitur jacere in lecto, quamdiu tali afficitur pathemate: caeterum diu vexans articulos, anchylosin non aliter quam arthritidis producit, immobilitatem & paralyseos speciem cum nodosis tuberculis & partium distorsione post se trahit. In morbi accessu urina emittitur rubra, dein sedimentum lateritium deponit.

§. 325. Disponit ad hunc morbum plethora cui concomitatur acrimonia humorum, mensa lauta, potus coctae assiduus & saturatus nimis, corporis aestuantis primo subita refrigeratio in aere pluvioso, frigido ventoso, unde adeo familiaris Hafniae, ubi perpetuo ventus dominantur frigidi, quo perspiratio peripherica cohibetur, autumnali praesertim et vernali tempore. Scabies praepostere curata aliquando rheumatismo dedit originem. Sexus sequior non minus quam potior eodem afficiuntur. Quin et juvenes praecipue ipsi ante pubertatis tempus, quamvis dicant authorum quidem juvenes raro admodum adoriri.

§. 326. In athleticis febrigue vigente venae sectio ad quartam vicem saepissime necessaria. In aliis, vel si febris minor, sanguinis missio minus requiritur profusa; hirudinum topica applicatio hic quoque valet. Dum autem alvi fluxus spontaneus,

taneus, semper magnum rheumaticis affert levamen, cathartica commendantur etiam repetita. Epithemata ex sapone veneto in lacte cocto calide parti dolenti applicentur, quamque et vapor aquae tepidae exponere quoque juvat. Vesicantia optimum edunt effectum: Balnea frigida ancipitis mihi eventus videtur remedium, a quibusdam laudatum doloribus saevientibus, repellunt enim et lethalem, qui erat innocuus, possunt reddere rheumatismum. Frictiones pannis ficcis, dolore prius evanido melius audiunt. Caeterum temperantia leniter camphorata valent medicamenta, & quidem laudabiles semper mihi praestitit effectus in morbi vigore medicamentum No. 69. quo et sudores & alvi fluxus commode promoventur. In rheumatismo chronico aut non febrili remedia, quae in arthritide laudata habentur, adhiberi possunt etiam.

§. 327. Quod de doloribus ossium fixis pulsantibus a periosteo interno potissimum affecto tradidere authores, quique ab iisdem vocantur osteocopoi; cum ut plurimum a spina ventosa, acrimonia scorbutica syphilitica oriantur, suis titulis propriis agendum puto.





FORMULAE MEDICINALES.

No. 1.

R. Aq. Laxativ. V. unc. I & semis.
Sal polycrest. drachm. I.
M. F. haustus, una vice hauriendus.
vel

R. Cremor. tartar. unc. I.
Arcan. duplicat. drachm. II.
M. F. pulv. capiat. inde.
Cochlear parvum omni bihorio.

No. 2. R. Ser. Lact. unc. VIII.
Mell. optim. unc. I.
Sal. gemm. unc. semis.
M. F. clyisma tepide injiciendum.

No. 3. R. Nitr. depurat. gr. XV.
Stib. diaphor. illot. gr. III.
Magnes alb. gr. X.
Camphor. gr. II.
M. F. pulv. no. X.
Capiat. omni bihorio unum in vehiculo
aquofo.

No. 4. R. Sem. 4. frigid. maj. unc. semis.
Card. Mar. drachm. II.
Amygd. d. excortic unc. semis.
& in Decoct. hord. F. L. A. emulf.
Cuj. colat. unc. VIII. add. camphor. gr. XX.
Mucil. gum. arabic. q. f.
Nitr. depurat. drachm. I.
Oxymell. simplic. drachm. X.
Capiantur omni bihorio, unc. II.

No. 5. R. Diagrid. sulphur. gr. XV.

Et in f. q. Aq. meliss. F. L. A.

Emulsio cuj. unc. I. add

Syr. ros. solut. unc. semis.

Aquil. alb. gr. VIII.

M. probe fiat haustus, una vice sumendus.

Cum autem saepe acido stabulante, in primis viis fallere expertus sum, pulvis sequens eidem praeferendus.

R. Rad. Jalapp. scrup. I.

Resin. ejusd. gr. VI.

Aquil. alb. gr. VIII.

Trochisc. Alhand. gr. I.

Ol. de cedr. gt. I.

M. F. pulv. e nebula capiendus.

No. 6. R. Pulp. pomor. coct. q. f.

Album. ovi unius cum

Sacchar. albiss. bene conquassat.

Camphor. gr. X.

Croc. orient. gr. VI.

Laudan. pur. gr. I.

M. d. f. cataplasma in summo dolore oculis inflammatis adhibendum.

No. 7. R. Aq. stillat. plantag. unc. IV.

Flor. Zinc. scrup. I.

Sacchar. Saturn.

Camphor. aa. drachm. semis.

Vitriol. alb. gr. X.

M. F. colyrium, quo saepius de die lavetur oculus affectus.

No. 8. R. Ser. lact. recent. lb. I.

Electuar. lenitiv.

Sal. gemm. aa. unc. I.

M. F. clystna acre calide injiciendum.

No. 9.

- No. 9. R. Ol. olivarum. unc. II.
 Sp. C. C. fuccin.
 Sal. ammoniac. aquos. aa. drachm. VI.
 Camphor. scrup. I.
 M. F. Linimentum seu oleum volatile.
- No. 10. R. Cort. peruv. fel. unc. I.
 Flor. chamomil. Rom. unc. II.
 Coq. in f. q. acet. vin. ad cataplasma. consist.
 d. add. camphor. drachm. I.
 Inter duo linteamina collo. adhibe calide
 renoveturque omni quadrihorio.
- No. 11. R. Decoct. hord. lb. I.
 Mell. rosar.
 Acet. optim. aa. unc. i.
 Cui aliquando addendum majoris stimuli ergo
 semin sinap. cochlear. I. & d. usui gar-
 garisma vel injectio
- No. 12. R. Rad. alth. unc. II.
 Farin. fabar. unc. I.
 Sem. foenugraec. contus. unc. semis.
 Coq. in f. q. Aq. pur. ad pult. consistent.
 d. add. camphor. drachm. semis.
 F. cataplasma. emolliens.
- No. 13. R. Aq. calc. pp. unc. VIII.
 Tinctur. myrrh. drachm. II.
 M. F. gargarisma.
- No. 14. R. Cort. peruv. f. unc. I.
 Coq. in aq. font. ad unc. VIII.
 Col. add.
 Sp. vitriol. d. drachm. II.
 Camphor. c. f. q.
 Mucilag. gum. arabic. solut. scrup. I.
 Syr. acetos. citr. unc. I.

M. F. Decoct. de quo cap. omni bihorio
unc. II.

No. 15. R. Kerm. miner. gr. IV.

Stib. diaphor. ill. drachm. femis.

Ol. femin. lin recent. unc. I.

Oxymell. squill. unc. femis.

Syr. papav. erratic. unc. III.

M. F. eclegm. de quo capiat. omni bihorio
cochl. majus.

No. 16. R. Sal. plantar.

vel tartari.

aut ciner. clavallat. unc. femis.

Solvat. in aq. fontan. ℥. IV.

d. capiat cochlear. maj. omni semihora.

No. 17. R. Sal. plantar. drachm. I.

Succ. citr. unc. I.

Aq. still. menth. unc. III.

M. d. vitr. capiat. omni hora cochlear majus.

No. 18. R. Decoct. hord. unc. X.

Electuar. lenitiv.

Ol. femin. lin. aa. unc. II.

M. F. clyfma saepius de die injiciendum.

No. 19. R. Sal. cathartic. amar. unc. II.

Solv. in Aq. fontan. ℥. I.

Exhibeantur coch. II. omni semihora.

No. 20. R. Sal. mirabil Glaub. unc. I.

Tartar. emetic. gr. II.

Tinctur. Rh. aquos. unc. I. cum femis.

Aq. fontan. ℥. I.

Syr. ros. solut. unc. II.

M. dentur cochlear. II. omni hora.

No. 21. R. Rad. gramin.

Taraxac.

Fol. endiv.

Borragin. aa. unc. I.

Coq. in aq. font. ad ℥. III.

Col. add. nitr. depurat. drachm. II.

Rob ribesior. drachm. VI.

Oxymell simplic. unc. I & semis.

Bibat, omni bihorio. unc. III. calide.

No. 22. R. Decoct. hord. ℥. I.

Therebinth. V. vitell.

ov. follut. drachm. III.

Mell. optim. unc. I.

M. F. clyfma.

No. 23. R. Ol. olivar. unc. II.

Amygd. d. unc. I.

Camphor. scrup. I.

Liquor. anod. M. H. drachm. II.

M. F. Linimentum pro inungendo hypogastrio in vesicae inflammatione.

No. 24. R. Caric. pinguium No. VI.

Rad. alth. unc. semis.

Flor. sambuc. M. semis.

Coc. in lact. ℥. II.

Col. add. Mell. optim. unc. I.

F. gargarisma maturans in angina suppurata.

No. 25. R. Flor. rosar. rubr. M. I.

Coq. in aq. font. ad ℥. I.

Col. add. acet. vin drachm. II.

Mell. rosar. unc. II.

M. F. gargarisma mundificans consolidans-
que in abscessu rupto.

No. 26. R. Farin. fabar.

foenu graec.

Sem. lin. contus aa. drach. VI.

L 3

Sapon.

Sapon. Venet. drach. II.

Coq. in f. q. lact. f. addend.

Ol. femin. lin. unc. I.

Cataplasmā emolliens maturans dolenti loco
adhibendum.

No. 27. ℞. Rad. Glycyrrhiz. unc. semis.

Myrrh. elect. drach. II.

Balsam. copaiv. drachm. I.

Therebinth. Ven. q. f.

F. L. A. pil. singul. gr. III.

Capiant. tres quater de die in omni suppu-
ratione interna, quo pus per urinas de
corpore eliminetur. Superbibendo ex
decocto sequenti uncias tres singulis
vicibus.

No. 28. ℞. Herb. agrimon. M. I.

Rad. granim.

Asparag. aa. unc. I.

Coq. in aq. font. ad ℥. II.

Col. add. nitr. pur. drach. II.

Oxymell. simplic. unc. II.

No. 29. ℞. Spermat. cet. non rancid,

Vitell. ov. solut. drach. II.

Ol. amygd. d. recent. unc. I.

Semin. lini unc. I. cum semis.

Oxymell squillit. unc. semis.

Sp. vitriol. d. drachm. I.

Syr. Alth. Fern unc. III.

M. d. vitr. capiat. omni bihorio cochlear
majus.

No. 30. ℞. Flor. sambuc.

Verbasc.

Bellid. M.

Papav. Rhead aa. M. I.

Fol.

Fol. tuſſilag. M. II.

Rad. Glycyrrhiz. unc. ſemis.

Incind. & contund. d. chart. thea bechica.

Ex cujus infuſo bibatur bis de die affatim
cum vel ſine lacte.

No. 31. R. Gumm. ammon. depurat.

Acet. ſquill. ſolut. drachm. II.

Oxymell. ſquill. unc. ſemis.

Kerm. mineral. gr. IV.

Aq. ſtill. menth. unc. V.

M. detur cochl. majus omni bihorio.

No. 32. R. Rad. irid. ſtorent. drachm. I.

aron. drachm. ſemis.

ſquill. ſcrup. ſemis.

glycyrrhiz. unc. ſemis.

Gumm. ammon. d. drach. I.

Ol. anis. d. gt. X.

M. F. pulv. e quo capiat. ter aut quater de
die cochl. minus.

No. 33. R. Gumm. ammon. d. drach. III.

Myrrh. elect. drach. I.

Succ. liquirit. inſpis drach. II.

Extraet. ſquill. ſcrup. I.

Therebint. V. q. ſ.

M. F. L. A. pil. ſing. gr. III. capiant. 5.
quater de die.

No. 34. R. Maſtich.

Benzoin.

Thur.

Oliban.

Stirac. aa. q. ſ.

Comminuant. in pulverem groſſiuſc. & prunis
candentibus ad uſum inſperg.

- No. 35. \mathfrak{R} . Pulv. cantharid.
Camphor. aa. scrup. I.
Cort. peruv. f. drach. III.
M. F. pulv. e quo. gr. X. dentur omni
bihorio in vehiculo aquoso.
- N. 36. \mathfrak{R} . Tr. cort. peruv. unc. I & femis.
Elix. paregoric. unc. femis.
Tinct. cantharid. drachm. I.
M. cap. ter aut quater de die gt. 30 donec
excitetur lenis stranguria.
- No. 37. \mathfrak{R} . Anim. Rh. unc. I.
Liquor. terr. fol. tart. drachm. II.
M. d. gt. XXX in vehiculo aquoso omni
bihorio. Si vero forma solida magis placet.
- \mathfrak{R} . Rhabarb. optimi.
Magnes. alb. aa. drachm. I.
Sapon. venet. gr. XX.
Sulphur. aurat. antim. gr. VI.
Eleos. foenicul. drach. I.
M. F. pulv. e quo detur bis vel ter de die
ad femis scrupulum.
- No. 38. \mathfrak{R} . Gumm. ammon. d. drach. II.
Sapon. venet. drach. I.
Extract. centaur. min. scrup. II.
Aquil. alb. gr. V.
M. F. pil. sing. gr. II. Capiantur ter de
die tres.
- No. 39. \mathfrak{R} . Gumm. ammon. d.
Acet. squillit. solut. drach. II.
Fell. taurin. inspiss. drach. femis.
Unguent. nervin. unc. I.
Ol. anis. & cum in d. aa. scrup. femis.

M. inungatur seu potius fricetur abdomen eo
bis de die.

No. 40. R. Rad. squill. gr. XX.

Tart. emetic. gr. III.

Sacchar. albiss. drach. I.

M. F. pulv. No. VI. quorum cap. I. omni
bihorio.

No. 41. R. Liquor. C. C. succin. drach. II.

Sp. Sal. armoniac. anis. drach. I.

Laudan. liquid. S. scrup. I.

Ol. cajaput. gt. XX.

M. d. gt. XXX in Aq. menth. cochl. omni
bihorio.

No. 42. R. Tinctur. fuligin. drach. I.

Aff. foetid. drach. II.

Laud. liquid. S. Scrup. I.

M. eodem modo ut supra.

No. 43. R. Herb. majoran.

Flor. Lavand.

Lilior. convall. aa. drach. II.

Ol. still. caryophyll. gt. III.

M. F. pulv. subtilissimus, e quo attrahatur
tantillum ter quater de die naribus, ut
sternutatio excitetur vel saltem mucicre-
tio promoveatur.

No. 44. R. Cort. peruv. f. drachm. semis.

Limat. mart. recent. non rubig. gr. III.

M. F. pulv. qualis dosis ter capiatur de die.

No. 45. R. Rad. angelic. drach. VI.

Hb. majoran.

Menth. crisp.

Salv.

Betonic, aa. M. semis.

Caryophyll. aromat. drachm. I.

Incind. & contund. d. chart.

Species pro cucupha in capitis doloribus.

No. 46. R. Decoct. hord. unc. IV.

Vin. alb. unc. I.

Mell. rosar. draeh. VI.

M. injiciatur tepide aliquoties de die per parvum syphonem.

No. 47. R. Essent. myrrh.

aloës aa. drachm. I.

M. excipiantur aliquot guttae gossypio ter vel quater de die auri affectae immit-tendo.

No. 48. R. Rh. optim. drach. II.

Magnes. alb.

Lact. sulphur. aa. drachm. I.

Eleosf. foenicul. drachm. II.

M. F. pulv. e quo capiatur omni bihorio parvum cochlear in affectu acido.

No. 49. R. Rh. optim. drachm. II.

Cremor. tart.

Tart. vitriol.

Arcan. duplicat. aa. drachm. I.

Eleosf. foenicul. drach. II.

M. F. pulv. eodem modo ac supra fumen-dus in affectu bilioso.

No. 50. R. Aq. stillat. menth. piperit. unc. IV.

Liquor. anod. M. H. drach. II.

Eleosf. foenicul. drach. III.

M. cap. cochl. maj. omni bihorio.

vel

No. 51. R. Liquor C C. succin. drach. I.

Sp. nitr. d. drach. II.

Es-

Essent. aurant. drach. I.

M. d. 50 gt. in vehiculo aliquoties de die.

No. 52. R. Tinct. mart. Ludovic. unc. I.

Liquor. terr. fol. tart. drach. II.

anod. min. H. drachm. I.

M. d. vitr. capiat. omni bihorio gt. 60. in vehiculo.

vel

R. Extract. absynth.

Centaur. min. aa. gr. IV.

Limat. mart. recent. non rubigin. gr. III.

Eleoss. cinamon. gr. V.

M. F. pulv. capiat. ter de die.

No. 53. R. Essent. carmin. W. drach. III.

aurant.

Sp. nitr. d. aa. drach. II.

Sal. d. drach. I.

M. d. vitr. Capiant. gt. 30 omni bihorio in vehiculo aquoso.

No. 54. R. Flaved. cort. aurant. drach. II.

Sp. Sal. armon. anis. drach. I.

Aq. menth. piperitid. unc. IV.

M. cap. cochl. maj. omni trihorio.

No. 55. R. Magnes. alb. drach. I.

Rh. optim. drach. I. & semis.

Sapon. venet. scrup. semis.

Eleoss. foenicul. drach. II.

Ol. tart. p. d. gt. X.

M. F. pulv. d. scatul. dosis scrup. I. bis vel ter de die.

No. 56. R. Aq. stillat. menth. unc. II.

cinamon. unc. I.

Laud. liquid. Sydh. scrup. I.

M. omni hora cochlear majus.

No.

- No. 57. R. Rad. falabb. unc. semis.
 Diffolv. in aqua fervid. unc. VIII.
 dein add.
 Gumm. tragacanth. drachm. I.
 Syr. diacod. unc. I.
 M. capiat. cochlear majus omni bihorio.
- No. 58. R. Amyli. drach. III.
 Coq. in f. q. Lact.
 dein add.
 Ol. femin. lin. unc. I.
 Laud. liquid. Sydh. gt. XXX.
 M. F. clyfma.
- No. 59. R. Therebinth. V. drach. II.
 Vitell. ovor. No. I.
 Theriac. Androm. unc. semis.
 Lact. pur. recent. unc. V.
 Ol. fem. lin. unc. I.
 M. F. clyfma.
- No. 60. R. Cort. Symarrub.
 Cascarcil. ad. drach. II.
 Coq. in f. q. Aq. font. aa. unc. VIII.
 Col. add. Elect. Diascord. Fr. drachm. II.
 Aq. cinam. S. V.
 Syr. Alth. Fr. aa. unc. I.
 Dof. unc. II. omni bihorio
- No. 61. R. Liquor. terr. fol. tart. drach. III.
 Laud. liquid. Sydh. drach. semis.
 M. capiantur 50 gt. in vehiculo aquoso omni
 trihorio.
- No. 62. R. Ol. amygd. d. recent. p. unc. III.
 Succ. citr. unc. I.
 Sp. nitr. d. drach. I.

Syr.

Syr. Alth. Fr. unc. I.
M. omni trihorio cochl. maj.

No. 63. R. Laud. liquid. S. gt. XV.
Aq. ceras. nigr. unc. I.
Syr. diacod. unc. semis.
M. F. haustus una vice hauriendus.

No. 64. R. Rad. farfaeparill. unc. VI.
chin.

Lign. fassaf.

Raf. C. C. aa. unc. II.

Glycyrrhiz. unc. I.

Coq. in aq. font. cong. II. per horam dimi-
diam dein stent. clause super ciner. ca-
lid. per hor. 12 post ebulliend. ad tertiae
part. consumpt. cum primum ab igne
amoveat. infund sem. anis. unc. semis.
post horas II coletur liquor bibendus
affatim.

No. 65. R. Gumm. guayac. drachm. III.
Sapon. venet. drach. I.
Camphor. drachm. semis.
Aquil. alb. scrup. semis.
M. F. pil. singul. gr. III. quorum capiantur
tres ter de die.

No. 66. R. Sapon. venet. unc. semis.
digere len. igne in
Sp. vin. unc. IV.
dein add.
Camphor. scrup. I.
Ol. anthos. gt. XX.
M. fricetur eo pars affecta bis vel ter de die.

No. 67. R. Pic. naval. unc. IV.
Therebinth. ven. unc. sem.

Mastich.

Succin. aa. drachm. II.

Sulphur. commun. unc. sem.

M. F. emplast. ischiadicum.

No. 68. R. Essent. stib. Hux. unc. I.

Sp. Lavend. compos. unc. semis.

M. capiant 40 guttul omni bihorio.

No. 69. R. Rob. sambuc. unc. III.

Nitr. depurat. drachm. I.

Camphor. gr. X.

Oxymell. squill. unc. semis.

M. d. F. capiat. duo parva cochlearia omni bihorio.

Superbibendum infusum flor. sambuc.
vel et Arnic. more theae.



Corrigenda in primo Fasciculo.

P. 2 §. 3. Lin. 2. pro aucta leg. acuta. Pag. 2 §. 5.
 lin. 5. pro februm adesse l. febrim adesse. Pag. 3 ulti-
 ma lin. pro praesentim l. praesertim. Pag. 6 §. 15 lin.
 8. pro retractio l. refractis. Pag. 8 §. 19 lin. 2. pro
 indicatoria leg. judicatoria. Pag. 9 §. 23 lin. 3. pro
 praepediatus leg. praepediatur. Pag. 10 §. 24 lin. 8.
 pro quartanis leg. quintanis. Pag. 11 §. 27. lin. 3. pro
 despepto leg. dispepto. Pag. 11 §. 29 lin. 10. pro &
 leg. ob. Pag. 14 §. 37 lin. 1. pro stadiæ leg. stadio.
 Pag. 14 §. 37 lin. 5. pro durezza leg. durezza. Pag. 14
 §. 37 lin. 7. pro sectioni leg. sectione. Pag. 14 §. 38
 lin. 3. pro sortities leg. sordities. Pag. 15 §. 40 lin. 1
 pro cur leg. cum. Pag. 17 §. 40 lin. 11. pro Liniatura
 leg. Limatura. Pag. 19 §. 50 penultima lin. pro patho-
 que nomonicum leg. pathognomonicum. Pag. 23 §. 50
 lin. 9. pro pufat leg. pulsat. Pag. 23 §. 61 lin. 2. pro
 aut leg. haud. Pag. 25 §. 65 lin. 9. pro quanto leg.
 quarto. Pag. 29 §. 76 lin. 2. pro aget leg. eget. Pag.
 30 §. 80. lin. 2. pro loriniatri leg. loimiatri. Pag. 31
 §. 81 lin. antepen. pro loriniatros leg. loimiatros. Pag.
 37 §. 81 lin. 1. pro denuitate leg. tenuitate. Pag. 48 §.
 131 lin. 7. pro mixtus leg. mixtus. Pag. 49 §. 136 lin.
 1. pro fuit leg. fit. Pag. 50 §. 137 lin. 4. pro pares
 leg. pares. Pag. 51 §. 139 lin. 6. pro Taleolæ leg. Ta-
 leolas. Pag. 51 §. 140 penult. lin. pro aeris leg. acris.
 Pag. 51 §. 141 lin. 6. pro obridentis leg. obsidentis.
 Pag. 51 ibidem. pro instar leg. instat. Pag. 53 §. 141
 lin. 2. pro furibus leg. cruribus. Pag. 56 §. 159 lin. 6.
 pro totum leg. folum. Pag. 61 §. 159 lin. 5. pro cortis
 leg. costis. Pag. 70 §. 204 lin. 5. pro habenda leg. tra-
 denda. Pag. 70 §. 205 lin. 6. pro ante leg. arte. Pag.
 75 §. 205 lin. 1. pro noctu leg. metu. Pag. 78 §. 205
 lin. 1. pro perspicabilis leg. perspirabilis. Pag. ibid. §.
 227 lin. 8. pro grispastica leg. epispastica. Pag. 81 §.
 236 lin. 3. pro introrsa leg. nitrosa. ibid. §. 237 lin. 3.
 pro turunculi leg. furunculi. Pag. 85 §. 245 lin. 1. pro
 sirientes leg. sinenses. Pag. 85 §. 245 lin. 4. pro siriaca
 leg. siniaca. Pag. 88 §. 251 lin. 11. pro febris leg. fibris.
 Pag. 99 §. 277 lin. 2. pro medicor leg. medicorum.
 Pag. 103 §. 282 lin. 19. pro aere leg. acre. Pag. 111
 §. 294

§. 294 lin. 4. pro lythogala leg. zythogala. Pag. 117 §.
294 lin. 4. pro phrenicum leg. phreniticum. Pag. 119
§. 312 lin. 2. pro fisca leg. fusca. Pag. 120 §. 317 pe-
nult lin. pro ventricul. leg. ventriculum. Pag. 121 §.
320 in antepenult. pro aerugriofae leg. aeruginosae. Pag.
124 §. 326 lin. 7. pro palpitaciones leg. palpationes.

COMPENDIVM MEDICVM
PRACTICVM

P E R
FASCICVLOS DISTRIBVTVM

FASCICVLVS TERTIVS.

DEBILITATES
E T
HALLVCINATIONES

SISTENS

A V T O R E

SALOMONE THEOPH. DE MEZA,

MEDICINAE DOCTORE ET POLIATRÓ HAFNIENSI
SOCIETATIS MEDICAE HAFNIENSIS MEMBRO
ORDINARIO.



HAFNIAE,
APVD CHRIST. GOTTL. PROFT.
BIBLIOPOLAM VNIVERSITATIS.

1 7 8 0.



COMPENDIUM MEDICUM
PRACTICUM
PER FASCICULOS DISTRIBUTUM
FASCICULUS MORBORUM TERTIUS
DE
DEBILITATIBUS
ET
HALLUCINATIONI-
BUS.

C A P. I.
DE DEBILITATE IN GENERE.

§. 1.

Facultas exercendi omnes functiones sive naturales vitalesve, sive animales, sensusque omnes viribus unicuique homini propriis atque solitis imminuta aut impedita, Latinis Debilitas, Græcis Adynamia dicitur, quæ si diu durat ob minorem gravitatem, valetudo audit adversa.

§. 2. *Causa proxima quærenda in influxu fluidi nervosi a cerebro ad organa moventia sentientiaque, vicissimque ab hisce in sensorium commune impedito, & in fibrarum viscera & organa constituentium nimia laxitate, quæ vero varias agnoscunt causas remotas & occasionales. De fibrarum laxitate peculiariter legi merentur BOERHAVIUS & DE GORTER.*

§. 3. *Spirituum influxus tribus præcipue impeditur de causis in nervos, scilicet eorundem defectu, electricitate seu activitate horum fracta, demum & transitu impedito prior fit per evacuationes copiosiores quascunque sanguinis nempe, lactis in nutricibus, feminisque præ cæteris in neonuptis, venerisque cultui nimis deditis, morbum diuturniorem, nec non inediam diu toleratam.*

§. 4. *Spirituum electricitas frangitur, ab exhalationibus putridis, cadaverosis, narcoticis venenatisque, miasmate contagioso in morbis malignis, epidemicis, quibus addi possunt animi pathemata, uti terrores & moerores, quæ stuporem animæ inferunt: tum etiam vita sedentaria, unde foeminæ cæteris paribus viris molliores, potus calidus, somnus nimis protractus, alimenta tenacia, diæta crassa viscida & farinosa, tandem mollis admodum educatio. Inde ditiorum ac nobiliorum filii valetudinarii fere semper; e contra pauperum & rusticorum robusta atque vegeta existit soboles.*

§. 5. Spirituum transitum impediunt compressiones, ligaturæ, callositates, sectiones. Inde non raro humorum abundantia sive bonorum, uti in plethora, sive malorum uti in cacochymicis Cohæsiō vero partium minuitur ab earundem nimia distractione, uti in gravidis & his, qui ascite laborant. A nimio usu oleosorum & aquosorum. Inde facile intelligitur, cur carceribus inclusi, longis navigationibus detenti, soloque humido degentes adeo debiles.

§. 6. Præter causas memoratas sunt quædam debilitatem inducentia naturalem fere, uti ætas, dispositio hereditaria & sexus. Sic infantes & homines, quo origini suo propiores, debiles admodum, idque eo magis, quo a parentibus debilioribus magisque effoetis procreati. Ratione sexus foeminas præ viris imbecilliores esse jam supra innuimus.

§. 7. Debilitas ipsa morbus, feracissima morborum abstrusorum causa, malorum veraque lerna, quibus omnes actiones depravantur, læduntur. Inde enim fiunt prolapsus, herniæ & procidentia; distensiones, tumores, varices, aneurismata. vasorum rupturæ, contentorum effusio in pulmonibus hæmoptoës, in abdomine hydrops ascites, in vesica, urinæ incontinentia, in renibus diabetes. Infantes debiliores ob ossium mollietatem, nimiamque flexibilitatem, facillime spinæ dorsī distorsione & gibberositate afficiuntur. Foeminæ ob fibrarum laxitatem nervorumque nimiam mobilitatem hystericis spas-

modicisque affectibus plectuntur, viri hypochondriaco affectu nervorumque resolutione saepe laborant. Debilitas autem praecipue a nervorum compressione in cerebro oriunda producit delirium aliasque mentis hallucinationes; in oculis caliginem & visus hebetudinem; in auribus tintinum, susurrum & surditatem plenariam. A minimo motu, risu, tussi, sternutatione, clamore, animi commotione leviori, debilibus celerrime palpitatur cor, omnesque arteriae velocius pulsant, nervi vehementer vibrant, ut e tremoribus sibi valde familiaribus innotescit.

§. 8. Debilitas hic sola considerata absque alio viscerum vitio, aut ulla comite febris, si a penuria & inopia humorum replentibus curanda, videlicet lacticiis, ovis inprimis horum albuminibus, sufficiente aquae quantitate dilutis, jurebus carniū animalium teneriorum. Plethora, si adsit, sanguinis missione minuenda, cacochymia emeticis & catharticis, quo amplius functiones haud laedantur.

§. 9. Inertia solidorum corrigitur vini generosi poculo, frictione pannis, aromaticorum fumo imbutis, bis de die saltem instituta ad spinam dorsī, abdomen vacuo ventriculo & ad artus tam superiores quam inferiores; corporis exercitio arte gymnastica olim plurimi habita, hodie prorsus neglecta, singulis membris adoptato, declamatione, luctu, pilae lusu, cursu, saltu, funis leni agitatione & motu oscillatorio, gestatione in lectica, ventione in carpento molli, rheda, equitatione

tatione demum & deambulatione sensim auctis, a primo & leviori gradu incipiendo; nec non navigatione, qua antiqui praecipue ad phthisin curandam utebantur, medicamentis roborantibus, cortice peruviano, chalybe, aquis mineralibus. Fibrarum laxitas nullo efficaciori remedio roboratur corrigiturque, quam balneorum frigidorum prudenti usu, compressione & fasciarum apta circumductione.



C A P. II. DE VERTIGINE.

§. 10.

Vertigo levissimus capitis morbus & primus, uti videtur gradus, ad appoplexiam, ultimumve diu remanensque symptoma in affectibus capitis faciendis, apparens est rotatio objectorum quiescentium cum corporis mutatione & visus obscuratione non raro, unde & scotomia audit seu vertigo tenebrosa. Varii colores subinde, splendores subitanei ante oculos apparent, quidam hallucinatione, geminata vident objecta, cum ingrato tinnitu, bombo, susurru auriumve sibilo & veluti palustris currentis stridore molesto. Saepe cum nausea & vomitu, si morbus gravior, titubantes incedunt vertiginosi.

§. 11. Causa proxima spirituum motus inordinatus in nervis opticis praecipue, inde retinae e sua sede dimotio. Causarum remotarum numerus magnus quidem est, uti statim videbitur: si autem hae in ipso resident, capite idiopathicam sistunt vertiginem, sympathicam vero, si extra cerebrum. Critica in acutis praecedat haemorrhagiam salutarem; neque raro vomitus existit prodromus.

§. 12. Idiopathica autem censenda quae oritur vertigo ab ictu aliaque vi capiti illata, quae cerebrum commovetur, a contusione, vulnere, compressione, intropressionem partium, encephalon seu cranium constituentium, extravasato cerebri substantiam premente ejusdemque tumoribus, ferique collectione in ventriculis cerebri, quibus haud inepte addenda, quae plethoram topicam seu sanguinis congestionem ad caput faciunt, uti meditationes protractae, pulveris ptarmici abusus, insolatio, ira, calor hypocausti excedens.

§. 13. Sympathica ut plurimum originem habet in stomacho & primis viis, in ingluvie, uti praesertim apud infantes, crapula apud adultos, ebrietate, spirituosorum abusu, in copia bilis, vermibus in intestinis, haud vero in sinibus nasalibus nidum facientibus, corporibus haetereogeneis in ventriculo haerentibus, putridis ingestis, in usu immodico hyosciami, opii, belladonae, cicutae aliorumve narcoticorum, in venenis

nis deglutitis, quin in fame & inedia vertiginis tenebrosae latet causa frequens, quando & iracundia & moeror eidem junguntur.

§. 14. Metastatica quoque fit vertigo ab acrimonia quacunque arthritica nempe rheumatica, syphyllitica; tinea capitis retroacta, ulcerum exsiccatione intempestiva, evacuationibus sanguineis suppressis, serosis alvinisque retentis, nec non ab excretionibus quibuscunque copiosioribus & ab aere humido & austrina constitutione.

§. 15. Momentaria & transitoria saepissime sequitur vertigo: praerupta cernentes, profunda & praecipitia ex alto spectantes, ignem, rotam rapide agitatam, torrentem impetuose fluentem, nivem diu conspicientes, in altum scandentes, per semitas angustas in montibus locisque sublimioribus transeuntes. Praeterea fit saepe vertigo ex simplici capitis inclinatione deorsum terram versus, a tubarum clangore, tonitruis, terrae motione, corporis in gyrum rotatione, vectione in Rheda per viam interruptam, praesertim retrorsum sedenti; a navis agitatione in mare, e qua coeci ipsi, quamvis minus cito quam videntes, vertigine afficiuntur, demum a spirituosorum vapore, tabaci & carbonum fumo, calcisque recentis exhalatione.

§. 16. Vertigini obnoxii manent debiles, timidi, infantes, scorbutici, senes, feminaeque hystericae, praecipue & gravidae, quibus a plethora & mutata circulatione frequens occurrit,

aurifabris quoque frequens ob mercurium, quem tractant, lucubrantibus diu in prima somni accessione saepius fit vertigo.

§. 17. Aliquando medelam admittit; aliquando incurabilis est affectus & in morbum convulsivum in Junioribus, paralyfin aut appoplexiam transit in senibus & prae caeteris gravior est tenebricosa, quam simplex vertigo, item quae fit oculis quamvis clausis, idiopathica periculosior quam sympathica.

§. 18. Cura Vertiginis nulla datur generalis. Venae sectio etenim & arteriarum temporalium incisio non nisi in plethoricis locum habet, emetica & stomachica in cocochylia adhibeto. Indicans sit tibi nausea, vomitus & appetitus prostratus vertiginem praecedentia potius quam insequentia. Post emeticum MEAD, qui vertiginem magis ventriculi quam capitis morbum supponit, elixir vitrioli MYSICHTI laudat; infusum ligni Quassiae frigide post pastum epotum, remedium hic minime contemnendum. Cortex peruvianus, martialia, aquae pyromontanae potus optima. Cathartica & quidem mercurialia contra vermes in intestinis, pulvis ptarmicus ex Valeriana & nicotiana in naribus nidulantes commendantur. Semicupium tepidum stillando interrim frigidam supra verticem, vel caput frigida lavando multum valet ad congestiones topicas revellendas. A spirituosius per nares attractis malum saepissime augetur. Caeterum si nullius plethorae

thorae saltem topicae signa, capitis frictiones pannis spiritu C. C. succinato, vel aqua hungarica Ambutis instituere licet. Quae a plagis, percussionibusve capitis fit vertigo, tractetur chirurgica arte, non omissis evacuationibus generalibus. Si a materia acri ad cerebrum deposita cauterium inurendum & vesicatoria adhibenda.

§. 19. In Diaeta conducit, ut aeger in loco quiescat obscuro, vitet strepitum omnem, somnum capiat modicum capite erecto. In debilitate solidorum exercitium conducit quotidianum cum pertinentibus omnibus atque §. 9. enarratis; alimenta dura, indigesta flatus producentia improbantur, nec non intemperantia in cibis capiendis. Olera nimis aquosa, esculenta pingua, oleosa, fructus & acida nimis, noxia omnino. E contra apium, scorzonera, cichoreum, capparis, semen sinapios aliaque aromatica pro condimentis optima censentur. Potulenta quoque nimis aquosa damnantur, atqui haustus vini Madarensis, Mummae Brunswicensis interdum conducunt.



CAP. III.

DE APPOPLEXIA.

§. 20.

Subita neque raro lenta sensuum externorum ac internorum plenaria abolitio, pulsu & respiratione stertorosa ut plurimum, superstitionibus, Appoplexia medicis, sideratio latinis audit; a cerebri compressione per vasorum repletionem & infarctus in plethoricis; sanguinem aut serum, extravasatum, tumores, lapides, ossa aliaque plerumque oriunda, quo liber spirituum per nervos, influxus impeditur. Aliquando febris adest, aliquando, quamvis raro, spuma circa os pessimo quidem omine, foeces & lotium invite emittuntur ex sphincterum resolutione.

§. 21. Divisio Appoplexiae in serosam & sanguineam, quamvis haud inepta, cum maxima datur differentia in methodo utriusque medendi, minus accurata tamen videtur, cum & pituitaria, atrabilaria, purulenta, metastatica, arthritica; verminosa, hysterica per consensum occurrant.

§. 22. Quae subito invadit appoplexia, dictoque citius hominem quasi ictu aut fulmine percutit, fortis vocatur; quae autem lente & sensim obrepit, praecedentibus aliquandiu vertigine

gine, muscorum ante oculos obversatione, memoriae lapsu, dentium stridore, motu linguae imminuto balbutie loquela depravatione & tarditate, capitis dolore obtuso & tumida faciei inflatione, sopore inter cibum capiendum aut statim postea, oblivione mox dictorum, spontanea oculorum illacrymatione, stupore frequenti brachii vel pedis cum extremorum continua refrigeratione, lenta & levior dicitur.

§. 23. Collectio lenta humoris atrabilarii, scorbutici vel podagrici, leviolem adhuc affectum, ubi sensus vel motus leve vestigium remanet, parapoplexiam sistit. Sensus enim pereunt quidem, sed post momentum temporis iterum insurgunt; motus quoque abolutus videtur, sed conamen movendi manet: excitatus, vellicatusve aeger palpebras elevare conatur, quae mox iterum labuntur claudunturque.

§. 24. Quidam credunt omnes sensu & motu privari posse partes capiti suppositas, huncque affectum paraplegiam vocant, atqui rarissime si unquam occurrit & non nisi forsan a violentia externa spinae dorsi nuchaeve illata. A causa interna etenim vix concipi potest absque sensuum internorum laesione; unum tantum latus afficiens sensibus internis non penitus abolutis, haemiplegia nominatur; sed haec potius ad paralyfim & membrorum resolutionem referenda.

§. 25. Appoplexia corporis, fabricae ratione familiaris est labe hereditaria. capite gauden-
tibus

tibus magno colloque brevi; maxime plethoricis, cacochymicis, pituitaque repletis, habitu phlegmatico & obefiori praeditis; aetatis ratione senibus a quadragesimo ad sexagesimum annum praecipue; vivendi modi respectu doctis, studiisque aequo plus deditis, laute viventibus, potu spirituofo abutentibus, venereque nimia exhaustis, somno nimio praecipue a prandio indulgentibus. Anni temporis ratione circa aequinoctia & solstitia observante HIPPOCRATE fiunt appoplexiae plerumque ex nimio aeris frigore & sanguinis condensatione vel & spirituum fideratione non raro fit.

§. 26. Occasionales variae sunt causae, scilicet serosam & plethoricam inducentes appoplexiam. Hanc enim praecipue excitare valent epulae, ebrietas, irac motus, terror improvisus, aliaque animi pathemata validiora, sanguinis evacuationes consuetae suppressae, lactis repulsio in puerperis, decubitus supinus post coenam plenior.

§. 27. Serosam prae ceteris inducunt polyphagia, alimentorum dispeptorum ingestio, capitis refrigeratio in aëre humido & frigido, praeterquam multa, quae humorum congestionem circa caput adaugent, aerem & sanguinem intercipiunt circa praecordia, spirituum influxum in nervos cerebrum comprimendo impediunt; uti balneum frigidum corpori calido applicatum, insolario, carbonum halitus, spirituosorum vapor, narco-

narcoticorum usus, casus demum, lapsus ictusve capitis.

§. 28. Morbus est acutissimus, & si non transit in paralylin aut haemiplegiam plerumque intra quatrimum necat. Levior aliquando solvitur sudore calido, aequali diu subsistente, aut alvi fluxu copioso, vel lotio multo & pituitosum sedimentum dimittente; sive haemorrhoidum aut menstruorum fluxu largo restituto, vel febris magna superveniente, distinguenda quam maxime a febris illa appoplectica seu appoplexia periodice redeunte & typum tertianarium servante, quae statim si possibile, ac e constitutione epidemica innotescit, cortice peruviano supprimenda.

§. 29. Cura varia pro varietate causae instituenda. Sic in sanguinea copiosa requiruntur sanguinis missiones, in brachio, talo & jugulari, vel & arteriotomia temporalis & hirudinum applicatio & pone aures & ad tempora conducit. In serosa non tam copiosa requiritur sanguinis evacuatio. MEAD hic cucurbitulas cum scarificatione occipiti appositas laudat, & plus quam venae sectiones prodesse vires nequaquam labefactando cum ARAETEO statuunt quidam.

§. 30. Purgantia dein conducunt, quae perpetuam inducunt diarrhoeam in Sanguinea N. 1. notata, in serosa fortioribus, oleo ricini uti licet, clysteres acriores N. 2. non omittendi. Emetica in sanguinea quoque minus tuta, in pituitosa & praesertim post ciborum nimia copia ingurgitationem

tionem necessaria. In exhaustis & inertia fluidi nervei omnes habentur noxiae evacuationes.

§. 31. Vesicantia ad nucham, verticem derasis capillis, nec non ad dorsum & artus in serosa praecipue utiliter apponuntur, sed ubique melius quam ad furas, a decubitu enim humorum in senibus varia incommoda orta observata habentur. Raphanismi, sinapismi tutiores, tincturam cantharidam interne propinatam nullibi magis prodesse posse, quam in appoplexia pituitosa affirmat SCHACHT.

§. 32. Pannis asperis quoque vel scopis strenue perfricandae extremitates & spina dorsii: pediluvia tepida haud contemnenda, frigida interim imposita nudo capiti. Situs enim appoplecticorum optimus sessio in sede brachiata cruribus declivibus. Ligaturas supra genu injiciendas suadet TISSOT & alii. Excitari debent etiam appoplectici a colluvie serosa praesertim spiritu salis armoniaci naribus applicato, vel & pulvere sternutatorio No. 3. Appoplexia temulenta ex opio, optime acidis copiose ingestis curatur. A violentia externa capita illata repetitis venae sectionibus & catharticis, trepanatione aliisque auxiliis chirurgicis pertractanda.

§. 33. Appoplexia levior semel curata facile redit fortior lethalisque, prophylactice ergo venae sectio instituenda ter quater in anno, videlicet in plethoricis, temperantia & frugalitas in omnium rerum usu observanda: studia, curae, medi-

meditatio, somnus meridianus, decubitus supinus stomacho repleto & a coena praecipue omnino vitanda, fonticuli aperiendi in artus. Aegyptii referente ALPINO capitis inustione & cauteriis appoplexiam curant, in diaeta prophylactica omittantur allia, cepae, aer nebulosus, caro suilla salita; e piscium genere molliores, uti carpiones, tincac, cyprini lati damnantur. Alvus libera fervanda, fumi tabaci succio valet in pituitosis.

CAP. IV.

DE MORBIS CAETERIS
SOPOROSIS.

§. 34.

Morbi soporosi, somnive veternosi idiopathici praecipue quoad causas, effectus & curam cum appoplexia omnino conveniunt. Differentia enim exigua est & facillime hi affectus inter se commutantur. Tanquam leviores appoplexiae considerandi veniunt igitur lethargus, carus & coma, quod vero duplex, somnolentum scilicet & vigil; quod potius ad pervigilium & impotentiam dormiendi pertinet.

§. 35. Lethargus autem est somnus satis profundus non sine febris & cum oblivione maxima, nescit enim aeger se dormisse, & matula si
detur,

16 CAP. V. DE COMATE VIGILI,

detur, mingere obliviscitur; plerumque dormit demissa maxilla inferiori & ore hianti.

§. 36. Carus somnus est profundissimus, vix ne vix quidem excutiendus & appoplexiae proximus gradus, nisi quod inspiratio liberior & sine stertore procedit, aliquando phrenitidis est effectus.

§. 37. Coma somnolentum est propensio in somnum, a quo quidem evigilari potest aeger ab objectis externis moverique, atqui mox iterum in somnum relabitur. Saepius est symptoma febrile; hisce affectibus similes sunt somni illi chronici & Eudyomeniei quasi, qui ab observationum collectoribus traduntur.



C A P. V.

DE COMATE VIGILI, PER- VIGILIO SEU AGRYPNIA.

§. 38.

Contrarii praecedentibus affectus sunt coma vigil vel Typhomania, pervigilium & Agrypnia. Prior qui & lethargus spurius dicitur, propensio est in somnum, nullo tamen insequente somno cum oculis conniventibus, delirio & insomniis. Subito enim oculos aperiunt torvo adspectu, clamant & incongrua loquuntur.

§. 39.

§. 39. Pervigilium status est, quo aegri nullo modo somnum capere possunt, neque noctu; neque interdiu absque delirio; in initio saltem, ominosum est symptoma in quam plurimis morbis acutis & chronicis & ad mortem certo certius ducens, uti multiplici experientia comper- tum habeo.

§. 40. Caeterum pervigilium diu durans spiritus consumendo, cerebrique functiones turbando, corpusque quam maxime debilitando, febres pessimas producit cum delirio semper comi- tatas; demum in comā & apoplexiam transit. Critica est aliquando in acutis et haemorrhagiam praefagit salutarem, quam statim somnus exci- pit placidus.

§. 41. Somnum proxime impediunt & agry- pniā inducunt, sanguinis congestio ad caput, eiusque motus major. Ejusdem rarefactio, et pul- satio inde aucta arteriarum, motusque spiritu- um inordinatus, quae iterum remote a varia multiplicique causa.

§. 42. In harum censu veniunt quodvis irri- tans sive cerebrum sive alias partes ab encephalo distitas, qualia sunt acria mechanica, pungentia, fracturae, contusiones, vulnera, lithiasis, & alii dolores vehementiores, spasmi generales & topi- ci; acrimonia quaecunque scabiosa, arthritica; febres, inflammationes, plethora, evacuatio- nes suppressae, retentae; infimi ventris infar- ctus,

ctus, ventriculi nimia repletio, tormina in infantibus.

§. 43. Levioris momenti est agrypnia, quae inferiorum corporis partium frigori, tepidorum aquosorum potui, vespertino tempore, vini, cerevisiaeque generosioris usui, animi motibus & curis debetur. Caeterum hypochondriaci & hystericae praecipue pervigilio laborant. Senibus quoque familiaris.

§. 44. Ut cura rite instituat, corporis & animi quies commendanda, aeger in loco obscuro & ab omni strepitu remotissimo collocandus, ubi aërem frigidiusculum exhalationibus plantarum refrigerantium refertum respiret. Victus blandus farinosus exhibendus, medicamenta temperantia, humectantia, emulsiones ex seminibus frigidis, anodyna leviora ex papaverinis, non autem narcotica danda, & ex observatione SYDENHAMI constitit, linteum aqua rosarum stillatitia madidum, & frigide fronti ac temporibus adhibitum plus prodesse quam ipsa narcotica. Infessus etiam, pediluvia ac fots pedum tepidi^o emollientes plurimum laudantur. In alvo obstructa, cathartica & clysteres juvant. Coma vigil tanquam quid complicati secum portans, armis contrariis oppugnandum, & ex prudentia medica nunc excitantia, nunc vere anodyna propinentur.



CAP. VI.

DE PARALYSI ET HAEMIPLEGIA.

§. 45.

Motus sensusve vel uterque simul, sive totaliter aboliti, sive multum imminuti in membro quovis peculiari Paralysis dicitur; levior affectus paresis est. Insensibilitas momentanea cum fornicationis sensu stupor & membrorum audit obdormitio, sensus deficiens anæsthesiam, (de sensu amisso mira quidem referuntur) motus tantum deficiens artheniam sistit. Mirabilis est affectus a SENAC visus, quo aeger insensibilitate unius, immobilitate vero alterius afficiebatur brachii. Unum latus affectum haemiplegiam, omnes partes præter caput, paraplegiam seu paraplexiam constituit. Palpebrarum superiorum præsertim paralysis & elongatio, antoniato blepharon; gulæ & oesophagi, angina paralytodes medicis vocatur.

§. 46. Pro varietate partis paralyticae varia fiunt incommoda; sic in oculis caecitas; in auribus surditas; in uvula ejusdem relaxatio; in gula deglutitio impedita fluidorum potius quam solidorum: in lingua loquelæ depravatio; in musculis faciei distortio oris, cum manducationis læsione, in pulmonibus suffocatio præceps; in

corde mors inopinata, in ventriculo & intestinis vomitus & alvi fluxus varii; in sphinctere vesicae urinae incontinentia, in corpore ipsius ischuria totalis; in sphinctere ani ejusdem procidentia, cum excrementorum alvinorum involuntaria excretionem, in utero ejusdem prolapsus; in musculis erectores penis impotentia virilis membrisque erectionis impossibilitas; in extremitatibus inferioribus ambulandi impotentia & incessus quam maxime difficilis, qualis ille est affectus Indis, endemias fere & incolis Beriberi nuncupatus, quo, quos malum istud invasit, uti habet BONTIVS nictando genibus ac elevando crura tanquam oves progrediuntur. Ab aliis idem affectus scelotyrbe dicitur, saltem parum ab eo differre creditur. Motus in utroque praecipue perit.

§. 47. Causa proxima fluidi nervei influxus per nervos impeditus. In paraplexia illud impedimentum praecipue existit in nervis e medulla egredientibus spinali. Caeterum laedi possunt nervi in ipso cerebro & in ipsis organis ut inde sequatur ligamentorum resolutio & membrorum motui inservientium summa relaxatio. Nervorum laesio a variis iterum produci potest, five generalibus, uti omnia, quae Apoplexiam creare valent, de quibus egimus capite tertio, five magis peculiaribus jamjam recensendis.

§. 48. Remotiores igitur & particulares causae paralyfim omnesque ejus species inducentes referuntur a me, ad corporis fabricam & constitutionem, five fluida five solida spectes;
ad

ad vivendi rationem; ad gesta & ad ingesta corporive applicata.

§. 49. Ad corporis fabricam & constitutionem pertinent, sanguis viscidus & inflammatorius in quibusdam morbis acutis, plethora ipsa, peripnevmonia & tumor pulmonum; indoles scorbutica, ventriculi & intestinorum debilitas; graviditas teste PERCIVAL, hepatis infarctus, colica pictonum, quam specificè extremorum superiorum sequitur paralytis, pedibus enim paralytice captum, neminem se vidisse a colica Daninoniorum testatur HUXHAM. Immobilitas potius inferiorum extremitatum sequitur in pueris aliquando a curvatura spinæ dorsi, nunc prope costas, nunc prope lumbos. Hisce addenda veniunt miasma venereum, gonorrhoea, tinea ob intempestivam curationem corpori noxia; dolor & convulsio partis diu tolerata, inde sæpissime ab ischiadico remanet morbo.

§. 50. Ad vivendi rationem referuntur argenti vivi tractatio, unde Metallurgis, deauratoribus, aurifabris, chemicisque morbus familiaris. Ex pallio humido cervici circumvoluto paralyfim vidit GALENVS; ex pileo humido diu capiti imposito vidi paralyfim musculorum faciei, inde facile intelligitur, cur piscatoribus, natatoribus haud infrequens paralyfis.

§. 51. De gestorum censu sunt, pedum sudantium subito in frigidam immersio, animi affectus vehementior, ira scilicet, decubitus super

marmore aut lapide frigido, venus nimis culta. Ad ingesta & applicata pertinent victus humidus, venena varia narcotica; ex usu belladonnae interno refert LUDWIG, quin ex eadem externe applicata vidit RAJUS. Pupillae paralyfim, hacque amota, ejusdem restitutam mobilitatem tribus distinctis vicibus eodem semper cum eventu. Pertinet & hic tactus piscis *Torpedo* dicti, exhalationes saturninae, calcis recentis, aër frigidus humidus & calidus nimis.

§. 52. Paralyfis nunc Apoplexiae prodromus, nunc pedissequus, hic minus, ille magis periculosus affectus. In senibus tamen vix curatur, in aetate vero florida & tempore verno non raro artis ope, & aliquando sponte sanatur. Caeterum pes paralyticus facilius quam brachium restituitur. Saepius vero pars affecta atrophia contabescit, neque raro oedemate tumet, quod si hic tumor sponte subsideat, brevi mors instat.

§. 53. Verum enim vero paralyfis cerebro illaeso, neque convulsionibus stipata diu durare potest absque vitae periculo, quidam satis bene se habent, edunt, bibunt, dormiunt, variasque functiones actionesque satis commode, alacriter quidem nec sine oblectamento peragunt, alii iterum per plurimos annos lecto affixi manent de reliquo bene valentes. Paralyfis autem organa animalia, vitalia & naturalia afficiens periculosa valde & cito lethalis. Angina paralytodes rarissime si unquam sanabilis, sanatam tamen elapso

pfo integro anno refert STALPART VAN DER WIEL.

§. 54. Diarrhoea sponte oborta interdum in juvenibus solvit paralyfim; meliorem etiam statum promittunt dolor, fenfatio, tremor, calor major & formicatio membro paralytico fupervenens; e contra haec eadem in corpore fano & fenili, invadentem jam statim paralyfim praefagiunt. Febris hic oborta boni etiam eft augurii, quin terror improvifus aliquando fanationem huic attulit morbo. DIEMERBROCKIUS vidit paralyfi per 38 annos laborantem foeminam dein fulmine perterritam per 15 alios annos fanam.

§. 55. Arte curatur venae fectione instituta in primo principio, in juvenibus plethoricis fpeciatim; emeticis fi fordes in primis viis, aut venena nuper ingefta. Catharticis No. 4. quae diu continuanda, ut perpetua fere excitetur diarrhoea. In fenibus tamen caute cum evacuationibus procedendum; medicamentis ftimulantibus, calefacientibus, infuso faturato Arnicae, pulvere radicis Valerianae filveftris, corticis peruviani, fucco 50 millepedum recenter contritorum & vino tenuiori mixto atque omni mane epoto, uti fuadet BOERHAAVIUS, oleo cajaputi, animalis Dippellii ad guttulas aliquot pro dofi ter quater de die. Mercurialibus in lentefcentia humorum, vermibus & venereo contagio.

§. 56. Varia auxilia externa & topica minime contemnenda adhibentur a practicis in paralyseos curatione. Primo quidem commendat TRONCHIN, ut in evisceratis recens animalibus resoluti detineantur artus, tepidus ille fatus, cui nullus par est, saepius repetatur. Analoga videtur huic methodus medendi Indorum, qui, referente LIND, aegrotos Beriberi affectos in fossam ad nucham demittunt, teguntque fabulo, donec graviter incalescat a sole. Thermae aquisgranaenses, carolinaeve commendari possunt divitiibus, modo caput non sit affectum.

§. 57. Contrariam viam incedunt, qui MEADII ad exemplum crebram corporis infrigidam laudant demersionem in hoc affectu curando, nimirum si vires & aetas id sinant; non pariter enim, uti habet: „Senio confectis ac juvenibus prodest haec medicina,“ curavi ipse ego aliquando juvenem pedibus resolutum fere, a nimio feminis dispendio per balneum frigidum. Stillicidia quoque aquae sale ammoniaco impregnatae in partem affectam ab alto delapsa, saepius juvisse certum est.

§. 58. Per sudorifera sive interne ex decocto guayaci cum camphora parato, sive externe per vapores spiritus vini accensi flamma determinata ad partem nudam ipse expertus sum optimo successu in paralyfi artuum inferiorum, ad omnia rebeli. A primo balneo cubitum iturae instituto tantum solaminis consecutum fuit, ut aegra pedibus.

bus capta ultra annum, a lecto sola exfurgere potuisset sequenti mane, verissimum ergo esse effectum BOERHAVII patet, sc. „si hoc remedium non curat, etiam nocet, & hoc prima vel secunda vice jam patet, „vix per pauca minuta vapor ille calidus penetrabilissimus corpus alluit, calefcere incipit, sudorque tanta copia manat, ut vix per horam & quidem satis aliter robusti homines sustinere valeant hanc operationem. Optimum est alternis noctibus sudorem hoc methodo movere, spatioque 15 dierum cura absolvitur. Praestat vero semper medicum adesse, uti mihi mos est, dum talis sudat aeger, utpote pro re nata judicet, quousque pergendum sit. Ad prima enim indicia debilitatis desistendum. Hoc facto & linteis calidis corpore deterfo in lectum calidum deponatur aeger. Sicque levius adhuc sudabit per unam alteramve horam exhibito praesertim vini haustu. Aër, in quo sudat aeger, sit hypocausti ope probe calefactus.

§. 59. Topica magis sunt urticationes, fustigationes partis uti & frictiones pannis laneis fumo thuris, mastichis, olibani & succini impregnatis. Electricitas, quae ut obiter dicam, cum thermis aliisque stimulantibus, in juvenibus & valde plethoricis non satis tuta. Commendantur etiam vesicantia, fetacea, fonticuli, qui medici angli praecipue cruribus inurant in illa paralyseos specie, quae in pueris fit non raro a curvatura & distorsione vertebrarum §. 49. notata cauterium actuale inter primam & secundam verte-

bram cervicis adhibitum miro modo extollit ERUBELLIVS & hoc familiare esse in paralyticis apud Aegyptios testatur ALPINUS.

§. 60. Inungere quoque jubent medentes membra paralytica unguento nervino No. 5. vel & linimento volatili vel & sapone veneto, in aqua hungarica soluto, additis guttulis aliquot olei animalis Dippellii. Monendum autem, quod in paralyfi musculorum faciei ad latus quo versus muscoli constringuntur & os torquetur non adhibenda inunctiones cum volatilibus, & aromaticis, inde enim oris distorsio potius augebitur, ergo ad oppositum latus applicentur. - Quod si haemiplegia adest, facile innotescet ex brachio & crure immotis. In linguae paralyfi gargarisma, seu colutio No. 6. commendandum saepius in ore detinendum & agitandum demum, & cucurbitulae & sinapismi inter externa valent.

§. 61. Diaeta paralyticis adornanda, ut degant sc. in aere calido, sicco & puro; cibus sit eupeptus ex carnibus assatis, in primis ferinis, avium montanarum, aromatibus, allio, sinapi conditus; potus vinosus ex vino Madarenfi, cretico, cerevisia Brunswicensi; somnus non diu protrahendus, animi pathemata violentiora fugienda; caro cocta, brassica & olera aquosa vitanda, exercitium quotidianum, praecipue vectio in rheda, quam maxime utilis, necessariave.



CAP. VII.

DE LIPOTHIMIA SYNCOPE,
ASPHYXIA.

§. 62.

Motus cordis valde imminutus cum animi defectiōne, sensibusque sive internis sive externis plus minusve abolitis, pro varietate gradus minoris, majoris maximique, Lipothimia, Syncope & Asphyxia dicitur: in priori gradu pulsus valde parvus percipitur, in altero plane intermittit, in tertio denique sudor etiam manat frigidus viscidusque, pallor adest summus, aegerque mortuo potius, quam vivo similis jacet.

§. 63. Praecedere solent aliquando cardialgia, anxietas & praecordiorum oppressio, mentis perturbatio & sensuum confusio, visus obscuratio, aurium tinnitus, vertigo; aliquando subito invadit & vis vitalis supprimitur absque ullo praemonitore, quod praecipue in suspensis, submersis & suffocatis.

§. 64. Causa proxima motus cordis & artiarum vacillans quod iterum debetur cordis multiplici laesioni, sc. tumoribus, polypis, ossificationi, vulneribus, abscessibus ulceribusve, moli auctae vel imminutae, pectoris hydropi, pericardii ad cor accretioni, aneurismati, quae fluidi

di nervei cursum per nervos cardiacos impediunt.

§. 65. Infinita iterum hisce addenda externa accidentalave, sc. evacuationes magnae, nimis longa diuturnaque spiritus vini accensi vapori expositio, inanitio, unde in fine phthiseos adeo terribilis; fames, inedia, aquae evacuatio in hydropicis, puris in empyematicis; foetus exclusio in puerperis statim a partu, sustentaculo ablato neque fasciis abdomini injectis. Plethora, ventriculus ciborum copia repletus, lac in stomacho coagulatum, esus anquillarum fungorumve; animi affectus, terror; timor inde saepius ante sanguinis missionem ligato tantum brachio: abscessus seu vomica rupta in pulmonibus respirationem inhibens; eodemque fere modo asphyxiam & mortem ipsam inducunt nidores & exhalationes putridae, carbonum fumus, moschi, rosarum odor in foeminis hystericis, pomorum odor diosinerasia peculiari; exhalationes fermentantes vini, musti; morsus animalium venatorum, nervorum punctura. Tum & exercitium violentum diutius protractum, potus frigidus corpore nimis calido haustus.

§. 66. Lypothimia ut plurimum levi de causa afficiuntur hystericæ, gravidæ, neonati partu laborioso enixi, pueri vermibus laborantes, scorbutici, cancro & gangraena affecti, morbo diuturniore exhausti, & contagio febris mali moris correpti statim ad morbi accessionem.

§. 67. Quo frequentius redeunt, quovis diutiusdurant, quo vehementius fiunt, eo periculosiores Lypothimiae. Qui saepius & fortiter, inquit HIPPOCRATES, sine causa manifesta animo delinquant, subito moriuntur. In hystericeis tamen saepius contingunt absque praesentaneo vitae discrimine.

§. 68. Patet autem aliquando tolli, aliquando prorsus non auferri posse. Excitandi sunt tamen omnes asphyctici & ad vitam revocandi, si possibile, atque varia arte variaque methodo pro varietate causae subjective. Ita ut a neonatis incipiamus, digitus faucibus immittentibus, nares penna irritandae. Vini calidi haustulus praebendus, corpus vino & aceto calido mixtis lavandum, epithemata calida vinosa cordi carpisque imponenda; clyisma salinum injiciendum: aer ex calido ore pulmonibus inflandus, demum & mammae sinistrae praecipue fuctio commendatur quam maxime.

§. 69. Pueros verminosos a Lipothimia excita panis calidi, alliique odore, spirituosus ad nares applicatis, dein anthelminticis vermes aggredere. Hystericae optime levantur a vapore nidoroso assae foetidae, plumarum combustarum, frigidae in faciem aspersione, vestimentorum solutione & omnis compressionis strictionisve amotione. Quique a phlebotomia animo linqunt, melius se habent a situ horizontali & a decubitu in lecto, quin & prophylactica juvat, quod decum-

decumbentibus in tali constitutione semper fiat venae sectio.

§. 70. De submersis quam plurimis & aqua post pauca momenta extractis exempla habentur, quod pseudomortui ad vitam revocati fuerint, tali arte nempe, dum vestimenta humida exuuntur & cineribus, arenae, sali calidis, vel & pellibus animalium recens mactatorum imponuntur, ipsi variae fiunt corporis concussionēs, frictiones spinae dorsi & artuum pannis duris scopisque rigidis. Balnea tepida instituuntur, si corpus non congelatum aut a frigore rigidum flatus clausis naribus ori follibus inflatur, penna faucibus immissa vomitus proritatur, clyσμα aere ex fumo tabaci ope tubi anglici injicitur; vena in brachio aut jugulo inciditur non phlebotome, sed lanceola, ut profundius vulnus infligatur. Naribus spiritus salis ammoniaci supponendus orique injiciendus. Statim vero ac deglutitio possibilis; emeticum exhibendum ex solutione tartari emetici in oxymelle squillitico.

§. 71. Suffocati a fumo sulphuris, carbonum, vaporibus mephiticis, in aere libero frigidiusculo collocandi, aqua frigida in faciem inspergenda, vestes exuendi & in remotiori loco aservandi, vel potius omnino rejiciendi. Asphyctici ipsi aceto lavandi, sic etiam excitandi ab opio syncoptici, acetoque interne replendi: cucurbitulae magna flamma umbilico apponendae. Fumus tabaci hic minus aptus, rectius vero

vero censetur in suffocatis a spirituum fermentantium exhalationibus. In suspensis laqueo soluto venajugularis incidenda. Asphycticum frigore rigidum aut congelatum, nive, glacie vel aqua frigida prudenter involvendum. Ad prima vitae signa, tepidiori jam utendum eidem scopo. Dein ut in submersis procedendum. Omnibus incassum tentatis cauterium actuale plantis pedum adhibendum vel acus sub unguem intrudenda.

C A P. VIII.

DE HYSTERICA PASSIONE.

§. 72.

Hysterica passio, inquit GALENVS, unum quidem est nomen, varia tamen & innumera accidentia sub se comprehendit. Symptomata enim omnium pene aliorum morborum aemulatur, pro varietate partis, quam occupat. Quidam uti WHYT, SYDENHAM, PURCEL statuunt eundem esse morbum ac malum hypochondriacum in viris. Atqui cum ultimus hic morbus ut plurimum infarctui viscerum abdominalium & praeteris lienis obstructioni tribuatur, ille vero summae nervorum mobilitati sensibilitatique, indeque spirituum ataxiae ortae, praeterea quaedam sint unicuique affectui propria phaenomena,

quae

quae in altero non observantur, utrique peculiare placet concedere caput, praeceuntibus HOFFMANNO & TRALLEGIO, qui distinctum ab hypochondriaco morbum faciunt hystericum.

§. 73. Corporis fabrica delicatior, labes hereditaria, morbi diuturniores, evacuationes menstruum profusiores, leucorrhoea, abortus frequens, intemperantia in sex rerum non naturalium usu, animi motus, amor clandestinus, veneris desiderium, vita nimis sedentaria, mora diuturna & habitatio in solo humiliori, aereque calido & humido, eruptiones cutaneae male curatae, ulcerum intempestiva consolidatio, mensium emanatio, haemorrhoidum suppressio, vermes in intestinis nidulantes ad irritationem systematis nervosi disponunt seu ad hysteriae causam proximam.

§. 74. Paroxysmum saepissime excitant inconueniens abdominis per thoraces arctiores compressio, odores suaves, quales spirant moschus, Zibethum & similia. Pertinent quoque ad causas remotiores, tumores & uteri obstructions, ovariorumque & aliorum viscerum, sed complicatiorem reddunt morbum potius ad hypochondriacum affectum referendum. Virginibus debilioribus, innuptis viduisque junioribus familiaris est hystERICA passio.

§. 75. Hystericæ afficiuntur cordis palpitatione, spasmodica faucium constrictione, globo sic dicto hystérico, qui perperam utero ascendenti

denti adscribitur. Tremoribus, neque raro singultu, visus obnubilatione, taedio, pandiculatione, suspiriis frequentibus, dolore ad occiput, clavo hysterico seu dolore in temporibus fixo, cum illacrymatione involuntaria, risu invito & absque ulla prophasi, quem iterum excipit flatus talis, quin & canum latratum & galli cantum imitantur, ut indocti incantamentum vocent & a daemone obsessas credant. Nullibi vehementius hoc affectu foeminas affici puto, quam Hollandiae. Memini enim, dum adhuc in patria essem, me plurimas pessime mulctatas vidisse & inter caeteras virginem e generosa oriundam stirpe, alternatim per tres integros dies aphonam, per alios tres coecam, iterumque per alios tres surdam omnino. Paroxysmo autem sedato miseram & languidam trahebat vitam, magnis divitiis undique circumfusus, donec nova recurreret accessio, quod aliquoties in anno contingebat.

§. 76. Praeterea flatibus & borborigmis saepius vexantur, vomitu omnium ingestorum, alvo immorigera, abdominis intumescencia, odontalgia; aliquando excitatur tussis titillatoria sine expectoratione, dolores colici nephritidem aemulantes, mictio difficilis. Subinde convulsiones, animi deliquium supervenit, quod lassitudo, levis lumbago cum frigoris sensatione per dorsum assurgente & nervorum tremore praecedere solent; hoc autem animi deliquio non prorsus omniprivantur sensu, ut plurimum enim audiunt, quae adstantes loquuntur, at vox perit nec respondere

dere valent ad quaesita, pulsus est parvus, extrema frigent, facies pallet, anhelatio cum roncho, non nunquam somnus insequitur lethargicus ad aliquot dies durans: quin & vera Asphyxia seu mortis imago. Redeunt ad se pulsu sensim fortiori insurgente, colore naturali faciei redeunte cum insequente ructuum explosione, respiratione profunda, loquela. Ptyalismum nonnunquam eo gradu passas vidi post SYDENHAMVM, ut mercurio delibutas facile crederes. Sudoribus saepius solvitur accessio. Urina limpida, pallidissima signum pathognomonicum paroxysmi hysterici.

§. 77. Cura altera in paroxysmo, altera extra paroxysmum instituenda. Venae sectio in paroxysmo vehementiori & ubi adest plethora non inutilis aliquando. In clavo hysterico pediluvia, tempora aceto lavanda, hoc quoque per nares attrahendum. Clyisma ex aceto aquae mixto, solutione assae foetidae laudatur. Pro vomitu sedando valet antemeticum Riverii. In summo erytismo & abdominis meteorismo emplastrum de galbano umbilico apponendum. Opium summum remedium est in hoc affectu. E Lypothimia excitandae hystericae nidore assae foetidae, aqua frigida in faciem conspersa; concursus hominum & accessum plurimarum foeminarum simul praepediendo, ut atmosphaera, in qua versatur aegra, purior maneat. Situm horizontalem commendando. In convulsionibus cura adhibenda, ne caput

CAP. IX. DE HYPOCH. AFFECT. 35

put durioribus allidant, caeterum manuum pollices leviter non vi distendendi.

§. 78. Extra paroxysmum laudatur exercitium modicum & praecipue equitatio in aere sicco puro: pro debilioribus conducit funis oscillatio; usus continuatus corticis peruviani, aquarum chalybeatarum & balneorum frigidorum. Specifica hysterica sunt assa foetida, sagapenum, moschus, castoreum, opium, oleum cajaput prudenter administrata. Ubi febris adest, nihil praestantius quam decoctum saturatum corticis cum liquore anodyno minerali. Caute cum sanguinis missionibus, emeticis & purgantibus caeterum in hystericis mercandum. Potus thea nocet, tutius conceditur interdum poculum vini vel cerevisiae generosioris. Legitimum innuptis, viduis virginibusque junioribus suadendum matrimonium.



CAP. IX.

DE HYPOCHONDRIACA AFFECTIONE.

§. 79.

Antequam ad descriptionem hujus morbi accedamus, necesse est, quam maxime distinguere inter hypochondriam spasmodicam mereque nervosam & sine materia, atque hypochondriam

cum materie dictam: haec enim potius ad melancholiam pertinet, de qua mox, materiam atrabiliariam pro causa agnoscens, viscera abdominalia infarciem & systema venae portarum occupantem. Illa potius convenit cum malo hysterico, quatenus in utroque symptomata varia excitantur, unice systemati nervoso irritato tribuenda. Cujus causa vel in ipsa solidorum fabrica, vel forsan in aliqua lymphae depravatione quaeritur, deque hoc affectu recte dicit MEAD, non unam aliquam sedem habet malum, quod hypochondriacum dicitur, sed totius corporis est morbus.

§. 80. Saepissime morbi latet origo in acido copioso primas obsidente vias, vita otiosa, diaeta crassa dura, acida, leguminosa flatulenta, studiis continuis, lucubrationibus longis, materia arthritica, quae chilificationem turbant, sanguinem creant vapidum, lympham inertem & remoram injiciunt sanguini circulanti in systemate venarum portae.

§. 81. Hypochondriaci multum eructant acidi: anxietatibus, spasmis, doloribus ventris, flatibus, alvo constipata, aliquando nimis laxa, stomachi languore, abdominis inflatione cum praecordiorum oppressione, pulsu exili, colore faciei fusco, calore in volis manuum, hecticorum ad instar digestionis tempore, aliisque haud raro extraordinariis vexantur symptomatibus. Appetitus ciborum modo languet, modo viget nimis, murmura audiuntur intestinorum, liquor
limpi-

limpidus subfalsus cum nausea saepe ex ore fluit.

§. 82. Praeterea taedio summo afficiuntur, morosique sunt, de leviori incommodo queruli nimis, minimique mali impatientes, valdeque solliciti & anxii de propria valetudine, de vitaque se certo periclitari credunt, desinit aliquando in melancholiam & maniam. Urinam saepe emittunt aqueam. Certa experientia mihi constat hypochondriacos vere & quidem magis autumnus pejus sese habere. A coena pleniori haud satis tranquille dormire, insomniis tetris tristibus torqueri maneque evigilantibus caput dolere. Flatus catervatim sursum ac deorsum explosi, subinde levamen omnium afferunt symptomatum, interdum tussi sicca vexantur diucontinuante.

§. 83. In curatione conducit primum primas expurgare vias decocto No. 7. in ipso paroxysmo validiori, solvetur alvus clysmate emolliente, vel cathartico salino, aut haustu aquae Seidllicensis; nihil enim aequè conducit quam alvus quotidie soluta. Venae sectio aliquando necessaria in plethoricis saltem, quaeque in similibus semper prophylactice circa aequinoctia instituenda; evacuatis evacuandis, tonus fibrarum firmandus ope martialium, aquarum mineralium, corticis peruviani, radicis ligni quassiae ab Anglis laudatae. Corporis exercitii, cui scopo nihil salubrius quam assidua equitatio. Per fonticulum in brachio apertum curavi aliquando hypochondriacum.

§. 84. In Diaeta, viscida, dura, tenacia fume ficcata fugienda, ab acidis abstinendum, nec non leguminosis flatulentisve. Studia protracta praecipueque lucubrationes cane & angue pejus vitentur.



CAP. X.

DE DELIRIO ET MENTIS
ALIENATIONE.

§. 85.

Mentis aberrationes aut Hallucinationes pertractaturus, de delirio in genere quaedam in antecessum praelibare licet. Idea autem nata in homine vigilante, objecto externo haud respondens, sed ab interna cerebri dispositione mutata pendens absque voluntatis imperio delirium est.

§. 86. Varias quidem deliriorum dantur species, quibusdam enim concomitatur febris, uti in phrenitide & aliis febribus continuis sive putridis sive non; quaedam iterum sunt prorsus sine febre iterumque dividuntur, sive febrilia, sive apyreta in ferocia & mitia. Ex febrilibus ferox est delirium in phrenitide aliisque febribus inflammatoriis; mite & obscurius in febribus putridis & malignis, atqui de hisce oportuniore jam egimus loco.

§. 87.

§. 87. In non febrilibus ferocia sunt Mania, Hydrophobia, Nymphomania, Tarantismus, minus vero est Melancholia. Praeter delirium febrile, phraenitidem & hydrophobiam, caetera sunt plus minus chronica, aequabilis spirituum fluxus hic vel perturbatus, vel horum copia imminuta vel demum horum indoles depravata est.

§. 88. Haec iterum induci possunt a plagis & ictibus capitis: animi passionibus gravioribus, fero acri cerebrum vellicanti, evacuationibus quibuscunque profusioribus, studiis severioribus, morbis vires exhaurientibus. A febris intermittente notavit SYDENHAM maniam non evacuanti- bus, sed cortice peruviano curatam, similem casum habui. A philtris, narcoticis, venenis, ab atrabili, a morfu tarantulae, canis rabidi, aliorumque animalium venenatorum, a materia acri in cerebro retenta, uti in fine variolarum phthiseosque. Caeterum causae non semper in cerebro existunt, sed in caeteris corporis partibus a cerebro remotis, uti patebit in singulorum descriptione.

§. 89. Praecipuae Delirii species sunt: Melancholia, Mania, Nymphomania, Daemonomania, Tarantismus, Hydrophobia & Sonambulismus. Melancholia delirium est constans circa unum, variam sibi imaginantur aegri ob phantasiam depravatam, sic sunt, qui lupos, qui canes se credunt, inde lycanthropi & cynanthropi vocantur. Alii desiderio in patriam redeundi fla-

grant insuperabili, qui affectus Nostalgia nuncupatur. Mania delirium est ferox chronicum, sine febris ex omnimoda mentis alienatione, cum audacia, miroque virium incremento. Nymphomania in foeminis est infatiabilis coitus appetentia; idem affectus in viris satyriasis dicitur Daemonomania, Delirium. Simulatum est aut verum, quo se a Daemone, malove genio obsessos credunt aut fingunt aegri. Varia praedicant supernaturalia, vates agunt, linguas ignotas antea loquuntur. In Tarantismo saltandi amor, in Hydrophobia aquarum timor fit. Sonambuli dormientes tanquam vigilantes varias edunt actiones variisque sese exponunt periculis.

§. 90. Cura vario instituenda modo, nunc minis, verberibus, nunc verbis blandis, humanitate, severiorique interdum disciplina, aliquando immersio in aquam frigidam valet, aliquando salivatio mercurialis, camphorae usus diuturnus. In fero acriori vesicantibus utendum ad aures, cauterio verticis appposito; in venenis ingestis emetico, purgantibus: in plethoricis venae sectio in talo, jugulari. Interdum conducunt pediluvia tepida, dum interim epithemata frigida capiti imponuntur. In capitis ictu perturbatione ejusdem, effusique ibidem liquoris evacuatio; in tarantismo chorea & repetita saltatio, qua copiose fluat sudor. In inanitione omnia evacuantia nocent, sed roborantia, repletia iisdem potius substituenda.

CAP. XI.

DE MELANCHOLIA.

§. 91.

Tristitia metusque diu absque causa manifesta perseverantes Melancholiam fiunt: nonnunquam risus adest intempestivus, incongrua hilaritas. Si iisdem Delirium adjungitur pertinax circa unum idemque objectum nulla febris comite, Delirium melancholicum Medicis dicitur, quod si versatur circa desiderium insanum plane revivendi patrios lares, quod Helvetiis familiare, Nostalgia vocatur. Si vero ex singulari phantasia perturbatione in canes aut lupos aegri sese transformatos esse putant, latratum ululatumque horum animalium imitantur; alios interdum subito insiliendo mordent & noctu praecipue monumenta mortuorum oberrant vel aperiunt, Lycanthropia & Cynanthropia audit. Tali specie Melancholiae laboravit quondam Nabuchodonosor Babyloniorum Rex, dum se in bovem mutatum esse imaginabatur & ejusdem more herbam seu gramen comedebat.

§. 92. Ex dictis patet, quam varia absona sibi persuaderi possunt Melancholici, quidam se Prophetas, Reges fingunt aut revera esse produnt. Vidit BOERHAVIUS hominem, qui putabat se esse

Deum infinitum & qui mandata sua dabat tanta cum persuasione & furore affirmandi, ut coerceri nullo modo posset, si vel minimum dubium ipsi circa hanc rem proponeretur. Quidam mortuos, quidam se fictiles, vitreos se credunt, caeterum suspiciosi timidi, pusillanimi & anxii sunt, insidias sibi parari ab omnibus imaginantur, unde tenebras, solitudines amant, lucemque fugiunt, alii e contra locos caliginosos timent, hominum coetus vitant, parum loquuntur, inediae pertinaciter patientes, metu ne de medio tollantur veneno; saepius voraces admodum sunt cum summa macie; facile lacrymantur, aliquando supra modo hilares, cantus, risus & ploratus vicissim alternantes; vigiles interdum manent ad plurimos menses, iterum somnum profundissimum octiduanum notavit KLEIN in melancholia. Praeterea cutis melancholicorum est pallida, flava, nigra, pulsus tardus, respiratio lenta, suspirosa non raro. Extrema frigent, urinam modo pallidam, modo turbidam, modo fuscam & nigricantem emittunt. Sanguis eductus nigrescit, serum intense flavescit, corporis pigritie, summa tamen constantia in studiis laboriosis gaudent. Frequenter tenuem excernunt sputum.

§. 93. Sanguis crassus nimis, humores sic dicti atrabilarii & succi terrestres in vasis circulantibus lente quidem, Melancholiae essentiam seu fundamentum aut materiem constituere videntur. Qui gignuntur a variis, quae fluidissima dissipare valent, uti studia protracta, meditationes profundae

fundae, nec non curae, amor, mentis attentio, circa idem objectum diu occupata. Vigiliae nimiae, religio seu superstitio, animi affectus vehementiores, tristes praesertim, neque raro subitum & impraevisum gaudium, quod & aliquando mortem inopinatam attulit, corporis exercitium, immodicum, nimiaeque defatigatio in aere admodum sicco & calido, seminis profusio coitu immodico vel & detestanda Onania; victus crassus, durus, salitus, glutinosus, leguminosus, farinaceus cum vita sedentaria, vina austera, adstringentium medicamentorum abusus, venena saturnina lente corpus destruentia; morbi acuti seu chronici bona crisi haud soluti. Dum haec scribo, recordor, Medicinae Studiosi diligentissimi, qui post dysenteriam toleratam melancholicus factus est; amici incusant negligentiam & repugnantiam invincibilem in evacuantibus assu-
mendis. Numerantur quoque inter remotiores causas mensium emanatio, scabies, tinea retropulsa, membrorum truncatio; dispositio nativa a parentibus melancholicis, nimis parca potulentorum assumptio: spirituosorum usus immoderatus, aeris humida nebulosa ac diuturna pluviosa constitutio.

§. 94. Melancholia saepe transit in maniam, epilepsiam, apoplexiam, hydropem, phthisin funesto ut plurimum eventu; quin saepissime mortem, quam adeo formidant, sibi ipsis inferunt, uti familiare admodum Anglis, qui taedio vitae correpti testamentum conscribunt & litteras peracto
suc-

succidio valedictorias amicis mittendas exarant: aliquando sponte solvitur morbus, haemorrhoidum fluxu, cutis eruptione scabiosa foeda, nonnunquam ad vitae durationem refractarius manet. Prae ceteris Melancholiae patent, temperamento ficciori praediti, graciles mares in consistente aetate, & qui ingenio pollent perspicaciori.

§. 95. Cura primaria consistit, ut caute objecta assidue mutantur, inde peregrinatio maximi usus in melancholia, idea contraria praedominanti inducatur, spe, blanda confabulatione excitetur animus, consolatione dulci & persuasiva erigetur. Musica suavi leniatur affectus DAVIDIS ad exemplum, qui citharam pulsando melancholicum exhilarabat SAVLVM. Nostalgia affectum quantocius ad patrios relegetur focos. Hic enim nihil aliud juvat, expertus loquor.

§. 96. Medicamenta quod attinet, non contemnendae veniunt pilulae ex assa foetida, myrrha cum paucis mercurio. Decoctum anagallidis laudat WERLHOF, camphoram in majori dosi KINNEIR. Si vero, uti fit aliquando, intemperies dominatur, acida conducunt, sapo venetus, oleum tartari p. d. ad guttulas aliquot in vehiculo aquoso, liquor terrae foliatae tartari, tartarus solubilis. Alvus, quae naturaliter segnis melancholicis, sollicitetur fero lactis graminei, addito melle magna copia ac diu epota. Vel exhibe non nunquam mannam, pulpam cassiae, tamarindos, magnesiam cum rheo.

§. 97. Diaetam quod spectat, aer praepri-
mis commendetur tepidus & humidus. In victu se-
ligantur pisces saxatiles, gallinarum carnes, la-
ctuca, malva, cichorea, borago, spinachia, ta-
raxaci radices, cucumeres, fructus horrei, ma-
turi, ususque fragorum, ceraforum. Qui-
bus materia atrabilaria viscera abdominalia obfi-
dens potentissime dissolvitur. Oryza, hordeum,
haustus vini rhenani concedatur, somnus pru-
denter concilietur longior levioribus anodynis.
Solidorum vires augentur ope exercitii modici,
equitationis praecipue, usu balneorum frigido-
rum, potuque aquarum medicatarum, cauteque
vitatis §. 93. enumeratis.



CAP. XII. DE MANIA.

§. 98.

Melancholiae Mania, ut cum WILLISIO loquar,
in tantum affinis est, ut hi affectus saepe vi-
ces mutant & alteruter in alterum transeat. TRAL-
LIANVS ait, Maniam nihil aliud esse, quam me-
lancholiae intensiorem ad maiorem feritatem.
Est autem Mania, delirium ferox sine febris, ex
inordinato motu vehementiorique spirituum ani-
malium in cerebro.

§. 99.

§. 99. *Causae remotiores vigiliae nimiae, curae animi, iracundia frequens, proclivitas ad venerem immodica, evacuationes solitae suppressae vel neglectae, aestas admodum sicca, potuum calefacientium abusus, injuria diu corde pressa, repulsa accepta, lac repulsum in puerperis, ulcus consolidatum, impetigo reperiussa, mensium emanatio, scabies, tinea regressa, quin & seminis nimia retentio, teste SCHENKIO, venena, bel-ladonna, datura. A vermibus in cerebro Maniam accidisse testantur observationes anatomicae. A poculo amatorio, ut de LUCRETIO fertur poëta.*

§. 100. *Mania est continua vel periodica, lucida relinquens intervalla & ad certa mensis tempora recurrens Lunaticos sic dictos constituit, quod etiam de Epilepsia aut morbo sacro dictum est, quorum exempla habentur in Evangeliiis. Caeterum circa solstitia recurrere amat periodica, estque facilius curatu quam continua, sic mania, haereditaria, annosa nimis, ut quae a prima juventute oborta, incurabilis fere. Saepe in fatuitatem tota vita durabilem abit; hydrope vel quartana superveniente, curata fertur. Epilepsia, convulsio, sopor supervenientia mortem praefagiunt.*

§. 101. *Disponit ad maniam labes hereditaria, aetas juvenilis, adulta; sexus masculus, plethora, animi arrogantia, superbia. Conspicuae venae in cubitu pulsus ex HIPPOCRATE. Loquacitas insolita Maniae interdum praecursor, vel garru-*

garrulitas incongrua praeter morem omnia per fas nefasque miscendo quadrata rotundis sine ulla cohaerentia.

§. 102. Furore accedente truci admodum ac torvo adspectu fiunt aegri, per cubiculum discurrunt, absurda effutiunt, vociferantur, furibundi in adstantes violentas inferunt manus, vestimenta dilacerant, magnisque viribus polent, ut a fortissimis quamvis contineri non possint. Interdum insidias ponunt, ut inopinantibus minusque cautis damnum inferant, obvios quosvis aggrediuntur, nudi sine pudore sine aeris intemperiei sensatione incedunt. Sunt enim ad miraculum fere, vigiliarum, frigoris inediaeque patientes. Non raro optimos cibos oblatos rejiciunt & foeces alvinas foedo spectaculo devorant quam avidissime. Multi post impetum & ferociam in cachinnos solvuntur, alii in minas & jurgia prorumpunt, alii blandis verbis circumstantes alliciunt & laqueos tendunt.

§. 103. Cubiculum, in quo decumbunt Maniaci, obscurum sit oportet, custodes iisdem robusti adhaereant semper, ne sibi vel alteri noceant. Eidem scopo vincendi sunt aliquando vinculis laxioribus, firmioribus non admodum arctis ligaturis injectis, ne quid hinc capiant detrimenti, aer, quem respirant, temperatus sit, potius ad frigus quam ad calorem vergens. Cibi dentur humectantes, potus ptisana, aqua pura vel cerevisia tenuis, serum lactis.

104. Medicina si quae valet, in venae sectione repetita, in talo, brachio aut jugulo, arteriotomia in arteria temporali instituta, imprimis consistit, dein in cucurbitulis cum vel sine scarificatione, humeris & occipiti adhibendis, hirudinibus ad tempora vel ad anum, ubi dispositio haemorrhoidaria, applicandis. Tum ad emetica & cathartica fortiora adcedendum; epispastica ad plantas pedum apponenda; balnea tepida vel prorsus frigida, ratione anni temporis usurpanda, idque non semel sed saepius; sic & pediluvia tepida cum frigida capitis ablutione. Cæterum nunc verbis, nunc verberibus, humaniori tractatione vel & severiori disciplina utendum. Neque omittenda, quae superioribus capitibus de Delirio & Melancholia dicta habentur.

§. 105. Interna medicatio vero potionibus aquosis refrigerantibus cum aceto, succo citri, nitroque aggredienda. Acetum stillatitium ad unciam semissem laudatur a LOCHERO aliquoties de die exhibitum. Remedia camphorata in majori dosi commendantur; emulsiones ex seminibus melonum, papaverisque, quae meliores censentur ad somnum conciliandum in hoc morbo quam opium, a quo saepius delirium augetur, turbaturque potius mens amentium. A moscho ad grana XV. pro dosi vidit VAN SWIETEN pulchrum effectum in nobili juvene maniaco.

C A P. XIII.

DE DAEMONOMANIA.

§. 106.

Daemonomania Maniae est species ficta vel vera, qua affecti hominesque scelesti ac vafri se obsessos a malo genio daemone praedicant, cumque eo consuetudinem habere, pactumque cum eo iniisse imaginantur. Sunt, qui diabolum in corpore habere putant. Aliquando easdem ac Mania agnoscit causas, praesertim vermes.

§. 107. Caeterum ut plurimum ficta est affectio sagis, magis & praestigiatoribus, male moratis pueris variis de causis moralibus; denegatur etenim diabolo potentia nocendi vel agendi in corpora humana a Theologo BECKER in mundo fascinato, quamvis cel. HOFFMANNO aliter visum.

§. 108. Quadruplex plerumque datur, Vampirismus scilicet, Coribantismus, Fanatismus & Magia. Vampirismus, quo praestigiatores vulgo persuadere volunt, mortuos resuscitari redituros ad cognatos noctu, ut sanguinem sugant. Qui hac depravata imaginatione affecti sunt, horrent, timent & mira sibi fingunt.

§. 109. Coribantismus simulata & frequentissima Daemonomaniae est species, quo epilepsi-

am & morbos convulsivos fingunt. Quae inde secundum ARETAEUM morbus facer olim dicebatur, quoniam daemon hominem ingressus putabatur. Atqui nihil ab humano hic alienum. Linguas, quas non didicisse perhibent, loquuntur, futura praedicunt, arcana, mysteriaque revelant; indolentiam simulatam & ignis applicati tolerantiam a scelestissima muliere refert DE HAEN, qui tamen dein integrum tractatum conscripsit de Magia, ut ejus certitudinem morborumque Daemoniacorum probaret.

§. II. Fanatismus est, dum aegri nimio zelo erga religionem & vitae sanctitatem, commercium habere credunt cum angelis, sibi que coelesti apparere spiritus interdum. Opii usu interno & externo Delirium excitatur Magicum, quo res varias praeternaturales praestare posse existimant Magi, pacto inito cum Daemone.

§. III. Daemonomania a vero morbo, arte medicarite, uti Melancholia veraque Mania aut Epilepsia, curanda. Ficta aut simulata, minis, objurgationibus, verberibus, dolo medico, pia fraude, amphoris aquae frigidae injectis, ferris candentibus adhibitis subito inopinantibus ignisque.



CAP. XIV.

DE NYMPHOMANIA.

§. 112.

Nymphomania est furor, quo foeminae praecipue venerem appetunt, deque ea sola cogitant, neque fatiari ea possunt

— adhuc ardens rigidae tentigine vulvae
& lassata viris nondum fatiata recessit.

idem morbus in viris dicitur satyriasis, quorum hasta semper riget, frequentius vero in foeminis occurrit, ideo peculiari nomine Nymphomaniae, Metromaniae indigitatur. Causa proxima videtur consistere in strictura & eretismo genitalium.

§. 113. Causae remotiores mensium emanatio, acrimonia biliosa, herpetica, irritatio genitalium impudica, stimulantia utero applicata, incautus cantharidum usus, esculenta acria, potulenta calida Spirituosa; quibus addenda cogitationes libidinosae, lectiones lascivae, cantilenae amatoriae, adolescentum illecebrae, quin & severa aut rigorosa parentum educatio.

§. 114. Virgines nobiles, amasium habentes, quo potiri non licet, meretrices a coitu vi aut autoritate cohibitae, foeminae vegetae frigido seni vel impotenti junctae, viduae juniores.

strenuo in veneris castris milite orbatae, virgines ad castitatem perpetuam damnatae vel voto Deo sacrae, prae caeteris furori uterino manent obnoxiae.

§. 115. Tres praecipue constituuntur morbi gradus. In primo gradu tristes sunt, clamque saepius plorant, forsanique audito sermone minus pudico taciturnae erubescunt, vigiliis torquentur, languent, demumque vero afficiuntur marasmo. Ad juvenum conspectum suspirant, color faciei continuo mutatur, arteriae fortiter micant, tremunt artus, mugitus audiuntur in abdomine.

§. 116. In secundo gradu, lascivientibus oculis virum obvium cupide spectant, blandientem laetae arrident, masturbatione contaminantur saepe solitariae.

illud saepe facit, quod sine teste facit vel inter sodales haud probatae virtutis manus scelestas auxiliatrices sibi invicem ferunt.

§. 117. In tertio demum gradu, deposito omni pudore, obscœna loquuntur, blanditiis mares ad coitum sollicitant: furore demum correptae turpibus quosvis obvios provocant, recusantes dicteriis, injuriis pugnisve impetunt, vel & nudas se ad opus exhibent. In primo stadio non facile, in altero difficilius, in tertio difficillime curatur. In hoc turpitudinis labyrintho constitutae nullo fere Ariadneo filo extricari possunt.

§. 118. Cura autem in principio instituitur causas vitando morales remotiores §. 113. recensitas; physicas & morbosas emendando & corrigendo, commercium & familiaritatem instituendo cum sodalibus prudentioribus, animum occupando, negotia domestica illis demandando.

Otia si tollas, periere cupidinis arcus
Contemptaeque jacent & sine luce faces.

Caeterum maritus robustus optima medicina, „nimirum propter continentiam incontinentia „necessaria est, incendium ignibus extinguitur.

§. 119. Ubi vero huic medicinae nulla oportunitas, nitrum, camphora, emulsionem frigidae, purgantia leniora, phlebotomia, serum lactis, acetum lythargirii, externe ad pudenda appositum, balnea tepida ab authoribus commendata habentur. Diaeta sit refrigerans ex oleribus mollioribus, fructibus horraeis, culcitris durioribus, stramineisque incumbunt aegrae.



CAP. XV.

DE SOMAMBVLISMO.

§. 120.

Affectus, quo dormientes somno profundo vigilare sibi imaginantur, motusque exercent musculares, a lecto surgunt, & in varia pericu-

54 CAP. XV. DE SOMAMBULISMO.

la se immittunt, tecta aliaque loca altiora scandendo & ad fluvia tendunt. Aquas hauriendo Somambulismus dicitur. Sunt, qui loquuntur tantum variasque edunt actiones, e lecto haud surgentes. Caeterum species videtur gravior incubi seu Ephyalis, de quo fasciculo altero actum.

§. 121. Morbo favent gignendo coena plenior, tegumenta & stragula ponderosiora, decubitus supinus, capite nimis depresso, studium a coena severius, ebrietas, opiatorum usus. Cura constitit in paroxysmo praecavendo, in periculo praepediendo, affectis caute excitandis.

§. 122. Optime praecavetur paroxysmus vitatis causis occasionalibus, electrificatio ad perfectam curationem commendatur. Periculum praepeditur, fenestras probe claudendo, januarumque claves caute abscondendo, ne praecipites se dare aut foras exire possent. Ancillam novi somambulam, quae domi portas clavi aperiebat, scalas descendebat quam plurimas, a summis aedium tectis ad atrium usque, aquam copiosam hauriebat, una altera vice pavimentum tergebat lavabatque; omnibus rite peractis ad lectum se iterum componebat pacate dormitura hac saltem nocte. Curata fuit clavibus caeterisque ad opus necessariis aliquoties absconditis. E somno excitantur nomine vocati, aut duro corpore, vel amphora aquae plena ante lectum appositis, quo
fur-

furgentes vel ad prius impingant, vel frigidam ingrediantur.



CAP. XVI. DE TARANTISMO.

§. 123.


Difficile quidem est, de re non visa scribere, praesertim cum res ipsa in dubium vocetur a scriptoribus fide dignis, ab aliis iterum tanquam ab autoptis describetur. Relata igitur & quidem breviter referam, praecipue dum nostris oris ignoratur, qui Apuliae dicitur endemius Tarantismus, aut morbus saltatorius. BAGLIVVM autem MEADIVMVE adeat, qui certiora de hoc affectu desiderat.

§. 124. Est autem Delirium melancholicum, Nymphomaniae satis simile, dum foeminis familiarius, sive verum sive fictum quam viris; quo a Tarantula demorsae ad saltus immodicos motusque artuum continuos ut plurimum cum obscoenorum eventilatione, modulamine audito musico excitantur.

§. 125. Periodice recurrit quolibet anno, circa tempus scilicet, quo morsus inflictus, moerore, solitudinis amore, respirandi difficultate, somnolentia praecedentibus, insequente dein furore non sine ululatu. Tunc demum musico instru-

mento ad saltus & choreas aguntur continuos per aliquot horas, donec fatigatae quiescant parum, iterumque ad saltus redeant, quibus demum sudore copioso profluente. Pro integro sanantur anno, aliquando verum marasmo & febricula pereunt lenta, aliquando neglecta methodo medendi in icterum, melancholiam transit.

§. 126. Saepissime a mendicantibus aliisque fortis vilioris hominibus, nuncupandae largioris eleemosynae causa, vel ex mera petulantia, nec non a virginibus coelibatus voto adstrictis simulari solet. Praeterea constitit experimentis Romae a SARAO aliisque institutis, nunquam tale saltandi desiderium Tarantula demorsis naturaliter oriri, sed ex mentis praecupatione.



CAP. XVII.

DE HYDROPHOBIA.

§. 127.

Formido aquarum cum difficultate, immo & impossibilitate absoluta liquidi potius quam solidi deglutiendi a morfu canis rabidi ut plurimum, Hydrophobiam & rabiem caninam sistit. Rabies canina vero perperam vocatur, cum Lupina, Vulpina, Felina immo & humana dari possit, post canes vero a felibus praecipue infertur. Epitaphium extat referente SCHENKIO.

Hospes

Hospes disce novum mortis genus improba
felis

Dum trahitur, digitum mordet & intereo.

§. 128. Non tantum a morſu animalis rabioſi oritur, ſed & per contagium communicatur rabies. A ſpumae perſuſione, oſculo, ex ſola manus intromiſſione in os animalis venenati, quin & a contactu veſtimentorum infectorum, praecipue dum lacerata refarciuntur, futuras uti fit lingua lambendo, ex halitu oris infecti, in ſani pulmonibus reſpirando adducto, ex uſu lactis, carnis animalis rabioſi rabiem ortam memoriae proditum eſt. De evidentia enim mihi nihil conſtat, nunquam enim, quod inter laeta fauſtaque, affectum vidi.

§. 129. Sponte etiam absque morſu aut contagio praeſeio obortam perhibent, nec impoſſibile prorsus videtur, cum animalia absque morſu aliorum praeſeio rabie afficiantur. Ab ira, cerebri commotione, exceſſum in potu ſpirituoso mox inſequens habetur. Inde quidam affirmant, aliquando ſymptoma eſſe aliorum morborum; quidam iterum primarium ſubinde eſſe pathema. Cauſa proxima videtur conſiſtere non in faucium inflammatione, in angina enim nec ſolida nec liquida ſine ſummo dolore deglutiri poſſunt, nec ſemper ſimile quid apparet in demorſorum cada-veribus, ergo in faucium ſpaſmodica ſumma conſtrictione, irritabilitate & ſenſibilitate maxima, quae potulentis non ita ſolidis offis viam intercludit.

§. 130. De tempore, quo rabies oritur, varia affirmant authores, sunt, qui diu latere, per menses, per annos virus in corpore, antequam signis se praebeat deleteriis putant, e contra prostant exempla a veneno simul ac suscepto statim pessima inducente symptomata. Atqui ut plurimum, post vulnus inflictum, quod quidem facillime & quidem invito medico sanatur, tragoedia luditur intra trigesimum aut quadragesimum diem, aliquando citius.

§. 131. Pro varietate modi, morfu nempe vel contagio aut sponte, quo contractum virus, vario etiam modo se manifestare solet; si enim a morfu, pars demorsa dolere incipit, prurit & tumet, quod si a contagio aut sponte, haec desunt, sequentia vero omnibus similia & aequalia queruntur, nempe de artuum lassitudine, tristes fiunt, noctes agunt inquietas, cum insomniis & pavoribus, pressio adest pectoris cum animi defectione, pulsus intermittentia, tremore, sudoribus frigidis. Molestae ferunt aerem, quamvis serenum, iracundia vexantur sine causa.

§. 132. Caeterum morbi decursu objectorum in sensus impressiones molestae omnibus sunt, dolorem afferunt, attactus levior laedit, strepitus parvus offendit, terrore afficiuntur vel a minimo transeuntium motu, lucem praecipue fugiunt, pulmones ab aere frigido laeduntur, praeterea adsunt nausea, anorexia, calor & sitis cum liquidi deglutiendi difficultate, nec sine suffocationis periculo, quod saepe mirantur potum
aut

aut aquas adhuc non timentes. Haec omnia die jam proximo increſcunt cum taedio & odio ad aſpectum liquidorum, qui jam non ſine convulſionibus fit, guttulae ne quidem deglutionem concedentibus.

§. 133. In hoc ſtadio febris oritur cum pulſu veloci, vigiliis voce rauca vel latratu, ſalivae in ore collectione in adſtantes exſpuendae, perpetuoque priapismo cum ſeminis ejaculatione urinaeque ardentis emissionem, quae mortem ad binos dies praecedunt: accedente demum delirio furibundo & rabioſo, quo nec cariffimis parcunt, ſed terribili horridoque adſpectu cum latratu & mordendi conatu familiares quosvis obvios aggrediuntur, magnisque viribus muſculorum in tali furore pollent. Aliquando Delirium eſt taciturnum & mortem expectantes monent adſtantes, ut ſibi caveant, rogantque, ne amplius moleſti eſſe velint, anxie reſpirando, convulſi inter tres quatuorve dies neque raro citius moriuntur.

§. 134. Cum vero ut plurimum morbus originem habeat in morſu canis rabidi, operae pretium erit, criteria & ſigna venenati animalis tradere, ut idem fugiamus de medioque tollamus & cura vulneri inſlicto apta paretur. Signa autem canis rabidi ſequentia ſtatuuntur. Parum latrant, parum blandiuntur, ſolitaria quaerunt loca, caudam & aures demittunt, percuſſi nullam edunt vocem, nares mucum depluunt, ſputum copioſum valde ſpumofum ex ore manat, lingua cae-
noſa

noſa pendula, oculi triftes, lacrymantes, cibum & potum omne reſpuunt: curſitant oblique hinc inde, obviis frendentes inhiant. In initio hero parcunt, dein ipſum herum mordent: canes ſani infanum naturali fugiunt inſtinctu. Ardoribus canicularibus canes rabidi fiunt. Virus in ſaliva conſiſtere videtur, quod ſalivam demorſi infectat, inde morſus in facie citius excitat rabiem.

§. 135. Vulnus a cane rabido inſiſtūm incidoſo ampliandū, cucurbitulae apponendae, ferro candente utendū per multos dies adfluxum, apertum ſervandū & ad ſuppurationem perpetuam ducendū, unguento baſilico cum mercurii pauco praecipitati rubri, pulvere cantharidum; muria ex ſale marino & aceto ad ſextum uſque meſem quotidie fovendū pars demorſa ſupra vulnus ne virus ulterius aſcendat, nihil vero tutius quam membri reſectio, ubi poſſibilis. Veſtimenta aliaque infecta ſollicite abjicienda.

§. 136. Caeterum quae ad morbi rabieive ipſius curationem laudantur, incerta valdeque fallacia hucusque inventa ſuere & ſi quid valent equidem prophylaſtice cuncta tentanda, antequam ad apicem ſummum perventum fuerit malum. Nam de illis ubi medicina nullam fert opem habet. OVIDIVS:

Nec formidatis auxiliatur aquis.

§. 137. Commendantur tamen cineres cancrorum fluviatilium, spongia cynorrhodi, cantharides tanquam potentissime diuretici, cuique scopo specificè laudantur scarabaei majales, lichen cinereus terrestris, testae ovorum calcinatae, assa foetida, radix Valeriana sylvestris, opium, moschus, cinnabaris nativa. In mercurio repertum antidoton quidam putarunt, ideo & interne & externe ad salivationem usque exhiberi volunt. Methodo antiphlogistico alii utuntur ob febrim satis validam quidem, quae sub finem morbi saepius adoritur. Instituunt ergo sanguinis missiones repetitas, exhibent emulsionem nitrosas, clysmata adhibent ex decocto tamarindorum vesicantiaque quidam balnea frigida, quidam tepida & pediluvia depraedificant, nec non ab antiquis jam temporibus laudata, in aquam marinam non opinantis oculisque velatis projectio, mersumque ibidem per pauca minuta detinere, in malo tam diro haud contemnenda. Demorfi in diaeta abstineant a carnibus, vino, spirituosius, aromaticis; alvum servant laxam, cibis tenuioribus vel & clysmatibus; pediluviiis saepius utantur a primo tempore, quo demorfi fuere.



CAP. XVIII.
DE OBLIVIONE SEV MEMO-
RIAE LAPSV.

§. 138.

Nexus idearum praeteritarum cum praesentibus dicitur Memoria, quae si laeditur ita, ut vel minus accurate vel prorsus non revocare liceat ideas antea in mente conceptas, Graecis Amnesia, Latinis oblivio audit, & ab imbecillitate nervorum, spirituum inopia, cerebri compressione variaque laesione pendet.

§. 139. Causae remotiores sunt, capitis vulnera & ictus, ejusdem morbi chronici, collectiones serosae, plethora, ebrietas iterata, opii usus continuus, tabaci fumi abusus, studia assidua, labores protracti, animi pathemata, terror, inedia, Venus nimis culta, quae semper memoriam debilitat, praesertim in senibus.

§. 140. Caeterum memoria labitur non raro ante apoplexiae aliorum morborum nervosorum invasionem, aliquando symptoma remanet post affectum apoplecticum superatum. Sunt & praeterea, qui in morbo acuto omnem amittere memoriam, & ex doctissimis antea, dein stupidissimi facti fuere litterarum elementorumque omnium prorsus ignari.

§. 141.

§. 141. In cura instituenda ad varietatem causae remotioris attendendum, quae igitur vitanda, emendanda vel omnino tollenda. Caeterum diaeta adornanda optima, eupepta analeptica, replens, vitatis cautissime carnibus porcinis, anatinis, anserinis, piscibus mollioribus, lacte, caseo, leguminibus flatulentis, alimentis durioribus, dyspeptis, somnoque longiori, praecipue diurno. Inter remedia laudantur moschus, cortex peruvianus, cubebae, cinamomum, salvia, betonica, rosmarinum.

CAP. XIX.

DE VISVS VITIIS.

§. 142.

Nobilissimus sensuum visus, cujus defectu vita ducitur miserrima mortique ipsi haud summopere praeferenda. Varios patitur manes, qui commode reduci possunt Io. ad caliginem seu visus obscurationem partialem vel totalem unius vel utriusque oculi per opacitatem vario modo ante pupillam. 2do. Ad amblyopiam seu visus ambiguitatem & depravationem nulla opacitate comparente sive in, extra aut circa oculum. 3tio. Ad caecitatem plenariam, quae opacitatem supponit, pone aut post pupillam in cataracta aut suffusione, nullam autem in amaurosi seu gutta serena.

§. 143.

§. 143. Caligo autem oriri potest a vario vitio palpebrarum, tunicarum bulbum oculi constituentium, quo accessus lucis ad oculos denegatur. Hinc pertinent ergo imo inflammationes, suppurationes palpebrarum, concretiones earumdem ad adnatam, conglutinationes interse; musculorum prolongatio & paralyfis; eorundem spasmodica constrictio, tumores & excrescentiae. 2do. Humores viscosi purulenti, pulvis, variola, albugo, cicatrix corneae, tumor & dilatatio carunculae lacrymalis, staphyloma, pannus. Verum enim vero de visus depravatione a talibus causis hic non agitur.

§. 144. Amblyopiae autem dantur praecipue species sequentes, visus nocturnus, amblyopia meridiana, antiquorum Nyctalopia, neotericorum haemeralopia: sic affecti melius noctu quam interdiu vident, noctuae & feles hoc vitio laborant naturaliter. Huic vitio contrarium est amblyopia nocturna, crepuscularis, visus diurnus, antiquis haemeralopia, neotericis Nyctalopia, noctu praesertim caecutiunt affecti. Affectus naturalis est gallinis, Amblyopia dissitorum seu Myopia quo affectu, objecta remota respective ad visum naturalem videri non possunt, propinqua vero videri possunt junioribus Myopia familiaris. Aliud vitium dicitur Amblyopia proximorum seu presbyopia, qua ad proximiora caecutitur, senilis est visus & cataractae depressio- nem seu extractionem sequitur ob lentis defectum.

§. 145. Plenaria vero visus abolitio gutta serena seu amaurosis est, dum nullum apparet vitium in oculo præter pupillae nimiam dilatationem, quod Mydriasis dicitur, vel & ejusdem immobilitatem, dum sanus clauditur oculus. Vitium in lente detectum cataractam & suffusionem sistit. Aliquando unus laborat oculus in initio, non diu vero post alter eo quoque afficitur vitio, si obex ei non ponitur.

§. 146. Haec vitia varias agnoscunt causas proximas, quibus praepeditur lucis radiorum adventus ad retinam. Ab insensibilitate retinae fit amaurosis & amblyopia nocturna. Nimiam e contra retinae sensibilitatem arguit visus nocturnus, nec non lentis in medio opacitatem, dum ejus circumferentia seu margo lucem adhuc transmittit.

§. 147. Myopia remotiorem a retina supponit lentem, oculum oblongum humoribus nimis distentum, corneam nimis protuberantem, lentem convexam, unde Myopes juvantur a conspiciendis concavis, juvenesque a naturali conformatione hoc vitio laborantes, circa senectutem melius vident, & absque conspiciendorum adminiculo. Praeterea fit Myopia ab humoribus nimis densis sanguinisque congestione circa corpus ciliare, ejusque dilatatione, compressione super humorem vitreum, strictura musculi orbicularis.

§. 148. In Praesbyopia causae adsunt oppositae, bulbusque oculi planior est, inde juven-

men iis a conspiciillis convexis. In cataracta & suffusione humor crySTALLINUS densus opacusque est, & quo ad consistentiam mollior duriorve haec, cataracta matura & operationi apta, illa vero, immatura & depressioni inepta audit. Quo ad colorem est alba, cinerea, viridis nigra, idem vitium in humore vitreo glaucoma secundum HERSTERVM constituit.

§. 149. Non reticenda adhuc duo oculorum vitia, scilicet Strabismus & Luscities, quae ut plurimum connata sunt vel saltem ab incunabulis malo habitu contracta. Luscus autem oblique videt uno tantum oculo; strabo dicitur, cui axis utriusque oculi non est parallelus, unde inclinatis oculis & contortis ad se mutuo, vel remotis a se mutuo adspicit.

§. 150. Variaque iterum & infinita sunt fere remotiores, proximioribus hisce causis originem praebentes, congestiones, metastases variae ad oculos, uti scabies, tinea, achores, podagra repulsa, ulcus nimis cito sanatum, sanguinis evacuationes, mensium praesertim suppressae, sudoris, coryzae suppressio subitanea, incongruus usus topicorum repellentium in ophthalmia, gonorrhoea virulenta cohibita, salivatio mercurialis praemature cessans. Amaurosin vidi a lacte repulso in puerperio, quam secuta fuit apoplexia lethalis, puellam novi amaurosi laborantem, quae excepit febrim putridam epidemicam.

§. 151. Caecitas etiam inducitur ab exostosis venereis, puris sanguinis serive extravasatione circa orbitam cranii basin & cerebri ventriculos, aliisque vitiis post cerebri laesiones capitisque morbos relictis, tum & sympathica debilitate in toto systemate nervoso caco-chymia, spirituum inopia per studia nimia, venerem immodicam, animi pathematibus, terrore, ira, nimia assiduaque ad lucernam lectione, diuturna objectorum minutissimorum aspectu, subitanea luminis irradiatione a tenebris exeunti.

§. 152. Omnis visus debilitas sensim augens perfectam demum inducit coecitatem. Non raro subito invadit, aliquando cephalica praecedit refractaria; coecutientibus saepius apparent muscae, flocci, araneae, scintillae variique colores, qui etiam saepius occurrunt febricitantibus, ophthalmicis, epiphora, phrenitide; convulsione laborantibus, hystericeis & hypochondriacis, a mobilitate nervorum & humorum circa caput congestione. Cataracta alba, cinerea, interdum medicamentis, interdum chirurgica acu curatur, viridis & nigra medicamentis nunquam, chirurgia rarissime. Strabismus & Luscities incurabiles fere, nec multum refert nisi venustatis aut deformitatis causa, distincte enim vident & conspiciis propriis optime juvantur.

§. 153. Vitia oculorum omnia difficillime curantur, praesertim idiopathica. Symptomata vero & Sympathica aliquando emendantur, causa

sublata & amoto morbo primario; tentanda tamen sunt varia, quae ab authoribus commendata habentur in idiopathicis, & primo in plethora universali vel topica ad caput, venae sectiones celebrandae & quidem repetitae virium habita ratione, arteriotomia temporalis, hirudinum applicatio, emetica antimonialia dein exhibenda, purgantia validiora mercurialia saepius propinanda. Salivatio ipsa mercurii ope excitanda, vesicantia, fetacea, fonticuli non omittenda, ut quocunque modo humores viscosi solvantur, revellantur, expellantur. Caeterum haud contemnenda sunt decocta lignorum, florum Arnicae. Inter specifica numerantur pulveres No. 8. quorum usui interponenda interdum purgantia.

§. 154. Pro tono fibrarum augendo, nervoque optico stimulando laudatur vis electrica, vapor spiritus vini, lavandulae, quo manus fricatae ad oculos applicantur. Huic scopo commendatum quoque est Balneum vaporis ex aqua, in qua hepar coctum bovinum, valet & hic vividissimi luminis frequens in oculum ingressus. Sunt vero haec omnia ut plurimum inutilia & cataracta ocus citiusve formatur, quae si matura, manu periti chirurgi amovenda, sive depressione sive extractione, tuncque demum videndum, quid boni sperandum a conspiciendorum usu. Monendum autem, caecutientes sive ante sive post cataractae operationem, non debere oculos ad scribendum, legendum vel aliud opus frequenter intendere.



C A P. XX.

DE AUDITVS VITIIS.

§. 155.

Obscura sonorum perceptio Dysecoia & Barryocoia & gravis auditus dicitur, aucta sonorum perceptio, & quidem a minimo sono, contrarius est affectus & oxycoia vocatur. Nulla vero sonorum fortium quamvis perceptio, perfecta surditas & cophosis est. Tinnitus aurium, susurrus & bombus sunt soni, quos aegri percipiunt, a nullo corpore sonoro externo editi.

§. 156. Haec vitia debentur nervis acusticis laesis, membranae Tympani ruptae vel ulcere erosae venereo sc. ossiculis auditus cariosis vel alio quocunque modo male affectis, canaliculis labyrinthi obstructis, praeterea tumores enati in, extra & circa aures, collectiones sanguinis, puris, feri: tubae eustachianae angustatio, glandularum tumores, & polypus faucium & similia viam radiis sonoribus ad partem mollem nervi acoustici intercipiunt.

§. 157. Membranae tympani atonia, muscutorum ossicula auditus moventium laxitas, vermes in meatu auditorio existentes, cerumen induratum, corpora peregrina intrusa vel illapsa leviozem producant affectum, cognitu atque cu-

ratu faciliorem. Siccitas, tensioque nimia, inflammatio & dolor tympani membranae, oxycoiae causa, spasmodica affectio, aer in cavitate tympani nimis motus, vasa turgida & obstructa in meatu auditorio, tinnitum susurrumque producant in hystericis nec non in affectibus catarrhalibus.

§. 158. Caeterum surditas datur a nativitate, quae & homines mutos reddit, arte AMMANI DE PEREYRA tantum curandos. Si vero a velamine membranoso, meatum auditorium tegente, arte chirurgica curari possunt, hoc enim amoto amovebitur pariter & surditas & mutitas. Datur etiam critica in morbis acutis & narium praefagit haemorrhagiam, aliquando symptomatice est & delirium protendit. Interdum variorum morborum capitis, otalgiae & otitidis pedissequametastatica non raro a materia impetiginosa scabiosa, repulsa; anno ultime elapso adiit me consilium petiturus quidam pro filio, qui omnimoda surditate conflictabatur post scarlatinam mali moris superatam, & ut ex relatione videbatur a neglectis rite evacuantibus. Purgans mercuriale pro tempore praescripsi, animus erat vesicantia ad nucham applicare, nec non tentare electricam vim, hisceque vel frustra adhibitis salivationem instituere mercurialem: non rediit vero; post tertianam biliosam ab immersione in frigidam observata habetur, a spirituum paupertate frequens senioribus, debilioribus litteratisque.

§. 159. In vitiis auditus, quae non ab alio morbo praecipue tentanda sunt, sanguinis missiones in plethora, ex jugularibus, ex carotidibus externis, hirudinum applicatione pone aures, laxantia repetita, non raro emetica, vesicantia ad nucham, electricitas, tubus acusticus. Vermes, si qui adsunt in canali auditorio, oleo, aceto & spiritu vini injectis enecandi, alliciendi, cerumen induratum solutione saporis cum sale in aqua resolvendum. Corpora aliena instrumentorum ope extrahenda, membrana tympani nimis sicca, tensae, oleo amygdalarum dulcium, amararum, lacte cum croco, melle gossypio calide exceptis emollienda, humectanda; e contra autem humida aut laxa nimis suffumigio ex mastiche, olibano, labdano, gossypio cum grano moschi, camphorae, aliquotve guttulis spiritus lavandulae anaticae aquae hungaricae mixti imbuto, auribusque immisso exsiccanda, demum et ptyalismus hydragirii ope excitandus.



CAP. XXI.

DE GVSTVS ET OLFACTVS
VITIIS.

§. 160.

Commune hoc habent inter Olfactus & Gustus, quod rarissime seorsim laedantur, ob vicinitatem organorum hisce sensibus inservientium. Sunt & praeterea horum sensuum laesiones fere semper sympathicae, rarissime vel nunquam idiopathicae, ideo & simul pertractandae. Depravantur ergo, augentur, minuuntur & totaliter abolentur, quod ultimum si de sapore Agheustia, si de odore Anosmia vocatur.

§. 161. Depravatur ergo gustus a vitio salivae, acrimonia salina, biliosa praeditae: augeatur, id est, fit dolorificus a nimia linguae sensilitate in ejusdem inflammatione, ulcere cancroso &c. imminuitur a saliva nimis viscida, in aphthis, in nervi gustatorii laesione, compressione, in ejusdem paralyssi omnino aboletur.

§. 162. Olfactus perit vitio nervi olfactorii & membranae SCHNEIDERII, laeditur & imminuitur in Coryza, depravatur & oblata inodora, suaviaque, quamvis foetent a vitio lymphae, ab ulcere

cere narium, quod ozaena audit, ossaque carie exedit spongiosa & tenuia valde, nec non a dentium corruptione, gingivarum putrida dissolutione in stomacace, scorbuto; ab ulcere pulmonum a cibis corruptis in ventriculo, a vermibus & in naribus & in ventriculo nidulantibus, a remediis mercurialibus & ptyalismo, quibus simul halitus foetet aegrotis ipsis & adstantibus non minus molestum. Solet etiam in febribus, sensorio communi affecto & gustus & olfactus perire vel depravari malo omine secundum HIPPOCRATIS effatum. De cura nihil est quod peculiariter addam. Cum causam habeant morbum primarium, quo sublato, tolluntur & ipsa. Obiter vero monendum, quod olfactus semel ammissus rarissime vel nunquam recuperatur, novi sic per totam vitam Anosmum, qui a vomica subito rupta & feliciter per os ejecta, pure gravissime foetente, olfactum amiserat.



CAP. XXII.

DE LAESA ET VITIATA CIBORVM CONCOCTIONE.

§. 163.

Vitia, quibus ventriculi functiones sive in fame excitanda, sive in cibis concoquendis sunt Anorexia, Apepsia, Dyspepsia, Bulimia, Pica & Malac-

Malaccia. Anorexia est appetitus in assumendis cibis omnino deletus, qui in minori gradu prostratus seu imminutus est. Apepsia & Dyspepsia digestionem & ciborum concoctionem sistit difficiliorem & cum Anorexia quoad causas & curationem convenit.

§. 164. Bulimia dicitur ciborum appetitus adeo auctus & molestus, ut absque animi defectu ferri haud possit. Orexis quoque vocatur & fames canina vel bovina aut lupina, in hisce ingesta cito per secessum expelluntur, in illa vero, brevi post ingestionem per vomitum rejiciuntur.

§. 165. Pica est affectus, quo absurda, inusitata, esuique prorsus inepta, uti calx, carbo, creta, corium, pix liquida, haleces crudi, carnes tales, cineres, sedimentum seu pulpamentum caffè appetuntur, dum usitiores cibi fastidiuntur, in Malaccia demum exquisita vel saltem minus familiaria avide desiderantur cum antipathia & aversione ad reliqua.

§. 166. Omnia haec vitia sunt idiopathica vel sympathica aut symptomata & in genere arguunt ventriculi debilitatem et atoniam, motum peristalticum inordinatum, perturbatum; spasticas fibrarum contractiones, irritabilitatem & sensilitatem nervorum auctam vel imminutam, liquorem gastricum acriorem, copiosorem, pituitae, saburrae, acidi, nidorosi, alcalini putridi vermiumque praesentiam.

§. 167. Causae remotiores quaerendae in inordinata victus ratione, ciborum quantitate excedente, evacuationibus nimis, lactatione diu protracta, acrimonia quacunque ad ventriculum delata plethora, graviditate, excrementorum in intestinis accumulatione, tumoribus & vitiis viscerum abdominalium, abusu potuum aquosorum tepidorum, spirituosorum nimis; spirituum perturbatione, ut in dentientibus, moerore affectis, navigantibus, verbo, in omni morbo acuto seu chronico symptomata est appetitus laesio.

§. 168. Digestionis & concoctionis laesione, ex ciborum abnormi sive qualitate, sive quantitate peccantium ingurgitatione laborantes queruntur de pressione & pondere stomachi, ructibus amaris, putridis, acidisve, pro indolis corruptorum varietate, nausea & vomitu. Potiores & Bacchi alumni praeter caeteris in anorexiam ab atonia ventriculi incidunt: nec non qui emeticis vel & remediis salinis, nitrosis, specioso titulo pulveris temperantis & praecipitantis abutuntur. Pica & Malaccia affectus sunt familiares infantibus, puellis, chloroticis & gravidis. Si ab exhaustis spiritibus vitalibus, uti in senibus & lactantibus diu, tarditas & lassitudo simul adest omnium membrorum, animique vigor & alacritas perit, nec famis percipitur stimulus.

§. 169. Inappetentia aliaque digestionis vitia ab alio morbo pendentia ut plurimum primario curato affectu cessant: quod si post morbum remanent, plerum-

plerumque recidivam praedicunt; si ab erroribus in diaeta, facile hisce emendatis, remediisque idoneis datis superatur. Caeterum si diu persistunt, nutritionem depravant, destruunt, corporis emaciationem, extenuationem & consumptionem inducunt.

§. 170. In genere autem curantur emetico, ubi adsunt nausea, aliaque signa saburrae in primis viis, vel hisce absentibus, cathartico salino amaro; ubi acidum peccat, magnesia alba cum rhabarbaro optima remedia roborandi demum scopo valent, cortex peruvianus, aquae minerales, pyromontanae specificae tum & medicamenta No. 9. 10. 11. & 12. medicum praesuppono doctum, acutum, qui pro re nata hanc vel illam praeferat formulam.

§. 171. In Bulimia, fame canina, quae vires ventriculi, sensilitatem & acrimoniam arguit auctas, conducunt oleosa, pingua, lacticia, farinacea, pisa, fabae, lentesc, amygdalae, chocolata in diaeta; nec non fumus tabaci. In caeteris vitiis digestionis, abstinendum a fumo tabaci; vitentur quoque potus spirituosique inebriantes, aquosique tepidi, cibi duri flatulenti, grana piperis integra subinde deglutienda. Pro condimento commendantur semen sinapi, corporis exercitium modicum quotidianum ante pastum, frictiones ad regionem stomachi jejuno corpore hic non omitenda.



CAP. XXIII.

DE IMPOTENTIA VIRILI
ET STERILITATE.

§. 172.

Vitium a parte viri, quo denegatur in veneris militare castra, Anaphrodisia audit, consistitque in impotentia coeundi & generandi. Haec iterum in vitio seminis prolifici, illa ut plurimum in vitio Mentulae, quae vel non erigitur prorsus, vel sperma ejaculare cum impetu haud valet.

§. 173. Virgae vitia varia sunt & quidem connata vel acquisita morbo, iterumque persistentia aut transitoria. A nativitate, parva ac curata est suppellex, vitium irreparabile, curva saepe, praeputium nimis longum, quod & ab aliis causis, praecipueque morbis venereis etiam acquiritur & Phimosis dicitur, quin & virga nimis longa coitui inepta refertur: vitium quidem, cui mederi licet annulo ex materia molli, subere sc. cera obducto pollicem lato & Mentulae imposito, ut tanto brevior reddatur. Praeputium nimis longum circumcidatur.

§. 174. Vitia acquisita aut ascititia frequentiora sunt atonia & paralytis musculorum erectorum penis, vel & seminis copia minus sufficiens, uti

uti fit in fenibus, diu jejnantibus, a morbo reconvalescentibus, venere immodica, aliaque evacuatione exhaustis; moerore, animi cura, sollicitudine, studiove nimio defatigatis & in iis, qui remediis aeltrum venercum temperare fatagunt, nec non in abstinensibus diu a coitu, uti qui testes habent scirrhusos, induratos, aliaque vitia venerea, qui partes genitales mercurio inungunt.

§. 175. Cura tentanda in junioribus temperantia & abstinentia a venere pro tempore, abstinendo a nitrosis, camphora uti legitur:

Camphora per nares castrat odore mares nisi forsan alius lateat sensus in hoc versiculo, nempe quod saepius odorando camphoram priventur olfactus sensu, qui antea strenui & mares erant odore. Stimulantibus caute utendo, qualia depraedificantur borax, opium, radix satyrionis, cantharidum applicatio ad lumbos, pollices pedum non ad bullarum seu vesicularum elevationem, sed ad cutis rubedinem & ardorem tantum: usus internus vero vix admittendus. Eidem scopo commendantur natium & lumborum flagellatio; sunt enim, qui ad venerem nunquam accenduntur, nisi vapulent, nec illis pars illa, qua viri sumus, nisi ad flagelli numeros sonosque insurgit. „In cussibus urticarum viridium in inguina „brevitatem hastae virilis emendari virgamque „magnificari affirmatur. „ Caeterum in atonia Mentulae topice valent decoctum sinapios pro balneo ejusdem & testiculorum frictio cum oleo lavan-

lavandulae, elixirio vitae HOFFMANNI. Totius systematis nervosi roborandi scopo optime conducunt cortex peruvianus, aquae martiales.

§. 176. In diaeta & victu laudantur lacticia, ova, pulli gallinacei, horumque jura, chocolata & hic mihi in mentem venit historia non illepida, quae hujus potus vires commendat. Novi virum, inquit MUNDIVS, qui phthisicus & pene deploratus ad chocolatae usum se recepit, uxor etiam, ut viro complaceret, eandem bibit miro utriusque successu. Nam vix brevi convaluit, mulierque prius effoeta habita ex eo gravida filios peperit tergeminos omnes vitales. Valet & potus vini generosi ac dulcis hyspanici aut hungarici.

§. 177. Sterilis autem vocatur foemina apta aetate cum viro strenuo cohabitans, nec unquam inde concipiens. Potest hoc vitium originem habere in mensium emanatione, fluore albo, cachexia nimiaque mulieris obesitate, & corpulentia. Praeter uteri, ovariorum, tubarumque FALLOPII vitia varia & multiplicia, tumores puta, concretiones, prolapsus &c. quae vel arte medica vel dextra chirurgi emendanda vel auferenda.

§. 178. Situs pronus a tergo accipiens marem, animalium in more prodesse poterit quoque foeminae eufarcae aut obesae nimis.

Et quibus ipsa modis tractetur blanda voluptas

Id quoque permagni refert, nam more ferarum

Quadrupedum magis ritu, plerumque putantur

Concipere uxores, quia sic loco sumere possunt

Pectoribus positis sublati semina lumbis.



CAP. XXIV.

DE UVULAE, ANI ET UTERI PROCIDENTIA.

§. 179.

Uvula e palati extremo propendens relaxatur, elongaturque aliquando, ut deglutitionem fatis difficilem, respirationemque minus commodam reddat. Quod vitium Latinis Uvulae elongatio, procidentia, Graecis vero Hypostaphyle audit.

§. 180. Si sub foecum excretionem anus retrahi non potest intra corpus, ani procidentia est seu exania. Uteri vagina quoque, ejusque fundus vel cum vel sine inversione, tumiorem anularem vel farciminales in sinu muliebri vel extra pendentem formant; hoc vitium Hysteroptosis, illud colpoptosis nuncupatur.


§. 181.

§. 181. Uvulae prolapsus frequens occurrit in affectibus catarrhosis, pituitosis. Exania familiaris est junioribus ex clamore, planctu, sessione diuturniore in sella perforata, tenesmo, ascaridibus in ano stabulantibus; adultis quoque fit haud raro ex foecum difficiliore depositione, in alvo strictiori, affectu haemorrhoidario, calculoso, partuque difficiliori. Uteri vaginaeve prolapsus fit ex tussi, vomitu, sternutatione, saltu, lapsu, brachiorum supra caput elevatione, ponderum supra vires sublatione, fluore albo. Inversio totalis uteri dystociam plerumque agnoscit causam, unde raro virginibus morbus.

§. 182. Uvulae elongatio incommodum potius quam morbus non multum mali portendit, brevique vel sponte vel arte ad statum reducitur naturalem. Ani prolapsus quoque, si non a paralyfi ani elevatorum, sponte fere cedit. Uteri autem procidentia, sterilitatem, leucorrhoeam, mensiumque irregularitatem inducere potest; extra labia propendens incessum impedit & ad lotium reddendum frequentius stimulat; diu foras propendens periculum inflammationis omniumque ejus sequelearum affert.

§. 183. Uteri prolapsu affectae in aere frigidiusculo collocandae; repositio prolapsorum manibus tentanda, decubitu dorsali, clunibusque elevatis, adstringentia topica per injectiones, fomenta No. 13. spongiae ope, suffumigationes ex olibano, myrrha, mastiche rosae rubrae exhibenda;

benda; tonica roborantia, aquae minerales, balnea, frigida, cortex peruvianus in usum vocanda. Pesfariis ex subere cera obductis, rotundis, oblongis, vel alia forma donatis, reposita retinenda. Monendum tamen foeminas, quibus pesfaria varia pro re nata adaptare commendavi, ferre haud potuisse, haecque brevi iterum abjecisse. Interdum impregnatio optimum remedium. Praecavetur facilius ani lapsus, si aeger stans exoneret alvum, elapsus aqua frigida, vel decocto adstringente per spongiam applicato reponitur, retineturque. In curatione uvulae elongatae requiruntur evacuantia, vesicantia, gargarismata ex aceto vel vino rubro aquae mixto frigida. Ultimum remedium est excisio, quatamen rarissime si unquam egitur.



CAP. XXV. DE HERNIIS.

§. 184.

Tumor cuti concolor ex visceribus mollibus illapsis manu reponibilis & in decubitu dorsali sponte ut plurimum recedens, indolens ex relaxatione ruptioneve integumentorum ortus Hernia dicitur. Ex hac definitione excluduntur Herniae spuriae dictae, quae ab humore hydrocelem, a materia carnosa, pinguedinosa, farco-

farcocelen, a femine vasa spermatica, epydidi-
mum obstruente, varicocelen & circocelen sistunt;
de hisce ergo alibi. Bronchocele quoque ex stru-
marum genere est.

§. 185. Pro varietate partis, quam occupat,
varia sortitur nomina Hernia. Sic circa scrobicu-
lum cordis & epigastrium Gastrocele, ad umbili-
cum omphalocele, in aliis locis abdominis per
separationem muscutorum, vulnere vel alia vio-
lencia factum, Laparocele, in suprema foemo-
ris parte Merocele, in inguinis Bubonoccele, in
scroto oscheoccele, vocatur & quidem frequenter
occurrunt. Rariores vero sunt opodeoccele fora-
minis ovalis, ischiocele ad fissuram ossis sacri &
ischii, Colpocele vaginae uteri, Perinaeoccele
perinei, Encephalocele cerebri herniae. Perito-
naeorexis est hernia e Peritonei ruptura.

§. 186. Hernia est simplex vel composita.
Simplex, si unum viscus, composita, si plura simul
viscera saccum intrant herniosum. Possunt enim
intrare intestina tantum & tum enteroccele, vel
omentum solum & epiplooncele, vel demum
utrumque simul & enteroepiplooncele audit.

§. 187. Hernia haud raro est congenita, ut
plurimum vero acquisita, interdumque heredi-
taria. Novi parentes herniosos, qui genuere fi-
lios simili labe impressos. Hernia umbilicalis pue-
ris ob crebros clamores, ejulatus; hydropicis
obesis ac foeminis gravidis familiaris valde. Fa-

cile enim dilatatur annulus tendineus umbilici & muscutorum abdominalium, unde & herniae inguinales fatis frequentes iisdem.

§. 188. Caeterum omnes herniae & in adultis facilè producuntur a ponderum supra vires elevatione, corporis nixu majori, clamore, tussi, sternutatione, vomitu aliaque violentia, lapsu, equitatione, saltu, partu difficili, flatuum accumulatione, incarcerationoneque, instrumentorum pnevmaticorum exercitio, urinae retentione, alimentorum pinguium oleosorum nimis abusu.

§. 189. Merocele in superiore foemoris parte, foeminis proprior est quam viris, iterum hi bubonocelae potius afficiuntur. Cave tamen confundas cum bubone venereo. Hic enim sensim & paulatim infurgit tumor durus, dolens, renitens nec digitis cedens. Immobilis quidem in tusiente, atqui tumor bubonocelae concutitur; subito violentiam praegressam insequitur, mollis est & quidem mollior in epiplocele quam enterocele, quia flatibus vel stercore distentus. Murmur & strepitus percipitur, si repellere volumus & tumor omnis disparet pro tempore saltem; praeterea herniae tumor rotundior est quam Bubo, Bubo magis distat a pudendis quam Bubonocelae.

§. 190. Hernia in pueris non difficile tollitur & sola adhibita vinctura vincitur; in adultis

tis vinctura non tollit, sed levat morbum, ut absque periculo homo omnes actiones sibi proprias facere possit. In oscheocele, si prolapsa reponi aut repelli non possint, multum levantur aegri a ligamento suspensorio apud chirurgos dicto.

§. 191. Morbus fit saepius periculosissimus inflammatorius, cum vomitu, singultu, haud raro gangraena & morte terminandus ab hernia incarcerata, quae manu si possibile reponenda in decubitu-supino, si ischiocelen exceptare velis, quae pronum requirit decubitus ad sui repositionem. Alvus sollicitanda clysteribus ex tabaco, tumor fovendus, si adest inflammatio cataplasmate emolliente, oleosis. Si nulla inflammatio, aquae frigidae applicatione, & si nulla gangraenae suspicio aut nota, celotomia dextra chirurgi instituenda, si nullo alio modo repositio possibilis. Atqui de operatione, perizomate adaptando post felicem operationem, aliisque fasciis, scriptores chirurgi consulendi. Herniosi in diaeta vitent pingua, oleosa, lacticia, utantur vino rubro in potu cum spiritus salis dulcis pauco, e cujus continuo usu hernias sanatas ferunt.



CAP. XXVI. DE AQVIS MINERALIBVS.

§. 192:

Cum in hoc fasciculo saepius mentio injecta sit de aquis mineralibus, utpote quae maximi usus sunt in morbis a debilitate oriundis, operae pretium mihi videtur, specialius de iisdem singulari agere capite, quo modus administrandi harumque usus medico innotescat clinico. Non enim potandae sunt ex usu aut imitatione ingurgitandae lagenulae aquarum quotidie, cum male administratae pro salute morbum afferre valeant. De thermis seu fontibus calidis vero hic non est sermo, cum nostrae non iis gaudeant orae, nec bibi possunt, nisi ad ipsam scaturiginem. Scripsere de hisce quidem HOFFMANNVS, SEIP, SPRINGFELD, BERGERVS, ZVKERT & alii. Neque est quod spectes me de mineralium natura seu partibus constituentibus per analysim chemicam acturum, sed tantum de harum indole & virtute medica, quatenus in potu usurpantur ad morbos nervosos curandos, uti & de diaeta aquas potantibus necessaria.

§. 193. Alma rerum Natura provida de hominum salute liberaliter prorumpere fecit ubique
terra-

terrarum, in Germania praesertim fontes salubres, quorum potu ad miraculum fere plurimi morbi ad omnia medicamenta pharmaceutica prorsus insanabiles curantur. Quot gratias non debemus adorando Soteri ob aquas foterias sic dictas? Dicuntur etiam aquae medicatae ob medicas virtutes in corpore humano, Minerales quoque audiunt vel quia ut mineralia in terrae abditiis reconditae, vel quia sulphureas, vitriolicas & ferreas continere particulas habitae. Specialius vero chalybeatae, martiales vocantur utpote praeter caeteris, ferreis particulis abundantes, demum & acidulae nuncupantur ob acidum, quod in eis latere credebant, perperam equidem, dantur enim magno cum fructu. In morbis ab acido & optimum ineunt connubium cum lacte, HOFFMANNO & experientia teste, quod inde non coagulatur, praeterea effervescent cum vino rhenano aliove acido.

§. 194. Gas autem illud HELMONTIANVM seu spiritus aethereus, quem spirant minerales, neque est acidum, neque ammoniacale, uti quibusdam visum, sed alcalinum cum ne vestigium salis vitriolici in eis lateat, experimenta HOFFMANNO instituyente, sapore tamen ut plurimum gaudent acidulo salino. Minerales vero purgantes, uti Seidlitzenses, amaro praeditae sunt sapore.

§. 195. A scaturigine remotae alibique transportatae multum amittunt saporis & odoris ergo & virtutis.

Dulcius ex ipso fonte bibuntur aquae.

Quo

Quo enim plus aethereo illo tenuissimo elemento perfusae, eo praestantiores & in medendo longe efficacissimae. Atqui non omnibus licet adire Corinthum, ideo & domi & in patria cum fructu aquis conceditur uti, ad ignem quoque excofactae & odorem & saporem amittunt, vixque ab aqua communi differunt, ergo frigidae potius potandae. Possunt tamen in tempestate humida & frigida, temperamentoque debiliori, lagenu-lae medicatis aquis repletae & probe obturatae, ferventi & ebullienti aquae aliquandiu immitti, ne libero aëris accessui patentes principium subtilissimum evaporetur, lac etiam calidum addere licet.

§. 196. Nota bonitatis sunt copiosissimae bullulae ad superiora vitri collectae, atqui quod de communi aqua dixerat HIPPOCRATES certissime valet de medicatis, sc. aquae multum inter se differunt & gustu & pondere & statione & virtute aliae aliis praestant. Sic spiritu illo activo pol- lent Pyromontanae, Egranae, Spadanae, succedunt Selteranae, operantur praecipue per feces- sum & urinas; Pyromontanae & Egranae crebrius alvum movent, Spadanae & Selteranae urinas potius cient.

§. 197. Virtutes generales medicatarum, vis- cida attenuare, acria emendare, impacta resol- vere, obstructions referare, ideo in infarctis visceribus tanti usus. Cave tamen, ne viscera sint scirrhusa exulcerata. Calorem quoque augment, cupiditatem ciborum excitant, pulsum ictus ve- locio-

lociores reddunt & faciem vivido suffundunt colore, inde nocent hecticis, emaciatis phthificis non tantum deploratis.

§. 198. Speciatim vero conducunt in morbis capitis sympathicis, vertiginē puta a stomachi vitio, cephalea, morbis chronicis, melancholia, mania, epilepsia, memoriae lapsu, visus hebetudine, auditus vitiis. In apoplecticis vero & capitis affectibus idiopathicis nocent.

§. 199. Profunt in morbis pectoris, asthmate, tussi chronica & nervosa haemoptoë prius cohibita; cordis palpitatione, phthisi incipiente, feбри hectica haud comite, nocent vero in asthmate convulsivo, hydrothorace, ulcere pulmonum vetusto.

§. 200. Commendantur in affectibus infimi ventris, acido primarum viarum, colicis, ventriculi & appetitus vitiis, diarrhoeis, hepatis lienisque obstructionibus, chlorosi, nimia obesitate, ictero, affectibus renalibus, calculosis, viarumque urinariorum morbis, in quibus spadanae praeteris extollit ab HEER. Menstruum fluxum nimium quovis alio medicamento feliciter sistunt, eosdemque promovent, dum debilitas subinde utriusque pathematis causa: valent & in Leucorrhoea, hysterica passione, sterilitateque non satis tuto vero exhibentur in colicis aliisque affectibus convulsivis.

§. 201. In morbis articulorum, rheumatismo, arthritide, podagra, ischiade nervosa extra paro-

xysmum conducunt, in paralyfi etiam, morbis cutis pruriginosis febribusque intermittentibus refractariis, sub ipsa febre ab iisdem abstinendum, sanguinis enim motum nimis augent.

§. 202. Ad anni tempus quoque spectandum in usu acidularum & praecipue potari possunt a vere usque ad initium autumnii, neque prorsus & hyeme & autumnio interdici debent pro re nata. Tempus diei matutinum optimum duabus vel tribus horis post solis exortum, dum corpus moveri potest leni ambulatione non ad sudorem continuata in aere tepido. Aestivo tempore dum noctes quoque calidae sunt, etiam tunc temporis concedi possunt. Semper vero in coena, unum alterumve poculum conceditur cum vino rhenano ad sitim fallendam.

§. 203. Praecedenda vero sunt ante usum medicatarum venae sectio, in plethoricis, deini purgans salinum ut primae viae a fordibus depurentur. Sic quoque via conceditur liberior aquae ingressurae; quin & emetico opus aliquando, ubi nausea, pressiones circa praecordia, sapor amarus & fastidium.

§. 204. Quantitatem aquae potandae quod attinet, primis diebus ad libram unam, sensimque ascendendo ut paucorum dierum numero ad libras quatuor potentur; quae diversis poculis, haustibusve duarum horarum spatio hauriendae; iisdem insistendum in tertiam septimanam, iterumque

rumque paulatim per tot septimanas descendendo ad priorem quantitatem & mensuram.

§. 205. Sub usu aquarum ut plurimum alvus solvitur quotidie, quod si obstipetur uno alterove die, sal catharticum ad unciam dimidiam, vel rhei optimi parvum cochlear ad primum aquae hauftum exhibendum. Quod si diarrhoea suboritur, hauftu aquae cinamomi cum liquore anodino minerali, vel & aliquot guttulis laudani liquidi sistenda venit. Vomitus incidens sub usu aquarum non multum mali affert, ructus & hypochondriorum inflatio stomachicis, tonicis, carminativis discutiendi. Mensibus erumpentibus, ab usu aquarum desistendum, primis saltem diebus.

§. 206. Diaeta nequaquam negligenda aquarum potatoribus, circa meridiem autem frugaliter prandeant, vespere ad coenam mature properent modicam. Nocent in victu tenacia, sicca, infumata, salita, pingua nimis, carnes animalium seniorum, porcina, anserina, anatina, pisces molliores, sicci duriores, indeque anguillae, carpiones, cyprini lati, haleces quocunque modo paratae, fructuum abusus, melones, cucumeres, brassicae virides, pisa vetustiora, fabae, lentes, lacticia, farinacea, pultacea, caseus, ova duriora, acetaria, aromatica.

§. 207. Profunt eupepta, carnes juniores, bovina, vitulina, agnina, gallinacea, columbae, aviculae minores, pisces teneriores, luscus, perca, jura carniū cum oleribus, radicibus petroseli,

lini, apii incoctis: decocta avenacea, hordeacea, poma & pruna cocta, spinachia, asparagus, fafeoli, pisa juniora viridia, panis biscoctus in prandio, potetur vinum rhenanum, potus caffèe aut theae cum lacte haud denegandus in jentaculo.

§. 208. Aquae amarae, purgantes Seidllicenses scilicet optime assumuntur vere & autumnosive prophylactice sive curative purgandi scopo in omnibus affectibus, quibus valent caeterae medicatae, per tres aut quatuor dies insequentes diluculo ad aliquot uncias debitis intervallis, interpositisque theae haustibus aliquot. Potestque repeti harum usus ad tertiam, quartamve vicem eodem modo, abstinendo aliquot dies intermedios, quae omnia sive ad delectum, sive ad methodum utendi aquis spectent, ad nutum prudentissimi exercitatissimi medici dirigenda.



FORMVLAE MEDICINALES.

No. 1.

- ℞. *Fol. S. S. st.* drachm. VI.
Coq. in aq. font. ad unc. IV.
Col. add.
Tartar. emetic. gr. II.
Sal. cathartic. angl. unc. semis.
Oxymell. scill. unc. I.
M. d. S. omni hora cochl. majus.

No. 2.

- ℞. *Confect. Hamech.* drachm. VI.
Fol. tabac. drachm. II.
Coq. in aq. fontan. ad unc. VIII.
Col. add.
Sal. gemm. drachm. III.
Sapon. nigr. unc. semis,
F. clyσμα acre.

No. 3.

- ℞. *Rad. bellebor. alb.* scrup. I.
pyrethr. gr. X.
Fol. mayoran. scrup. I.
tabac. drachm. I.

94 FORMULAE MEDICINALES.

Piper. nigr.

Castor. ana gr. V.

M. f. pulv. Sternutatorius in Apoplexia serosa.

No. 4.

℞. *Aff. foetid. drachm. II.*

Gumm. ammon. dep.

Sagapen. ana drachm. I.

Extract. aloës gummos. drachm. II.

Ol. Sabin. q. s. f. L. A. pil. gr. III.

Singulae quarum cap. IV. ter de die.

No. 5.

℞. *Unguent. nervin. unc. II.*

Sp. Lavand. compos. drachm. III.

Sal. ammon. drachm. II.

Ol. cajaput. gt. X.

M. f. linimentum pro partibus paralyticis inungendis.

No. 6.

℞. *Rad. Lingib.*

Galang.

Pyrethr. ana unc. semis.

Semin. Sinap. drachm. II.

Coq. in aq. fontan. q. s. cum tert. part. vin.

Col. add.

Sal volatil. oleos. gr. XV.

M. f. gargarisma.

No.

FORMULAE MEDICINALES. 95

No. 7.

℞. *Rasur. Lign. Quass.* drachm. II.

Fol. S. S. fl. unc. semis.

Coq. in *aq. fontan.* ad unc. VI.

Col. add.

Syr. s. rad. unc. I.

Sal. Seidllicensf. unc. semis.

M. omni bihorio cochlear majus.

No. 8.

℞. *Milleped. pp.* gr. X.

Extract. hyoscyami alb. gr. dimid.

Mercur. d. gr. I.

Sacchar. albiss. scrup. semis.

M. f. pulv. ter de die capiendus.

No. 9.

℞. *Essent. Lign. Quass.* drachm. VI.

Elix. visceral. Hoffm. drach. II.

M. cap. quater de die gt. 60. in vehiculo aquoso.

No. 10.

℞. *Essent. absynth. comp.* drach. VI.

Elix. Vitriol. Mynsf. drachm. II.

Eodem modo ac praecedens.

No. 11.

℞. *Tinct. Mart. Lud.* unc. I.

Ol. Tart. p. d. drachm. I.

M. uti praecedentia.

No.

96 FORMULAE MEDICINALES.

No. 12.

R. *Lunat. Mart. recent.* gr. III.

Eleosfach. cinam. scrup. I.

M. f. pulv. bis de die sumendus.

No. 13.

R. *Rad. Tormentill.* unc. semis.

Cort. granator. drachm. I.

Fol. plantag. Pug. II.

Coq. in *aq. fontan.* libr. I. & semis ad remanent.
libr. I.

Colat, dein add.

Alumin. rup. scrup. I.

M. pro injectione aut fomento spongia adhi-
bendo.



